

აგნია კუჩნუცოვა



ღრი
მთხრობა



ცნობილი რუსი მწერალი ქალის, აგნია კუზნეცოვას ნაწარმოებებიდან ქართულ ენაზე გამოსაცემად შეეარჩიეთ ორი სხვადასხვა ხასიათის მოთხრობა:

„შენი სახლი“ — ამ მოთხრობის სახელწოდება მხოლოდ დედ-მამისეულ სახლს ან სკოლას როდი მოგვაგონებს, იგი მოგვაგონებს იმ დიდ სახლსაც, რომელსაც სამშობლო ჰქვია. მოთხრობის გმირები არიან მეცხრეკლასელი მოზარდები, აგრეთვე მათი მასწავლებლები, რომლებიც ცდილობენ, თავიანთ აღსაზრდელებში გააღვიძონ ინდივიდუალურობა და დამოუკიდებლობა. მოთხრობაში აღძრული საკითხები აქტუალურია დღესაც.

„ბედის გრიგალთა ქროლა“... — ამ მოთხრობის სათაურად შემთხვევით არ არის გამოტანილი დიდი რუსი მწერლის, ა. ს. პუშკინის ლექსის სტრიქონი. მოთხრობის თემაა პუშკინის ეპოქა, ხოლო პერსონაჟებს შორის გვხვდებიან დიდი პოეტის ახლობლებიც. მოთხრობის მთავარი გმირია მწერლის, ა. კუზნეცოვას, შორეული წინაპარი, ყოფილი ყმა-გლეხი პეტრე კუზნეცოვი, რომელიც ყმობის მძიმე წლებშიც კაცურ კაცად დარჩა, არც სინდისისათვის უღალატნია და არც პირადი ღირსებისათვის.

დოკუმენტური მასალები, რაზედაც აგებულია ეს მოთხრობა, უფრო საინტერესოს ხდის მას მკითხველისათვის.

პირველი გამოცემა

თარგმნა ნათელა ლორთქიფანიძემ

© „ნაკადული“, 1988

70803—84

K _____ 45 — 88

M-603 (08)-88

ISBN 5—525—00025—3



ქ. 360

სახ. 0



ქალაქში ყველაზე ძველი წაწვეტებულკოშკებიანი წითელი სახლი იდგა, რომლის ვიწრო ფანჯრები სვერდლოვის ქუჩაზე გამოდიოდა. სიძველე ამ სახლს გოთური არქიტექტურითაც ეტყობოდა და იმითაც, რომ ძველთაძველი, ბევრის მომსწრე და ახლა უკვე ჩამხმარი ბალი ეკრა, ერთ დროს რომ ამ შენობის ჩრდილო მხარეს სქელ კედლად ეფარებოდა.

აქაურებმა იცოდნენ, რომ ოდესღაც ამ სახლში ცხოვრობდა გადამდგარი გენერალი — ასი წლის გამოყრუებული ბერიკაცი, 120 სხვადასხვა ჯიშის მწვევარ-მეძებრის პატრონი; ახლა კი მის ყოფილ საძაღლეში გარაჟი გაემართათ, ხოლო ძველ სახლს, რომელიც შიგნიდან ხელახლა გადაეკეთებინათ და შეეკეთებინათ, ფერად-ფერადი ნათურებით მხიარულად გაბრწყინებული წარწერა ჰქონდა: „პ ი ო ნ ე რ თ ა ს ა ს ა ხ ლ ე“.

ოდესღაც წყნარ ქუჩას ახლა მოუსვენრობა შეჰყროდა. ეს იყო მხოლოდ, ძველებურად ზაფხულობით თხრილებს ბალახი და ბაბუაწვერა ედებოდა ხოლმე, ხოლო ზამთრობით — თოვლი ედო. სიცილი, ლაპარაკი, სიმღერა გვიან საღამოს თუ მიწყდებოდა, როცა ძველ სახლში სინათლე ჩაქრებოდა და ჩაუანგებული ფირფიტა-ნა შტორები ფანჯარაზე ღრჭიალით ჩამოეშვებოდა.

ახლა, ზამთრის ამ ყინვიან ღამეს, ძველი სახლი ჩვეულებრივზე უფრო გვიანობამდე იყო სინათლით გაჩახახახებული, ხოლო მისი

ფანჯრები მხატვარ ყინვას უცნაური ნაყუმებით შოეხატა. ფანჯრებში გამვლელ-გამომვლელი იტყვიებოდა და კარგა ხანს შეჰხაროდა მორთულ, ტანწერწეტა ნაძვის ხეს.

ყინვა მძლავრობს. საახალწლო ზეცა შორეული ვარსკვლავების შუქით ბზინავს. მთვარე დიდად დაცურავს ცაზე და ისეთი კაშკაშა შარავანდედი ადგას, რომ ძნელი მისახვედრი არ არის, სიცივე ორმოცდაათ გრადუსზე მეტიც იქნება.

მაგრამ, აბა, რას დავმდგარვართ ფანჯარასთან და აქედან შევხარით ახალწლის ყინვიან ღამეს? მოდიოთ, ავყვეთ ასფალტის კიბეს; დიდებულ ვესტიბიულში, დიდ სარკესთან საყელოებიდან ჩამოვიბერტყოთ ყინვის ვერცხლისფერი მტვერი, გავიხადოთ პალტოები და დარბაზში შევიდეთ...

პირველი თავი

ბომ!.. — ჩახრინწული ბანით მიესალმა ახალ, 1947 წელს ძველებური საათი. მისი ხმა ორკესტრმა ჩააზმო. პიონერთა ანსამბლმა საბჭოთა კავშირის ჰიმნი შეასრულა. ხმაშეწყობილმა სიმღერამ აავსო დარბაზი, ფანჯრიდან ქუჩაში გადაიჭრა და მხიარულად, უშფოთველად გაქროლდა ვარსკვლავებისაკენ ამ ყინვიან ღამეში.

ჰიმნი იგაისმა თუ არა, ბევრ ბავშვს გაექცა მისალმებას მიჩვეული ხელი მაღლა, მაგრამ იმწამსვე დაბლა დაუცვივდათ. შეცბუნებულმა გოგო-ბიჭებმა ჩაიციინეს და მაღლულად მიმოიხედეს ირგვლივ: ხომ არავინ მოჰკრა თვალი ჩვენს შეცდომასო? სალუტი... წითელი ყელსახვევი — ეს ხომ უკვე წარსულს ჩაბარდა. ახლა პერანგებსა და კოფთებზე ლენინური კომკავშირის სადა ნიშნები უბრწყინავთ. ეს კი სიამაყით გავსებს, თუმცა, ცოტაოდენი ნალველიც ურევია შიგ.

სცენაზე ახალგაზრდა ქალი გამოდის. იგი მასწავლებელია, აგრიპინა ფიოდოროვნა ფადეევა. მსუბუქი ნაბიჯებით, ღიმილით მივიდა რამპასთან და აგუგუნებული დარბაზი რომ დაემშვიდებინა, ხელი მაღლა ასწია, მერე ნაცრისფერი, ყურადღებიანი თვალებით დააკვირდა ბავშვებს და სიჩუმემ რომ დაისადგურა, მაშინდა ჩამოუშვა ხელი.

— გილოცავთ ახალ წელს, ჩემო მეგობრებო!

— თქვენც გილოცავთ, აგრიპინა ფიოდოროვნა! — ხმამალა შესძახა ცისფერკაბიანმა ქალიშვილმა, სცენასთან რომ იდგა. მისი სიტყვები მთელმა დარბაზმა გაიგონა.

აგრიპინა ფიოდოროვნამ თავი დაუქნია ქალიშვილს და კვლავ ხელი ასწია. დარბაზში სიჩუმე ჩამოვარდა.

— ჩემო მეგობრებო! — თქვა აგრიპინა ფიოდოროვნამ. — ძველ-თაძველი ჩვეულების თანახმად საახალწლოდ სურვილების დაწერა ან გამოთქმა იციან ხოლმე. არ მინდა ვუღალატო ამ ჩვეულებას. გთხოვთ, მიიღოთ ჩემი კეთილი სურვილები.

მშობლიური ქვეყანა, კომკავშირი, სკოლა — აი თქვენი სახლი. მთელი სიღრმით, მთელი ჭეშმარიტებით შეიგრძენით კოლექტივის ძალა, კეთილშობილური ამოცანა — სიყმაწვილიდანვე ემსახურო საზოგადოებას. მაშინ მთლიანად გაერკვევით გორკის სიტყვების დიდებულ აზრში: „ადამიანი — ეს სიტყვა ამაყად უღერს“, და, ცხოვრებაში რომ შეაბიჯებთ, სწორედ გორკისეული სულიერი წყობის ადამიანები დადგებით.

ფიზიკად მოეპყარით საკუთარ თავს, ბევრი იფიქრეთ თქვენს საქციელზე, გამოიმუშავეთ თქვენში პატრიოტიზმის, პატიოსნების, შრომისმოყვარეობის, ადამიანის პატივისცემის მაღალი, კეთილშობილური თვისებები.

მე არ მინდა, რომ თქვენ შორის ქარაფშუტა ყმაწვილი ქალები და ჭაბუკები გამოერიოს, ვინც მხოლოდ ყოფითი წვრილმანებით ცხოვრობს: დღეს რომ ბაღში გაისეირნებს, ხვალ ახალ კაბას ჩაიცვამს, ეს არის და ეს.

გისურვებთ წარმატებით სწავლას, მარტო იმისათვის კი არა, რომ კარგი ნიშნებით თავი მოიწონოთ. კარგად ისწავლეთ, რომ ცოდნა შეიძინოთ, რათა მომავალში დიდი სარგებლობა მოუტანოთ თქვენს ირგვლივ მყოფთ. მონახეთ საყვარელი საქმე და მთელი თქვენი ახალგაზრდული სულიერი აღტყინებით ჩაუჭექით მას. დაე, ეს იყოს წიგნები, რადიო, საზოგადოებრივი სამუშაო, მებოსტნეობა, ტურიზმი. ამ საქმეში იპოვეთ სიხარული არა მხოლოდ პირადი ინტერესებისათვის, არამედ თუნდაც ჭერჭერობით მხოლოდ იმ სარგებლობისათვის, რასაც თქვენს ახალგაზრდა კოლექტივს მოუტანთ.

მე მინდა, რომ თქვენ ნამდვილად ჩვენი დროის ადამიანები იყოთ, ადამიანები, ვინც წინა თაობის ყოველივე საუკეთესო შესისხლხორცა, რომ ჩვენ, პედაგოგებმა სიამაყით ვთქვათ: „ესენი ჩვენი მოწაფეები არიან!“ რათა ცომუნისტებმა ამაყად თქვან: „ესენი ჩვენი კომკავშირელები არიან!“ და რომ ჩვენს სამშობლოს სიამაყით შეეძლოს თქვენზე განაცხადოს: „აი ესენი, ჩემი სახელოვანი ჭაბუკები და ქალიშვილები არიან!“

— რა სისულელეა! — ჩუმად წამოიძახა სტასია ნოჩკამ და მეგობარ გოგონასკენ დაიხარა. — ჩვენს საქციელზე ბევრი ვიფიქროთ მაშინ, როცა ორმოცი წლისანი გავხდებით, ჭერჭერობით კი ბალებში ვისეირნოთ და ლამაზი კაბებით მოვიწონოთ თავი. რა არის ამაში ცუდი? ხომ ხედავ, თავად რა კაბა აცვია...

სტასიამ შურით შეავლო თვალი აგრიბინა ფიოდოროვნას სოსანისფერ კაბას, მხართან რომ შავი ხავერდის ვარდი ებნია.

— საერთოდ, ეგ მუდამ გამოპრანჭული დადის ხოლმე, — განაგრძობდა სტასია თავის მეგობარ ვერა სვერჩკოვასთან ლაპარაკს — თექვსმეტი წლისა ალბათ თვითონაც არ იყო ასეთი, ახლა კი ადვილია სხვისი გაკიღვა...

ვერას თავი დაეხარა, დაბნეული სტასიასაც უსმენდა, აგრიბინა ფიოდოროვნასაც და თან რაღაც თავის საფიქრალსაც ფიქრობდა.

ვიღაც უცნობი გოგონა, მუხლებამდე რომ სცემდა ნაწნავეები, სტასიასკენ მიბრუნდა, შავი ხავერდოვანი თვალებით კარგად ახედდა და ჩაიჩურჩულა:

— ოჰ, არა ხართ მართალი! ძალიან კარგად თქვა, — ხმაზე დაეტყო, რომ დელავდა.

სტასიამ იამომწვევი შხერით უპასუხა და მხრები აიჩეჩა — აქაოდა, ნეტა რას ეჩხირები, არც მიფიქრია შენთან საუბარიო. ვერა კი კვლავინდებურად დაბნეული იყო და ყურადღება არ შიუქცევია არც შეავთვალა, ლამაზი გოგოსათვის და არც მისი სიტყვებისათვის. უცნობი გოგო კი აგრიბინა ფიოდოროვნას შესცქეროდა და დაძაბული უსმენდა თვითეულ მის სიტყვას, მაგრამ მალევე მოტრიალდა სტასიასკენ და ცნობისმოყვარეობით, შურის ნატამალიც რომ არ დასტყობია, ისე დაუთვალა იერა ახალი, ვარდისფერი კაბა, თეთრი ფეხსაცმელი, უკანასკნელ მოღაზე მალლა ავარცხნილი თმა, სანდომიანი, ნაზი პირისახე და ნათელი ნაცრისფერი თვალები.

ორკესტრმა „ქალბატონი“ დააგრილა და ყველა აფუსფუსდა. გოგო-ბიჭებმა ხელები ჩაჰკიდეს ერთურთს და ნაძვის ხეს შემოუარეს: ჯერ მარჯვნივ დაარტყეს პატარა წრე, მერე მარცხნიდან — დიდი წრე და მერე ბუქნით ისევ პატარა წრე.

— იგაჩერდით! — დაიყვირა ერთ-ერთმა მოთამაშემ.

წრეში სახეატკრეცილი სტასია გამოვიდა. ხელში თეთრი, მაქმანიანი ცხვირსახოცი ეჭირა. მუსიკის ხმაზე მხარი აატოკა, თან იღიმებოდა და თან ჯავრი მოსდიოდა საკუთარ სიმორცხვეზე, მერე ფართოდ და თავისუფლად გაშალა ხელები და ცოტათი გვერდულად, ნარნარად დაუარა წრეს ქუსლების პაკაპუკით. ისეთი კარგი იყო ამ დროს, ისე გატაცებით ცეკვავდა, უნებლიეთ ყველამ თვალი მას მიაპყრო. მის მეწყვილეს, ქოჩორა ჭაბუკს, წრეში შესვლისთანავე სახე წამოენთო და გამოყეყეჩებულებით გაუხდა. მას კეთილსინდისიერად გამოჰყავდა ფეხებით მარჯვე ფანდები, ხელები კი ისე ჩამოჰკიდებოდა, თითქოს მუყაოსი ჰქონოდა. მუსიკა მოულოდნელად შეწყდა და სტასიაც შეჩერდა. ალექსილ სახეს ცხვირსახოცით იგრილებდა, მერე, თითქოს რაღაც გაახსენდა და იმ აზრს გაუღიმაო, დარბაზიდან იგვარდა. კარში ვიღაც. მაღალ, სამხედრო-ფორმიან ჭაბუკს შეეჩახა, ყმაწვილი დაამტერდა გოგოს. სტასიამ სერიოზული სახე მიიღო, ფეხი შეანელა და მის გვერდით შეჩერდა, მაგრამ ჭაბუკმა ფულგრილად იბრუნა პირი. სტასია კიბეზე ავიდა, ფრქველი ყორიდორი გაიარა და ლიტერატურის კაბინეტში შევიდა, იქ შეკრებილი ლიტერატურული წრის წევრებისათვის ყურადღებ: არ მიუქცევია, ფანჯარასთან, ტყავის სავარძელში მოიკალათა და სახეზე დაჰმუჭვნილი ცხვირსახოცი მიიფარა.

ოდესღაც ლიტერატურის კაბინეტში იგენერალ კერნის საწოლიოთახი იყო. დიდრონი, მაგრამ ვიწრო, ოვალური ფანჯრები ჩრდილოეთითაც გადიოდა და სამხრეთითაც. ოთახის შუაგულში დიდი, მრგვალი მაგიდა იდგა. ბაცი შოკოლადისფერი ლინკურუსტებით მოპირკეთებულ კედლებზე მასიურ ჩარჩოებში ჩასმული კლასიკოსთა პორტრეტები ეკიდა: ტოლსტოისა, ლერმონტოვისა, დოსტოევსკისა, პუშკინისა, ტურგენევისა, კრილოვისა და გორკისა. კედლების გასწვრივ წიგნის კარადები იდგა. კაბინეტში სიხალვათე, ის კი არა და, სიცარიელეც იგრძნობოდა.

სტასიამ დაინახა, რომ მაგიდას რამდენიმე ადამიანი უჯდა. მაგ-

რამ ვინ იყვნენ ვერ იგარჩია. შაგიდის ლამპა ცისფერი, ჩამოშვებული აბაჟურით იყო დაბინდული და ბეუტავდა. ნატაშა ვერშინინამ, ვერა სვერჩკოვამ და აგრიპინა ფიოდოროვნამ დაინახეს სტასია, მაგრამ არაფერი უთქვამთ.

მხოლოდ ვერა სვერჩკოვამ ჰკითხა ვილაცას:

— ტირის?

სტასიამ გადაიძრო ცხვირსახოცი და ყველამ დაინახა, რომ გოგონა ტიროდა კი არა, იცინოდა.

ამ დროს კარმა გაიჭახუნა და კაბინეტში აქოშინებული ბორია ჩერნილინი შემოვარდა.

პატარა ტანის ბიჭი იყო, გამხდარი და ვიწრო მხრებიანი. თოთხმეტი წლისას ჰგავდა, ნამდვილად კი მეჩვიდმეტე წელში იყო.

— აი, თურმე სად ყოფილან! — გაოცებით გაშალა ხელები ჩერნილინმა, თუმცა, აქეთ რომ გამორბოდა, დარწმუნებული იყო, რომ სწორედ აქ იპოვიდა ვერასაც, აგრიპინა ფიოდოროვნასაც და სტასიასაც.

— ათი ნომერი ვისა აქვს? ან ორმოცდაექვსი ნომერი? — დაიძახა ბორიამ.

— მე მაქვს! — წამოიძახა აღელვებულმა სტასიამ, წამოხტა და შეეცადა ჩერნილინისათვის ხელიდან გამოეგლიჯა წერილი.

— დაიცა! — უთხრა ბორიამ სიცილით, ფეხის წვერებზე აიწია და ქაღალდიანი ხელი მალა, თავს ზემოთ აიქნია, რადგან სტასია მასზე მაღალი იყო და შეეძლო წერილის ხელიდან გამოგლეჯა. — დაიცა, — ეუბნებოდა იგი, თან სტასიას მკერდზე ქინძისთავით მიბნეულ მუყაოს ნომერს მისჩერებოდა ნაცრისფერი თვალებით, მუდამ ნამძინარევს რომ მიუგავდა. — აჰა, ახლა გამომართვი, — ბიჭმა წერილი გადასცა სტასიას.

სტასიამ გამოსტაცა და მუჭში ჩაბლუჯა.

— ხმამალა წაიკითხე, — უთხრა ჩერნილინმა, — და დამაფასე, იმიტომ, რომ იმ უკაცრიელ ჩაბნელებულ ციბებზე ცენზურაში არ გაგატარე.

— ოჰ, რა ეშმაკი ვინმე ხარ! — უნდობლად ჩაიცინა სტასიამ და წერილი ჩაჭმუჭნა.

— ეს კი თქვენ იგეჟუთვით, — მოკრძალებით მიაწოდა წერილი

ჩერნილინმა. — ხედავთ, ამას ნომერი არა აქვს! უბრალოდ აწერია „აგრიპინა ფიოდოროვნა ფადეევასო“. ეს მეხუთე წერილია უკვე.

— შეიძლება გავიგოთ, რას იწერებიან? — იკითხა ვერამ.

ფადეევამ თვალი გადაავლო წერილს და მხოლოდ შემდეგ წაიკითხა ხმამაღლა:

— პატივცემულო აგრიპინა ფიოდოროვნა! თქვენ ძალიან კარგად გამოთქვით თქვენი სურვილები. სწორედ ეს უნდა მოგვთხოვოთ. ეს უნდა გვასწავლოთ. საერთოდ დიდები მუდამ ერთისა და იმავეს რჩევით გვაბეზრებენ ხოლმე თავს: კარგად უნდა ისწავლოთ. ეს აზრი სწორედ რომ მომამბეზრებელი ჭკუის სწავლების გარეშე გამომდინარეობს თქვენი სურვილებიდან. თუ ჩვენ პატრიოტები, პატიოსნები და შრომისმოყვარენი ვიქნებით, შევძველად წარმატებით შევასრულებთ ჩვენს მოვალეობას სანშობლოს, ოჯახისა და საკუთარი თავის წინაშე — ვისწავლოთ ისე, როგორც ამას შევძლებთ ჩვენი ნიჭით.

მე და ჩემი ამხანაგების ჯგუფი ვმუშაობთ ბავშვთა ცენტრალური ბიბლიოთეკის ლიტერატურულ წრეში. ძალიან გვინდა შევხვდეთ თქვენს წრეს.

№ 16

აგრიპინა ფიოდოროვნამ ფანქარი და ბლოკნოტი ამოიღო და დაწერა:

№ 16. ვთხოვთ ახლავე ამოხვიდეთ ლიტერატურის კაბინეტში.
ა. ფადეევა.

აგრიპინა ფიოდოროვნამ წერილი ბლოკნოტიდან ამოხია და ჩერნილინს გადასცა.

— აი მე კი მართლა არაფერი არ მიტაცებს, — თითქოს გაწყვეტილ საუბარს განაგრძობსო, ჩაფიქრებით თქვა ნატაშა ვერშინინამ. — ისიც კი არ ვიცი, რა სპეციალობას ავირჩევ. როცა იმათზე ლაპარაკობდით, ვინც არ იცის, როგორ იცხოვროს, ასე მეგონა, მე მგულისხმობდით.

აგრიპინა ფიოდოროვნა ყურადღებით მისჩერებოდა გოგონას.

— აბა მითხარით, რა ჩემი ბრალია ეს? — განაგრძობდა ნატაშა. — დიდი სიამოვნებით ავყვებოდრი რაიმე იატაკებს, მაგრამ რალაცნაირი, ძალზე მშვიდი ხასიათი მაქვს, ეტყობა, ასეც აღმზარდეს, ბაღლობიდანვე არავის შევეუწღრევე-გამოვუფხიზლებივარ...

— შეიძლება მასეც არის, — დაეთანხმა აგრიპინა ფიოდოროვნა. — მხოლოდ მე ასე მგონია, ნატაშა, რომ საქმისადმი ენერგიისა და სიყვარულის გავლივება შეიძლება, თუ სერიოზულად მოეკიდები მას... იქნებ შენ არც დაკვირვებიხარ საკუთარ თავს? რომელ საგანს სწავლობ ყველაზე უკეთ?

— ყველა საგანს სამიანებზე ვსწავლობ, — ნაღვლიანად ჩაიქნია ხელი ნატაშამ. — არც ერთი საგანი არ მიყვარს და, თუ პატიოსნურად გამოგიტყდებით, სკოლა ჩემთვის ნამდვილი სასჯელია...

— მაინც ხომ გიყვარს რამე? — ჰკითხა აგრიპინა ფიოდოროვნამ.

ნატაშას სახე აელეწა:

— მიყვარს წიჩბის მოსმა. ისე საამოა ხოლმე ტბაზე ნავით სეირნობა! ცურვაც მიყვარს. ზაფხულში ტყეში ყოფნაც კარგია! გავითევათ დამე ტყეში? საოცარი სიჩუმეა ხოლმე იქ, თითქოს ხელშესახები სიჩუმე. ახლა თევზაობა თქვით...

აგრიპინა ფიოდოროვნამ მხამალლა და მხიარულად გაიცინა. ნატაშა კიდევ უფრო აიღეწა და იგაჩუმდა.

— არა, შენ ვერ გამიგე. მე იმიტომ მეცინება, რომ საკუთარ თავს ცილი დასწამე, საყვარელი საქმიანობა კი შენც იქონია. — აგრიპინა ფიოდოროვნამ ნატაშას ხელი მოჰკიდა, ახლოს მიიზიდა, ეშმაკურად ჩახედა თვალებში და უთხრა: — დარწმუნებული ვარ, რომ კარგ სპეციალობასაც აირჩევ. სავალდებულო ხომ არ არის, ყველა მეცნიერი გამოვიდეს...

სტასიამ ისარგებლა იმით, რომ აგრიპინა ფიოდოროვნა, ნატაშა და ვეტა საუბარში იგაერთვნენ და მას ყურადღებას არ აქცევდნენ. გაშალა ხელი, ხელისგულზე გაასწორა დაქმუპვნისი ქაღალდი და წაიკითხა:

შენს გულისნადებს ამჟამად პასუხს ვერ ვაძეგემ. თუმცა მერმისთვისაც არა მაქვს მაგისი პასუხი. ისა სჯობს, რომ შენი ყურადღება სხვას დაუთმო და მეგობრობაც იმას შესთავაზო. № 73.

კარი იგილო და ოთახში ჯერ შემოიხედა, ხოლო შემდეგ შემოვიდა ის გრძელნაწნავიანი გოგონა, სტასიას რომ გამოელაპარაკა დარბაზში.

— თქვენ მთხოვეთ, რომ მოვსულიყავი, — წყნარად თქვა მან. ყველამ იაოცებით შეხედა. ამ გოგოს არ ეტყობოდა მოწაფური სიმორცხვე, აგრიპინა ფიოდოროვნას ისე თამამად მიმართა, როგორც უფროსი გამოელაპარაკება უფროსს.

გოგონას უკან ჩერნილინი შემოჰყვა ყვირილით.

— № 10 ერთი, № 10 ორი, № 10 სამი, ოთხი, ხუთი, ექვსი. — მან წერილების დასტა გადასცა სტასიას. — № 46 ერთი, ორი, სამი, ოთხი, ხუთი, სულ 16.

გოგონების სიცილში ჩერნილინის სიტყვები აღარ ისმოდა.

აგრიპინა ფიოდოროვნამ წერილები გვერდზე გადააწყო და ჩვეულებისამებრ, ლაპარაკში თან უცნობ გოგონას ათვალიერებდა. არ გამოპარვია, რომ გოგონას ცუდად ეცვა: ფეხზე — უხეში ფეხსაცმელები და იაფფასიანი წინდები, ტანზე — ძალიან უბრალოდ შეკერილი რუხი ფერის კაბა. მაგრამ ტანსაცმელი სულაც არ უფუჭებდა გარეგნობას. მაღალი, ტანადი გოგო იყო. ქუჩაში ასი შემახვედრისაგანაც გამოარჩევიდნ მარტო ქერა თმის, თეთრი პირისკანისა და შავი თვალების გამო კი არა, ჭკვიანური, ნებისყოფიანი, მბრძანებლური იერიითაც.

სტასიამ ისევ იგრძნო, რომ არ ეამებოდა ამ გოგოს დანახვა და ჩუმად, ისე რომ იქ მყოფთა ყურადღება არ მიეპყრო, გავიდა ოთახიდან; ქვემოთ ჩავიდა და ჩერნილინს საპასუხო წერილი გადასცა, თანხმდებოდა, შინ წასულიყო მეოთხე, ოცდამეცხრე. ოცდამეთვრამეტე, ორმოცდამეერთე და მეშვიდე ნომერთან ერთად.

დარბაზში ისევ ორკესტრი იღუგუნებდა. სტასიამ საგანგებოდ მშვიდად ჩაუარა გვერდით სამხედროფორმიან ახალგაზრდას დარბაზის კარში რომ იდგა, და მკერდზე № 73 ეკეთა, მერე თაოსანთა წრის აყლაცუდა მამასახლისს ჩაავლო ხელი, შუაგულ დარბაზში გაიყოლია და მასთან ერთად ჩამოუარა ვალსი.

საახალწლო მეჯლისი მთავრდებოდა, ნაძვის ხეზე სანთლები ჩაქრა, მიწყდა სიცილი, მუსიკოსებმა პიუპიტრები აალაგეს და ნოტებს ახვევდნენ. მრგვალი საათის ისრები ნახევრადბნელ დარბაზში აჩვენებდნენ, რომ ორს თხუთმეტი წუთი აკლდა. ხმამაღლა ლაპა-

რაკმა ახლა მთელ ვესტიბიულში, კიბეზე და მახლობელ ქუჩაზე გადაინაცვლა.

ბიჭები, რომლებიც 4, 29, 38, 41 და 7 ნომრით თამაშობდნენ ფოსტობანას, სტასიას მიაცილებდნენ. სადარბაზოსთან, მისასალმებლად ხელაწეული პიონერი გოგონასა და პიონერი ბიჭუნას თეთრი სკულპტურებით რომ იყო შემკობილი, შეჯგუფული მოწაფეები ელოდებოდნენ აგრიპინა ფიოდოროვნას. მალე ისიც გამოვიდა — ციყვის ქურქი ეცვა და ბუმბულის თავშალი მოეხვია. ბავშვებმა მაშინვე ჩაჰკიდეს ხელები, ირგვლივ შემოეხვივნენ და თითქმის მის სახლამდე არ შემწყდარა საუბარი ადამიანის მალალ დანიშნულებასა და მის ბრწყინვალე მომავალზე...

მეორე თავი

ლიტერატურული წრის მამასახლისმა ჩერნილინმა სალამოს შეიდ საათზე ივალო ლიტერატურის კაბინეტი და გამგებლის თვალი მოავლო ირგვლივ, ყველაფერი წესრიგშია თუ არაო. საკუთარი პასუხისმგებლობით ჩააბარა გასაღები ვერა სვერჩკოვას და რადიოკაბინეტისაკენ გაემართა, ვერას კი დაუბარა, როგორც კი ზარი დაირეკება, დამიძახეო.

— შენ რა, ყურები ოქროებით გაქვს დაცული, თუ რა? — უთხრა ვერამ. — ზარი ყველა კაბინეტში ისმის.

— საქმეს რომ ვაკეთებ, აღარაფერი მესმის. ასეთი ბუნებისა ვარ, ტემპერამენტიანი გატაცება ვიცი...—პამპულაობდა ჩერნილინი.

ჩერნილინი ყველას უყვარდა და რაიმეზე უარს ვერავინ ეტყოდა. ვერამ პატიოსანი პიონერული სიტყვა მისცა, როგორც კი იგავიგონებ ზარის ხმას, დაგიძახებო და მუდამ აგზნებული და აბურძგნული ჩერნილინიც წამსვე გაიქცა.

მოვიდა სამხედროფორმიანი ჰაბუკიც — გენადი საფრონოვი, რომელსაც ამხანაგები მეტსახელად სფინქსს ეძახდნენ. ეს სახელი ჯერ კიდევ სკოლაში მიაკერეს იმიტომ, რომ საფრონოვი ძალზე უმეგობრო, უკარება ბიჭი იყო, მისი ვერც მასწავლებლებს გაეგოთ რა და ვერც ამხანაგებს. იქნებ ეს იმიტომ აიხსნებოდა, რომ ბიჭს არ ჰქონდა ჩვეულებრივი საცხოვრებელი პირობები. ექვსი

წლისამ მშობლები დაკარგა და მისი აღზრდა იკისრა მეზობელმა ცოლ-ქმარმა. ორი წლის შემდეგ ქალი, ვინც გენადის დედა შეუცვალა, გარდაიცვალა და ბიჭი მისი ქმრის, უენო და ფხუკიანი კაცის ანაბარა დარჩა. გენადის მამობილი მთელ დღეებს სამუშაოზე ატარებდა, თვეობით იყო ხოლმე მივლინებაში. საფრონოვის აღზრდაში რომელი მეზობელი აღარ იჩენდა სიბრძნეს, სინამდვილეში კი თავის ნებაზე იყო მიშვებული. საზოგადო სამზარეულოში ჰამდა, სკოლაში დადიოდა, დანარჩენ დროს კი ბიბლიოთეკაში ატარებდა, განურჩევლად ნთქაედა წიგნს წიგნზე. ისე მოხდა, ვერავინ მოისაზრა მისი საბავშვო სახლში მიბარება, რომ გამოცდილი აღმზრდელის ხელში მოხვედრილიყო...

საფრონოვმა ოდნავ შემოაღო კარი და ძლივს გაძვრა ვიწრო ღრიჭოში, თითქოს არ შეიძლებოდა ხეირიანად გაეღო და თავისუფლად შესულიყო შიგ.

— გამარჯობათ, — უთხრა ვერას ძლიერი, ყრუ ხმით. ბავშვები ირწმუნებოდნენ, სწორედ ასეთი ხმა ჰქონდაო გორკის.

საფრონოვი კუთხისკენ წაეიდა, სავარძელში ტოლსტოის სურათის ქვემოთ დაჯდა და გატაცებით შეუდგა თან მოტანილი წიგნების ფურცელას.

უცებ ორივე კარი ფართოდ გაიღო და კაბინეტში ხმაურითა და სიცილით შემოვარდა სტასია ნოჩკა. საფრონოვის დანახვაზე წუთით მიყუჩდა, მაგრამ შემდეგ უფრო ხმამაღლა გაიცინა და ვერას გაელაბუცა. ეს რომ ვერას ან რომელიმე სხვა გოგოს ექნა, იქ მყოფნი გაბრაზდებოდნენ, მაგრამ სტასიას რაც უნდა ჩაედინა, ყველაფერი საყვარლად და დროულად გამოსდიოდა. წუთის შემდეგ სტასია ისეთივე ხმაურით გამოვარდა ოთახიდან, მისი კისკისი კიბეზე გაისმა და ძველი სახლის პირველ სართულზე მიწყდა.

რვას რომ თხუთმეტი წუთი აკლდა, ვერამ ხელჩაკიდებული მოიყვანა ჩერნილინი — ამ დროისათვის უკვე ლიტერატურული წრის ყველა წევრი შეკრებილიყო. ჯერ ზარსაც არ დაერეკა, რომ ოთახში ერთმანეთის მიყოლებით შემოიწყაპა ექვსი ყმაწვილი და ის შავთვალა გოგონა. თითქოს უბრძანესო, თხუთმეტივე წრის წევრი მაგიდასთან მიიჭრა და თხუთმეტი სავარძელი დაიკავეს. მეთექვსმეტე სავარძელი, რომელშიც მუდამ აგრიპინა ფიოდო-

როვნა იჯდა ხოლმე, ცარიელი იყო. დაბნეული სტუმრები კართან დაჩნენ. სტასია ნოჩკა დაჟინებით მისჩერებოდა გოგონას, რომელიც ერთხელ უკვე ნახა საახალწლო მეკლისზე. სტასია უნებლიეთ ტკბებოდა მისი თავისუფალი, მსუბუქი მოძრაობით. მაღლა აწეული საოცარი წარბებით. შურდა მისი ლამაზი თვალების მშვიდი, ყურადღებიანი გამოხედვა, მისი ხშირი წამწამები და სქელი ქერა ნაწნავი. სტასია ცდილობდა რაიმე ნაკლი მოენახა მის გარეგნობაში, მაგრამ ვერ იპოვა. და მაშინ გულბოლმიანი სიხარულით გაიფიქრა, რომ ეს უხეში ფეხსაცმელი უმახინჯებს ლამაზ წვივებს, კაბაც ტომარასავით აქვს ჩამოცმული ტანზე და სასაცილოდ ადგასო.

ჩერნილინმა თვალი მოავლო სტუმრებს და უცებ ხმამალა დაიყვირა:

— წიწიბურას ფაფა!

— წიწიბურას ფაფა! — სიცილ-კისკისით აიტაცა სტასიამაც, თუმცა არ გაეგებოდა, რატომ უნდა დაეყვირა სწორედ ეს სიტყვები, და მაგიდაზე მუშტები ააბრაზუნა.

— წიწიბურას ფაფა! — მხიარულად აიტაცეს დანარჩენებმაც. ყვირილმა, ფეხების ბრაგაბრუვმა, მაგიდაზე ხელების ბრაზუნმა აიკლო იქაურობა და მთელ ზემოთა სართულს მოედო.

სწორედ ამ დროს შემოვიდა აგრიპინა ფიოდოროვნა. გადახედა უცნობ ბავშვებს, დაბნეული სახეები რომ ჰქონდათ, წრის წევრებსაც შეავლო თვალი და ყველაფერს მიხვდა. აგრიპინა ფიოდოროვნას თვალები ბრაზით აენტო და ხელის აწევით სიჩუმე მოითხოვა. წამსვე ყველამ ხმა ჩაიკმინდა.

— ადექით! — თქვა მკაცრად აგრიპინა ფიოდოროვნამ.

თხუთმეტი კაცი ფიცხლად წამოდგა.

— გამოდით მაგიდიდან.

ყველანი უყოყმანოდ გამოვიდნენ.

— დასხედით, თუ შეიძლებოდეს, — სულ სხვანაირად, რბილად უთხრა აგრიპინა ფიოდოროვნამ სტუმრებს. ისინიც გაუბედავად ჩასხდნენ სავარძლებში.

— დამატებითი სკამები რად არ დაგიდგამთ, ჩერნილინ?

ბიჭმა თავი ჩაქინდრა და ძლივს გასაგონად მიუგო:

— ახლავე მოვიტანთ.

მან ხელით ანიშნა ამხანაგებს, მომყევითო!

რამდენიმე ყმაწვილი ოთახიდან გავიდა და საჩქაროდ შემო-
ზიდეს სკამები.

როცა ყველანი მავიდას ირგვლივ შემოუსხდნენ, აგრიპინა
ფიოდოროვნამ იკითხა:

— ერთი მითხარით, რას ნიშნავს ეს სულელური „წიწიბურას
ფაფას“ ყვირილი?

სტასიას გაელიმა, ვერამ ისეთი სახე მიიღო, აქაოდა, არაფერი
გამეგებაო. საფრონოვმა ცნობისმოყვარეობით შეხედა ჩერნი-
ლინს. ბორიას გარდა არავის შეეძლო აეხსნა ამ სულელური შე-
ძახილის არსი.

— თავად არ იცით, ხომ? ძალიან კარგი! — ირონიულად შე-
ნიშნა აგრიპინა ფიოდოროვნამ.

ჰოდა, მაშინ უცნობი ყმაწვილი წამოდგა.

— ნება მიბოძეთ, აგრიპინა ფიოდოროვნა, გაგარკვიოთ ამ
გაუგებრობაში, — თქვა და თანხმობა რომ მიიღო, განაგრძო: —
წიწიბურას ფაფა მე გახლავართ. საერთოდ კი ფედორ ნოვიკოვი
მქვია.

ჩქ მყოფთ თვალები ღიმილით გაუცისკროვნდათ და ცნობის-
მოყვარეობით მიაჩერდნენ ნოვიკოვს — ტანმორჩილი ყმაწვილი
იყო, მხარბეჭიანი, ნოლაცხვირიანი და ცისფერთვალემა; ქერა თმა
ჰქონდა, აბრეშუმით ფაფუკი, ხელის შევლება მოგინდებოდა.

— საქმე ის გახლავთ, — განაგრძო ნოვიკოვმა, — რომ ოდეს-
ღაც წინდაუხედავად მოვიქეცი და ჩემს მოთხრობას „წიწიბურას
ფაფა“ დავარქევი. ჰოდა, მას მერე, ეს მეტსახელი შემომრჩა.

მისი სიტყვები გულიანმა ხარხარმა დაფარა. აგრიპინა ფი-
ოდოროვნასაც გაეცინა. ამ სიცილმა შეარიგა ბავშვები, უხერხუ-
ლი დაძაბულობაც გაქარწყლდა და ყველამ იგრძნო, რომ ახლა
კი შეძლებდნენ გულითად საუბარს. პირველად საბიბლიოთეკო
წრის უფროსმა, ელენა სტრელოვამ ილაპარაკა.

სტასია ნოჩკას უკვე გაუარა ამ გოგონასადმი ქიშპობამ და
მშვიდად შესცქეროდა მის პროფილს. სტრელოვა წყნარად და
მტკიცედ ლაპარაკობდა, მზერას ხან ერთ მსმენელს მიაპყრობდა,
ხან მეორეს, როგორც ეს უფროსებმა იციან. როცა თქვა, ხელ-
მძღვანელის წასვლის გამო ჩვენი საბიბლიოთეკო წრე ჩაიშალაო

და აქ დამსწრე შვიდი კაცი პიონერთა სასახლის ლიტერატურულ წრეში შესვლას ვაპირებთო, სტასიამ კვლავ შუღლი იგრძნო მისდამი.

— ფედია ნოვიკოვმა ძალიან კარგი მოთხრობა დაგვიწერა „ვასიუკ-მემტრედე“. გვინდა აღმანახს გავუგზავნოთ. თუ გნებავთ, ავტორი წაგიკითხავთ ამ მოთხრობას, — დამთავრა სიტყვა სტრელოვამ.

ყველამ მეგობრული, გაცხადებული მხერა მიაპყრო ნოვიკოვის ცოცხალ სანდომიან სახეს. იგი წამოდგა, მშვიდად, ისე რომ დამორცხვების ნატამალიც არ დასტყობია, გადაშალა სქელი რვეული და შეუდგა წითხვას. სხარტად, სადად, დამაჯერებლად დაწერილი მოთხრობა იყო. ჩერნილინს თავისი კრიტიკული ნიჭის ძალა არ დაუხოგავს, რომ ამ მოთხრობაში რაიმე საკირკიტო მოეძებნა, მაგრამ ვერაფერი გააწყო. ხელებიდა გაასავსავა და იხტიბარგატეხილმა თქვა:

— ვერაფერს დაუწუნებ. ძალიან კარგია.

მაგრამ ამ წუთს, როგორც ყოველთვის იცოდა ხოლმე, სტასიამ იღუმლად შეავლო თვალი საფრონოვს და დაინახა, რომ იგი გატაცებით ხატავდა ბლოკნოტში სტრელოვას პროფილს. სტასია სახეზე წამოენტო და თავი ჩაქინდრა. ჩერნილინის სიტყვებმა შეაწყვეტინა ფიქრები:

— ბავშვებო, ახლა საფრონოვი წაიკითხავს თავის პოემას.

საფრონოვი არ ამდგარა. კარგა ხანს ფურცლავდა ბლოკნოტს, მერე ისე იკითხა, პირადად არავისთვის მიუმართავს, ღირს კი წაიკითხვაო და პასუხი რომ ვერ მიიღო, ადგა და ყრუ ხმით, თითქოს ცარიელ კასრს ჩასძახოდა, შეუდგა ლექსის კითხვას.

სტასია განგებ ხმაურით მიიჭრა აგრიპინა ფიოდლოროვნასთან და ოთახიდან გასვლის ნება სთხოვა. უკან მაშინლა დაბრუნდა, როცა პოემის კითხვა დამთავრებული იყო, საფრონოვი სავარძელში იჯდა და ცდილობდა სახეზე ზიზღნარევი გულგრილობა გამოეხატა, რათა იქ მსხდომთ ეგრძნოთ, რომ მათ აზრსა და შეხედულებას არად აგდებდა. პოემამ გაცხარებული დავა გამოიწვია. ისევ სტრელოვა ლაპარაკობდა:

— ავტორი, ჩემის აზრით, ძალიან ნიჭიერია, მაგრამ პოემას კი, ვურჩევდი, ასე მოქცეოდა: მისულიყო შინ, მიჯდომოდა გა-

ხურებულ ღუმელს, ბლოკნოტიდან ფურცლები ამოეხია და დაეწვა.

საფრონოვი გაწითლდა და სტრელოვა ცივი მზერით აათვალიერა თავით ფეხამდე.

— თუ შეიძლება, ჩემზე ნუ გაბრაზდებით, საფრონოვ, ასეთი რამ კლასიკოსებსაც შემთხვევიათ, — განაგრძობდა გოგო. — თუნდაც გოგოლი გაიხსენეთ. ნოვიკოვს თავისი „ვასილუკ-მემტრედე“ იმიტომ გამოუვიდა, რომ ნაცნობი ამბავი დაწერა, თავის თვალწინ მომხდარი. თქვენ კი ამერიკულ კლუბზე წერთ. მერე რა იცით თქვენ ამერიკული კლუბების თაობაზე? — სტრელოვა დაჯდა და დაუმატა: — უფრო მეტი სისადავე გესაჭიროებათ.

მაგრამ ვერავენ მიხვდა, რა სისადავეზე უთხრა სტრელოვამ. ლექსის სადად წერაზე თუ სადად მოქცევაზე. თუმცა, ასე იყო თუ ისე, პირსუკან კი არა, პირში იყო თქმული. საფრონოვს მართლაც აკლდა სისადავე, ლექსების წერაშიც და ქცევაშიც. მან პირქუშად შეიკრა წარბები და თქვა:

— მე კი თქვენს ნათქვამს აინუნშიაც არ ვავდებ.

— ძალიან სამწუხაროა, რომ თქვენი ამხანაგების შეხედულებას პატივს არა სცემთ, — უთხრა აგრიპინა ფიოდოროვნამ.

სტახსიამ ითაკილა საფრონოვზე წალაპარაკევი. მაინცდამაინც კარგად ვერ ერკვეოდა ლექსებში, თანაც ყველაფერზე, რასაც საფრონოვი აკეთებდა, ფიქრობდა, ამაზე უკეთესს კაცი ვერას იქმსო.

მესამე თავი

მერვე „ბ“ კლასის მოწაფეები თხზულებას წერდნენ. მაგიდასთან აგრიპინა ფიოდოროვნა იჯდა და უგულისყურო მზერა მიეპყრო ფანჯრისათვის. ფანჯრიდან მოჩანდა, როგორ ნელ-ნელა ეშვებოდა თოვლის ფანტელები. ფუმფულა, დიდრონ-დიდრონი ფიფქები დატრიალებდნენ ჰაერში, მგზავრებს, მანქანებს, სახლებს ეფინებოდნენ. ბარაქიან თოვას დაეპყრო მასწავლებლის ფიქრები. რაზედაც არ უნდა ეფიქრა, აგრიპინა ფიოდოროვნას მაინც თოვლი ახსენდებოდა. ხან ზღაპარი „თოვლის დედოფალი“

მოაგონდებოდა, ხან კიდევ პიონერთა სასახლის ძველისძველი, თოვლში ჩაფლული ბალი ედგა თვალწინ. კლასს არ უყურებდა, მაგრამ მოწაფეებმა იცოდნენ, რომ აგრიპინა ფიოდოროვნას თვალსა და ყურს არაფერი ეპარებოდა.

წამით დაავიწყდა მხოლოდ კლასი, მაშინ მისი ფიქრები წარსულს გადასწვდა.

მოაგონდა თავისი თავი, მამისეული ტყავის კურტაკი და თექურები რომ ეცვა და დაბეკნილ ფერდობზე იდგა. ქვემოთ კი თოვლში ჩაფლული სახლები მოჩანდა. აქ გაიარა მისმა ბავშვობამ, აქ ჩაიქროლა ახალგაზრდობამ.

აგერ, თვითონ მარხილში ზის და მისრიალებს, უკანიდან, მოულოდნელად, სიცილ-ხარხარით ჩაუხტა ალიოშა ფადეევი — მისი მომავალი ქმარი. კავებს კრიალი გააქვს, ქარი სახეში ურტყამს. წინ მკვეთრი მოსაბრუნია. ალიოშა მშვენივრად იმორჩილებს მარხილს. ახლა წინ ყველაზე საშიში რამ ელით — ფერდობი მკვეთრად ეშვება ქვევით და ისე ჰგონიათ, მარხილი უფსკრულისკენ გაფრინდება.

სუნთქვა ეკვრით და შიშისაგან უნებლიეთ თვალები ეხუჭვებათ. ტყის პირს მიაღწიეს და მარხილიც გადაუტრიალდათ, ორივენი სიცილით ეფლობიან თოვლში.

— საოცარია, რომ არ იჭყივლე, — ეუბნება ალიოშა, თოვლიდან ამოჰყავს და კურტაკს უფერთხავს. — გოგოები მუდამ ფოჭებივით ჰყვირიან ზოლმე. საოცარია: — იმეორებს იგი. — მართალს ამბობს გრიშა, სხვა გოგოებს არ ჰკავხარ.

გრიშა ცვეტაევი ფერდობის თავზე ელოდებათ.

— ახლა შე წაიყვან მარხილს, — ამბობს და ეჭვიანად განზე სწევს ალიოშას. — აბა, დაჯექი!

მას კი აღარ სურს მეტი სრიალი, მაგრამ გრიშას წყენინებას ერიდება. ბიჭი ისეთი თვალით შესცქერის, რომ ხმისამოუღებლად ჯდება მარხილში და კვლავ ქვემოთკენ მიქრიან... ბედნიერი დრო იყო...

... ვერა სვერჩკოვამ ისარგებლა მასწავლებლის ჩაფიქრებით და ისე, რომ ფრთხილი მზერა არ მოუშორებია მისთვის, პირველი მერხიდან ბოლოში გადაჯდა. ფორმის შავ წინსაფარში დამალული ნაწერი ქალღმერთი ამოაძვრინა და სტასიას გადასცა.

— იცოდე, შინ წაიკითხე, — უჩუროჩულა მან სტასიას: — შე-
იძლება ხვალამდე გქონდეს.

მერე ვერა ასევე უხმაუროდ დაბრუნდა თავის ადგილას, ხო-
ლო სტასიამ ქალაღებები მერხში შეჩურთა და თავის თხზულებას
მიუბრუნდა. ცოტა ხანში სტასიამ რამდენიმე დაქმუქნილი ზემო-
თა ფურცელი გამოაძვრინა. პირველზე ეწერა:

ე პ ი გ რ ა მ ა

გ. საფრონოვზე

სტასიამ თავისი რვეული განზე გასწია და სულწასული შეუდ-
გა ეპიგრამის კითხვას:

საფრონოვს ვერ მიუდგები
ცივად იცის დახვედრა...
პოეტია, არავისკენ
აღარ უნდა გახედვა...
მისთვის არის, ყოყონს არ სურს
სხვისი ტვირთის აღება.
ფიქრებშია ჩაძირული, —
კედლებს აცლის საღებავს...
ზოგის თვალში დაბლდება და...
ზოგის თვალში მალღდება...
წარჩინებულ, დარბაისელ,
ზეიად ვინმედ საღებავს...
დიდი ხელოვნებითაა
საფრონოვი გართული,
მედიღურობს, თითქოს იყოს
მართლაც სახელგანთქმული *.

— კარგია! — ხმამაღლა გაეცინა სტასიას, სულ აღარ ახსოვდა,
გაკვეთილზე რომ იყო.

აგრიპინა ფიოდოროვნას მზერა ფანჯრისთვის არ მოუშორე-
ბია, ისე თქვა:

— ნოჩკა, გარეშე საქმეები მერმისისთვის გადადე და თხზუ-
ლებას მოჰკიდე, ხელი. სვერჩკოვა, ხელს ნუ უშლი ნოჩკას.

* ლექსები თარგმნა ლიდა სტვილიამ

— აღარ ვიხამ, აგრიბინა ფიოდოროვნა, — ძლივს გასაგონად ჩაილულულა ვერამ.

წუთის შემდეგ ვერას ყველაფერი მიავიწყდა და გატაცებით შეუდგა თხზულების წერას პუშკინის ტატიანაზე. სტასიასაც ყველაფერი მიავიწყდა ამ ქვეყნად და საფრონოვის დღიურის ფურცლებს დაეწაფა.

დ ა უ მ ი თ ა ვ რ ე ბ ე ლ ი ს ტ რ ი ქ ი ნ ე ბ ი

გ. საფრონოვი

წრის შეცადინეობის დამთავრების შემდეგ ლიტერატურულ კაბინეტში შევეყოვნდი. დარაჯმა, ჭალარა, ბუზლუნა მოხუცმა, სასახლის შენობა შემოიარა, ეტყობა, ჩვენს კაბინეტში სინათლე ვერ შენიშნა და გასაღებით იგადაკეტა კარი. მინდოდა დამეკაკუნებინა ან დარაჯისათვის დამეძახნა, მაგრამ მოულოდნელად ამ ძველ შენობაში ღამის გათევის იდეამ ამიტაცა.

კარგა ხანს ვწერე ლექსები. საოცრად იოლად მეწერებოდა, ეს იყო მხოლოდ, ბოლო ოთხტაეპოვანი ლექსის დამამთავრებელ ბწყარს ვერ მოვაბი თავი. ვბრაზობდი, ვნერვიულობდი და უარესი მემართებოდა. ეტყობა, შუალამე დგებოდა, როცა დავრწმუნდი, რომ ამ ლექსს ვერ დავაბოლოვებდი, ფანქარი მოვისროლე და ჩაფიქრებულმა კაბინეტში ბოლთის ცემას მოვყე. აბა რა უნდა იყოს ამაზე საამო — იარო კაცმა და იფიქრო. რას აღარ გადავწვდი ფიქრით! სასახლეში არაჩვეულებრივი, ცოტა არ იყოს, უსიამოვნო სიჩუმე დასადგურებულიყო. ჩაეჭექი ფართო, ტყავის სავარძელში, რომელშიც აგრიბინა ფიოდოროვნა ზის ხოლმე, და შეგუდექი ამ კაბინეტის თვალიერებას. საოცარია, რომ ამ ღამით ყოველივე სხვანაირი მეჩვენა. ოთახი თითქოს გამორჩეულად დიდი იყო, ავეჯი საკვირველად მკვრივი. ოთახის კედლებზე კლასიკოსების სურათები თითქოს გაცოცხლებულიყვნენ. კარგა ხანს მივჩერებოდი კრილოვის ჰკვიანურ სახეს. მნატვარს ზუსტად გამოუცია მისი მშვიდი თვალების გამომეტყველება, რომელთაც, ღრმად თუ ჩააკვირდებოდი, ირონიას შენიშნავდი. მსუქანი ტუჩებისა და იაფუმფულელებული ღაწვების მონახაზებში მოქანცულობა და ჩუმი ნალველი გამოსჰვიოდა.

მის გვერდით, ისეთივე ჩარჩოში ჩასმული ეკიდა პუშკინის პორტრეტი. ნაცნობი სახე ჰქონდა, თითქოს ყოველდღე ვხვდებოდნი მას... მე ფიქრით მართლაც არასოდეს განვშორებდევარ პუშკინს, ჩემს საყვარელ პოეტს. არა, იგი ასეთი როდი იყო ცხოვრებაში, როგორც ამ სურათზე გამოესახათ. მხატვარმა, ეტყობა, ვერ შეძლო გადმოეცა ის მთავარი რამ, რაც ამ გენიოსში ჩაიდუმალებულიყო.

დიდხანს ვიდექი პუშკინის პორტრეტის წინ და სულ იმას ვფიქრობდი, ნეტა მეც თუ ოდესმე პოეტი ვიქნები-მეთქი. გამაჩნია თუ არა ღვთიური ცეცხლის ნაპერწკალი-მეთქი. ზოგჯერ მართლაც ვარ საკუთარ თავში დარწმუნებული, ზოგჯერ კი მეჩვენება, რომ ერთი მეტისმეტად ჩვეულებრივი ადამიანი ვარ და ჩემგან ადამიანის სულის ინჟინერი არ გამოვა. ამხანაგებმა სფინქსი შემარქვეს. ეს მე მომწონს, მაგრამ, მართალი რომ ვთქვა, თითქმის ყველა ჩემი უცნაურობა გამონაგონია. სფინქსი იმიტომ ვარ, რომ მინდა სფინქსობა. პოეტი ხომ, ჩემი აზრით, აუცილებლად არაჩვეულებრივი უნდა იყოს.

ისევ მოვეყვი საკუთარ თავთან ბჭობას და ოთახში ბოლთის ცემას. მერე ტოლსტოის სურათს დავუწყე თვალყურება. ასეთი სურათი არსად მენახა. ტოლსტოის თეთრი ხალათი აცვია, ხის ქვეშ დგას უკან ხელებდაწყობილი, ფრძელ წამწამებს ჩამოუქუფრავთ. მისი ყოვლისმჭვრეტელი თვალები. ძალიან მიყვარს ტოლსტოი, მაგრამ პუშკინი მასზე მეტად ახლობელი და ძვირფასია ჩემთვის.

ისევ ჩავეჭეკი სავარძელში და, როგორც ხშირად მემართება ხოლმე, ისე ჩამეძინა, არც გამიგია. არ ვიცი, დიდხანს მეძინა თუ არა, მაგრამ ოთახში გამართულმა გაცხოველებულმა საუბარმა კი გამომალღიძა. თვალი გავახილე და დიდხანს ვერ მივხვდი, სად ვიყავი და რა მჭირდა. მრგვალ მაგიდას აუარებელი ხალხი უსხდა. პირველი ფიქრი, რაც თავში მომივიდა, იყო ის, რომ დავემალულიყავ. მაგრამ ეს შეუძლებელი შეიქნა, რადგან ძალზე გამოჩენილ ადგილას ვიჭეკი. ხოლო როცა პორტრეტების ცარიელი ჩარჩოები დავინახე, ყველაფერს მივხვდი. სიხარულმა და შიშმა ამიტანა, გული ისე ამიჩქროლდა, რომ სუნთქვა შემეკრა და თვალები დავხუჭე. „იქნებ სიზმარში ვარ“, — გამიელვა ფონებაში. თვა-

ლები გავახილე, მაგრამ ისინი მაგიდას უსხდნენ და კვლავ გაცხოველებით საუბრობდნენ. ყველანი ვიცანი. მათ საუბარს ყურს არ ვუგდებდი, ხარბად მივჩერებოდი ძვირფას სახეებს, სიცოცხლისეული ვარდისფერი რომ გადაჰკრავდათ და მხოლოდ იმაზე ვფიქრობდი, რომ მე მოკვდავთაგან ერთადერთს მერგო ასეთი არაჩვეულებრივი ბედნიერება — შევხვედროდი ამათ. ვცდილობდი სუნთქვა შემეკავებინა, რომ ეს მშვენიერი ზმენება არ გამქრალიყო. შევცქეროდი პუშკინს. სადღაც წამიკითხავს, ულამაზო იყო. ოჰ, როგორ ტყუოდნენ ის უსირცხვილო მკლამნელები! თავის დღეში არ მენახა ამ ცოცხალ, შავგვრემან, მთაგონებულ სახეზე უმშვენიერესი სახე, ჩარჩოსავით რომ შენორტყმოდა ირგვლივ ღია ფერის ხუჭუჭი თმა. მყლერი ხმა ჰქონდა, დაუცხრომელი მიმოხრა, მგზნებარებით იყო ანთებული.

ჩემ გვერდით, სავარძელში მოხრილი იჯდა დოსტოევსკი. ავადმყოფური ფერი ედო სახეზე. ქუთუთოები ჩასცივნიოდა, მაგრამ აგზნებულ, ალერსიან თვალებში ისეთი ძალა გამოსჰქვიოდა, რაც თრგუნავდა ყოველგვარ ფიზიკურ სატივიარს.

მზერა ახლა ლერმონტოვზე გადავიტანე. გამოაცა მისმა ღიღმა, პრიალა შუბლმა და ჰკვიანურმა შორიშორ ჩამსხდარმა თვალებმა. მისი ჩვევა, ცოტათი წინწამოხრილი ჯდომისა, მისი მკვეთრი მოძრაობანი მისავე მგზნებარე ტემპერამენტზე მიგვანიშნებდნენ. პროფილში მთლად ჭაბუკს ჰგავდა. ხელში რვეული ეჭირა. ლურჯი ყდა რომ დაეინახე, შიშისგან გაეკვავდი. ეს ჩემი რვეული იყო, წუხელ მაგიდაზე რომ დამრჩა.

— წაგვიკითხეთ თქვენი ლექსები, — მკაცრად მითხრა ლერმონტოვმა და რვეული მომაწოდა.

ათრთოლებული ხელით გამოვართვი და უფრო მეტად ვიგრძენი, ვიდრე დაეინახე, რომ კლასიკოსებმა მზერა მომაპყრეს.

რვეული გადავშალე, მაგრამ წაკითხვა ვერ შევძელი. ენა ვერ დავიმორჩილე. სასოწარკვეთილმა შევავლე თვალი მწერლების მკაცრ სახეებს და მივხვდი, რომ არცერთი მათგანი არ თანამიგრძნობდა.

პუშკინმა გამომართვა რვეული, გადაშალა და მყლერი ხმით შეუდგა ლექსების კითხვას:

შენ დამპირდი და... არ მოხვედი, რა ვუყოთ მერე?
კაბუკებს მოგდგამთ უპირობა, ცვალებადობა...
მე გაპატიებ ამ სიცრუეს, როგორც უმანკოს
უბიწოებით, ო, ჩადენილ მაგ სულმდაბლობას!

ამ ადგილას პუშკინმა გაუგებრობის ნიშნად წარბი ასწია. მე
ატირებას აღარაფერი მაკლდა.

მე ავადა ვარ, მარტოდმარტო და გატანჯული...
ზედმეტ ბარგად მთელით, კი ვხვდები მაგდენს...

განაგრძობდა ალექსანდრ სერგეევიჩი. მის ხმაში დაცინვა ვიგრ-
ძენი.

მინდოდა იატაკში ჩავმძვრალიყავი, უჩინრად გავმქრალიყავი.
ჩვენი წრის ბავშვების კრიტიკა ვერ მახვედრებდა იმას, რომ ვერ
ვწერ, როგორც საჭიროა, მაგრამ ღიდი პოეტის მხოლოდ ინტო-
ნაციამაც კი შემადრწუნა.

— მერე? — მკაცრად იკითხა პუშკინმა.

სახეზე ცეცხლი შეკიდა და პირველკლასელ ბიჭუნასავით ჯი-
უტად ვლდუმილი.

— მერე, მოდი, ასე გავაგრძელოთ, — უკარნახა ლერმონტო-
ვა დაუშთავრებელი სტრიქონები:

არვის ვკირდები, არაფერში გამოგადგები —
ალბათ ამიტომ არარად მაგდებ?

სწორედ რომ ავტორისეული მანერით გამოვა, — ეშმაკური ღიმი-
ლით დაუროთო მან.

— იცით, რას გეტყვით, ყმაწვილო, — მითხრა ლევ ნიკოლო-
ზის ძე ტოლსტოიმ, — ნიჭი გაქვთ და რაკი ცალამს მოჰკიდეთ ხე-
ლი, — წერეთ ციდეც, მაგრამ უფრო მხიარულად წერეთ. თქვენი
განწყობილება კი ფიოდორ მიხაილოვიჩის გმირების საფეროა, —
ტოლსტოიმ დოსტოევსკისაკენ გაიხედა, — დაიხსომეთ, რომ თქვენ
ახალი ცხოვრების მშენებლები ხართ.

გულს მომეშვა, გამშრალი ტუჩები შოვილოკე და მინდოდა
მეთქვა, ეს ლექსები სულაც არ გამოხატავენ ჩემს განწყობას, ყო-
ველივე მოგონილია, სიცოცხლე ძალზე მიყვარს-მეთქი... მაგრამ
არაფერი მითქვამს იმიტომ, რომ გამეღვიძა.

რიყრავდებოდა. მე აგრიპინა ფიოდოროვნას სავარძელში ვიჯექი. მაგიდაზე იყო გადაშლილი რვეული, რომელშიც დაუმთავრებელი ლექსები მეწერა, ხოლო ყედლებზე მასიურ ჩარჩოებში ჩასმული კლასიკოსების პორტრეტები ეკიდა. მკაცრად და დაყინებით მომჩივებოდნენ. ფანქარს ვტაცე ხელი და ჩავწერე ის ორი სტრიქონი, ძილში ლერმონტოვმა რომ მიკარნახა.

და აი, უკვე რამდენიმე დღეა ამ სიზმრის ტყვეობაში ვარ, საყვარელი მწერლების ცოცხალმა სატებამ, ვერ გავდმოგცემთ, როგორ დამიკარგა მოსვენება, ხოლო ლევ ნიკოლოზის ძე ტოლსტოის სიტყვები წინასწარმეტყველებად მივიჩნეი...

სტასია სინანულით მოსწყდა დღიურს. მოთხრობის კითხვა რომ დაამთავრა, ახლა ოცნებამ აიტაცა, სამახსოვროდ დამატოვებინა ნეტავ ეს რვეულიო. საჩქაროდ მისწერა ვერას წერილი: „ვეროჩკა, მაჩუქე რა ეს მოთხრობა. სტასია“. მაგრამ წერილის გაგზავნა ვერ მოასწრო, რადგან აგრიპინა ფიოდოროვნა წამოდგა, მაჯის საათს დახედა და მოწაფეები გააფრთხილა, გაკვეთილის დამთავრებამდე სამი წუთი დარჩაო.

სტასიას შეეშინდა. წინ ედო რვეული, რომელშიც კონტად დაეწერა: „საკლასო თხზულება. ბუნება პუშკინის შემოქმედებაში“ და მეტი არც ერთი სიტყვა.

მაგიდასთან, როგორც ყოველთვის, პირველი ვერა სვერჩკოვა მივიდა და ვარდისფერი რვეული დადო. ძნელი დასაჯერებელი იყო, რომ ამ ფაქიზ რვეულში უკვე სამი საკლასო თხზულება იყო დაწერილი. ახალთახალი გეგონებოდათ.

ვერამ ვითომდა შემთხვევით მოავლო მხერა კლასს. ათობით გოგომ დაინახა, რომ მან პირველმა დაამთავრა წერა. თვითონაც კმაყოფილებით გაიფიქრა ეს და ეჭვიანად შეხედა ახალ მოწაფეს. იგი მერხზე დახრილიყო და ისევ წერდა.

ვერას ძლივს შესამჩნევმა ლიმილმა გადაურბინა ტუჩებზე და მაგიდას მოშორდა.

— თუ შეიძლება, გავალ, აგრიპინა ფიოდოროვნა, — თქვა ვერამ.

ფადეევამ თანხმობით დაუქნია თავი. ვერა გავიდა, კართან შეჩერდა და ჰუჭრუტანიდან ზვერავედა კლასს. უნდოდა გაეგო,

როდის მორჩებოდა თხზულების წერას სტრელოვა. საოცრად აღელვებდა ეგ. კლასში ვერას ვერავინ უდებდა ტოლს, განსაკუთრებით ლიტერატურაში. ყველას მიაჩნდა, რომ ვერა სვერჩკოვა ოქროს მედალზე დაამთავრებდა სკოლას. მაგრამ გუშინდელს აქეთ მე-8 „ბ“ კლასში ახალი მოწაფე გამოჩნდა. ჰოდა, ვერაც დაიძაბა. რა მიზეზით ვადმოვიდა სტრელოვა ახალ სკოლაში შუა სასწავლო წელს, არავინ იცოდა. არც ის უწყობდნენ, ნიჭიერი იყო თუ არა. მაგრამ ვერას ახსოვდა სტრელოვას გამოსვლა პიონერთა სასახლეში ლიტერატურულ წრეში და მღელვარება ვერ გაექარწყლებინა იმის შიშით, რომ ახალი მოწაფე ლიტერატურაში მასზე უკეთესი იქნებოდა. ამ შფოთში გადატარა რამდენიმე დღე, სანამ აგრიპინა ფიოდოროვნა ნაწერებს გაასწორებდა.

ბოლოს, როგორც იქნა, ლიტერატურის გაკვეთილის წინ საშუა მაკაროვა ქარივით შემოიჭრა კლასში და თქვა, აგრიპინა ფიოდოროვნას რვეულები მოაქვსო. მაკაროვას ჩვეული, საოცრად მსუბუქი ნაბიჯებით ფადეევაც შემოჰყვა. ღიმილი აღბეჭდოდა სახეზე, თითქოს გულში რაღაც უხაროდა, მოწაფეებს სალაშზე საღმითვე უპასუხა, მაგიდაზე რვეულების დასტა დადო და გულისყურიანი მზერა მოავლო კლასს, რომელიც დაძაბული მოლოდინით მისჩერებოდა სახეში.

დასტის ზემოდან ახლაც, ჩვეულებრივ, ვერა სვერჩკოვას ვარდისფერი რვეული იღო. გოგობმა იცოდნენ, რომ აგრიპინა ფიოდოროვნა ფრთხილად აიღებდა მას, დაიდებდა ხელისგულზე, თითქოს სიმძიმით ზომავს ნაწერის ფასსო, და გვერდზე გადადებდა, რომ მერე ხმამაღლა წაეკითხა. მერე ყველაზე სუსტი მოწაფეების, საშუა მაკაროვას ან რაია ოგოროდნიკოვას თხზულებას ამოარჩევდა და იქიდან შეუდგებოდა რვეულების დარიგებას.

ასე მოიქცა ახლაც. ფრთხილად აიღო ვერას ვარდისფერი რვეული, ხელში გააჩერა და მერე გვერდზე გადასდო. მერე საშუა მაკაროვას ნაწერი გამოიღო, ყოყმანით დადო ვერას რვეულზე, მერე ახვავებული დასტიდან კიდევ ერთი ნაცრისფერყდიანი რვეული გამოაძვრინა.

— ნეტა ვისია? — აჩურჩულდნენ კლასში. ამოძრავდნენ და ერთმანეთს გადახედეს.

— სვერჩკოვას, როგორც ყოველთვის, ფრიაღზე დაუწერია,

მაგრამ სტრელოვას თხზულება უკეთესია. აბა წაიკითხეთ, სტრელოვა, თქვენი ნაწერი, — თქვა აგრიპინა ფიოდოროვნამ და თვლებით ახალი მოწაფე მოძებნა.

მაგრამ სტრელოვას ნაცვლად მორიგე ვერა სვერჩკოვა წამოდგა.

— სტრელოვა დღეს არ არის, აგრიპინა ფიოდოროვნა, ნება მომეცით, მე წაეიკითხო მისი თხზულება, სხვისი ნაწერის გარეშე მეხერხება.

— წაიკითხე, — უთხრა მასწავლებელმა, რვეული გაუწოდა და ყურადღებით შეხედა ვერას.

ვერას სახე წითლად აუფორეჟდა. მთელმა კლასმა იცოდა. რა პატივმოყვარე იყო და ეუცნაურათ მისი სურვილი, სტრელოვას ნაწერს წაეიკითხავო. ძალზე საინტერესო ამბავი იყო და კლასი გაინაბა. თხზულება, მართლაც, ძალზე კარგად დაწერილი განოდგა და გოგონებმა ყურადღებითაც მოისმინეს.

ვერა კითხვას რომ მორჩა, აგრიპინა ფიოდოროვნა სტასიას მიუბრუნდა:

— ნოჩკა, შენი ნაწერი რატომ არაა?

სტასია ელოდა ამ შეკითხვას, მაგრამ მაინც მოულოდნელი იყო მისთვის. ხმა არ ამოუღია.

აგრიპინა ფიოდოროვნა კარგა ხანს ელოდა პასუხს და ბოლოს მოთმინება გაუწყდა:

— ჰო, შენი თხზულება რატომ არაა-მეთქი? — ჰკითხა ხელმეორედ გაბრაზებით.

— ვერ მოვასწარი დაწერა, — ჩაწყვეტილი ხმით მიუგო სტასიამ.

— ნუ ტყუიხარ, ნოჩკა, მე ვიცი, რომ შენ წერის დროს სხვა საქმით იყავი გართული. იძულებული ვარ, ორიანი დაგიწერო. დაჯექი.

სტასია დაჯდა, თვლებზე ხელი აიფარა და ატირდა. ტიროდა, რადგან ნაწყენი იყო აგრიპინა ფიოდოროვნაზეც, თავის თავზედაც და საფრონოვზედაც.

მეოთხე თავი

ყველაფერში, ყველაფერში—იმაში, რომ წერითი შრომის შეუსრულებლობისათვის ორიანი მიიღო, იმაშიც, რომ სტასიას ფიქრები აწეწილი ჰქონდა და ნაღველიც მორეოდა — გენადი საფრონოვი იყო დამნაშავე. ერთხელ პიონერთა სასახლის ჩაბნელებულ დერეფანში გენადი უხმოდ წამოეწია სტასიას, მხარზე ოდნავ შეახო ხელი და უთხრა:

— თქვენ „მზიურის“ რედკოლეგიაში ხართ, არა? ლექსი მოგიტანეთ გაზეთისათვის, — და დახვეული ქალაღი გადასცა, მერე ცოტათი შეყოვნდა და დაუმატა: — ეს ყი თქვენ.

სტასიამ ყოყმანით გამოართვა მეორე ქალაღი, რომელზედაც უცნობი ხელით ეწერა: „ეს თქვენ გეკუთვნით, საკუთრივ თქვენ!“

მერე კი ის მოხდა, რაც პუშკინსა აქვს მოთხრობილი „ევეგენი ონეგინში“. „ქალწულს აღმოხდა: სწორედ ის არის!“ იქნებ ამ ამბავზე გაეცინოს ყიდეც მას, ვისაც ასეთი გრძნობა არ გამოუცდია, მაგრამ სტასიას ყი მოეჩვენა, რომ ეს სწორედ ის რჩეული იყო, ვისზედაც იგი ოცნებობდა, როცა ნაცნობ ბიჭებზე ეჭირა თვალი.

სტასიამ გაშალა ქალაღი და ნელ-ნელა აუყვა კიბეებს, თან კითხულობდა:

ყ ვ ა ვ ი ლ ი

ვუძღვნი ანასტასია ნოჩკას

ნაკადულმა, მოჩუხჩუხე ნაკადულმა
მთის გადაღმა ავლილი და ჩავლილი
ვარდისფერი თუ ცისფერი ქვეყნიდან
მომიტანა მე ხასხასა ყვაილი...
მომიტანა სულ შორიდან, სულ შორიდან...
ეს ყვაილი ქალწულს ედო გვირგვინზე...
ის ნაცნობმა ქალიშვილმა მისახსოვრა, —
და მოეკურდა ჩემთან, როგორც დიდი მზე
და ამინთო იმედები თეთრ სხივებად,
იმედები ბნელ ღამესაც მინათებს...
ის ყვაილი შენ მესროლე მე, ძვირფასო,
როგორც შენი თმის კულულის სინათლე...

ის ყვაილი ბნელ ღამეში მე დამიქნა,
ის, მშვენება მინდვრისა და მთა-ველის...
ამაო ჩემი ტანჯვა-ნადევლი,
ამის შემდეგ კარგს არაფერს არ ველი.

იმ დღიდან მოყოლებული პიონერთა სასახლის ლიტერატურულ წრეში სტასია კვირაში ორჯერ ხვდებოდა საფრონოვს. ბიჭი ზოგჯერ ესალმებოდა ხოლმე გოგოს, მაგრამ უფრო ხშირად, წიგნებში თუ თავის ფიქრებში ჩაფლული, ვერც აჩინებდა მას. წრის მეცადინეობებზე უყვარდა სავარძელში ღრმად ჩაჯდომა, რაც ტანის სიმაღლეს უფარავდა, ხოლო მეცადინეობებს შორის შესვენებისას მიდგებოდა ხოლმე კედელთან, თითო მასზე უჩინარ სახეებს ხაზავდა და თან თავის საფიქრალს ფიქრობდა. სტასია კი ფარულად უჭვრეტდა ბიჭს და იტანჯებოდა. ნეტა რატომ, რატომ მიძღვნა ამ ბიჭმა ეს ლექსი, როცა ზედაც არ მიყურებსო?

ჰოდა, ხომ ხდება ამდაგვარი რამ: მთელ პიონერთა სასახლეში ბიჭი არ მოიძებნებოდა, სტასიასთან მეგობრობას რომ არ გაეზღინებინა, მაგრამ სტასიას რაში ენაღვლებოდა სხვა ბიჭები, როცა მის გულში მხოლოდ საფრონოვი იჯდა?

სტასიამ თავისი საიდუმლო ვერა სვერჩკოვას გაანდო. ვერამ ყურადღებით მოუხმინა მეგობარს და მისთვის ჩვეული პირდაპირობით უთხრა:

— თქვენ ვერ იმეგობრებთ. ეგ ბიჭი შენდამი გულგრილია. და საერთოდ, ეგ მხოლოდ საკუთარი თავის მიმართ არ არის გულგრილი.

ვერამ დაინახა, რომ მის სიტყვებზე სტასიას სახე წამოენთო და თვალებზე ცრემლები მოადგა, ამიტომ მეგობარს ჩაგონება დაუწყო:

— ერთი ულამაზო, ჭორფლიანი, ცხვირაპრეხილი გრძელი ბიჭია. — ეს ერთი, — უთხრა და ცერა თითი მოკეცა. — ეგო ისტია — ეს ორი, — ვერამ ახლა ლურჯი მელნით მოთხიპნილი საჩვენებელი თითი მოკეცა, — ისე ორიგინალობს, პირდაპირ გულს აგირევს, — ესეც მესამე. — სხვა ნაკლი ვეღარ უპოვა ვერამ საფრონოვს და ორი თითი მოუხრელი დარჩა.

— რა შუაშია ივარეგნობა, — შეეწინააღმდეგა სტასია, — განა ცოტაა ულამაზო ხალხი ამქვეყნად?

ვერას გაეცინა:

— ოჰო! ხედავ, როგორ სხვანაირად დაიწყე განსჯა! განა დიდი ხანია მეშინათური შეხედულება რომ ექონდა, გარეგნობაა ყველაფერიო? სწორია. სულში უნდა ჩახედო ადამიანს. საფრონოვს კი სულიც დახვანჯული აქვს, — ვერა ცოტათი დაფიქრდა და უცებ მხიარულად არატრატდა: — იცი, სტასია, რა ვიფიქრე: ძალიან საინტერესო და კეთილშობილური ამბავია, ჩემის აზრით, ცალმხრივი სიყვარული. შენთვის, მე მგონია, ეს ზედგამოჭრილიც არის. რომელიმე რომანის გმირი ქალივით იქნები...

სტასიას აღარაფერი უპასუხნია, მხოლოდ ვერაზე კი გაიფიქრა, ამას ჯერ კიდევ არაფერი გაეგება სიყვარულისა და იმიტომაც ლაპარაკობს ასეო. მაგრამ შინ რომ დაბრუნდა და გაახსენდა ვერას სიტყვები, მოულოდნელად დამშვიდდა. სტასია გაკვეთილებს მიუჯდა და მთელი დღე და მთელი საღამო ისევე გულდამშვიდებული იყო, როგორც წინათ, საფრონოვთან შეხვედრამდე. მეორე დღეს კი ყველაფერი თავიდან დაიწყო: გაკვეთილები თავში არ შესდიოდა, გულში ნალველი და სიცარიელე დასადგურებოდა.

ქარბუქიანი დღე იდგა, ქუჩაში თოვლის ბუქი ტრიალებდა, ყინვასავით მსუსხავი თოვლი გამვლელებს სახეში ეყრებოდა; საზიზღრად, ბოროტად ზუზუნებდა ქარი, საღამო ხანს სტასიამ ჩაიცვა ქურჩი, დაიხურა ქუდი, ქუჩაში გამოვიდა და თითქმის სირბილით გაეშურა ბიბლიოთეკისაკენ. იქ ზოგჯერ ამ საათებში საფრონოვი ხვდებოდა ხოლმე.

დაბინდებამდე დადიოდა წინ და უკან ბულვარზე, მრავალსართულიანი თეთრი სახლის პირდაპირ, და ამაოდ არ ჩაუვლია მის მოლოდინს.

ბინდბუნდში გაიეღვა საფრონოვმა, მობუზულიყო, ჯიბეებში ხელები ჩაეწყო და ამოიღლიავებულ წიგნებს იდაყვით იკრავდა ფერდზე.

სტასიამ ხმამაღლა ამოიოხრა და უკან მოკურცხლა. ვიღაც სქელი გამვლელი ქალი, თვალებამდე საყელოაწეული და ქარში თვალბმობუტუტული რომ მოდიოდა, სწორედ ამ დროს გაუსწორდა სტასიას. მას გული გადაუქანდა, გოგოს „მხეცოო“, მიაძახა და გაოცებული თვალი გააყოლა.

სტასიას გაკვეთილები უსწავლელი დარჩა, თვალმტირალმა

ნაშუალამევესალა დაიძინა. არა, მას არ შეეძლო ცალმხრივი სიყვარული. მას სურდა, რომ ქარბუქსა და ყინვაში თავად კი არა, საფრონოვს მოერბინა მთელი ქალაქი, რათა შეეხედა სტასიასათვის.

სტასიას სიყვარულის ამბავი არც დედამ იცოდა და არც მამამ. გოგოს თითქმის არც უხდებოდა მშობლებთან საუბარი. მამამისი — მთავაკონსერვრეწვის განყოფილების მმართველი — მთელი დღეები სახლში არ იყო — გვიან ღამით მოდიოდა შინ ლაპაბა, ახალთახალი ЗИС—101-ით, დაღლილი და განერვიულებული, ივანშემბდა, ცოლ-შვილს ერთ-ორ სიტყვას გადაუგდებდა და დასაძინებლად მიაშურებდა. სტასიას ყველაფრის ნებას რთავდა, რასაც კი მოისურვებდა, ოღონდაც კი გოგო თხოვნით თავს ნუ შეაწყენდა. თავისუფალ დღეებში, თუმცა ასეთები იშვიათად გამოერეოდა, მამა სულ სულ სხვა კაცად გარდაიქმნებოდა ხოლმე. შუადღემდე საწოლში ნებივრობდა, კითხულობდა წიგნებსა და გაზეთებს, მერე აღგებოდა მთელი დღე საშინაო ფეხსაცმელებში მიშველფეხწყაფილი და პერანგგაღელილი, შარვალზე აჭიმებჩამოშვებული დაფრატუნობდა. ამ დროს მხიარულად იყო ხოლმე, ბევრს ლაპარაკობდა, ალერსს არ აკლებდა ცოლ-შვილს. სტასიას ბევრჯერ უთქვამს მისთვის სიცილით: „მამა, შრომა სიხარული უნდა იყოს ადამიანისათვის, შენ კი, როცა მუშაობ, ეშმაკივით ავდები, ხოლო, როცა უსაქმურობ, შენზე კარგი ქვეყნად არავინაა“.

მამა ამაყობდა თავისი მდგომარეობით. სტასიასაც ბავშვობიდანვე იგადაედო ეს. დღეში ორჯერ მოქროლდებოდა მანქანა სკოლის ჭიშკართან. სტასია ჩაჯდებოდა შიგ, ცდილობდა ამხანაგებს დაენახათ და არც მეტი, არც ნაკლები — ორ კვარტალს გაივლიდა მანქანით შინ მისასვლელად. თუმცა ამის თაობაზე ერთხელ უსიამოვნებაც შეხვდა. მამინ მენხუთე კლასში იყო. კლასის ხელმძღვანელმა აგრიბინა ფიოდოროვნამ გაკვეთილების შემდეგ შეაჩერა. სამასწავლებლოში გვერდით მოისვა, ყურადღებით მიაჩერდა და ჰკითხა:

— იცი თუ არა, სტასია, როგორ უჭირს ცხოვრება ახლა ჩვენს ხალხს?

სტასიამ გაოცებით შეხვდა მასწავლებელს.

— ვიცი, — მიუგო და სკამქვეშ შემალა ფეხები, რომლებზეც ლამაზი ყავისფერი ფეხსაცმელები ეცვა.

— ჰო, მაგრამ ცოდნა როდია ყველაფერი. სკოლიდან ორ კვარტალს იქით ცხოვრობ და მანქანით რატომ დადიხარ? სატრამბაზოდ ხომ არა გყავს მანქანა? შენი ამხანაგი გოგოები კი ფორნით ეწიღებიან სათბობს შვეშის საწყობებიდან, რადგან ამჟამად საქმარისი ტრანსპორტი არ გაგვაჩნია. ხომ გესმის, სტასია, რას გეუბნები?

— მესმის, — უთხრა თავიჩაქინდრულმა სტასიამ და გავიდა სამასწავლებლოდან.

შინ დედა-მამას გადასცა მასწავლებელთან თავისი საუბარი. სამსახურიდან დაბრუნებული განერვიულებული მამა აყვირდა და დაპირა ხვალვე სკოლაში დირექტორთან მისვლა, რათა აეხსნა მისთვის, თუ რა უტაქტოდ ჩაერია მასწავლებელი მის ოჯახურ ცხოვრებაში. თუმცა მამა სკოლაში არ წასულა და დასვენების დღეს, როცა მშვენიერ გუნებაზე იყო, დაასკვნა, მასწავლებელმა მართალი თქვა, სტასია სკოლაში მანქანით არ უნდა დადიოდესო. კარგა ხანს ამ საუბრის შემდეგ სტასია მანქანით სკოლაში მხოლოდ ცუდ ამინდში მიდიოდა, მერე კი ყოველივე ისევ ძველებურად წარიმართა...

ამ საქმეში მთავარი დამნაშავე სტასიას დედა იყო. მას სიგიჟემდე უყვარდა თავისი ქალიშვილი, ყოველგვარ ახირებულ სურვილს უსრულებდა. სტასია დედამისს ყველაზე ლამაზ გოგოდ მიაჩნდა, და ამიტომაც ყველაზე საჩინოდაც, რადგან მის წარმოსახვაში ისეთ თვისებებს, როგორცაა ჭკუა, განათლება, განვითარება — გოგონასათვის არავითარი მნიშვნელობა არ ჰქონდა. ძალზე მოსწონდა, ყმაწვილები იფუნდ-გუნდად რომ მიაცილებდნენ მის ქალიშვილს სასკოლო საღამოებიდან, მაგრამ ერთთავად იმას ჩასჩინებდა, რომ ბიჭები ბიჭებად იყვნენ, ხოლო როცა გათხოვების დრო მოგივა, შენზე ბევრად უფროსი და უეჭველად კარგი მდგომარეობის კაცი უნდა აირჩიო. ალბათ წარმოუდგენლად ეწყინებოდა, რომ გაეგო, ჩემს ქალიშვილს საფრონოვი მოსწონსო; მაგრამ ამ ამბისა არაფერი იცოდა, რადგან სტასია დედასთან არ იყო იფუნდებელი.

სტასიამ თავისი სიყვარულის ამბავი მხოლოდ ვერა სვერჩიკო-

ვას ივანდო. ვერა შოუცლელი იყო, ბევრს მეცადინეობდა, გატაცებული იყო თეატრით და ბიჭებს ყურადღებას არც აქცევდა. თუმცა, ყველაფერს სერიოზულად ეკიდებოდა და შეფიქრიანებული იყო სტასიას გატაცების გამო.

ერთ ავღრიან დილით სტასიამ ლოგინიდან ადგომისთანავე იგრძნო თავის ტკივილი, ივული უშფოთაჲდა. გაკვეთილები არ იცის... საკლასო ეურნალში უკვე სამი ორიანი უწერია... რა ქნას, რა მოუხერხოს თავს?

ტანთ არ ჩაუცვია, საწერ მაგიდას მიუჯდა, ახალი რვეული ამოიღო და ყდაზე წააწერა: „დღიური“. „ყოველ დილით დავწერ დღიურს. ახლა ცალკე ოთახი მაქვს, ვერაგინ დამინახავს“, — გაიფიქრა. მერე პირველ გვერდზე დაწერა: „ჩვენს ასაკში სიყვარული დანაშაულია. ყველაფერზე ხელი უნდა აიღო — სწავლაზედაც, მთელ ცხოვრებაზედაც... სიყვარული შეიძლება“... სტასია ჩაფიქრდა: „როდის შეიძლება სიყვარული? სკოლას 17—18 წლისა დაამთავრებ, მერე კიდევ ინსტიტუტში უნდა ისწავლო ხუთი წელი... ესეც შენი — 23 წელი. მაშ, 23 წლამდე შეყვარება არ შეიძლება. ჰოდა, თუ, ვთქვათ, ღმალღესის მერე ასპირანტურაშიაც განაგრძე სწავლა, — კიდევ 3—4 წელი გინდა. სულ 27 წელი გამოდის. არა, რაღაც ისე არაა“...

სტასიამ ნაღვლიანად გვერდზე გადაადო კალამი და ჩაცმას შეუდგა.

მეხუთე თავი

ტროფიმ კალინოვიჩ სვერჩკოვს დიდი დამსახურება მიუძღოდა სამშობლოს წინაშე. სამამულო ომის დროს მისი ივარი საკმაოდ ხშირად იხსენიებოდა სტალინის ბრძანებებში.

გენერალს მამაპაპური, ნამდვილი რუსული გარეგნობა და წეს-ჩვეულებანი გააჩნდა. ძალუმი აღნაგობის, ფართო, მკერდამდე წვერით, დინჯი სიარულითა და ჰკვიანი თვალების კეთილი გამოხედვით ძველდროინდელ რუს გოლიათს მოგაგონებდათ.

გენერლის ცოლს ოქსანა ტარასოვნა ერქვა. ისიც ქმარით წარმოსადეგი, გულკეთილი, მხიარული ადამიანი იყო და ნაცნო-

ბი ქალები შურით ამბობდნენ ხოლმე: ოქსანა ტარასოვნა პირდაპირ სიჭანსადის განსახიერებააო.

სვერჩკოვებს ორი შვილი ჰყავდათ. ქალიშვილი ვერა და ვაჟი ვლადიმერი. მშობლები შვილებისათვის სულს არ იშურებდნენ, მაგრამ გონივრულად ზრდიდნენ.

სვერჩკოვებს, ისევე როგორც ნოჩკებს, თავიანთ განკარგულებაში ჰქონდათ მანქანა, მაგრამ ვერას არასოდეს მოსვლია აზრად, მამისთვის სკოლაში მანქანით ტარება ეთხოვა. მანქანა მამას სჭირდებოდა თავისი დიდი, მნიშვნელოვანი საქმეების მოსაგვარებლად, ზოგჯერ უფრო იშვიათად კიდევ, საერთო, მაგრამ მაინც საჭირო საოჯახო საქმეებისათვის — ეს ვერას მშვენივრად ესმოდა.

სტასია ნოჩკა თავისი პირველი, მისთვისვე შეუცნობელი სიყვარულით მარტომმარტო ეწამებოდა, მშობლებს უმაღლავდა, ისინი კი ვერ ამჩნევდნენ, რა დღეში იყო გოგო. მშობლები მიჩვეულები იყვნენ მხოლოდ მის ფიზიკურ მდგომარეობაზე ზრუნვას: მსუყე საჭმელი არ მოეკლოთ, ადრე დაეწვინათ დასაძინებლად, თბილად ჩაეცმიათ და ელოლიაგებინათ მისთვის. სვერჩკოვები კი სულ სხვანაირად ექცეოდნენ თავიანთ შვილებს. გენერალი შინ რომ მოვიდოდა, მაშინვე კიტელს გაიხდიდა, ვერას ნაჩუქარ, მისივე შეკერილ დაბამბულ ქურთუკს ჩაიცმევდა და პირველ ყოვლისა ქალიშვილის ოთახს მიაშურებდა..

მეგობრობა! ეს ხომ ერთ-ერთი ყველაზე მნიშვნელოვანი ადამიანური გრძნობაა. თანატოლებთან მეგობრობა კეთილშობილებაა, მაგრამ კიდევ უფრო კეთილშობილური, კიდევ უფრო წმინდა მშობლებთან მეგობრობაა. ქვეყნად არ მოიპოვება დედ-მამაზე უფრო გულწრფელი, ერთგული მრჩეველი. ვერა სვერჩკოვას წარგად გაუგებოდა ეს. მას მშობლებისაგან დაფარული საიდუმლო არ გააჩნდა. დედ-მამა მისი საუკეთესო მეგობრები იყვნენ.

როცა ვერა საკლასო წერის შემდეგ შინ დაბრუნდა, ტროფიმ კალინოვიჩსა და ოქსანა ტარასოვნას არ გამოპარვიათ, რომ მათი ქალიშვილის თავს რაღაც ამბავი იყო.

სასადილო ოთახში მრგვალ მაგიდასთან სადილობისას მთელმა ოჯახმა მოიყარა თავი.

— რა მოხდა? — ჰკითხა გენერალმა ვერას. — ცუდად ხომ არ დაწერე თხზულება?

— არა, ხუთი მივიღე წერაში, მაგრამ ახალი მოწათის ნაწერი ჯობია ჩემსას. დღეს მე წავიკითხე ხმამაღლა სტრელოვას ნაშრომი, რადგან თვითონ სკოლაში არ იყო. ვერასოდეს ვერ დავწერ მაგისტანას. სტრელოვას სულ თავისი აზრებით უწერია, მე კი — მასწავლებლებისა და კრიტიკოსების აზრებს ვწერ. ახლ როგორი მსუბუქი, სადა, ლამაზი ენა აქვს!

— ვერ გამოიგია, მერე ეგ რა მიზეზია უგუნებობისა? — მხრები აიჩეჩა ოქსანა ტარასოვნამ. — ჰოდა, მშვენიერი ამბავიც მომხდარა, კლასს ერთი ფრიადოსანიც შემატებია.

ვერა სახეზე წამოენთო, ტუჩები აუთრთოლდა. თეფშზე დახარა თავი, რომ ცრემლები დაეშალა.

— თავადაც არ ვიცი, ასე რამ მატკინა გული. არ მიყვარს სტრელოვა... არც კლასში უყვართ...

— როგორ, შვიდ დღეში მოასწართ? — ეჭვით შეეპასუხა ოქსანა ტარასოვნა. — როდის მოახერხეთ მისი გაცნობა? ან იქნებ იმიტომ ვერ შეიყვარეთ, რომ ლამაზი, ჭკვიანი გოგოა და, ეტყობა, ფრიადებზედაც სწავლობს? იბაჟ, ერთი პირუთვნელად განსაჯე, როგორც კომკავშირელს შეეფერება.

ტროფიმ კალინოვიჩი ხმას არ იღებდა. იგი მუდამ ასე დუმდა ხოლმე ჭამის დროს.

— არ ვიცი... — ორჭოფულად თქვა ვერამ.

ტროფიმ კალინოვიჩს უყვარდა ნასადილევს ერთხანს დაჯლომა, ჩიბუხის გაბოლება და ცოლ-შვილთან მასლაათი.

ახალი კინოსურათის შესახებ ბჭობდნენ, მაგრამ ვერამ იცოდა, რომ მამამისი აუცილებლად გააგრძელებდა სადილობისა დაწყებულ საუბარს. ასეც მოხდა.

— ფრიადზე სწავლა ძალიან სასახელო საქმეა, — გენერალმა მოულოდნელად შეწყვიტა კინოსურათზე საუბარი. — მაგრამ უფრო მეტად სასახელოა ცოდნის სიყვარული, იმ ახლისათვისების სიყვარული, რასაც ყოველდღე სწავლობთ სკოლაში. ცოდნისმოყვარე უნდა იყო, მაგრამ, შენ, ვერა, ვგონებ, პატივმოყვარეობის გულისთვის სწავლობ. ძალიან გიყვარს პირველობა. ეს მე მწყინს. არ მომწონს ასეთი მოწათფები. მითხარი, მართალი ვარ თუ არა?

კარგა ხანს უმტკიცებდა ვერა: მხოლოდდამხოლოდ მეცნიერების ჭეშმარიტი სიყვარული მაიძულებს გვიან ღამემდე ვუჯდე

წიგნებს და ყურადღებით მოვისმინო კლასში მასწავლებლების ახსნილიო, მაგრამ ბოლოს და ბოლოს თავსაც გამოუტყდა და დედ-მამასაც, რომ პატივმოყვარეობა არ აკლდა.

— მაშ ასე, — თქვა ტროფიმ კალინოვიჩმა, წამოდგა და მაჯის საათზე დაიხედა, — დამეთანხმე, ხომ! ახლა ის მითხარი, შენი აზრით, რა არის ეს — ნაკლია თუ ღირსება?

— ზომიერი არ არის ნაკლი, — ჯიუტად თქვა ვერამ.

— უზომო? — ჰკითხა დედამ, რომელიც მაგიდასთან იჯდა და ქურჭლის ტილოთი თეფშებს ამშრალებდა.

— უზომო — ნაკლია, — მიუგო ვერამ.

— მაშ, პატივმოყვარეობა უზომო გაგაჩნია. შენ ხომ კომკავშირული ორგანიზაციის მდივანი ხარ და კლასში ახალი ფრიადოსანი მოწაფის გამოჩენამ იმდენად გაგანაწყენა, რომ აგაცრემლა კიდევ. ეს ნაკლია, ვერა, რომელიც უნდა ამოძირკვო, — მტკიცედ უთხრა მამამ.

მამა მეორე ოთახში გავიდა და იმწამსვე მობრუნდა პერანგისამარა, ხელში კიტელი ეჭირა.

— რაკი ასეთი პატივმოყვარე ყოფილხარ, — განაგრძო ტროფიმ კალინოვიჩმა, — ალბათ სტასიასავით ამხანაგ გოგოებთან თავი მოგაქვს, რომ საბჭოთა კავშირის გმირი და გენერალი მამა გყავს. მერე ეს ხომ სისულელეა. ჩემი დიდება მე შეკუთვნის, მე დავიმსახურე და არავისთან არ მსურს მისი გაყოფა. ხომ გესმის, არა მსურს-მეთქი. თავად მოიპოვე დიდება — და უფლება გქნება იამაყო იმით. თუმცა, ვერც ნაშინ დაგეთანხმებოდი. ადამიანი უბრალო უნდა იყოს.

— არა-მეთქი, მამა, — პროტესტი განუცხადა ვერამ.

— დამაცა! — ჯიუტად გააწყვეტინა მამამ. — მე მინდა გიოხრა, რომ შენს პატივმოყვარეობას, ისევე როგორც ყოველ ადამიანურ ნაკლს, შეუძლია შეცდომებამდე მიგიყვანოს, ცნობრება წაგაგებინოს. აი, ხშირად ვიამბვნი სტასიაზე. მაგრამ იგი მეგობრად არ გამოგადგება. თქვენ საერთო არაფერი გაქვთ, შენ, უბრალოდ, მის დონემდე დადიხარ — შენ, ვერა, არც მეგობრები გყავს, არც ამხანაგები. ცუდია ეს. აქედან გამომაქვს დასკვნა, რომ შენი პატივმოყვარეობის გამო სკოლაში არ უყვარხარ. არ გედავები, რომ კარგი საზოგადოებრივი მუშაკი ხარ და ამხანაგებ-

თან მშენებელი საქმიანი კავშირის გაბმაც შეგიძლია, მაგრამ ეს არ კმარა, საჭიროა შეარჩიო ამხანაგები და უფრო გულითადი დამოკიდებულება იქონიო მათთან. ეს აუცილებლად უნდა ფააქეთო, ვერა, თორემ, ისე სიცოცხლე მოსაწყენი იქნება!

ტროფიმ კალინოვიჩმა ჩაიცვა კიტელი, ჩვეული მოძრაობით ყველა ღილზე შეიკრა იგი და ისევ საათზე დაიხედა. ეტყობოდა, სადღაც ეჩქარებოდა, მაგრამ ეს საუბარი თავის ქალიშვილთან გადაუდებელ და მნიშვნელოვან საქმედ მიაჩნდა.

— მერე ყიდევ, — იგენერალმა მკაცრად მიაშვირა თითი სიცრუეში, — შენ, მე მგონი, მტკიცედ გაქვს არჩეული მომავალი სპეციალობა. თეატრი გაინტერესებს: რეჟისურა, რეპერტუარი, ხელოვნების ისტორია, მშენებელი დარგია, საინტერესო, საჭირო და, მე ვიტყვოდი, არც თუ ისე ზშირი. მაგრამ მაგ შენს ნაკლს თუ ვერ დასძლევ, უსულგულო საქმე გამოგივა, ცივი და მარცხისთვის იანწირული. კარგად დაიხსომე ეს. ასევეა ყველანაირი საქმე, ვერა.

იგენერალი ქალიშვილთან მივიდა, გახურებულ ლოყებსა და დახრილ თავზე ალერსით ხელი მოუცაცუნა და უკვე ტკბილად უთხრა:

— იფიქრე ამაზე და გამოიცივალე, იცოდე. ნებისყოფა შენ არ გაკლია და საინტერესო საქმეც კია — გადააკეთო საკუთარი თავი. — გენერალი დაიხარა და თმაზე აკოცა შვილს, — აბა წავედი.

გადააკეთე საკუთარი თავიო? — სათქმელად რა ადვილია და შესასრულებლად რა ძნელი თექვსმეტი წლის გოგოსათვის. ძნელი, მაგრამ შეუძლებელი როდია, მთავარია, ცუდით გინდოდეს და ფიქრი და სურვილები შეაღიო.

მეექვსე თავი

სტასია მუდამ მორიდებულად იყო ხოლმე სვერჩუკოვების სახლში. გენერლის ოჯახის ცხოვრების ყაიდა რუცნაური და უცხო იყო მისთვის, ხოლო თავად იგენერალი, ოქსანა ტარასოვნა და პატარა ვალოდკაც კი, დიდივით რომ იცოდა ლაპარაკი, სტასიაში

საოცარი შიშნარევი პატივისცემის გრძნობას იწვევდნენ. მაგრამ, მიუხედავად ამისა, მაინც იზიდავდა სვერჩკოვების ოჯახი. ყოველთვის, როცა მათგან მოდიოდა, ბუნდოვანი, შეუცნობელი სურვილი ეუფლებოდა ხოლმე, უკეთესი გამხდარიყო, თავისი საქციელი განესაჯა. სწორედ ასეთივე გრძნობა გამოჰყვებოდა ხოლმე ლიტერატურული წრის მეცადინეობიდანაც, მაგრამ ეს გრძნობა ჩვეულებრივ თავის სახლამდე თუ მიჰყვებოდა ხოლმე, მერე უჭრებოდა და სვერჩკოვებთან ან აგრიპინა ფიოდოროვნასთან შეხვედრისას ისევ უჩნდებოდა. სტასიას არ უყვარდა, არც შეეძლო საკუთარი სულის ქექვა და ამიტომაც არ ცდილობდა ეს ახალი, მისი ამაფორიაქებელი სურვილი გაეყოლებინა დიდხანს.

სტასია სვერჩკოვებთან მიდიოდა. ზამთრის თბილი დღე იდგა, თოვლის ფიფქები ზანტად აცვიოდნენ ზავერდის ქუდზე, კრაველის მძავ საყელოზე და მაშინვე დნებოდნენ.

სტასია კიბეზე ავიდა, თითის წვერებზე აიწია და ძლივს მისწვდა ზარს. მოისმა ფეხისა და შიგნითა კარის ჯაღების ხმა. მოეჩვენა, რომ ვერა მოდიოდა. სტასიამ საჩქაროდ ისკუპა კიბიდან და სახლის კუთხეში დაიმალა.

კარი გაიღო. ვიღაცამ გაიხარა, პარმალზე შეიკადა. ეტყობა, დარწმუნდა, არავინ არ არისო და კარი გაიჯახუნა.

სტასიას ჩაეცინა, ისევ ავიდა პარმალზე და, ის იყო, დააპირა ზარის დარეკვა, რომ კარი ჯახუნით გაიღო და იქიდან ცქვიტად გამოხტა ივენერალი. იგი განზრახ დამალულიყო წინკარში, ეფიქრა, იმ ცელქ ბიჭუნებს გამოვიჭერ, სკოლიდან მომავალნი ბინებში რეკვით რომ თავს ირთობენო. სტასიას დანახვაზე გენერალმა გაოცებით გადასავსავა ხელები, გოგო კი გაწითლდა და დარცხვენით უთხრა:

— ოჰ, თუ შეიძლება, მამატიეთ, ტროფიმ კალინოვიჩ, მე ვერა მეგონეთ...

— მამ, მამ, ეგონა... დამიხედეთ პატარას, — უთხრა გენერალმა და სტასია წინ გაატარა. დერეფანში ხმამალა დაიძახა: — ვერა, ვოლოდკა! ცელქი ბიჭუნა გამოვიჭირე. ნახეთ ერთი!

წამსვე გამოჩნდა და-ძმა. სტასიას დანახვაზე მხიარულად ახარხარდნენ. სტასიას გაუარა მორცხვობამ და ისიც ახითხითდა,

თან ვერას უყვებოდა, როგორ გაუსკდა შიშით გული ტროფიმ კალინოვიჩის დანახვაზე.

ვერა სტასიას თავის პატარა ოთახში შეუძღვა. ოთახში იდგა საწოლი, წიგნებით სავსე თაროედი, საწერი მაგიდა, ორი სკამი და პატარა, სარკიანი კარადა. იატაკზე კარიდან საწოლამდე ვიწრო, წითელი ხალიჩა ეგო. სტასიამ გაიარა ხალიჩაზე, თან ნელა ადგამდა ფეხებს, რომ სარკეში თავისი თავი დაენახა, თმა გაისწორა, მერე სკამზე დაჯდა და ფოტოსურათების თვალიერებას შეუდგა. ვერა მაშინვე მობრუნდა, საწოლის ბოლოზე გადაფენილი პირსახოცი აიღო და ხელები შეიმშრალა. სტასიამ შეამჩნია, რომ ვერას ცხელი წყლისაგან თითები დასწითლებოდა და დაბერვოდა.

— ისევ სარეცხს რეცხავდი? — ჰკითხა.

ვერამ თავი დაუქნია, წინსაფრის მოხსნას შეუდგა და ამხანაგს მოუყვა:

— გუშინ მოზარდ მაყურებელთა თეატრში ვიყავი. მალიუგინის „ძველი მეგობრები“ ვნახე. ძალიან მომეწონა. არ ვეთანხმები ჩვენს გაზეთში დაბეჭდილ სტატიას. წავიკითხე, ხომ?

— წავიკითხე, — უთხრა სტასიამ.

მაგრამ ეს არ იყო სიმართლე. სტასია, საერთოდ, არ კოტუნლობდა გაზეთებს. ტყუილი იმიტომ თქვა, რომ არ სურდა თავის ამხანაგზე ნაკლებ სერიოზული გამოჩენილიყო. გულში კი წყენით ფიქრობდა: „რატომ არასოდეს მებადება საკუთარი შეხედულება? წავიკითხავ რაიმეს და მაშინვე ავტორის დაწერილს ვემხრობი. ვერას, სტრელოვას, ფედია ნოვიკოვს, საფრონოვს კი მუდამ გააჩნიათ საკუთარი აზრი. ალბათ, რა საინტერესოა, როცა საკუთარი აზრი გაქვს!“

— მაგრამ არც რეჟისორს ვეთანხმები. მე სულ სხვანაირად დავდგამდი მაგ პიესას. რაო, სტასია, ყურს არ მიგდებ?

— ვერ გამიგია, ვერა, ხელებს რად იფუჭებ, — შეაწყვეტინა სტასიამ, — კირილოვნა ხომ გყავთ?

— მე მხოლოდ ჩემს თეთრეულს ვირეცხავ. კირილოვნა დაბერდა, უჭირს რეცხვა.

— ჰოდა, თქვენც ახალგაზრდა აიყვანეთ.

— მერე, კირილოვნა გავაგდოთ? — წყენა დაეტყო სხაზე ვე-

რას. — დედაჩემსაც უძიძავა და მეც, არაინა ჰყავს ამქვეყნად. რა-
ნაირი ხარ, სტასია... ამიტომაც ვეხმარები...

— მერე, მოგწონს ეგ საქმე? — იქედნურად ჰკითხა სტასიამ.

— აბა, როგორ გითხრა... არ მომწონს, მაგრამ საჭიროა.

— მაგ დასკვნამდე თავად მიხვედი, რომ საჭიროა? — გაეცინა სტასიას. — ტყუილად, ვერკა, ოქსანა ტრასოვნა გაიძულებს ხოლმე. ვერაფრით ვერ ვამიგია, რატომ უნდა რეცხო. როცა დაგპირდება, წინასწარი წვრთნის გარეშეც მოახერხებ საქმის გაკეთებას. — სტასიას უფრო მზარულად გაეცინა. — იცი, ვერა, შენს ადგილას ამ წვრთნაზე სასტიკ უარს განვაცხადებდი.

ვერას არაფერი უპასუხნია, სასწრაფოდ ჩაიცვა კაბა და თმის დასავარცხნად სარკეს მიაშურა. სტასია მას სარკეში მისჩერებოდა. ვერა მუხის ჩარჩოში ჩასმულ სურათს ჰგავდა. მაღალს, თხელს, გრძელკისერას თმა პირდაპირ გადაეყარცხნა და სადად დაეწნა ორ ნაწნავად. „ლამაზი არ არის, — იგაიფიქრა სტასიამ, ვერას რომ ათვალე რებდა. — ძალიან მსხვილი სახის ნაკვთები აქვს, დიდრონი კბილები, მოგრძო ცხვირი, მაგრამ რაღაცით ბევრ ლამაზს სჯობს. რატომ ნეტა? იმიტომ, რომ კარგი სახის ფერი აქვს? არა, მიზეზი, სხვა რამეა. მისი ყურება უფრო დიდხანს მოგინდება, ვიდრე რომელიმე ლამაზი გოგოსი“.

უცებ სტასიას გაეცინა.

— მაპატიე, ვერკა, დღეს დილიდანვე ყველაფერზე მეცინება. წვერი რომ ამოვივიდეს, მთლად ტროფიმ კალინოვიჩს დაემსგავსებოდი. ხასიათითაც მამას ჰგავხარ.

ვერას გაახსენდა სუფრასთან საუბარი პატივმოყვარეობის თაობაზე, თავი გაიქნია და ჩაფიქრებით მიუგო:

— არა, სტასია, მამა ათასჯერ მჯობს... მოვრიჩი, — თქვა წუთის შემდეგ, საყულოზე დაყრილი თმის ბეწვები ჩამოიფერთხა, სავარცხელი კარადაში შეინახა და ორივე გოგო წინკარისაკენ გაემართა პალტოების ჩასაცმელად.

მაღე ნოვიკოვისაკენ მიმავალ გზაზე მიაბიჯებდნენ, კედლის გაზეთი უნდა გაეფორმებინათ. ფედია, სტრელოვა, სტასია და ვერა ლიტერატურულმა წრემ რედკოლეგიის წევრებად აირჩია. ქუჩა ახმაურებულებოდა. ხალხი ტალღა-ტალღად ბრუნდებოდა სამუშაოდან შინ. დაქროდნენ მანქანები.

— მოსკოვიეთ არის, — თქვა სტასიამ, თუმცა არასოდეს ენახა მოსკოვი.

გოგობმა ხელები ჩაჰკიდეს და სიცილით ჩაიქროლეს ქუჩაში, გამვლელებს ეჯახებოდნენ, ბოდიშს უხდიდნენ და გვერდზე უხვევდნენ.

მეზვიდე თავი

ფედია ნოვიკოვი ქალაქის გარეუბანში ცხოვრობდა, როთახიან პატარა, დაბალ, ნესტიან ბინაში. ამავე ეზოში ახლახანს აშენებული აბანოს სქელი ქვის კედლები წინ ჩამოეფარა ნოვიკოვების სახლს და არამყუდრო გახადა.

ნოვიკოვს მამა ადრე გარდაეცვალა, დედა დამლაგებლად მუშაობდა აბანოში და გაჭირვებით ზრდიდა სამ შვილს, რომელთაგან ყველაზე უფროსი ფედია იყო.

ფედიას დედას არავითარი განათლება არ ჰქონდა, მაგრამ ჰყვიანნი, დაკვირვებული, წყნარი ქალი იყო. თავისი შვილების შესანიშნავი მეგობარი და დიდებული აღმზრდელი გახლდათ. ნოვიკოვის მეგობრები დიდად აფასებდნენ დედამისს, პატივისცემით იხსენიებდნენ და აღფრთოვანებულები იყვნენ მისით. ჰოდა, რაკი სენტიმენტალობას მოკლებული ბიჭები თავიანთ წრეში აღფრთოვანებას გამოთქვამდნენ ამხანაგის დედით, აბანოს უბრალო დამლაგებელი ქალით, — მაშ, დაემსახურებინა კიდევაც ნამდვილი პატივისცემა.

ფედია, ეტყობა, ელოდებოდა ვერას და სტასიას. ფანჯარაში რომ თვალი მოჰკრა გოგობებს, წამოხტა და ქუჩაში შეეგება მათ.

— შემოდით, შემოდით, გოგობო, — თავაზიანად ეპატიებოდა იგი. მაგრამ მის თავაზიან სიტყვებზე უფრო მეტად ამ უცნობ სახლში სტუმარს შინაურულად და თავისუფლად თავს მასპინძლის ტყბილი ღიმილი აგრძნობინებდა.

ფედია გოგობებს მიეშველა პალტოს გახდაში და ფრთხილად დადო ტანსაცმელი სკამზე, რადგან საკიდის სანაცვლოდ მიჭედებულ ლურსმანზე მისი ტყაპუჭი და დედამისის დალიანდაგებული ქურთუკი ეკიდა.

გოგობმა პალტოების გახდა მოასწრეს და ოთახში ენერგიული,

სწრაფი ნაბიჯით შემოვიდა ვასილინა მიხაილოვნა — ნოვიკოვის დედა. ვერა და სტასია მიესალმნენ მას, თან ცნობისმოყვარეობით ათვალიერებდნენ.

მაღალი, ჩასუქებული ქალი იყო, ჯანსაღი, ლოყებდაჟდაჟა. წყნარი, ცისფერი თვალებით ალერსიანად და ყურადღებით მისჩერებოდა გოგოებს. ფედიასავით ტკბილად და თავანთანად იღიმებოდა და თავის ფაქივით, მასაც საღი, ჩაწიწიკებული კბილები მოუჩანდა სიცილის დროს. ვასილინა მიხაილოვნამ გოგოებს გამოჰკითხა, შორის გზიდან მოხვედით თუ არა და ხომ არ შეგცივდათო. სტასიამ და ვერამ იგრძნეს, რომ ეს შეკითხვები ნაცნობობის გაბმის მიზნით არ იყო დასმული, არა, ამ ქალს ყველაფერი აინტერესებდა, რაც მის ირგვლივ მყოფთ ეხებოდა და მისი ასეთი ყურადღება საოცრად კეთილმოსურნედ განაწყობდა ადამიანებს მისდამი.

მაგიდაზე იღო წინასწარმომზადებული ალექსანდრიის ქალაღდის დიდი ფურცელი, საღებავები და ფუნჯები. ქალაღდზე ფანქრის მსუბუქი მოსმით დაეხატათ გაცინებული მზე, ხოლო მის სხივებში ეწერა: „მზიური“.

— ძალიან კარგია, — თქვა ვერამ, რომელიც ესკიზს ათვალიერებდა, — ძალზე კარგია, — გაიმეორა მან, მაგიდას მოშორდა, თვალები მოჰუტა და ისევ შეხედა ნახატს.

ფედია ხმას არ იღებდა, სტასიას აზრს ელოდებოდა, მაგრამ რაკი გოგომ არაფერი თქვა, თავად ჰკითხა:

— აბა, შენ როგორ მოგწონს, სტასია?

სტასიამ მხრები აიჩეჩა და ისეთი სახე მიიღო, აქაოდა, ჩემთვის სულ ერთიაო, მერე საჩქაროდ უპასუხა:

— მე მგონი, კარგია.

ვასილინა მიხაილოვნა უკვე სამზარეულოსაკენ მიემართებოდა ჭურჭლის დასარეცხად, მაგრამ ფეხი შეაჩერა, შვილის ნახატს თვალი გადაავლო, განზე გადგა და მერე კვლავ სამზარეულოს მიაშურა. ფედიას არ გამოჰპარვია, რომ დედამისს რაღაც არ მოეწონა, მაგრამ იცოდა, ამას მაშინ ეტყოდა დედა, როცა გოგოები წავიდოდნენ. ვასილინა მიხაილოვნამ გაიგონა გოგოების აზრი ნახატზე. არ გამოპარვია არც სტასიას გულგრილობა და არც ვერას სიციხარე. „ეს შავგვრემანი, — ლთხრა მერე შვილს ვერაზე, — აქედანვე ეტყობა, თავად გაიკაფავს გზას, იმ მეორეს ყი გაუჭირდება ცხოვრება“.

ვერა, სტასია და ფედია საქმეს მიუხსდნენ და ერთხანს ღმას არ იღებდნენ. ვერას სკამზე მუხლებით შედგომა სჩვეოდა, ახლაც თავისი საყვარელი პოზა მიეღო და გატაცებით აფერადებდა ფედიას მონაზულ ასოებს. სტასიამ თხუთმეტიოდე წუთს ხატა, შვოვ ნობეზრდა, მთქნარება აუტყდა, ფუნჯი გაწზე გადადო და გულახდილად იგანაცხადა, მომწყინდა მუშაობაო. ფედია კურადლებით შეხედა გოგოს, უნდოდა ეკითხა, რატომა ხარ ასეთი მოუთმენელიო, მაგრამ თავისთვისვე მოულოდნელად სულ სხვა რამ ჰკითხა:

— სტასია, კომკავშირში რატომ არ შედიხარ?

სტასია წამოწითლდა.

— ისე.

— რა სკოლამდელივით მიპასუხა, — გაეღიმა ფედია.

— ოჰ, კომკავშირული ორგანიზაციის ორ მდივანს შორის არ მოეხვდი! — ხუმრობაში გაატარა სტასიამ.

ვერა საქმეს მოსწყდა, მეგობარს შეხედა და უთხრა:

— კი ნუ იცინი, ისე გაეცი პასუხი. სერიოზული კითხვაა.

— ვეროჩკა, ჩემო კარგო, — ძალად იგაიციანა სტასიამ, — ღომ იცი, რომ სერიოზულად არაფერზე არ შემოძლია ლაპარაკი.

მაგრამ ვერასა და ფედიას არც გაღიმებით და სტასია მიხვდა, რომ ხუმრობით ფონს ვერ გავიდოდა. გოგო წამოწითლდა და გადატყეცილ, პრიალა შუბლზე ნაოქები აესახა.

— მე ღომ შესახედავად ვჩანვარ ჯანმრთელი, თორემ გულის მანკი მაქვს და ამის გამო დედა და მამა კატეგორიულად წინააღმდეგნი არიან ჩემი კომკავშირში შესვლისა.

ამის თქმაზე სტასია კიდევ უფრო გაწითლდა. იგი მართალსაც ამბობდა და ტყუილსაც. მართალს, რადგან მის დედ-მამას მართლაც მიაჩნდათ, რომ გულით ავადმყოფ სტასიას ზედმეტი სამუშაოსთვის თავი უნდა აერიდებინა, ტყუილს კი იმიტომ, რომ სტასია ყველაზე ნაკლებ ანგარიშს თავის საქციელში დედ-მამას უწევდა და რაც მოეპრიანებოდა, იმას აკეთებდა. კომკავშირში შესვლა თავად სტასიას არ სურდა: პასუხისმგებლობისა ეშინოდა და კიდევ იმისა, რომ რაიმეთი პირადი ინტერესები არ შელახვოდა.

— მერე რატომ ჰგონია შენს დედ-მამას, რომ გულისმანკიანი არ შეიძლება კომკავშირში შევიდეს? ზედმეტი დატვირთვა გამოვა? — ჰკითხა ფედია.

სტასია უმალ დაეთანხმა თავის დაკანტურებით. ეშინოდა ვერას-
თვის თვალი გაესწორებინა, რადგან მან ყველაფერი იცოდა და
სტასია ფიქრობდა, ვერაფერს გამოაპარებს კაციო.

ფედია წუთით დაფიქრდა, საშუალებით რომელიღაც არასაპირო
შტრიხს მლიდა, მერე სწრაფად შემობრუნდა და გამარჯვებულის
ღიმილად, აქაოდა სიცრუეში გამოგიჭირეო, უთხრა სტასიას:

— ღაცა, ღაცა, ლიტერატურულ წრეში მეცადინეობის უფლე-
ბას ხომ გაძლევენ?

— ჰო, მაძლევენ...

— მე კი შენს ადგილას კომკავშირს ვარჩევდი. ნუ გამიბრაზდე-
ბი, სტასია, — ფედია მივიდა გოგოსთან და მხარზე ხელი დაადო. —
მაგრამ ლიტერატურა მიინცადამინც არ გიყვარს, თავად არაფერსა
წერ, წრის მეცადინეობაშიც არ ლებულობ აქტიურ მონაწილეობას...
მაშ რად გესაჭიროება ლიტერატურული წრე? ასე არ არის? — მი-
უბრუნდა ფედია ვერას, იფიქრა, მხარს დამიჭერსო, მაგრამ იგი
ხმას არ იღებდა. ვერამ კარგად იცოდა, რატომაც არ გამოდიოდა
სტასია ლიტერატურული წრიდან.

— იცით რა... გთხოვთ, ჩემს პირად საქმეში ნუ ერევით... —
გაბრაზდა სტასია.

— ნუ ბრაზობ, სტასია, მაგრამ როცა კომკავშირს ეხება საქმე,
ეს მართო შენი პირადი საქმე როდია. — ფედიამ დაბნევით შეხედა
ვერას, მხერით სთხოვა საუბარში ჩაბმა, მაგრამ ვერა მტკიცედ
სდუმდა. მას ამ თემაზე სტასიასთან ბევრჯერ ულაპარაკნია.

— კომკავშირი ხომ დიდი საქმეა, სტასია, — მლეღვარებით გა-
ნაგრძობდა ფედია. — გაიხსენე „ახალგაზრდა გვარდია“! ხშირად
ჩვენთან კარგად არ ესმით ბავშვებს, რას ნიშნავს კომკავშირელობა.
შედიან, საწვევროებს იხდიან და ფიქრობენ, ყველაფერი რიგზეაო.
ნამდვილად კი ეს როდია მთავარი — სულით უნდა იყვე კომკავში-
რელი, შენი თაობის ნაღდი წარმომადგენელი...

— ეს უშენოდაც ვიცი, — ბრაზით უთხრა სტასიამ. — მოდით,
გხატოთ, ისა სჯობს.

— მოდით, — თქვა ფედიამ ჩამწყდარი ხმით და გაიფიქრა: „ვერ
მიუძღვექი კარგად, გავაბრაზე, მართო როცა იქნებოდა, მაშინ უნდა
წამომეწყყო ეს საუბარი... ასე ვიცი მუდამ, გავაფუჭებ საქმეს, არც
ლაპარაკი მეხერხება და არც აღამიანის დარწმუნება“...

კარგა ზანს არც ერთს ზმა არ გაუღია. მერე ვერამ, ისე რომ საქმიდან თავი არ აუღია, იკითხა:

— ფედია, ცხოვრებაში ყველაზე ძვირფასი რა გაგაჩნია?

ფედიას უცებ არ უბასუხნია. დაფიქრდა, შუბლზე ხელისგული მოიჭირა და მხოლოდ მერე თქვა:

— ცხოვრებაში ყველაზე ძვირფასი ჩემთვის კომკავშირი და დელაჩემია.

სტასიამ ფანქარი გვერდზე გადასდო, თავი ასწია და თვალებდაჭყეტილი მიაშტერდა ფედიას — ისე იყო გაოცებული.

— ერთი ამიხსენი, — მიუბრუნდა უცებ ფედიას, გაბრაზებით კი არა, სავსებით მშვიდად, — რას ნიშნავს ჩვენი თაობის ნაღდი წარმომადგენლობა?

ფედიას გაუხარდა ეს შეკითხვა და საჩქაროდ მოისროლა ფუნჯი.

— იცი, რა... — ცოტა ხნით გაჩუმდა, ჩაფიქრდა, ისევ არ გამიფუჭდესო იმავე თემაზე განახლებული საუბარი. — ჯერ მე პატარა ვარ, ცოტა რამ მინახავს, ცოტა წამიკითხავს, თეორიულ მომზადებაში მოვიკოჭლებ, იქნებ კარგად ვერ დავასაბუთო ჩემი აზრები. მე უფრო გულითა ვგრძნობ. ჰო, ეტყობა, მე, საერთოდ, ისეთი ადამიანი ვარ, რომ მუდამ გულით უფრო ვიცხოვრებ, ვიდრე გონებით. აი, ვერა, — სულ სხვანაირია — ფედია ამ ეშმაკური ღიმილით შეხედა ვერას.

სტასიამ თვალი შეავლო ამხანაგს. ვერა საქმეს მოსწყდა და წარბეზაზიდული, ყურადღებით უსმენდა ფედიას. სტასიას გაახსენდა, ამ რამდენიმე საათის წინ ვერას რომ კარადის სარკეში მისჩერებოდა და ფიქრობდა, რატომ არის ასეთი მიზიდველი ამ გოგოს ულამაზო სახეო. ახლა მიხვდა, რატომაც. ვერას თვალები, მისი მოძრავი წარბები, შუბლი — ყველაფერი გონებით, ცოცხალი, ცოდნის მოყვარე გონებით იყო გაცისკროვნებული.

— მე მგონია, თუ ადამიანი კომკავშირში შევიდა, — განაგრძობდა ფედია, — ეს ისეთივე მთავარი რამ უნდა იყოს მის ცხოვრებაში, როგორც სკოლა. ჩემის აზრით, კომკავშირელი არ უნდა იყოს რაიმეთი განსაკუთრებული. იგი, უბრალოდ, თავისი საუკუნის ნამდვილი წარმომადგენელი იქნება, ისეთივე, ისეთივე... — ფედია სიტყვები ვერ იპოვა.

— ჰო, ისეთივე, როგორც ყველა ჩვენგანს უსურვა აგრიპინა ფი-
ოდოროვნამ საახალწლოდ, — უკარნახა ვერამ.

— აი ეს საესებით სწორია, — გაუხარდა ფედიას. — უნაკლო
ადამიანი არ მოიპოვება ქვეყნად. აი, მაგალითად, ვერა მეტისმეტად
პატივმოყვარეა...

ვერა სახეზე წამოპილპილდა: „მაშ, არც ბავშვებს გამოჰპარვიათ
ეს“.

ფედიამ მორცხვად გაიღიმა და გაიფიქრა: „რა მომივიდა, რას
ვმოძღვრავ ამათ, თანაც ასე სულელურად, მიკიბვ-მოკიბვით ველა-
პარაკები და მთავარი სათქმელი კი არ მითქვამს“.

— მე ეს მაგალითისთვის ვთქვი, ვერა, შენზე... — თითქოს თავის
ღასამართლებლად თქვა ფედიამ, მაგრამ ცოტა ხანს ჩუმად იყო და
ისევ ვერაზე ალაპარაკდა: — ჰო, ვერა, შენ, როგორც მოწინავე წარ-
მომადგენელი ჩვენი ახალგაზრდობისა, უნდა გამოასწორო ეს ნაკლი.
ან კიდევ, ჩვენი ჩერნილინი ავიღოთ, ბევრ ტყუილს ლაპარაკობს,
ერთთავად კამათობს, — არც ეს ვარგა, უნდა გამოსწორდეს. როცა
პიჭები ხულიგნობენ კომკავშირელს უფლება არა აქვს, გვერდი
აუაროს ამ ფაქტს.

— დიდი გონებადამჯდარი ვინმეა ეგ შენი კომკავშირელი, ფე-
დი. ნამდვილი... როგორც წინათ იტყოდნენ ხოლმე ასეთზე, ლურ-
ჯი... ლურჯი წინდაა. — სტასიამ ისეთი გადამდები სიცილი აიტეხა,
რომ ვერასა და ფედიასაც გაეცინათ, სამზარეულოდან კი ღიმილით
გაბადრული სახეები გამოჰყვეს ფედიას დებმა, ორი წვეთი წყალი-
ვით რომ ჰგავდნენ ერთმანეთსაც და ძმასაც.

ამ დროს წყნარად მოაკაკუნეს ფანჯარაზე; არც ფედიას, არც ვე-
რას, არც სტასიას არ გაუგიათ, რომ ვასილინა მიხაილოვნამ ვიღაც
შემოუშვა შინ.

— აი, კომკავშირელი იგენკა საფრონოვი საშინელი ინდივიდუა-
ლისტია და, მე ვიტყოდ, პესიმისტიც, — განავრძობდა ფედი. —
განა ეს ყველას არ ეხება?

— ეხება, რასაკვირველია, — წყნარად თქვა გენადი საფრონოვმა.
იგი კარში მდგარიყო შეუძინველად.

— ბოლიშს ვიხდი, გენკა, არ არის კარგი, ზურგსუკან რომ გაკ-
რიტიკებთ, მაგრამ სიტყვამ მოიტანა, — უთხრა ფედიამ.

— მე თქვენი კრიტიკა აინუნშიაც არ მომდის, — ზიხლით მიუგო საფრონოვმა.

საფრონოვს მაზარა არ გაუხდია, დასერილი ფეხსაცმელებით შე-
ალაჯა ოთახში.

— გამარჯობათ, — ჩაიბურღლუნა ისე, გოგოებისათვის ზედაც არ შეუხედავს, თან ისეთი სახე ჰქონდა, თითქოს დიდ პატივს დებ-
და მათ.

— გამარჯობათ, — გაუბედავად თქვა სახეწამოწითლებულმა სტასიამ. ვერამ შეხედა საფრონოვს და გაჩუმდა. გააბრაზა მისმა ასეთმა სალამმა.

საფრონოვი მივიდა მაგიდასთან, დახედა ნახატს, მერე ფედიას მიუბრუნდა და ჩვეულებისამებრ ჯიბეებში ღრმად ხელებჩაყოფილ-
მა დაცინვით ჰკითხა:

— იბა, რაზე ლაპარაკობდით? ახლა ვის გადაეღობა გზაზე გენ-
კა საფრონოვი? თუმცა, შეგიძლია არც მიპასუხო, არ მაინტერე-
სებს... ერთი წუთით შემოვიარე, წიგნი მინდოდა, რომ დამპირდი.

საფრონოვის მოსვლამ გააწყვეტინათ გულთა საუბარი. დაძაბუ-
ლი სიჩუმე ჩამოწვა. ვერამ იგრძნო, რომ საფრონოვი კიდევაც რომ
წასულიყო, ეს საინტერესო საუბარი აღარ განახლებოდა. მან
პატარა მძაჩის საათზე დაიხედა.

— ცხრის ნახევარია, სტასია, უნდა წავიდეთ.

სტასია უნდობლად წამოდგა. გოგოები ფედიას მოელაპარაკნენ,
რომ ხვალ სტასიასთან შეკრებილიყვნენ და გახეთზე მუშაობა გა-
ნეგრძოთ. „ჰოდა, მოვრჩებით საუბარს“, — გაიფიქრა ყველამ ერთ-
ნაირად, თუმცა ხმამაღლა არავის არაფერი უთქვამს.

ფედიამ ვერას და სტასიას ჩაცმაში უშველა. ვასილინა მიხაი-
ლოვნა სამზარეულოდან გამოვიდა — მან ენერგიულად ჩამოართვა
გოგოებს ხელი, სთხოვა, შემოიარეთ ხოლმე ჩვენსაო და ალერსი-
ანი მზერით გააცილა ისინი.

კუთხეში ვერასა და სტასიას საფრონოვი დაეწია. ვერას აფთი-
აქში უნდა შეეგლო კირილოვნას წამლისათვის და სტასია და გენა-
დი მარტო დარჩნენ.

სალამთი ყინვა გადაეკრა დღისით გამლვალ ქვაფენილებს.
სტასიასა და საფრონოვს ფეხი უსწლტებოდათ და ერთმანეთს ეჭი-
დებოდნენ... ისინი ლაპარაკობდნენ ლიტერატურულ წრეზე, ვერა-
ზე, ფედიაზე. მხოლოდ თავიანთ თავზე არ უთქვამთ ერთი სიტყვაც

კი, თითქოს ორთავეს დავიწყნოდა, ახალი წლის ზეიმზე პიონერთა სასახლეში რომ სტასიამ ასე განუსჯელად და თავადებით მისწერა გენადის, ამქვეყნად ყველას მირჩევნიხარო. ახლა თავადაც ვერ გავგო სტასიას, რამ გააკეთებინა ეს. დაწერა და ცეკვის დროს კარებში ჩამდგარ, ქონვეთებში ჩაფლულ საფრონოვს გვერდით რომ ჩაუქროლა, წამით შეაჩერა ფეხი და გადასცა კიდეც წერილი. ბიჭმა წაიკითხა, გოგოს თვალწინ ნაკუწებად აქცია და მალდა, მოცეკვავეთა თავს ზემოთ აისროლა. მერე კი სტასიამ მიიღო პასუხი, რომელშიც საფრონოვი უარს ეუბნებოდა მეგობრობაზე, არა ვარ შენი ღირსიო.

მაგრამ ამ წუთას სტასიას დავიწყნოდა ეს ამბავი, ისე ატაცებულნი, გულგახარებული იყო. საფრონოვი ახლა უბრალო, კარგ ყმაწვილად ეჩვენებოდა.

სახლამდის გზა თანდათან მოკლდებოდა და სტასიას გული უფორიანებდა იმის შიშით, რომ ასეთი საღამო აღარ განმეორდებოდა.

გოგო უფრო და უფრო უნელებდა ფეხს, მაგრამ სულ ერთი იყო, სახლები და ვხეები უკან რჩებოდა და, აი, ბნელში მისი სახლის კიჩქარაც გამოიკვეთა. გოგო შეჩერდა, იქნებ საფრონოვმა სთხოვოს, კიდეც გავიაროთ ცოტახეო. მაგრამ ბიჭი მოულოდნელად შეტრიალდა და სიტყვაც არ უთქვამს, ისე წავიდა. სტასიამ ჯერ იყო და გაოცებით გააყოლა მხერა, თვალეზე ცრემლები მოადგა, მერე კი ბიჭისადმი ბრაზმა აიტანა და საფრონოვი თითქმის შესაჯდა.

მეორე ტატი

ზომ გახსოვთ, რას წერდა სტასია თავის დღიურში: „ჩვენს ასაკში სიყვარული დანაშაულია... ყველაფერზე ხელი უნდა აიღო — სწავლაზედაც, მთელ ცხოვრებაზედაც... სიყვარული შეიძლება“... — სტასიამ აღარ უპასუხა ამ კითხვას, თუმცა, იმ საღამოს შემდეგ, როცა ეს სტრიქონები დაწერა, ბევრმა წყალმა ჩაიარა — თექვსმეტი წლისას, აბა, ვის არ უფიქრია ამ საკითხის გადაწყვეტაზე?

ამიტომაც, როცა ლიტერატურის კაბინეტის წრის წევრები შეიკრიბნენ და აგრიბინა ფიოდოროვნამ თქვა, დღეს სიყვარულზე ვისაუბროთო, ოთახში მოწონების ზრიალმა გადაიარა. მერე კი ისეთი

სიჩუმე ჩამოვარდა, ყაცი ვერ იფიქრებდა, თუ ამ ვრცელ კაბინეტში ოციოდე დაუღდეგარი მოზარდი იჯდა.

აგრიპინა ფიოდოროვნამ ყურადღებით მიმოხედა: ბავშვები მასწავლებელს მიშტერებოდნენ, თვალები ინტერესით ანთებოდათ... აგერ ზის სტასია... რატომ შემოვიდა ლიტერატურულ წრეში ეს გოგონა? მას ხომ ლიტერატურა არ იტაცებს. მთლად ხელი აიღო მეცადინეობაზე, მის ჰკუთვნებას მხოლოდ საფრონოვი დაუფლებია...

საფრონოვი... აგრიპინა ფიოდოროვნამ წუთით შეაჩერა მხერა ამ ყმაწვილის გაკრეჭილ თავზე. უნდა იპოვოს მისი მისადგომი გზა. იქნებ მისი ახირებული საქციელი მხოლოდ თამაშია, როგორც ეს ხშირად მოსდით ამ ასაკში?

ვერა... ეს გოგო მეცნიერებითა და თეატრით არის გატაცებული, იგი გონებით ცხოვრობს და იქნებ მეტისმეტად გონიერიც არის თექვსმეტი წლის ასაკისათვის? იქნებ სწორედ მას ესაჭიროება ნამდვილი მეგობრობა, თუნდაც, ვთქვათ, ნოვიკოვთან. აგრიპინა ფიოდოროვნა ვერ ამჩნევს, რომ მისი აღსაზრდელები, თუშცა ამ მოუთმენელ სიჩუმეს არ არღვევენ, გაოცებით მისჩერებიან და ფიქრობენ, ნეტა ხმას რატომ არ იღებსო.

— აგრიპინა ფიოდოროვნა, — ღიმილით ეუბნება ნოვიკოვი, — სიყვარულზე აპირებდით საუბარს.

— დიახ, დიახ, — საჩქაროდ პასუხობს მასწავლებელი, — სიყვარულზე ვილაპარაკოთ. ლექციის წაკითხვას ამ თემაზე თქვენთან არ ვაპირებ, ის კი არა და, რაიმე შესავალსაც არ გავუკეთებ ამ საუბარს. მე მგონია, თავად დასვამთ იმ კითხვებს, რომელიც ყველას გაღელვებთ, და ჩვენ ერთად ვეცდებით პასუხის გაცემას.

ისევ დაძაბული სიჩუმე ჩამოვარდა. ყველას აწუხებს რაღაც კითხვა, მაგრამ პირველად თქმას ვერ ბედავენ. ბოლოს სავარძლიდან წამოდგა ნოვიკოვი. ყველამ მისკენ მიატრიალა თავი და ცნობისმოყვარეობით მიაჩერდა.

ნოვიკოვს ხელების ქნევა აუტყდებოდა ხოლმე სიმორცხვის დროს, ახლაც გაცხარებული ხელების ქნევით ალაპარაკდა.

— ჩვენს კლასში ერთი მოწაფეა, ბიჭი, რომელიც სხვა სკოლელ თავის ტოლ გოგოსთან მეგობრობს. დიდი ხანია, მეხუთე კლასიდან მეგობრობენ. მაგრამ გოგო იძულებულია, დედას დაუშალოს ეს ამ-

ბავი. ღმერთმა ნუ ქნას, რომ ბიჭმა მათთან შინ შეიაროს: დედას სირცხვილად მიაჩნია. ჰოდა, ესენიც ყველასგან მალავენ თავიანთ დაშოკიდებულებას, ერთმანეთს შინ კი არ ხედებიან, არც მეგობრებისა და მშობლების წრეში, არამედ ქუჩაში, სადმე.

ნოვიკოვის ბოლო სიტყვები ხმაურმა დაფარა. გაისმა შეძახილები:

— ბევრი მასწავლებელიც ასევე ეკიდება გოგოსა და ბიჭის მეგობრობას!

— მაგრამ მე ამაზე კი არ მინდოდა მელაპარაკა. ლაპარაკი არ მებნებება, სათქმელს პირდაპირ ვამბობ ხოლმე, — გაცხარებით იქნევდა ხელებს ნოვიკოვი. — აი, რა მინდოდა მეთქვა. უფროსები ხშირად გვეუბნებიან: „უნდა ისწავლოთ, რომანები კი არ უნდა გააბათ ერთმანეთში“. ჩვენ კი სწავლას კიდევ დიდხანს მოვუნდებით. მე, მაგალითად, დარწმუნებული ვარ, რომ სწავლას სიბერემდე ვერ შევეშვები. აქედან გამომდინარე...

ერთხმად ატეხილმა ხარხარმა გააწყვეტინა ფედიას სიტყვა.

— შენ მაზეპას ასაკში შეიყვარებ, — მშვიდად და პირქუშად უთხრა საფრონოვმა.

სტასიამ ხელი გულზე მიიჭირა და გარინდებული და მთელი ტანით წინწაწვილი მისჩერებოდა ნოვიკოვს. ფედია იმას ლაპარაკობდა, რაც მას აღელებდა: მართლაც, როდისღა შეიძლება სიყვარული?

— მერე, თქვენ რაღას ფიქრობთ ამის თაობაზე? — აშკარა ცნობისმოყვარეობით ეკითხება ნოვიკოვს აგრიპინა ფიოდოროვნა.

— მე, აი, რას ვფიქრობ, — უპასუხებს ნოვიკოვი, — სიყვარული ყოველთვის შეიძლება, რადგან ყოველ ასაკში სხვადასხვანაირია ეს გრძნობა. თექვსმეტი წლის ქაბუკის სიყვარული ძალზე უბრალო და კარგი გრძნობაა, იგი, ალბათ, სულაც არა ჰგავს სიყვარულს ოცი წლის ასაკში, ამიტომ მე მას სიყვარულს ვერც დავარქმევდი, ჩვენს წრეში „სიყვარულს“ კი არა, „მეგობრობას“ ვეძახით. ლევ ტოლსტოი „ბავშვობაში“ აგვიწერს, როგორ შეუყვარდა ნიკოლენკას კატენკა. მერე რა კარგი სიტყვებით გამოხატავს იგი ამ გრძნობას. ახლა ნატაშა, სონია, ნიკოლაი ხომ გახსოვთ „ომი და მშვიდობიდან“?

— სწორს ამბობს! — ხმაურით ეთანხმებიან ფედიას.

— ალექსეი ტოლსტოის კი „ნიკიტას ბავშვობაში“ როგორა აქვს? — თქვა სახეწამოწითლებულმა ჩერნილინმა. — ნიკიტასაც ხომ შეუყვარდა გოგო, ავტორი კი არ ძრახავს მას.

— მარქსს თავისი მომავალი მეუღლე ჟენი ფონ ვესტფალენი ჰბავუკობაში შეუყვარდა, — ჩაურთო პირქუშად საფრონოვმა.

— მგონი, თქვენ არ დაგიმთავრებიათ აზრის გამოთქმა, ნოვიკოვ, — მიუბრუნდა აგრიპინა ფიოდოროვნა ფელიას.

— დარწმუნებული ვარ, რომ სიყვარული ყოველთვის შეიძლება ვის, ლევ ტოლსტოისავეთ, ხუთი წლისას ეწვევა, ვის თექვსმეტისას და ვის კიდევ, მაზეპასავეთ, სამოცი წლისას... — განაგრძობდა ფელია.

— „ყველა ასაკი ტრფობას მონდება, მაგრამ ყმაწვილურ გულებს მიმნდობელს კეთილპყოფს მისი ჩამოქროლება“, * — ხმამაღლა ამღერდა ჩერნილინი.

ყველას გაეცინა. გაიცინა აგრიპინა ფიოდოროვნამაც.

— მართალი ხართ, ფელია. ეს გრძნობა ვის როდის ეწვევა და ვის — როდის. მაგრამ მე სასტიკი წინააღმდეგი ვარ იმისა, რომ ამ გრძნობამ დაგიმონოთ, მხოლოდ მისით ცოცხლობდეთ და დაგავიწყდეთ სხვა მაღალი, კეთილშობილური მიზნები. ასეთი რამ კი საკმაოდ ხშირად ხდება. ასეთ გრძნობას პირველ რიგში თავად უნდა შეებრძოლოთ, მერე კი — მშობლები, მასწავლებლები და მეგობრებიც დაგეხმარებიან. სიყვარულისა თუ, როგორც თქვენ ეძახით, მეგობრობის მშვენიერმა გრძნობამ უნდა აღგამადლოთ.

— თუ ეს გრძნობა ცალმხრივია? — გულგრილად იკითხა ვერამ, ყველამ შეატყო ტონზე, რომ თავის თავს არ იგულისხმობდა.

— სწორედ ამიტომ გააჩნია ადამიანს გონება და ნებისყოფა, რომ თავისი თავი მართოს, — თქვა აგრიპინა ფიოდოროვნამ.

— „ისწავლეთ, ნუ გაამჟღავნებთ უცბად განზრახულს“, — ისევ ამღერდა ჩერნილინი.

* „ნევენი ონეგინის“ ყველა ციტატა ამოღებულია ოთარ ჭელიძის თარგმანიდან.

ამჯერად არავის გაუცინია.

— თუ ვერ შეეძელით? — უცებ უნებლიეთ აღმოხდა სტასიას. გოგო წამოწითლდა და თავი ჩაქინდრა.

ეტყობა, აგრიპინა ფიოდოროვნა სწორედ ამას ელოდა.

— ვერ შეეძელით?! — ცხარედ შესძახა, გამოვიდა და შუა ოთახში დადგა.

— ერთხელ მარქსს თავისმა ქალიშვილებმა ანკეტა მისცეს შესავსებად. სხვა კითხვათა შორის ასეთიც ერია: „რა წარმოგიდგენიათ უბედურებად“. მარქსმა უპასუხა: „მორჩილება“. დიან, აღამიანისადმი ან გრძნობისადმი ბრმა მორჩილება — დიდი უბედურებაა. იქნებ მარქსი სხვა რაიმეს გულისხმობდა, მაგრამ მე მგონია, რომ ის მორჩილება, რომელზედაც მე გელაპარაკებით, ასევე უბედურებაა... იმაზე უარესი არაფერია, როცა აღამიანს არ ძალუძს, თავისი ნებისყოფით გაუმკლავდეს, რაც მავნეა მისთვის. ძლიერმა, ჩამოყალიბებულმა პიროვნებებმა იციან საკუთარი თავის მართვა და თქვენი ვალია, ისწავლოთ მათგან ეს.

ჭაბუკ კარლ მარქსს მგზნებარვდ უყვარდა თავისი საცოლე ენი ფონ ვესტფალენი. ეს არ იყო შემთხვევითი, წუთიერი გატაცება. არა, ეს ნამდვილი სიყვარული გახლდათ, რაც მარქსს მთელი სიცოცხლე, მოხუცებულობამდე გაჰყვა. მით უმეტეს, ჯერ კიდევ მაშინ, როცა ენი მარქსის საცოლე იყო, მარქსი მრავალი წლით გაემგზავრა სასწავლებლად და თავის თავში ძალაც იპოვა საცოლესთან განსაშორებლად.

აგრიპინა ფიოდოროვნამ მაგიდიდან ლურჯყდანი წიგნი აიღო და გადაფურცლა. — აი რას წერს ჭაბუკი მარქსი მამას: „თქვენ რომ გაგშორდით, ახალი სამყარო გადაიშალა ჩემთვის, სიყვარულის სამყარო, თანაც დასაწყისში ეს მგზნებარე სიყვარული უიმედო იყო. ბერლინში მოგზაურობამაც კი, რაც სხვა ვითარებაში დიდად აღმაფრთოვანებდა, ბუნების განსაკვრეტად განმაწყობდა, სიცოცხლის წყურვილს აღმინთებდა, ახლა გულგრილი დამტოვა. ამან მხოლოდ გული გამიტეხა, რადგან კლდეები, რომლებიც ვნახე, ჩემს სიყვარულზე მძლავრი და დიდი როდი იყო. დიდ ქალაქებში სიცოცხლე უფრო მეტად როდი სჩქედდა. ვიდრე სისხლი ჩემს ძარღვებში, ტრაქტირის სადილებს სიუხვით აქედან წაყოლილი ფანტა-

ზიები ჩრდილავდა და ბოლოს, ხელოვნებაც არ არის ყენისავით ლამაზი“.

აგრიპინა ფიოდოროვნა წიგნს მოწყდა და ყურადღებით შეხედა ბავშვებს. „იქნებ მათთვის რთულ რამეზე ვსაუბრობ? — გაიფიქრა გულში და გულშივე გასცა პასუხი: — არა, ყოველივე ეს გასაგებია მაგათთვის!“

— და აი მარქსმა, — განაგრძობდა ფადეევა, — სძლია ნაღველს. იგი ცხოვრობდა და სწავლობდა ყენისაგან და მამისაგან მოშორებით, რომელიც ასევე ძლიერ უყვარდა. რა აძლევდა ყმაწვილ მარქსს ძალას საკუთარი თავის მართვისა? საქმე ის გახლავთ, ჩემო მეგობრებო, რომ მარქსი ბალღობიდანვე ღრმად გრძნობდა და ესმოდა თავისი საზოგადოებრივი მოვალეობა და პირად განცდებზე მალა აყენებდა მათ. ადამიანი საზოგადოებას ეკუთვნის და პირველ რიგში მის წინაშეა ვალდებული. გესმოდეთ, შეიგენით ეს! განა უბრალო ფორმალობისათვის მოითხოვენ თქვენგან სწავლას — და კარგადაც სწავლას. ეს თქვენი წმინდა მოვალეობაა. მორალური უფლება არა გაქვთ პირად განცდათა ვიწრო სამყაროში გაეჩხიროთ. ბუნების სიბრძნეს, ადამიანური აზრის სიძლიერეს უნდა ჩასწვდეთ. ვალდებულები ხართ დაეხმაროთ მშობლებს, იზრომით კოლექტივთან ერთად. ხელი შეუწყოთ ამხანაგებს. თუ დღეს საკუთარ გატაცებას ვერ დაძლევთ, ხვალ შურს ვერ აღუდგებით წინ, ერთი წლის შემდეგ — სიხარბეს, სიზარმაცეს, სიცრუეს... უნებისყოფობა ადამიანებს ანტისაზოგადოებრივ პიროვნებებად აქცევს, მარტოობისათვის განწირავს მათ. ამიტომაც, როგორც სწავლობთ — ცუდად თუ კარგად — ეს როდია თქვენი პირადი საქმე, ვინ გიყვართ და როგორ — არც ეს არის მარტო თქვენი საკითხავი. კოლექტივში ცხოვრობთ და კოლექტივი პასუხს აგებს თქვენზე ისევე, როგორც ყოველი თქვენგანი აგებს პასუხს კოლექტივისათვის.

აგრიპინა ფიოდოროვნა ცდილობდა, სტასიასათვის არ შეეხედა, მაგრამ უფრო მეტად მის გასაგონად ლაპარაკობდა და ყველა, მათ შორის სტასიაც, ხვდებოდა ამას.

— აგრიპინა ფიოდოროვნა, — თქვა გაუბედავად ჩერნილინმა. — აგრიპინა ფიოდოროვნა, — გაიმეორა და მოწაფური ჩვევით ხელი თავს ზემოთ ასწია. — რა უნდა ვუყოთ მათ, ვინც უნებისყოფობის გამო ადვილად ემორჩილება მანკიერებას? ვთქვათ, მაგალითად,

კომკავშირელია, ჩვენი რიგებიდან უნდა გავრიცხოთ? ვთქვათ, მაგალითად...

— იცი, ბორია, შენს შეტყვევლებას ყურადღება უნდა მიაქციო, ღმილით უთხრა ფადეევამ. — რატომ ხმარობ ყოველი ფრაზის შემდეგ „ვთქვათ, მაგალითად“, — მასწავლებელი გაჩუმდა, კიდევ რაღაცის თქმა სურდა ჩერნილინისათვის, მაგრამ გადაიფიქრა და ყველას მიუბრუნდა: — რას ფიქრობთ ამის თაობაზე?

ისევ ნოვიკოვი წამოაღდა.

— კომკავშირიდან გარიცხვას რა უნდა, იოლი საქმეა, უფრო ძნელია ადამიანის მანკიერებისაგან დახსნა. სწორედ ეს არის კომკავშირის მთავარი როლი. შენ კი მაშინვე გარიცხვას მოითხოვ. — ყვედრებით მიუბრუნდა ჩერნილინს.

— მეც ასე მგონია, — თქვა აგრიპინა ფიოდოროვნამ.

— ჰოდა, მეც ასე ვფიქრობ! — შესძახა ჩერნილინმა. — მაგალითად. ვთქვათ... — ბორიამ თავადვე დაიჭირა თავი ისევ იმ არასაჭირო ფრაზის ხმარებაში, შერცხვა და გაჩუმდა.

ასე შეუმჩნევლად, სიყვარულსა და მეგობრობაზე დაწყებული საუბარი შეეხო კომკავშირის როლს. ლიტერატურული წრის წევრებს არც პირველი ზარი გაუგიათ, არც მეორე. მხოლოდ შემთხვევით დაიხედა მაჯის საათზე აგრიპინა ფიოდოროვნამ — თერთმეტის ნახევარი იყო.

— აბა, აბა, ისევ მოგვხვდება ამისთვის. — გაიცინა მასწავლებელმა. საათზე მიუთითა, წამოაღდა და ხმაურით დახურა წიგნი. ამით აგრძნობინა, შინ წასვლის დროაო. ჯოგონები და ყმაწვილები ნელ-ნელა, უნდომლად დგებოდნენ, აქაოდა იქნებ კიდევ ითქვას რაიმე საინტერესო, ჩვენი ამაღელვებელიო.

მეცხრე თავი

რამდენიმე დღე ელენა სტრელოვა არც სკოლაში გამოჩენილა, არც პიონერთა სასახლეში. ამბობდნენ, ავად არისო, მაგრამ კარგად არაა იცოდა მისი ამბავი, რადგან სკოლაშიც და სასახლეშიც ახალი მოწაფე იყო.

ვაკვეთილების შემდეგ აგრიპინა ფიოდოროვნამ თავისთან იხმო

ვერა სვერჩიკოვა და ჰკითხა, რა ხანია სტრელოვა სკოლას აცდენს და განა არ გაწუხებს ეგ ამბავიო?

ვერამ გაოცებით შეხედა მასწავლებელს და გაიფიქრა: „როცა მოწაფე სკოლაში არ დადის, რატომ უნდა შეეწუხებდე მაინცდამაინც მე და არა კლასის ორგანიზატორი გალია კრიუკოვა?“ ვერას უნდოდა მასწავლებლისთვის ეკითხა ეს, მაგრამ აგრიპინა ფიოდოროვნას მხერამ აგრძნობინა, რომ უბრალო ადამიანური ვალის მოხდაზე იყო ლაპარაკი.

ვერას შერცხვა, თითქოს მასწავლებელს რაიმე ცუდ საქმეზე წაესწროს მისთვის და საჩქაროდ მიუგო:

— დღეს ვნახავ.

აგრიპინა ფიოდოროვნა მიხვდა, რომ ვერამ გაუგო, ძლივს შესამჩნევად გაუღიმა მხოლოდ თვალებით და სამასწავლებლოსკენ გაემართა.

გაკვეთილების შემდეგ სტრელოვას მონახულება ვერამ ვერ მოახერხა. იგი საჩქარო საქმეზე გამოიძახეს კომკავშირის რაიკომში, მერე კი შინ წავიდა სასადილოდ. მერე მამა ერთი საათით თავისუფალი აღმოჩნდა და გადაწყვიტა, ეს დრო შვილებთან გაეტარებინა. ასე რომ, სტრელოვასთან წასასვლელად ვერა მხოლოდ საღამოს ცხრა საათისათვის გამოვიდა შინიდან.

ამ სიბნელეში უცნობ სახლს რა მოაძებინებდა და ამიტომ ვერამ ისევ რაიკომში შეიარა ნოვიკოვის წამოსაყვანად. ნოვიკოვი იმ დღეს მორიგედ იყო რაიკომში.

ელენა პიონერის ქუჩის შესახვევში ცხოვრობდა, ქვის სახლის მეორე სართულზე. ფედია ასანთით მიიკვლევდა გზას, კიბეზე ავიდა, მეექვსე ბინა მოძებნა და ქვემოთ მომლოდინე ვერას დაუქანა. კარზე დააკაკუნეს. ვიღაც მაღალმა, გამხდარმა დედაბერმა გაუღოთ კარი, გაცვეთილი ხვერდის ძველებური ბამბულა რომ ეცვა. ფედია მჰკითხა, ხომ აქ ცხოვრობს ელენა სტრელოვაო. დედაბერს არაფერი უპასუხნია, თავის კანტურით მიუთითა ოთახის კარზე.

ჯერ იყო და, ვერას უნდოდა ამ დედაბრისათვის ეკითხა. ელენა რატომ აცდენს სკოლასო, მაგრამ იფიქრა, ეს ქალი, მგონი, მუნჯიოა და აღარაფერი უკითხავს, მერე ფედიას გადახედა და გაუბედვად დააკაკუნა კარზე.

— შემოდით, — მოისმა ელენას ხმა.

ვერამ ოთახის ზღურბლს გადააბიჯა და უცებ მისდა უნებურად კვლავ გაუჩნდა არამეგობრული გრძნობა ელენასადმი. ფედია უკან შეჰყვა ვერას. ზღურბლზე ფეხი წაიბორძიკა და სკამის ზურგს რომ არ მოსჭიდებოდა, დაეცემოდა კიდევც.

ელენას მხიარულად გაეცინა. ვერა ელოდა, რომ ელენას გაუკვირდებოდა და არ ეამებოდა მისი და ფედიას გამოჩენა. მაგრამ მსგავსი არაფერი მომხდარა. სტრელოვა შუაგულ ოთახში იდგა, შავი სამუშაო კომბინეზონი ეცვა და ხელში წიგნი ეჭირა. ახლა უფრო მიმზიდველი ჩანდა, ვიდრე ყოველთვის. სიცილი საოცრად უხდებოდა, ფერმკრთალი სახე წამოუწითლდა, თვალები, გრძელი წამწამები რომ უჩრდილავდა სანახევროდ, სიხარულით ანთებოდა.

ის ოთახი, ვერა და ფედია რომ შევიდნენ, მთლად ერთი ბეწო იყო და ერთადერთი პატარა სარკმელი ჰქონდა. შიგ ერთი ბავშვის საწოლი იდგა, სკამი, პატარა მაგიდა და ყუთი.

— დასხედით, — უთხრა ელენამ ბავშვებს და ყუთზე მიუთითა, — მეტი სკამი არა მაქვს.

ხმაზედაც, ღიმილზედაც და ანთებულ თვალებზედაც იმას შეატყობდით, რომ მოხარული იყო მოულოდნელი სტუმრებისა.

ფედია დაჯდა, ვერა კი ისევ ფეხზე იდგა. ყველაფერმა, რაც აქ ნახა, მეტისმეტად გააოცა. ელენა ჯანმრთელად იყო, სულაც არ შეცბუნებულა და არ გაკვირვებულა მათი გამოჩენით, პირქით, გაუხარდა კიდევც, თითქოს ორივეს ელოდა. ვერას სულაც არ წარმოედგინა, თუ ასეთი ოჯახური პირობები ჰქონდა სტრელოვას. სწორედ ამან, რომ ყოველივე სულ სხვანაირი აღმოჩნდა, ვიდრე ელოდა, დააბნია ვერა.

ელენამ ვერას ყუთზე მიუთითა და უთხრა:

— დაჯექი, თუ გინდა, პალტოც გაიხადე, მაგრამ ჩემთან ცივა!
„რატომ ამბობს, „ჩემთანო“ და არა „ჩვენთანო?“ — გაცოცხებით გაიფიქრა ვერამ, ყუთზე ჩამოჯდა და ისევ შეავლო თვალი ელენას ოთახს.

ფედია კურტაკი შეიხსნა, ქუდი მოიხადა და შინაურულად ჩამოჯდა სკამზე.

— მაშ, როგორც ჩანს, ცულლუტობის ანთება შეეყრია, ლენა! — უთხრა ელენას მზაკრული ღიმილით.

— არა, ფედია, მართლაც ავად ვიყავი ანგინით, მაგრამ დღეს უკვე იკავები სამუშაოზე. სკოლაში კი ხვალ მოვალ, — მიუგო ელენამ, როცა, როგორც იქნა, ვერაც ჩამოვდა ყუთზე.

— სამუშაოზე? — გაოცდა ვერა.

— ჰო, რა, მე ვმუშაობ, — უნდომლად თქვა ელენამ.

— დაიცა, დაიცა, — გამოტოცხლდა ფედია და წამოხტა. მას უყვარდა ყველაფრის დაწვრილებით გაგება. — რა სამუშაოზე ლაპარაკობ? და რატომ არაფერი არ ვიცი მე ამის თაობაზე?

— მთლად ჩვეულებრივი სამუშაო მაქვს ბიბლიოთეკაში.

— მსახურობ თუ რა? — არ ცხრებოდა ნოვიკოვი.

— ჰო, თუ ასე გინდა თქვა, ვმსახურობ, — გაეცინა სტრელოვას. და ამ უაღვილო სიცილით მიახვედრა ვერა და ნოვიკოვი, რომ მათი შეკითხვები ელენას ეხამუშება.

ფედია ადგა და დაიწყო თავისი რაიკომში მორიგეობის ამბის მბობა, ვერა კი დუმილით მიშტერებოდა ელენას. სულ მთლად ახალი გრძნობა იგუჰნდა სტრელოვასადმი. ეს იყო აღტაცებანარევი გაოცება.

— რად მომჩერებხარ ასე, ვერა? — ჰკითხა ელენამ.

— ვფიქრობ, — მიუგო ვერამ.

— ჩემზე ფიქრობ?

ვერამ თავი დაუქნია.

— გეცოდები თუ?

— მეცოდები? არა, მშურს შენი.

— გშურს? — ელენამ გაოცებით გაშალა ხელები. — კიდევ რას ფიქრობ ჩემზე?

— ამას მერე გეტყვი. როცა უფრო ნათლად გავერკვევი საკუთარ მოსაზრებებში... — ვერა წამოდგა, თბილი ღიმილით შეხედა ელენას და ხელი გაუწოდა.

„აუცილებლად დავემეგობრდები ელენას, — ფაიფიქრა ვერამ გულდაჭერებით. — ბოლოს და ბოლოს მეყოლება ნამდვილი მეგობარი, რომელზედაც მამა მეუბნებოდა“.

ფედიაც გამოემშვიდობა ელენას და ორივენი კარისკენ გაემართნენ. კარში ვერა მოტრიალდა და ელენას ჰკითხა:

- დედაშენი სადღაა?
- დედა არა მყავს.
- მამა?
- არც მამა მყავს.
- ნათესავი ვინმე?
- მე არავინ გამაჩნია.

„კლდესავით ამოვფარებივარ დედ-მამის ზურგს და ცხოვრებას არ ვიცნობ, — გაიფიქრა ვერამ. — თეთრეული გავირეცხე, ჩემი ოთახი დავილაგე და სტასიასთან ვფახიფუხობ, აქაოდა, ერთი მიყურეთ ვინ გახლავართ! გენერლის შვილი ვარ, შინამოსამსახურე გეყავს და ყველაფერს თავად ვაკეთებ-მეთქი. ელენამ რაღა უნდა თქვას მაშინ?“

ვერა ისევ ყუთზე ჩამოჯდა.

— ვისთან ცხოვრობ?

— მარტო ვარ, — მშვიდად მიუგო ელენამ.

— რად იგადმობხვედი შუა წელიწადში ჩვენს სკოლაში?

— დიდიდან სამუშაოზე ვარ. თქვენს სკოლაში კი მეცადინეობა მეორე ცვლაშია.

ელენა ახლა სიამოვნებით პასუხობდა კითხვებზე. იგრძნო, რომ ვერას უბრალო ცნობისმოყვარეობა არ აჩერებდა მის ოთახში. ვერას კი არ ეცოდებოდა ელენა. შურდა მისი. ეს ჩვეულებრივი ამბავი როდღი იყო ელენასთვის. ის მიეჩვია, რომ დიდებიც და მისი თანატოლებიც, როგორც კი გაიგებდნენ მასზე, ობოლიაო. ეცოდებოდათ. ელენა კი ვერ იტანდა მებრალებას და ამიტომაც გაურბოდა თავის თავზე ლაპარაკს.

— ვერა, ჩქარა წავიდეთ, რაიკომში მელოდებიან, — აჩქარდა ფეხი.

— ჰო. ჰო, წადით, — ღიმილით უთხრა ელენამ. — ფეხიას ეჩქარება, მე და შენ კიდევ მოვესწრებით ყველაფერზე ლაპარაკს.

— მოვესწრებით! — მხიარულად უთხრა ვერამ.

დერეფანში ბოტებს რომ იცვამდა, ვერამ ცარიელი ნავთის ბიდონი გადააყირავა, ბიდონი გაგორდა და მთელი სახლის გასაგონად არახრახნდა. სამზარეულოს კარი ოდნავ გაიღო და შეწუხებულმა დედაბერმა გამოყო თავი.

— ფრთხილად მოიქეცით! — თქვა მკაცრად და კარი იმეჯვამს გაჯახუნდა.

ვერას ჩუმად ჩაეცინა. იმიტომ კი არა, რომ დედაბერი მუნ-
ჯი არ აღმოჩნდა — უბრალოდ, ძალიან კარგად იგრძნობდა ამ წუთ-
ში თავს. დედაბერი თუ არ იქნებოდა, სხვა რამ გაამხიარულებდა.
აუცილებლად კი გამხიარულდებოდა. გაუქრა, ვერას ფიქრით, სა-
მუდამოდაც, შური და ის გაუგებარი არამეგობრული გრძნობა ელენ-
ნა სტრელოვასადმი, ასე რომ აწამებდა.

ვერას მოუნდა, რაც შეიძლება ჩქარა ენახა მამა და დედა. მო-
ეთხრო მათთვის ამ არაჩვეულებრივი გოგონას ამბავი, მარტო რომ
ცხოვრობს და კიდევაც რომ მუშაობს და კიდევაც სწავლობს.

დედ-მამა თეატრში იყო. ვერამ მარტო ივახშმა და დაწვა. შუალა-
მემდე გვერდიდან გვერდზე ტრიალებდა, გაიგო, როგორ დაბრუნდ-
ნენ მშობლები თეატრიდან, მაინც ვერ დაიძინა. მაშინ წამოდგა, ჩა-
იცვა ხალათი, ფეხსაცმელი და სასადილო ოთახში გამოვიდა.
მრგვალ მაგიდაზე, ხავერდის სუფრა რომ ეფარა, იდგა წითელაბა-
ჟურიანი სხმული ბრინჯაოს ლამპა. ვერამ ლამპა ანთო და საყვა-
რელ სავარძელში მოიკალათა. საათი აჩვენებდა, რომ ორს თხუთმე-
ტი წუთი აკლდა. ლამპის მოვარდისფრო შუქი იღვრებოდა ოთახში.

ეს დამე ვერას ძალზე ღირსშესანიშნავად მიაჩნდა, თითქოს რა-
ღაც ნათელი და დიდი რამ აღსრულდა ამ ღამით მის ცხოვრებაში.
რა იყო ეს? ვერა ხან ელენაზე ფიქრობდა, ხან ნოვიკოვზე. უნდო-
და მამის ან დედასათვის გაენდო თავისი განცდები. ჩუმად მივიდა
კაბინეტის კართან, შეაღო და ბნელ ოთახში შეიხედა. მისდა საბედ-
ნიეროდ, მამას კაბინეტში ეძინა დივანზე. ოქსანა ტარასოვნა და ვო-
ლოდკა რომ არ შეეწუხებინა, იგი ხშირად, როცა დილით ადრე
ასადგომი იყო, აქ იძინებდა ხოლმე.

„რა მოხდა, ხომ შეიძლება ერთხელ, მთელ სიცოცხლეში, გავა-
ღვიძო, მხოლოდ ერთხელ“, — გაიფიქრა ვერამ და მტკიცედ გა-
ემართა დივანისაკენ.

— მამა, — ჩურჩულით უთხრა მან. — გაიღვიძე, მამი, ძალიან
მკვირდები.

ტროფიმ კალინოვიჩს წამსვე გაეღვიძა, წამოჯდა და ღია კარი-
დან შემოჰკრილ შუქზე თვალმოკუტულმა, სწრაფად, შეშფოთებით
იკითხა:

— რაო, რა მოხდა?

— მამიკო, არ მეძინება...

— ავად ხომ არა ხარ?

— არა, კარგად ვარ... — ვერა დივანზე ჩამოჯდა, მამას კისერზე ბელები შემოხვია და ლოყით ლოყაზე მიეკრო, როგორც პატარაობისას იცოდა.

გენერალმა ხელი მოისვა სახეზე, თითქოს ძილი ჩამოიფერთხაო, წყნარად გასწია ვერა, გაიზმორა, დივანთან მიდგმულ სკამიდან ჩიბუხი აიღო და გააბოლა.

— რაო, შეყვარებული ხომ არა ხარ? — ჰკითხა შვილს.

ვერამ თავი გააქნია, გაიცინა და უამბო, რომ იმ ღამეს მტკიცედ გადაწყვიტა, ინსტიტუტს რომ დაამთავრებს, სამუშაოდ თეატრში წავიღეს. ისიც უთხრა, თუ რა მიმზიდველი და, ცოტა არ იყოს, იღუმალიც ეჩვენება ცხოვრება. ვერამ მამას ფედია ნოვიკოვისა და ელენა სტრელოვას ამბავიც უამბო, ისიც უთხრა, ბოლოს და ბოლოს მსურველ მეგობრული გრძნობა გამიჩნდა ფედისა და ელენას მიმართო.

გენერალი უსმენდა შვილს. არაფერი გამოპარვია მისი განცდებისა. ოცდახუთი წლის წინათ თავად იყო ასეთივე სერიოზული, წინდახედული ჭაბუკი. მასაც მაღალი ადამიანური გულისტქმანი აღელვებდა, მხოლოდ კარგისკენ მიისწრაფოდა. არც ის უძილო ღამეები დავიწყნოდა, შეუცნობელი, სასიხარულო მღელვარებით რომ იყო სავსე.

გენერალი ჩაფიქრდა, თავის სიჭაბუკეს იგონებდა.

— მამი, რატომ არ მისმენ! — შესძახა ვერამ, მამის დაბნეული მხერა რომ დაინახა.

ტროფიმ კალინოვიჩმა ჩაფიქრებით უპასუხა:

— გისმენ, ჩემო გოგო, გისმენ.

— იმიტომ ვგრძნობ დღეს თავს ასე კარგად, მამი, რომ შევქმნილი დამეძლია ჩემში პატივმოყვარეობა, შენ რომ მეუბნებოდი. ამ საღამოს სტრელოვას შევეცქეროდი... ოჰ, მამი, რა ლამაზია! ჰოდა, ვფიქრობდი, დე, ჩემზე უკეთ ისწავლოს, დე, ამას უფრო აფასებდნენ. ვიდრე მე-მეთქი. დაიმსახურა და იმიტომ. მე განა მარტო მას დავუთმობ პირველობას კლასში? ახლა ყველას დავუთმობ პირვე-

ლობას, ვინც კი ღირსი იქნება... მამი, ალბათ ნებისყოფა გამაჩნია და იმიტომ, არა?

— ნებისყოფა? — გაიმეორა მამამ. — ჯერ კიდევ არ გაგაჩნია საკმარისად, ვეროჩკა. დამოუკიდებელი ცხოვრებისათვის ბევრად უფრო მეტი ნებისყოფის გამოჩენა დაგჭირდება. პატივმოყვარეობას რაც შეეხება, შენ მხოლოდ იწყებ მის დაძლევას, თანაც მართო არა ხარ ამ საქმეში. კოლექტივი დაგეხმარა. მე და დედაშენმა გაგაფრთხილეთ ამაზე. აგრიპინა ფიოდოროვნამაც ხელი შეგაშველა... მახსოვს, რა აღელვებული მოხვედლი პიონერთა სასახლიდან, სიყვარულზე საუბრის შემდეგ.

— ჰო, მამა, ჰო, ნოვიკოვს აღარ იკითხავ? — შეაწყვეტინა ვერამ. — მან ხომ ყველას ყურები გამოუქედა ჩვენი თაობის ჭეშმარიტ წარმომადგენლებზე ლაპარაკით. ჩემთვისაც ბევრჯერ უთქვამს, პატივმოყვარე ხარო. იცი, მამი, ფედიამ თავისი დღიურები წამაკითხა. იქ უწერია, რომ ჩვენი ეპოქის ჭეშმარიტი წარმომადგენელი უნდა იყოს ჰკვიანი, ენერგიული, პატიოსანი, ძლიერი პიროვნება, ერთი სიტყვით, ნამდვილი საბჭოთა პატრიოტი. ფედია ცდილობს თავის თავში გამოიმუშაოს ეს თვისებები. ყოველ საღამოს ამოწმებს, ხომ არ ვულაატეო თავს.

გენერალს გაეცინა.

— რას იცინი, მამი, განა ეს ცუდია?

— არა, სარა, ვეროჩკა, ძალიან კარგია. აი, ხომ ხედავ, რა დიდი ძალა გააჩნია კოლექტივს. განსოვდეს, თანდაყოლილი მანკი არ შეიძლება ჰქონდეს კაცს. კოლექტივის ძალა ვისაც გინდა გამოასწორებს, განსაკუთრებით ახალგაზრდა ადამიანს.

— შენ გგონია, რომ ჩვენი საფრონოვის ხელახლა აღზრდაც შეიძლება?

— საფრონოვისო? ლექსებს რომ წერს, იმისი?

— ჰო, რა, გენკა საფრონოვისა.

— დარწმუნებული ვარ, — მიუგო გენერალმა. — მით უმეტეს, რომ საფრონოვს, როგორც შენი ნათქვამიდან ჩანს, სულაც არა აქვს დიდი ნაკლი. სტასიასაც უნდა მოჰყიდოთ ხელი, ცუდი გოგოროდია.

— მე და ფედიასაც ასე გგონია, — ვერა გაჩუმდა და დაამთქნარა.

— ძილი მოგერია? — გაეცინა ტროფიმ კალინოვიჩს: — მეტად ხომ აღარ გამაღვიძებ?

— არა, აღარ გაგაღვიძებ, — წყნარად უთხრა ვერამ და წამოდგა.

ვერა სასაღილო ოთახში გავიდა, ლამზა ჩააქრო, მტკიცედ გააბიჯა სიბნელეში და დასაძინებლად წავიდა. თავის ოთახში — თავისთვისვე მოულოდნელად ორჯერ ცეკვა-ცეკვით გაიარა ვიწრო ხალიჩაზე, თან სარკეში თავის ალექსილ, მხიარულ სახეს ათვალეირებდა. მერე ლოგინში ჩაწვა, ყმაწვილური ბედნიერებით გულაჩქროლებულმა ჩაიკისკისა და იმავე წამს ჩაეძინა.

მეათე თავი

გამღვალა მიწის ანაორთქლის, გადაკვირტული ჩინარის და გაზაფხულის რაღაცნაირი, თავბრუდამხვევი სურნელი ტრიალებს ჰაერში. ღამლამობით ძალზე ბნელა, დილაობით ყინავს, დღისით კი მზე კაშკაშებს...

მოსაფალტებულ ქვაფენილებზე, სკვერებსა და ბაღებში თითქოსდა უეცრად, როგორც სოკო ნაწვიმარზე ისე, გამოჩნდნენ გოგო-ბიჭები, მათმა მხიარულმა ხმაწკრიალა სიცილმა აავსო ქუჩები. მალე კი, ჩინართა ჯერ ისეე შიმველ ტოტებში ფუთფუთებენ გაზაფხულით აღფრთოვანებული ჩიტები.

გაზაფხულდა... გული შფოთითა და სიხარულით არის აღვსილი. დასვენება და ზაფხული წინაა. მერე, ზაფხულზე მშვენიერი რა არის! რა საოცრად ნათელი და სიხარულით სავსე გრძნობა გეუფლება ახლადამწვანებულ არყის ხეებს შორის ხეტილისას, ან ჩამოცვივებული წიწვებით მსუბუქად მოფენილ მიწაზე ასწლოვანი ფიჭვების ჩრდილში წოლისას, ან კიდევ — შუადღის ხვატით გათანგული ყელამდე რომ ჩაყურყუმელავდები გრილ წყალში და შიგადაშიგ ფეხებით ეხები ქვიშამოფენილ ფსკერს. აბა, რა სჯობს თავქვემ ხელებშემოწყობილი წყნარად რომ წევხარ წყალში და მის მდინარებას მინდობილი შესცქერი ლაყვარდოვან ცაზე მონაყარდე ძერას ან თეთრგულა მერცხლებს, წინ და უკან რომ დალივლივებენ ჰაერში. რა სჯობია, იცურო ასე და არაფერზე იფიქრო.

მაგრამ ყველაფერი ეს მერე იქნება — დაჩრდილული ფიქვნარიც, აყლორტილი არყის ხეებიც, გრილი მდინარეებიც, — ახლა კი მოწათფებს დავიწყებიათ ყოველგვარი სიამოვნება, წიგნებში თავ-ჩარგულებს ძილიც გასტეხიათ.

იწყება მნიშვნელოვანი ხანა მათი ცხოვრებისა — გამოცდები. ამიტომაც არის, რომ გული სიხარულითაც აქვთ სავსე და შფოთითაც.

ერთხელ ლიტერატურული წრის მეცადინეობის შემდეგ გენადი მოულოდნელად მიეახლა სტასიას, მისთვის ჩვეული გამოუცნობი ღიმილით გაუღიმა და უთხრა:

— მინდა, შინ მიგაცილო.

სტასია სახეზე წამოპილპილდა და საჩქაროდ მიუგო:

— კეთილი.

მერე სტასიამ პალტო ჩაიცვა და ზემოთ გაიქცა საფრონოვის მოსაძებნად.

ნელა მიდიოდნენ, როგორც ზამთრის იმ საღამოს, მაგრამ მაშინ გაცხოველებით საუბრობდნენ, ახლა კი უმეტესად ჩუმად იყვნენ.

— ამბობენ, ლიტერატურის გამოცდისა ეშინიაო, მართალია? — ჰკითხა გენადიმ.

— ჰო, ძალიან მეშინია, — ალაღად გამოუტყდა სტასია.

— ვერ გამიგია, როგორ უნდა გეშინოდეს ლიტერატურის გამოცდისა!

ამის თქმაზე სტასია გაბრაზდა და პირველად იყო, რომ საფრონოვისადმი სიძულვილი იგრძნო.

— რას იზამ, ყველას თავისი საფიქრალი აქვს... — უპასუხა ბრაზით და გაიფიქრა: „ფედიას რომ იგაეგო ეს, აუცილებლად შემომთავაზებდა, ჩემთან იმეცადინეო, ამას კი მხოლოდ თავისი თავი აინტერესებს“.

სტასიას სახლამდე მივიდნენ და საფრონოვმა უსიცოცხლოდ გაუწოდა ხელი.

სტასია გაოცებული დარჩა, რადგან საფრონოვთან გამომშვიდობებისას გული არ დასწყვეტია. უფრო დიდი და გამოცდილი რომ ყოფილიყო ან ვერასავეით თავისი საქციელისა და გრძნობების ანალიზი რომ შესძლებოდა, სტასია მიხვდებოდა, რომ სწორედ ამ საღამოს მოელო ბოლო მისი საფრონოვით ბრმა გატაცებას და რომ

მან დაიწყო ამ ბიჭის ნაკლოვანებების შემჩნევა. მაგრამ სტასიას არ ესმოდა ეს. საოცარი სიმსუბუქე კი იგრძნო, ეს იყო და ეს.

„აი ახლა კი დაჯდები სამეცადინოდ და ვერც ვერაფერი შემიშლის ზელს!“ — გაიფიქრა მან.

მაგრამ ამ განზრახვის შესრულებას დედა გადაეღობა.

— შვილიყო, — უთხრა ირმა სერგეევანამ, — შენი საყვარელი ვაშლის ნამცხვარი გამოგიცხვე. წადი და ჭამე. ლოგინიც გაგიმზადე, დაწეკი და დაიძინე.

სტასიამ გადახედა ლოგინზე გადაფარებულ ქათქათა თეთრეულს და გულთ სთხოვა დედას:

— ხელს ნუ შემიშლი, დედა. უნდა ვიმეცადინო.

— რა, ავად ხომ არა ხარ? — შეშფოთდა დედა და მიუალერსა სტასიას.

— არა-მეთქი, დედა, მაგრამ მართლაც ავად გავხდები, რადგან, შენც და მამასაც გავიწყდებათ, რომ ჩვიდმეტი წლისა ვარ და არა რვისა. გამოცდები კარს მომდგომია, შენ კი ათ საათზე მაწვენ...

— იცი, რა, ჩემო გოგო, ისა სჯობს, ადრე ადგე. ექვს საათზე გაგაღვიძებ, კარგი? დილით მეცადინეობა სჯობს. დასვენებული ტვინი უკეთესად ითვისებს.

„მართლაც, დილით მეცადინეობა ბევრად უკეთესია“, — გაიფიქრა სტასიამ და თითქოს დედას კი არა, უმცროს დას ელაპარაკებოდა, ისე უთხრა:

— აბა, მოიტა შენი ვაშლის ნამცხვარი!

სასადილო ოთახში შევიდნენ. ირმა სერგეევანამ სტასიას წინ დაუდგა ვაშლის ნამცხვარიანი ცხელი ტაფა და ყავა. სტასია ჭამდა, დედაისი კი მაგიდასთან იდგა და კმაყოფილებით ადევნებდა თვალს.

დედა-შვილი ხმას არ იღებდა. ისინი მუდამ ჩუმად იყვნენ. ირმა სერგეევანას აზრადაც არ მოსდიოდა სტასიასათვის ეკითხა ხოლმე, რა აზრები გიტრიალებს თავში ან გულში ხომ არავინ ჩაგვარდნიაო. თავისი ქალიშვილის სულიერი სამყარო იღუმალად მიაჩნდა. „აღბათ ბიჭებითა და ცუდლუტურნი აზრებითა აქვს გონება გამოქვდილიო“, — ფიქრობდა. ის კი, რომ მის ქალიშვილს იქნებ სხვა ინტერესებიც ჰქონოდა, ირმა სერგეევანას ვერ წარმოედგინა. სტასია

მშენებელად გამოიყურებოდა, მადა კარგი ჰქონდა, მაშასადამე, ჯან-
მრთელად იყო. სხვა რაღა უნდა მოსურვებოდა მშობლის გულს?

სტასიასაც არ აინტერესებდა დედასთან მასლაათი. საოჯახო
საქმეები, რომლებშიაც ყელამდე იყო ჩაფლული ირმა სერგეევნა,
სულაც არ უპიტნავებოდა. სტასიას შინ მუდამ სწყინდებოდა ხოლ-
მე და ცდილობდა ამხანაგებთან ყოფილიყო, ან სკოლაში ან კი-
დეე — ბიონერთა სასახლეში.

გარეგნულად სტასია ძალიან ჰგავდა დედას და ლამაზ გოგონას
რომ უყურებდა, ირმა სერგეევნა ხშირად ოხრავდა ხოლმე თავის
ახალგაზრდობაზე. თუმცა ირმა სერგეევნა ახლაც ლამაზი ქალი იყო,
მაგრამ რაც შვილი გაუჩნდა, კარგად ჩაცმასა და თავისი თავის მოვ-
ლაზე ხელი აიღო. ქალიშვილის აღზრდამ და ოჯახმა ყველაფერი
დაავიწყა. კაბის სივიწროვეს ველარ გუობდა, გაფართაშებულ ხა-
ლათებს ამჯობინებდა. მაღალქუსლიან ფეხსაცმელს ვერ ხმარობდა,
მთელი დღე ფუსფუსით ფეხები ეღლებოდა, ამიტომ ზაფხულობით
ჩუსტებს იცვამდა ხოლმე უწინდებოდ, ზამთრობით — თექურებს;
გრძელი, სქელი თმა მოკლედ შეიჭრა, რადგან მისი მოვლის თავი
აღარ ჰქონდა.

სტასიას დაბადებამდე ირმა სერგეევნა რადიოკომიტეტში მუშა-
ობდა დიქტორად, მერე მიატოვა სამსახური და თავისი ოთხი ოთა-
ხის ვიწრო სამყაროში ჩაიკეტა.

...დილის ექვს საათზე ირმა სერგეევნა ქალიშვილის ოთახში შე-
ვიდა. სახეავარდისფერებულსა და ხელებგადაშლილ სტასიას ტკბი-
ლად ეძინა. დედამ საბანი გაუსწორა, მოაგონდა, როგორ იწვა ამა-
ვე ოთახში, ოღონდ, პაწია საწოლზე რამდენიმე წლის წინათ ასე-
თივე საყვარელი და ვარდისფერი მისი სტასია და ამოიოხრა.

ირმა სერგეევნა კარგა ხანს იდგა ჩაფიქრებული ქალიშვილის
საწოლთან, მერე თითისწვერებზე გამოვიდა ოთახიდან. მეცხრე სა-
ათზე ისევ შევიდა სტასიასთან.

— სტასენკა, ადექი, შვილიყო!

სტასია თვალისწამში წამოხტა.

— ექვსი საათია უკვე?

— არა, ჩემო კარგო, მეცხრე საათია.

— მეცხრე საათიო! — ყვედრებით გაიმეორა სტასიამ.

მან საჩქაროდ ჩაიცვა ტანთ და დაბნეული შეჩერდა შუა ოთახ-

ში. „რა უნდა ვქნა? — ფიქრობდა იგი. — ვერას ან ელენას მივაკითხო სამეცადინოდ? მაგრამ იმათ ხომ ყველაფერი ძალიან კარგად იციან და რაღაზე გაიმეორებენ ხელახლა? მარტომ ვიმეცადინო? კარგი იქნებოდა, მაგრამ ჟღერს გუნება გამიფუჭდა“. იღვა ასე, ფიქრობდა და არაფერს არ აკეთებდა.

ირმა სერგეევნამ ორჯერ მოიხმო მაგიდასთან, მაგრამ სტასია გაბრაზებული იყო დედაზე, საუზმობაზე უარი თქვა და საკუთარი ოთახის კარი ბრაზით გადაკეტა.

„მოვიდა ახლა საქმლის დასაძალეებლად, — გაიფიქრა დედაზე, როცა კარზე დაუკაკუნეს. — აკაკუნე, რამდენიც გინდა, მაინც არ გაგიღებ. დეე, ეგონოთ, რომ ისევ დამეძინა ან კიდევ თავი მოვიკალი“, — ნიშნისგებით გაიფიქრა სტასიამ.

— შვილიყო, შენთან მოვიდნენ, — მოესმა დედის ხმა.

„მოვიდნენ? ვინ იქნება ამ დილაადრიანად? სტასიამ საჩქაროდ გადასწია რაზა, კარი გაღო და ფედია ნოვიკოვი შერჩა ხელთ.

— ფედია! — სიხარულით შემოუშვა ბიჭი ოთახში.

— მეგონა, გაბრაზდებოდი, ასე ადრე რომ მოგაკითხე. დედაშენსაც ასე ვუთხარი. მაპატიეთ, არ ვიცი, როგორ მოგმართოთ, — მიუბრუნდა ფედია სტასიას დედას.

— ირმა სერგეევნა, — უპასუხა პირქუშად სტასიას დედამ, რომელიც ჯერ კიდევ თვალმოუშორებლივ მისჩერებოდა ფედიას.

— ირმა სერგეევნამ შენზე თქვა, გუნებაზე ვერ არისო, — ეუბნებოდა ფედია და სახეში ჩასჩერებოდა სტასიას. — ჰოდა, მთლად დავფრთხი, ვიფიქრე, ეს მეორედ მოვედი-მეთქი უღროო დროს.

— თვითონ არის დამნაშავე, — ჭირვეულად თქვა სტასიამ.

— დაწყნარდი, სტასენკა, — უთხრა დამნაშავედ ირმა სერგეევნამ შეილს და საჩქაროდ გავიდა ოთახიდან.

— რა დავგიშვა დედაშენმა? — ჰკითხა ფედიამ სტასიას, კარი რომ დაიხურა.

— დამპირდა, ექვს საათზე გაგაღვიძებო და ცხრაზე გამაღვიძა. შემეცოდა და მეცადინეობა ჩამიშალა.

— ჰო, მერე რა მოხდა, ერთხელ არაფერია.

— ერთხელო? — შეჰყვირა სტასიამ. — საქმე ის არის, რომ ეს ამბავი ყოველდღე მეორდება.

— ჰოდა, მაშინ ნულა ენდობი ირმა სერგეევნას, თავად აღეჭი აღრე.

— თავად? — გაუკვირდა სტასიას. — მე ხომ თავისდღეში თვითონ ვერ ვიღვიძებ.

— მაშ, საქმეს თავს ვერ აბამ თურმე, შე ძილისგუდავ, შენა! — გაეცინა ფედისა.

— მე ხომ ჩემით ვერაფერს ვიკეთებ! ასე ვარ გაზრდილი. მამაც ასე შექცევა და ისიც... — სტასიამ თავით ანიშნა ჭასადილო ოთახზე. სადაც დედამისი დაფუსფუსებდა.

— მაპატიე, სტასია, მაგრამ ყურს ჭრის, როცა დედაზე „ისიცო“, ამბობ.. „ის“ კი არა, დედაო, უნდა თქვა...

სტასია გაწითლდა, მაგრამ არაფერი უპასუხნია, საუბარი სხვა რამეზე გადაიტანა.

— კარში რად დავმდგარვართ, ფედია? შემოდი, დაჯექი. ფედია სტასიას მიჰყვა ოთახში.

— თუ იცი, რად მოვედი შენთან? — ჰკითხა მან.

— წარმოდგენა არა მაქვს, — მიუგო სტასიამ.

— მინდოდა ლიტერატურისა და გეოგრაფიის გამოცდები-სათვის მზადებაში მოგხმარებოდი. მე მოცლილად ვარ... თანაც შენთან ერთადაც გავიმეორებდი რამეს. გაისად სკოლას ვამთავრებთ და გამომადგება აბა, როგორ მოვიქცეთ? ხომ არ მიბრაზდები?

ფედია ისეთი ტონით ელაპარაკებოდა სტასიას. თითქოს უდიდეს მოწყალებას სთხოვდა. სტასია სიხარულით აკისკისდა.

— ფედია, მე და შენ დავმეგობრდებით, ხომ? — უთხრა გრძნობამორეულმა.

ფედიამ მაგრად ჩამოართვა გამოწვდილი ხელი.

— ჰოდა, რაკი ასეა, მოდი, ტყუილად ნულარ გავაცდენტ დროს, — უთხრა ბიჭმა და შარვლის ჯიბიდან მილივით დახვეული რვეული ამოიღო.

ფედიამ რამდენიმე დღე იფიქრა, რა მეთოდით უნდა ემეცადინა სტასიასთან და ახლა გულდაჯერებით მიუჯდა საწერ მაგილას. სტასია გაუბედავად მიეკრო სკამის კიდეს და თვალები დახარა.

— შენ ჯერ ჩუმად იყავი, თითქოს არაფერი იცი, მე კი ბილეთების მახედვით მოგიყვები. კარგი?

სტასია უფრო მოხერხებულად დაჯდა, ხელები მუხლებზე შემოიწყო. იგი მიხვდა, რომ პირველი მეცადინეობისათვის ასეთი გეგმა ფედამ განგებ მოიფიქრა, რომ გოგოს არ დაერცხვინა. შუადღემდე იმეცადინეს და ორთავე კმაყოფილი დარჩა. ფედია უბრალოდ, გასაგებად ყვებოდა. სტასია ყურადღებით უსმენდა, რაღაცებს იწერდა თავისთვის და კარგად იმახსოვრებდა.

ფედიას რომ ემშვიდობებოდა, სტასიამ ღიმილით უთხრა:

— შენ აკრიბინა ფიოდოროვნაზე უკეთესი გადმოცემა გაქვს. ფედამ გაიცინა:

— ეტყობა, ტყუილად არ ვაპირებ პედაგოგიურ ინსტიტუტში შესვლას.

— პედაგოგიურში? — კითხვა შეუბრუნა სტასიამ. — ფუჰ, სულაც არ არის საინტერესო დარგი!

— შენ კი, რა თქმა უნდა, კინოვარსკვლავი იქნები? — ირონიულად ჰკითხა ფედამ.

— დიახ. — თქვა წამოწითლებულმა სტასიამ. — სცენა მიზიდავს. ჩემს დედ-მამასაც ასე სურს.

— საშინლად გაცვეთილი ამბავია, — შუბლი შეიკრა ფედამ. — ყველა გოგოს, ვისაც ნამდვილი გატაცება არ გააჩნია, მსახიობად გახდომა სურს. ამ საქმეში კი, როგორც მასწავლებლის სამუშაოსათვის, ტალანტია საჭირო და ჯოჯოხეთური შრომისუნარიც. შენ, სტასია, ჩემი აზრით, მაგის ნიჭი არ გააჩნია. გარდა ამისა, ასე მგონია, სწორად არა გაქვს წარმოდგენილი მსახიობის მუშაობა. შენ ახლა ამ საქმეს მაყურებლის თვალთ უყურებ... სცენა, აპლოდისმენტები... ახლა რამდენი უნდა იმუშაო შინ? ბიძაშვილი ჰყავს, ინჟინერი, მოსკოვში ცხოვრობს, მსახიობი ჰყავს ცოლი. ნამყოფი ვარ მათთან და ვიცი, რამდენს მუშაობს ის ქალი შინ. რამდენს კითხულობს, ვარჯიშობს, როცა როლი აქვს სასწავლი! აუცილებლად იფიქრე, სტასია!

შინ ფედია გულგახარებული ბრუნდებოდა. ყველაფერი ისე გამოვიდა, როგორც მას ჰქონდა ნავარაუდევო. სტასია სიხარულით დათანხმდა მასთან მეცადინეობაზე და ახლა ფედია ძალას არ დაიშურებს, რომ მან არა მარტო ლიტერატურის გამოცდა ჩააბაროს, არამედ შეიყვაროს კიდევ ეს საგანი. სტასიამ თავად შესთა-

ვაზა მეგობრობა და ეტყობა, მთელი გულითაც. ფედია თანდათან ხელახლა აღზრდის მას. დარწმუნებულია, რომ შეძლებს ამას.

სტასიას ეჭვადაც არ ჰქონდა, რომ ნოვიკოვი მასთან მხოლოდ საკუთარი სურვილით არ მისულა. ფედიამ, აგრიპინა ფიოდოროვნამ, ვერამ და ელენა სტრელოვამ მოილაპარაკეს ერთმანეთში, რომ სტასიაზე შეფობა აეღოთ და ფედიას დააეალებს, გამოცდებისათვის მომზადებაში მიშველებოდა.

ფედია საჩქაროდ მიაბიჯებს ქუჩაში, ფიქრობს და საქმის წარმატებაში დარწმუნებულს გული სიხარულით ევსება.

მეთერთმეტე თავი

იმავე დილით სვერჩიკოვებთან გამოცდისათვის ემზადებოდნენ ვერა და ელენა. განთიადისას ადგნენ და საუზმემდე წუთითაც არ შეუწყვეტიათ მეცადინეობა. ორივე კარგად იყო მომზადებული, მაგრამ ლენამ მეტი იცოდა.

— გინდა გითხრა, რატომ ვიცი შენზე მეტი? — უთხრა ლენამ, თან თავის გრძელ ნაწნავს იხვევდა.

— იმიტომ, რომ ჩემზე ნიჭიერი ხარ, — მიუგო ვერამ.

— არა, მაგიტომ კი არა, — თავი გაიქნია ელენამ. — შენ ჩემზე ცუდი მესხიერება როდი გაქვს. სულელო! — გაიცინა უცებ მეგობრულად. — მე ხომ მთელი წელიწადია ბიბლიოთეკაში ვმუშაობ. დღეში ოთხი საათი წიგნი მიჭირავს ხელში, ერთთავად შიგ ვიყურები და ვიმანსოვრებ ხოლმე.

ვერას რვეული, რომელშიც კითხვები ეწერა, მუხლებზე ედო. ხან ერთი პასუხობდა, ხან მეორე, ხან ერთი ავსებდა პასუხს, ხან მეორე დაუმატებდა სათქმელს. ზოგჯერ ელენა წიგნსაც გადაშლიდა ხოლმე.

რვა საათზე კი ვოლოდკამ კარების ბრახუნი და სიმღერა ატეხა:

— „ბებერ მედოლეს, ბებერ მედოლეს მკვდარივით ჩასძინებოდა!“ — მერე ოთახში შეიხედა, ცუდლუტურად მოავლო თვალი და შეჰყვირა: — აჰა, რას აკეთებთ აქ? ნახეთ, თუ დედას არ ვუთხრა!

— აბა, მოშორდი აქაურობას! — დაუყვირა ვერამ, მაგრამ ვოლოდკამ სასწრაფოდ განაცხადა:

— დედამ გამომგზავნა თქვენთან. — ხელისგულები რუპორით მიიღო პირთან, წუხელ ნანახ „თხუპნიაში“ მოთამაშე მსახიობებს ბაძავდა, მეფის მალემსროლებს რომ ასახიერებდნენ, მათსავით ჩაიგუგუნა ხელისგულებში, — ყავა გახლავთ და ხორციანი ღვეხელები! მორჩა! სამი წუთი გეძლევათ შეკრებისათვის!

მერე ვოლოდკა ოთახიდან უკანვე გამოვარდა, დაკეტილ კარებზე ისევ მიაბრაახუნა „ბებერ მედოლეს, ბებერ მედოლეს მკვდარივით ჩასძინებოდა!“ — და მისი მხიარული, მსუბუქი ფეხების ბაკუნნი უკვე მამის კაბინეტის მხრიდან მოისმა.

ელენამ პირველად გაათია ღამე სვერჩკოვებთან. მანამდე ორი-ოდეჯერ შეხვედროდა ვერას დედას მათთან ყოფნისას, მაგრამ გენერალი ჯერ არ ენახა.

ყველა თავის ადგილას იჯდა უკვე, გოგოები რომ სასადილო ოთახში შევიდნენ. ელენა კართან შეჩერდა და თქვა:

— დილა მშვიდობისა!

ვერამ თვალი შეავლო ამხანაგს და გაოცებით შენიშნა, რომ ელენა მორცხვობდა — იგი ხომ ყოველთვის, ყველასთან უბრალოდ და თავდაჯერებულად გრძნობდა თავს, ახლა კი დაბნეულიყო.

— დილა მშვიდობისა, — აღერსიანად მიუგო გენერალმა, ოქსანა ტარასოვნამ კი თავით ანიშნა ტროფიმ კალინოვიჩის გვერდით მდგარ ცარიელ სკამზე.

— როგორ გეძინა, ლენოჩკა, ახალ ადგილას? — საჩქაროდ ჰკითხა ოქსანა ტარასოვნამ.

— გმადლობთ, ძალიან კარგად, — მიუგო ელენამ. — ჰო, მართლა, უკვე დროა სამსახურში გავიქცე, — შეშფოთებით თქვა მან, როცა კედლის დიდ საათს ახედა.

— არა, არა, ლენოჩკა, ჯერ კარგად უნდა ისაუზმო, — შეაგება ოქსანა ტარასოვნამ, რომ ნახა, ლენა წამოდგომას აპირებდა.

— რას ამბობ, ლენოჩკა, ჯერ ხომ ცხრის ხუთი წუთია მხოლოდ, შენ კი ცხრაზე უნდა მიხვიდე, — უთხრა ვერამ, რადგან შენიშნა, რომ ამხანაგი რალაციტ შეშფოთებული იყო.

— ნუ იჩქარებთ, — უთხრა გენერალმა. — სწორედ იქით მივდივარ და მე მიგიყვანთ მანქანით.

ვოლოდკამ და ვერამ გაოცებით შეხედეს მამას.

სვერჩკოვების ოჯახში წესად არ ჰქონდათ პირად საქმეზე მანქანის მოხმარება.

ელენამ იცოდა ეს.

— გმადლობთ, — გულით გადაუხადა მადლობა. — თავად მივალ.

— რად უნდა მიხვიდეთ თავად, როცა შემიძლია წაგიყვანოთ? — ღიმილით, მაგრამ დაქინებით უთხრა გენერალმა. აჰ უბრალო ყურადღებამ, რითაც სვერჩკოვების ოჯახში იყო გარემოსილი, ელენა გაათამამა, გული გაუთბა.

— ჰო, — თქვა ვერამ მამასაც მიმართა და დედასაც. — სულ დამავიწყდა, ერთი ახალი ამბავი მეთქვა თქვენთვის.

ვოლოდკამ ჭამა შეწყვიტა და ყური მიუგდო.

— საინტერესოა, რა ახალი ამბავია? — იკითხა მან.

— აგრიპინა ფიოდოროვნამ ლიტერატურული წრის წევრებს წინადადება მოგვცა, ივლისში კოლმეურნეობა „ისკრაში“ გავემგზავროთ.

— რა მიზნით? — იკითხა ტროფიმ კალინოვიჩმა.

— სამუშაოდ და საწერად.

— რატომ „ისკრაში“ — მასზე ძლიერი კოლმეურნეობა სხვაე არის, თანაც უფრო ახლოს და ბუნებაც უკეთესია... — თქვა გენერალმა.

— აგრაპინა ფიოდოროვნამ ის აირჩია. — მიუგო ვერამ.

— ჰო, ეტყობა, რაიმე მოსაზრებაც აქვს ამის თაობაზე. — ჩაერია საუბარში ოქსანა ტარასოვნა. — მას წინასწარ აქვს ხოლმე ყველაფერი გაზომილ-აწონილი.

— რატომ მაინცდამაინც ივლისში და არა სწავლის დამთავრებისთანავე? — დაინტერესდა ტროფიმ კალინოვიჩი, ჩიბუხი გააბოლა და სუფრიდან ადგა.

— ეტყობა, ჩემი გულისთვის გადაწყვიტა ასე, — ჩაილაპარაკა ელენამ, — შვებულებას ივლისამდე ვერ ავიღებ.

— ო! ეს კარგია. ამხანაგური საქციელია! — შეაქო გენერალმა, მაგიდასთან შეჩერდა, საათზე მიუთითა და უთხრა: — ცხრას თექვსმეტი წუთი აკლია. წუთის შემდეგ მანქანა აქ გაჩნდება.

— „წუთი წუთზე სიზუსტით“! — სიცილით გამოაჯავრა ვოლოდკამ მძლოლს, ძია სენიას, საოცრად ზუსტ კაცს.

ქუჩაში, სახლის მახლობლად სამჯერ გაისმა მანქანის საყვირის ხმა. გენერალმა ღიმილით შეხედა ელენას, ერთი ნახე, რა მძლოლი მყავსო.

ვერა, ელენა და ვოლოდკა ფანჯარას მისცვიდნენ. კიბესთან ახალთახალი ჩალისფერი მანქანა იდგა და მზეზე ლაპლაპებდა.

— გმადლობთ, — უთხრა ელენამ ოქსანა ტარასოვნას და საჩქაროდ გაემართა კარისკენ.

კარში იგი ტროფიმ კალინოვიჩმა შეაჩერა, ხელში ხელი მოჰკიდა და ტკბილად გაუღიმა:

— ჩვენს სახლში ისე იგრძენით თავი, ლენა, როგორც საკუთარ ოჯახში. მიხარია, რომ ჩემმა ვერამ, როგორც იქნა, ამხანაგი იპოვა.

— მადლობელი ვარ, — თქვა ელენამ და უცებ ტირილი მოერიხვერა, ოქსანა ტარასოვნა და ვოლოდკა მაშინვე მისცვიდნენ მას. გენერალს არაფერი უთქვამს, წინკარში გაიყვანა ელენა, თავისი ცხვირსახოცი თვალები შეუმშრალა, პალტოს ჩაცმაში მიეშველა, ხოლო ოქსანა ტარასოვნამ კიბიდან გადასძახა, იცოდე, აუცილებლად ჩვენთან დაიძინე ისევ, პირდაპირ სკოლიდან წამოჰყევ ვერასო.

ელენამ მოიხედა. თვალები ცრემლებით გაბრწყინებოდა, ხოლო სახე ღიმილით გაცისკროვნებოდა. მანქანამ საყვირი დააპიპინა და მსუბუქად გასრიალდა ქუჩაში.

ვერა და ვოლოდკა ფანჯარასთან იდგნენ და მანქანას თვალს აყოლებდნენ.

— რატომ ატირდა ელენა, ვერა? — ჩუმად ჰკითხა ვოლოდკამ. ვერა დაფიქრებული იყურებოდა ქუჩაში და ხმას არ იღებდა.

— დედა, რატომ ტიროდა? — ვოლოდკამ ვერ დაიკხრო ცნობისმოყვარეობა და ახლა დედას მიუბრუნდა.

— ელენას არც დედა ჰყავს და არც მამა, ვოლოდკა, იგი ობოლია. ალბათ ასე ყველას ერთად რომ გვიყურებდა, მოაგონდა თავისი ოჯახი და გული ეტკინა... — ოქსანა ტარასოვნას ცრემლები ადგა თვალებზე.

ვოლოდკა გაჩუმდა და ჩაფიქრდა.

— რა მოუვიდა ელენას მშობლებს, ვერა? — ჰკითხა ოქსანა ტარასოვნამ.

— გოგოებმა თქვეს, მამა ფრონტზე დაეღუპა, ხოლო დედა ევაკუაციაშიაო. ზუსტად კი არავინ არაფერი იცის. ელენას არ უყვარს ამაზე ლაპარაკი. მე კი ვერ გამიბეღია კითხვა, — მიუგო ვერამ.

— უეჭველად გაბედე და ჰკითხე.

— კარგი, ვკითხავ, — შეჰპირდა ვერა.

მაგრამ ოქსანა ტარასოვნა საქმიანი ბუნების ქალი გახლდათ და არ შეეძლო დალოდებოდა, ვერა როდის შეუტრჩევედა დროს საკითხავად.

ოქსანა ტარასოვნა გარნიზონის ქალთა საბჭოში მუშაობდა და გამოცდილებით იცოდა, რომ ამდაგვარ შემთხვევებში საჭიროა სასწრაფოდ ჩარევა. მან დაურეკა აგრიპინა ფიოდოროვნას და მისგან გაიგო, რომ სტრელოვას მამა ფრონტზე დაეღუპა, დედა კი ევაკუაციაში და გოგო მარტოდმარტო დარჩა.

ერთხანს ელენა საბავშვო სახლში იზრდებოდა, მერე კი თავისი ნებით წამოვიდა იქიდან და საბავშვო ბიბლიოთეკაში დაიწყო მუშაობა.

ოქსანა ტარასოვნა ამით არ დაკმაყოფილებულა. მან სახალხო განათლების ქალაქის განყოფილებაში მიაკითხა. გამოირკვა, რომ ამ განყოფილების გამგე, ფედოროვი, ძალიან კარგად იცნობდა თურმე სტრელოვას და ბევრჯერ ფულითაც დახმარებია.

შინიდან ოქსანა ტარასოვნამ კვლავ დარეკა ბიბლიოთეკაში.

ბიბლიოთეკის გამგემ უთხრა, რომ ვცდილობთ, გოგონა არ დაეტვირთოთ სამუშაოთი, ბიბლიოთეკის მთელი კოლექტივიც დიდი ყურადღებითა და ზრუნვით ეკიდებო.

ყოველივე ამან ვერ დაამშვიდა ოქსანა ტარასოვნა. დედის გული უგრძობდა, რომ ვერც სკოლისა და ქალაქის განათლების განყოფილების ზრუნვა, ვერც ბიბლიოთეკის კოლექტივის ყურადღება — ვერაფერი ვერ გაუწევდა ელენას ოჯახის მაგივრობას... მოულოდნელად ოქსანა ტარასოვნას აზრად მოუვიდა, რომ ელენა თავისთან წამოეყვანა. მაგრამ ერთხანს არც ვერასთვის გაუნდია ეს ფიქრი და არც ტროფიმ კალინოვიჩისათვის.

სტასია ფედიასთან დაპირებულზე ადრე მივიდა. კარი ღია დახვდა და მისი შესვლა არავის გაუგია. ერთი კი იკითხა: „შეიძლებაო?“, მაგრამ არავინ გამოხმაურებია, თუმცა ოთახიდან ლაპარაკი ისმოდა. სტასიამ გაიხადა პალტო, ლურსმანზე ჩამოჰკიდა, ტაბურეტზე დაჯდა და ძლივძლივობით იხდიდა რეზინის ჩექმებს.

ოთახიდან ისმოდა ფედიასა და დედამისის საუბარი. სტასია ცდილობდა, რაც შეიძლება ნელა და ჩუმად გაეხადა ფეხთ, რომ უფრო დიდხანს და უკეთ მიეგდო ყური ლაპარაკისათვის.

— ერთი რამ მაწუხებს მხოლოდ, — ამბობდა ფედია, — რომ უჩემოდ ძალიან გაგიჭირდება. ვინღა მოგიტანს წყალს, ან ნახშირს, ან ნარცხს ვინ გაიტანს...

— რას ამბობ, ფედიუშკა, ბალღი ხომ არ ვარ, ან ხელები არ მაქვს, განა? — ეპასუხებოდა ვასილინა მიხაილოვნა.

სტასია მიხვდა, რომ პიონერთა სასახლის ლიტერატურულ წრესთან ერთად ფედიას გამგზავრებაზე ლაპარაკობდნენ.

— არაფრით არ შეიძლება, რომ ამხანაგებს გამოორჩე, თანაც სოფლისთვის იქნებ სარგებლობაც მოიტანოთ, — განაგრძობდა ვასილინა მიხაილოვნა.

„დედაჩემსა და მამაჩემს კი ჩემი წასვლა მხოლოდ იმიტომ არ სურთ, რომ იქ მუშაობაა საკირო“, — გაიფიქრა სტასიამ. თუმცა თავადაც არ ეამებოდა მაინცდამაინც მომავალი გამგზავრება.

— თანაც დაისვენებ კიდევ, — განაგრძობდა ვასილინა მიხაილოვნა. — სათივეზე დაიძინებ ბოლმე, ახლადმოწველილ რძეს დალევ, სუფთა ჰაერს ისუნთქავ. არა, ფედიუშკა. უეჭველად წადი... მოისმა ნაბიჯების ხმა. სტასია საჩქაროდ წამოხტა. წინკარში ვასილინა მიხაილოვნა შემოვიდა.

— ა, სტასია! — აღერსიანად უთხრა მან. — ჩვენ კი, რა ხანია, გელოდებით. უშენოდ არ ვისაუზმეთ.

— გმადლობთ, ვასილინა მიხაილოვნა, — უთხრა სტასიამ. — მე უკვე ვისაუზმე.

კარში ფედია გამოჩნდა. სიცილით გაუწოდა ხელი სტასიას და უთხრა:

— მერე რა, კიდევე ჭამე. ხომ ამბობ, ჭამა მიყვარსო.

სტასია ოთახში შევიდა. მასაც, ფედისა ყველა ამხანაგვით, უყვარდა ნოვიკოვებთან ყოფნა. აქ კარგად, უბრალოდ, მშვიდად გრძნობდა თავს. ვასილინა მიხაილოვნა სამხარეულოში მაგიდასთან ფუსფუსებდა, ფედია საოჯახო საქმეზე გავიდა, სტასიამ კი გადაფურცლა ხელთ მოხვედრილი წიგნი და ჩაფიქრდა.

... როცა სვერჩკოვებთან იყო სტუმრად, ეგონა, ასე კარგად იმიტომ აქვთ აწყობილი საქმე, რომ ძალზე კულტურული და უზრუნველყოფილი ოჯახიაო. ბევრჯერ უთქვამს სიცილით ვერასათვის, რომ დედაშენი დილაობით ალბათ პედაგოგ მაკარენკოს წიგნს კითხულობს, მშობლებისათვის დაწერილს, რათა ბავშვების აღზრდაში შეეცდომა არ მოუვიდესო. მაგრამ ასე კარგად, უბრალოდ, თავისუფლად რაღად გრძნობდა თავს ნოვიკოვებთან? ფედისა დედა დიდად განათლებული ქალი არ არის და საეჭვოა ასეთ წიგნებს კითხულობდეს.

ვასილინა მიხაილოვნამ შეაწყვეტინა ფიქრები სტასიას.

— ფედიუშკა დღე და ღამე მეცადინეობს, — უთხრა მან, იქვე დადგა და ფრთხილად, რალაცნაირი მოწიწებით შეუდგა მაგიდაზე მიმოყრილი წიგნების ერთმანეთზე შელაგებას. — ოჯახური საქმეებისათვის ვაცდენ ხშირად, თორემ უკეთესად ისწავლიდა. აი, მომავალ წელს სკოლას დაამთავრებს და სამასწავლებლოზე ისწავლის... კარგი რამ არის მასწავლებლობა, სასარგებლო საქმეა. შენ კი, სტასენკა, სკოლის მერე რას აპირებ?

— მე? — სტასიას მოაგონდა კინოვარსკვლავებზე საუბარი ფედისათან და ყოყმანით უთხრა: — ჯერ კიდევე არ ვიცი.

ამ ფრაზას ფედიაშეც მოჰკრა ყური და თვალები სიხარულით აენთო. მან ნაწშირით სავსე ვედრო ღუმელთან მიდგა, იქვე დაყარა ერთი ილია დაჭრილი შეშა და სამხარეულოში ხელების დასაბანად გავიდა.

„ყველაფერს ჩემის თანდასწრებით აკეთებს და არ ერიდება, როგორც ვერას არ ერიდება, სარეცხს რომ რეცხავს, — გაიფიქრა სტასიამ. — მე კი?!“

ჰოდა, მოაგონდა, ერთხელ რომ დედამისს ფეხი ასტკივდა და ბაზარში სტასია გაგზავნა. სტასიას დედის უბრალო კაბა ეცვა და

სანოვაგით დატვირთული მიაბიჯებდა ხორცეულის რიგში. სწორედ ამ დროს შემოხვდა საფრონოვი. გოგოს ისე შერცხვა, მზად იყო, მიწაში ჩამძვრალიყო.

ახლა ეცინებოდა ამ სირცხვილზე. მერე რა მოხდა, თუ ბაზარში ხორცს ყიდულობდა? ხალხი თუ ხორცს ჭამს, მაშასადამე, ყიდულობს კიდევაც. „რაო, ჭკუაში ვვარდები თუ რა?“ — გაიფიქრა სტასიამ და გაიღიმა.

ნასაუზმევს ფედია და სტასია სამეცადინოდ დასხდნენ. როგორც პირველად, ახლაც საინტერესო იყო მეცადინეობა. ორთავე კმაყოფილი დარჩა. ფედია კმაყოფილებით შენიშნა. რომ სტასია წიგნებს კი საკმაოდ კითხულობდა, მაგრამ წაიკითხავდა, გვერდზე გადადებდა და მეტად აღარასოდეს დაფიქრდებოდა მასზე. ფედია კი სხვანაირად კითხულობდა. იგი ამხანაგებთან, დედასთან, მასწავლებელთან მსჯელობდა ხოლმე წაკითხულ წიგნზე, კამათობდა, ფიქრობდა მის შინაარსზე და უბის წიგნაკში იწერდა თავის აზრებს წიგნის გმირების საქციელზე, წერდა, რა მოეწონა და რა მიაჩნია არასაჭიროდ წიგნში, იწერდა აფორიზმებს.

ფედია სტასიას წაუკითხა თავისი ჩანაწერები და გოგომაც მისთვის დამახასიათებელი უშუალოებით უთხრა:

— მე ვერც კი წარმოვიდგენდი, რომ ასე სერიოზულად შეიძლება წიგნების კითხვა. მეც ვიყიდი უბის წიგნაკს და ჩავიწერ ხოლმე ჩემს აზრებს წიგნების შესახებ.

რამდენიმე საათს იმეცადინეს. სტასიამ მაჯაზე, ოქროს საათზე დაიხედა და შესძახა:

— შენ, მგონი, ჩემი დატანჯვა გადაგიწყვეტია, ფედია?

ფედიას გაეღიმა:

— მასწავლებლობამ გამიტაცა! რა. ექნა, ახალგაზრდა ვარ, გამოუტყდელი!

თავისთვის კი გაიფიქრა: „ეტყობა, მარტო მასწავლებლობამ კი არა, მოწაფემაც გამიტაცაო“.

ფედია გააცილა სტასია. ნამდვილი გაზაფხულის პირველი დღე იყო. მზე ოქროსფერ, მცხუნვარე სხივებს ფენდა მიდამოს, ბალებში ჩიტები ჭიკჭიკებდნენ, ქუჩები ახმაურებულიყო — დაქ-

როდნენ მანქანები, კისკისებდნენ ქალიშვილები, ქარხნების გრძელი საყვირები არყევდნენ გამჭვირვალე ჰაერს.

სტასია ისე შეჰხაროდა ყოველივეს, ისე მოსწონდა, რომ ფეხები თუ ება ვერც გრძნობდა, თითქოს კი არ მიდიოდა, მიფრინავდა.

მეცამეტე თავი

სკოლა! საყვარელი სკოლა! რა ღრმა, ნათელი გრძნობით მოიგონებთ წლების მერე მას თქვენ, ეს ჟივილხივილიანი, დაუდგარი მოზარდები! მოგაგონდებათ ეს მშვენიერი, განუმეორებელი, დღეები, სკოლის კედლებში რომ გაგიტარებიათ. მხოლოდ მაშინ, როცა სკოლა ძვირფას მოგონებად გადაიქცევა, თქვენ, უკვე ცხოვრებისეული გამოცდილებით დაბრძენებულები, გაიგებთ იმას, რასაც სკოლის წლებში ვერ ხვდებოდით. მხოლოდ მაშინ დააფასებთ თქვენი საძულველი მასწავლებლების სიმკაცრესა და მომთხოვნელობას, მასწავლებლებისა, საწყენი მეტსახელებით რომ ამკობთ ხოლმე. ჰოდა, ბევრი თქვენგანი ინანებს, რომ ასე ცოტა შეითვისეს იმ მეცნიერებათაგან, ასე თავგადადებით რომ გასწავლიდნენ თქვენი მასწავლებლები. რა ამალმებული და კეთილშობილური მოგეჩვენებათ მაშინ თქვენი აღმზრდელი მასწავლებლების შრომა! და თუ ოდესმე, მშობლიურ ქალაქში დაბრუნებულები მეორე მხარეს მიმავალ თქვენს ყოფილ მასწავლებელს მოჰკრავთ ოვალს, უკვე გაჭაღარავებულსა და წელში მოხრილს, გულაკანკალებულები გადაირბენთ ქუჩას და გაოცდებით, რომ მან გიცნოთ, რომ თვალები ახლაც ახალგაზრდული ცეცხლით აქვს ანთებული, რადგან მასწავლებელი სამოცდახუთი წლისაც კი გულით ახალგაზრდაა ისევ.

სკოლა, საყვარელი სკოლა! რა საზეიმო, თითქმის ნეტარი გრძნობა გეუფლებათ მერე, ოდესმე, მრავალი წელი რომ ჩაივლის, თუ შემთხვევა მოგეცემათ და გაკვეთილების დროს გაივლით მიჩუმებულ დერეფნებში, შეჩერდებით კლასის კართან, მიაყურადებთ მასწავლებლის წყნარ, გაზომილ ლაპარაკსა და ცარცის დაფაზე კაკუნს. გულაფანცქალებული მიუგდებთ ყურს ზარის სიცოცხლით სავსე წკრიალს, ეს წკრიალი შიგ გულში შეგეჭვრებათ, ვით მშობლიური, მივიწყებული ხმა... — იქნებ თვალზე ცრემლიც კი მოგადგეთ, მაგ-

რამ ნუ დაირცხვენთ — ეს ხომ სულმოკლეობის ცრემლები არ იქნება. ეს არის ჩვეულებრივი, ადამიანური ნაღველი სიჭაბუკეზე და იმაზე, რაც გავლილია უკვე და ვედარასოდეს დაიბრუნებ...

... მაისის ერთ დღეს მერვეკლასელებს ლიტერატურის გამოცდა ჰქონდათ. მაგიდასთან გამოძახებულ მოწაფეთა სამეულში იყვნენ სტასია ნოჩკა და ელენა სტრელოვა. ელენა მშვიდად გავიდა, მტკიცე ხელით აიღო მაგიდიდან ბილეთი.

— მეთორმეტე, — უთხრა მან აგრიპინა ფიოდოროვნას.

სტასია დიდხანს ჯახირობდა თავის მერხთან, კაბის ბოლო ამოწეულ ლურსმანს წამოედო და თავი რომ ვეღარ გაითავის-სუფლა. ნერვიულად გამოგლიჯა ძველი კაბა, გამოცდების დაწყების დღიდან გაუხდელად რომ ეცვა. ძველ მოწაფური რწმენით, ეს კაბა კარგად ჰქონდა დაცდილი.

აქოშინებული, თითქოს ციცაბო კიბე ამოერბინოს, გავიდა აგრიპინა ფიოდოროვნას მაგიდასთან.

— მეორე, — თქვა, მაგიდიდან აღებული ბილეთი რომ გაშალა და ფანჯარასთან მდგარ თავისუფალ მერხზე დაჯდა.

ამ დღეს მერვე „ბ“ კლასი საზეიმოდ იყო მორთული, ფანჯრებზე ახლად დარეცხილ-დაუთოვებელი ფარდები ეკიდა, რაფებზე თეთრქაღალდშემოხვეულ ქოთნებში აყვავებულ იყვნენ მათიოლები. მთელ კედელზე გაკრული იყო წითელი ტილო, რომელზედაც ეწერა: „გამოცდებს ოთხებზე და ხუთებზე ჩავაბარებთ!“

დღეს განსაკუთრებით მორთული იყო აგრიპინა ფიოდოროვნას მაგიდა. ზედ პრიალა, სპილოს ძვლის ფერის ქაღალდი ეფარა და იდგა მინდვრის ყვავილებით სავსე ბროლის ვაზა.

მაგიდას უჯდა აგრიპინა ფიოდოროვნა. შავი კაბა ეცვა თეთრ საყულოიანი და თეთრ მაჯებიანი, მკერდზე უნივერსიტეტის დამთავრების ნიშანი ებნია. რალაცნაირი მოზეიმე და უცხო იერი ჰქონდა. მოწაფეებმა იცოდნენ: ახლა იგი არავის დაეხმარებოდა და არც არავის უკარნახებდა რაიმეს. თუ არ იცი — თავს დააბრალე. გვერდით ასისტენტი უჯდა — მეათე კლასის ლიტერატურის მასწავლებელი პაველ გიორგიევიჩ სედოვი, გამხდარი, კაფანდარა, წაწვეტებულ ცხვირიანი ბერიკაცი, გამელოტებულ თავზე რომ ქოჩრის ნარჩენი ჰქონდა გადატკეპნილი. მოწაფეებს უყვარდათ ეს

კაცი, პატივსაც სცემდნენ, მაგრამ ჩუმ-ჩუმად მაინც ბელურას ეძახდნენ. სედოვს წინ ქალაღლის ფურცელი დაედო, ახლომხედველი თვალები მოექუტა და შიგადაშიგ სწრაფი მოძრაობით ისე დაიხრებოდა ხოლმე, თითქმის ცხვირით ეხებოდა ქალაღს, ზედ რალაც შენიშვნებს იწერდა.

სედოვს ეს ჩვეულებად ჰქონდა და მოწაფეები რომ დაინახავდნენ, ამბობდნენ: „ბელურა უნისკარტებსო“.

ვერა უკანა მერხზე იჯდა და ხედავდა, როგორ ლელავდა სტასია, მერე ბილეთის ნომერიც რომ თქვა, მოეჩვენა, თითქოს სტასიას მთლად აებნა თავგზა.

ვერას შეეცოდა ამხანაგი, იჯდა და ფიქრობდა, რით ვუშველოო. მეორე ბილეთი მშვენიერად ახსოვდა. ხუთ წუთში დაწერდა შპარგალკას, მაგრამ ვერ ბედავდა ამის გაკეთებას. კომკავშირული ორგანიზაციის მდივანი იყო და არ შეეფერებოდა ასეთი საქციელი... თანაც აგრიპინა ფიოდოროვნასი რცხვენოდა, ვერ გაიგებდა, მაგრამ მაინც. მთავარი კი ელენა იყო... დღეს ელენა აგრიპინა ფიოდოროვნასავით მკაცრი იყო და ისეთი სერიოზული სახე ჰქონდა, თითქოს, ისიც გეუბნებოდა: „თუ არ იცი, თავს დააბრალო“.

მაშ ვინ მიეხმარება სტასიას? ეგებ დაიბნეს და მხოლოდ ამის გამო ვერ ჩააბაროს გამოცდა. უნდა შეახსენო და მერე თვითონ მიხვდება ყველფერს. მთელი კლასი ასე მშვენიერად არის მომზადებული ლიტერატურის გამოცდისათვის, სტასიას გარდა... ნოვიკოვი კი ამეცადინებდა, მაგრამ ვერა კარგად იცნობდა სტასიას და არ სჯეროდა, რომ ეს მეცადინეობა საკმარისი იქნებოდა მისთვის. ვერა კისერს იგრძელებს და პაველ გეორგიევიჩს აშტერდება, რომელიც დარწმუნებულია, რომ მისი მეათეკლასელები მერვე „ბ“-ს მოწაფეებზე უკეთ არიან მომზადებულები, ვერა ამას მოცინარე თვალებზე ატყობს. პაველ გეორგიევიჩი ისეთი თვალებით ათვალეირებს იქვე ჩამომსხდარ გოგონებს, თითქოს, ფიქრობდეს: „აბა, ვნახოთ, ერთი, რომელი თქვენგანი ჩაიჭრებო?“ კლასის ღირსება ვერასთვის საკუთარ პატიოსნებაზე ძვირფასია. ამ აზრს ჩაეჭიდა, მერხზე დაიხარა და საჩქაროდ შეუდგა წერას. ამ დროს მაგიდასთან მშვიდად მივიდა ელენა.

— ალექსანდრ სერგის ძე პუშკინის ბიოგრაფია, — თქვა და ისე

ცხარედ ალაპარაკდა, როგორც იცოდა ხოლმე პასუხი, განსაკუთრებით ლიტერატურაში.

შთაგონებით უპასუხებდა, ყველა ინტერესით უსმენდა. ბევრი რამ ელენას ნათქვამიდან მერვე „ბ“ კლასის გოგოებისათვის ახალი ამბავი იყო, აგრიპინა ფიოდოროვნას მათთვის არ უამბნია ეს.

ფადდევას უნდოდა შეეწყვეტინებინა სტრელოვასათვის, „საკმარისიაო“, ეთქვა როგორც იცოდა ხოლმე, თუ მოწაფეს ცოდნას შეატყობდა, მაგრამ პაველ გეორგიევიჩმა აგრიპინა ფიოდოროვნას ხელზე თავისი ხმელი თითები დაადო და ამ მოძრაობით სთხოვა, სიამოვნებას ნუ მომაკლებ, ბოლომდე მოეუსმინო.

ელენა მორჩა მოყოლას და გაწითლდა. ასე ეგონა, თხრობამ ძალზე გამიტაცა და ბევრი არასაქირო რამ ეთქვით. შემფოთებით მოავლო თვალი მიყუჩებულ კლასს. ამ დროს ვილაცას სამელნე გადაუფარდა. მისმა ბრაგუნმა დაარღვია სიჩუმე და იმავ წამს გაისმა ვერას თხოვნა:

— აგრიპინა ფიოდოროვნა, ნება მომეცით, ჩვარი ავიღო, მელანი დამეღვარა.

— აიღეთ, — გამოეხმაურა ფადდევა.

პაველ გეორგიევიჩი ახლომხედველი თვალებით ჩააჩერდა ქალაქს და ელენას გვარის გასწვრივ ვეება ხუთიანი დასვა. მერე აგრიპინა ფიოდოროვნასკენ დაიხარა და ჩურჩული გაუბა, თან მამობრივი სინანით შეჰყურებდა ელენას.

ვერამ ისარგებლა იმით, რომ აგრიპინა ფიოდოროვნა ასისტენტს ესაუბრებოდა და საჩქაროდ გამოვიდა მერხიდან. ჩვარი ფანჯარაზე იყო, იქვე იდგა მერხი, რომელზედაც იჯდა სტასია და აპილპილებული სახით დახრილიყო ბილეთზე. ვერამ აიღო ჩვარი, აწმინდა დაღვრილი მელანი და ჩვარი ისევ რაფაზე დადო ისე, რომ სტასიას სულაც არ გაუჭირდებოდა მისი აღება. გავლისას ვერამ იდაყვი გაჰკრა სტასიას და მრავალმნიშვნელოვნად ანიშნა თვალებით ჩვარზე, მაგრამ სტასიამ უარის ნიშნად თავი გააქნია. ვერამ ვერ გაიგო, რას ნიშნავდა ეს. „ეშინია თუ რა? — გაიფიქრა მან. — რა დიდი ამბავიც მაგას უნდა, ხელი გაიწვდინოს ისე, რომ მასწავლებლების მაგიდას თვალი არ მოაშოროს და აიღოს შპარვალიკა“.

— დაჯექით, სტრელოვა. — უთხრა აგრიპინა ფიოდოროვნამ.

მოწონებას გუგუნში ელენა წავიდა და ვერას მიუჯდა მერხზე. — მშვენიერი იყო, ლენა! — აღტაცებით უჩურობდა ვერამ და ამხანაგს ხელი მოუჭირა ხელზე.

— მართლა? — გაუხარდა ელენას. — მე კი მომეჩვენა, რომ ბევრი ზედმეტი ვთქვი...

— ნოჩა, — თქვა აგრიპინა ფიოდოროვნამ და შემფოთებით შეხედა მოწათფეს.

სტასია გამოვიდა და აცახცახებული ხელებით აიღო ბილეთი.

— შოთა რუსთაველის პოემა „ვეფხისტყაოსანი“ — კომპოზიცია, სახეები, მხატვრული ღირსებანი, ნაწარმოების იდეა და ა. შ.

— ჩაიჭრება, — უჩურობდა ყურში ელენას ვერამ და შიშით გაიფიქრა: „ნეტა ალება ვერ მოასწრო თუ შეშინდა?“ ვერას აზრადაც არ გაუვლია, რომ სტასიამ არ მოისურვა შპარგალკით სარგებლობა.

მაგრამ სტასიას არ სჭირდებოდა ვერას შპარგალკა. მშვენივრად იცოდა თავისი ბილეთი. მან ჯერ გაუბედავად დაიწყო ლაპარაკი, ენის ბორძიკით, მერე კი დამშვიდებით და მტკიცედ განაგრძო.

კლასში ისეთივე სიჩუმე ჩამოვარდა, როგორც მაშინ, ელენა რომ უპასუხებდა. აგრიპინა ფიოდოროვნა სიხარულნარევი გაოცებით შესცქეროდა სტასიას.

— კარგია, სწორია, — ეუბნებოდა გამამხნეველად. სტასიაც განაგრძობდა პასუხს და გული სიხარულით უცემდა.

რვა წლის სკოლაში სწავლის განმავლობაში პირველად იყო, რომ ასე თავისუფლად, იოლად პასუხობდა და ასე მონდომებული იყო სწავლაზე.

— საკმარისია, არა? — ჰკითხა ფადეევას ასისტენტმა, როცა სტასიამ ასევე კარგად უპასუხა მეორე კითხვაზე და ქალაღზე დაიხარა, რომ ხუთიანი დაეწერა. მაგრამ ფადეევამ უარით გაიქნია თავი და თქვა:

— შემდეგი კითხვა რა გაქვს?

— საზეპირო პუშკინის პოემა „ევგენი ონეგინიდან“, — ნაწყვეტი — „ტატიანას სიზმარი“.

სტასია იმდენად დამშვიდდა, რომ გაელიმა კიდევ. მოაგონდა, ნოვიკოვი რომ დასცინოდა მის „კინოვარსკვლავობას“, როცა მას-

თან ამბობდა ზეპირად „ტატიანას სიზმარს“. „გრძნობით კი კითხულობ, მაგრამ ნიჭი არა გაქვსო“, — უთხრა გულახდილად. სტასიას ძალიან სჯეროდა ფედიასი და მას მერე ეპკვი შეეპარა თავის არტისტულ მომავალში.

— „და ხედავს იგი სიზმარს საოცარს, — დაიწყო სტასიამ. — გზად უძევს ველი თოვლით მოსილი, მოდის და მინდორს ველარ გამოსცდა მწუხარე ბინდით გარემოცული“.

სტასიამ შეუფერხებლად წაიკითხა მთელი ნაწყვეტი, სწორედ ისე, როგორც ფედიამ უთხრა — გრძნობით, მაგრამ უნიჭოდ.

ელენა და ვერა გაოცებულები იყვნენ სტასიას პასუხებით. ისე უხაროდათ და ისე გამოხატავდნენ სიხარულს, რომ აგრიპინა ფიოდოროვნამ ორჯერ შენიშვნა მისცა.

— კეთილი, — უთხრა აგრიპინა ფიოდოროვნამ სტასიას, მერე პაველ გეორგიევიჩის მიუბრუნდა და ჰკითხვა:

— თქვენ თუ გაქვთ რაიმე შეკითხვა?

— მაქვს. მიპასუხეთ, ნოჩკა, ვინ არიან „პერედვიჟნიკები“ და რით არიან ისინი საყურადღებონი?

— ესენი მხატვრებია, — დაბნევით უპასუხა სტასიამ და წყენით გაიფიქრა: „ეს ხომ პროგრამაში არ შედის!“ — მან მეტი არაფერი იცოდა ამ მხატვრების შესახებ.

— პუშკინის რომელი ნაწარმოები იცი, რომელზედაც მუსიკა არის დაწერილი? — ჰკითხა აგრიპინა ფიოდოროვნამ.

— „ევგენი ონეგინი“, „ალი“... — მიუგო სტასიამ.

— კიდევ?

მეტი სტასიამ არ იცოდა და ის წუთიერი სიხარული წამწარდა, სწავლა ისევ საწამებელ საქმედ ეჩვენა.

სტასიას თვალბეჭე ცრემლები მოადგა.

აგრიპინა ფიოდოროვნა, ეტყობა, მიხვდა, რა დღეშიც იყო მისი მოწაფე.

— დაჯექი, — საჩქაროდ უთხრა მან.

პირველი საათისათვის დამთავრდა პირველი ცვლის გამოცდები. კლასი ზეიმობდა — ოცდაათი მოწაფიდან სამი არავის მიუღია.

ვერა და ელენა დერეფანში დაეწივნენ სახეგაბრწყინებულ ფადეევას.

— სტასიაზე რას იტყვით! სტასიაზე!

აგრიპინა ფიოდოროვნამ ჩაიცინა და ვერას უთხრა:
— ის მეღნის დაღვრა რაღა საჭირო იყო.
ვერამ დარცხვენით ჩაჰკიღა თავი.

მეთოთხმეტე თავი

სადგურიდან კოლმეურნეობა „ისკრამდე“ სამოცი კილომეტრი კიდევე იყო. აგრიპინა ფიოდოროვნამ გადაწყვიტა, ეს გზა წრის წევრებთან ერთად მანქანით გაეარა. სადგურიდან „ისკრაში“ დარეკა და, გაცხარებული თიბვის მიუხედავად, კოლმეურნეობის თავმჯდომარე დაჰპირდა, საღამოზე მანქანას გამოგიგზავნიო. აგრიპინა ფიოდოროვნა ტელეფონითვე მოელაპარაკა მძღოლს, სადგურს გაღალმა ტყის მახლობლად დაგელოდებო.

მგზავრები მდინარე კურმის ნაპირას შეჩერდნენ, ისადილეს და ტყეში მიმოიფანტნენ. გოგო-ბიჭები ჯერ კიდევე შემოუსვლელ ყოლოს კრეფდნენ და ირწმუნებოდნენ, ძალიან გემრიელიაო.

აგრიპინა ფიოდოროვნა არსად არ წასულა. იგი ფუთებსა და კალათებს შორის ბალახზე გაფენილ პალტოზე უსაქმოდ იჯდა და სიგრილთა და მშვენიერი ჰაერით ტკბებოდა. იქვე, მის სიახლოვეს ეხვავა თეთრი სოკო — ქორფა, ყავისფერქულა და ბოც-ბოცა ძირიანები. სოკო, კაცმა არ იცის, რად უნდოდა, ელენამ მოიტანა და აგრიპინა ფიოდოროვნას წინ დაუხვავა. ახლა ელენა კურმის ნაპირებთან, ბარდებში დაეხეტებოდა. სტასიას დაკვეთით ვერა მღეროდა რომანსს „გამოველ გზაზე მარტო“. მისი პატარა, მაგრამ საამო ხმა აქ რაღაც განსაკუთრებული სიძლიერით უღერდა. ქვემოთ, მდინარესთან გატაცებით უსმენდა აგრიპინა ფიოდოროვნა, ხოლო ბორცვზე მწყემსი ბიჭუნა გაუნძრევლად გატრუნულიყო.

ტყეში სტასიას ფეხდაფეხ დასდევდა ჩერნილინი. ამ გოგოსთან იგი მუდამ არაჩვეულებრივად უტყვი იყო ხოლმე. სტასია მას პატარასავით ექცეოდა, ალერსიანად და მოწყალედ. ჩერნილინს სწყინდა ეს, მაგრამ ითმენდა და ხმას არ იღებდა.

— ანასტასია პავლოვნა, — პატივისცემით ეუბნებოდა გოგოს და მის თაიგულს ყვითელ შროშანებსაც უმატებდა, — გვიმრის ყვავილობა თუ გინახავს ოდესმე?

— ნუ ტყუიხართ, ჩერნილინ, გვიმრა არ ყვავის ხოლმე, — გულგრილად გამოეპასუხა სტასია, დახრილი თან კენკრას კრეფდა, თან მთელი გზა წინ მიმავალ ფედისასა და საფრონოვს არ აშორებდა თვალს.

ჩერნილინი აღარ ედავებოდა და ნაღვლიანად მისჩერებოდა სტასიას — ხედავდა, რომ ამ გოგოს სულაც არ აინტერესებდა მასთან ყოფნა და ერთთავად თავის საფიქრალს ფიქრობდა.

დასავლეთიდან, პორიზონტის გადაღმიდან მუქი ღრუბლები ამოცურდა. მათ დაფარეს მზე და ტყე ხელაღვე პირქუში გახდა, ხოლო მდინარიდან სიცივემ მობერა. ჭერ არ მოსალამოვებულყო და კურმაზე დათქმული თავშეყრის დრო შორს იყო, მაგრამ ყველამ აგრიპინა ფიოდოროვნას მიაშურა. მის ირგვლივ შეგროვდნენ.

პირველი ელენა მოვიდა, თავზე ყვავილების გვირგვინი ედგა და ხელში ჭაობის შროშანების პატარა თაიგული ეჭირა.

— აი, რა ფასად დამიჯდა! — იცინოდა იგი და წელამდე სველ რუხ კაბასა და ნესტით დამძიმებულ სანღლებზე უთითებდა.

ლენას ნოვიკოვიც მოჰყვა. სასაცილო. აშკარად მისთვის დიდა კუპოკრული შარვალი ეცვა და ლურჯი მაისური. სახე გასწითლებოდა, ბორა ბუხის ნაკბენი ცხვირი გასივებოდა, მხრები მზისგან ჰქონდა დამწვარი თავის თავს აღარ ჰგავდა.

ელენამ მის დანახვაზე ტაში შემოჰკრა და მხიარული კისკისი ატეხა. ტყიდან ჩერნილინი გამოხტა, ხელში სტასიასათვის დაწნული შროშანების გვირგვინი ეჭირა. შეხედა ფედისს და განუცხადა, ეგ ფუტკრის ნაკბენია და კიდევ უფრო დაგისივდებაო.

— ფუტკარმა კი არა, ბორამ მიკბინა, — ხელი აუქნია ნოვიკოვმა.

მაგრამ ჩერნილინს უხაროდა, რომ შემთხვევა მიეცა და აზარტული კამათი გააჩაღა. „რალა მაინც და მაინც ცხვირზე მიკბინა! — ფიქრობდა ფედია, ცხვირზე სველ ცხვირსახოცს იღებდა და გასცქეროდა ბორცვს, სადაც სიმწვანეში ხან აქ, ხან იქ გაილეებდა ხოლმე სტასიას წითელი სარაფანი. — ნეტა ცოტა მაინც შეაგვიანოს!“

— გტკივა? — ჰკითხა ელენამ.

— რასაკვირველია! შენ კი გეცინება..

ფედია აღტაცებით მიაშტერდა სტრელოვას.

— ალსა ჰგავხარ, — უთხრა გამომწვევად.

ფედია სარკეში აკვირდებოდა საკუთარ სახეს და ბევრად უფრო ცუდი ეგონა თავი, ვიდრე სინამდვილეში იყო. ერთი რამ ვერ გაითვალისწინა: ბუნებამ იგი სილამაზით არ დააჯილდოვა, მაგრამ, სამაგიეროდ, უხვად მიაგო ჭკუა და სწავლის ნიჭი. ეს ფედიას ცოცხალ, გამჭრიახ თვალეზზეც ეტყობოდა, ჭკვიან შუბლზეც, ლაპარაკზეც და მთელ გარეგნობაზეც.

თითქოს ფედიას ჯიბრზე, სტასიაც მალე გამოჩნდა, დაუდგარი და მხიარული.

— ოჰ, ფედია! როგორ გალამაზებულხარ! — დაცინვით უთხრა სტასიამ.

— აშკარად გაწყინა სოფლის ჰაერმა! — აპყვა სტასიას ვერაც-მასაც თეთრი შროშანების გვირგვინით შეემკო თავი და ხელშიაც თაიგული ეჭირა.

ჩერნილინმა ბრეზენტის ლაბადა გაფინა და ყველანი ზედ დასხდნენ. მალე ღრუბლებს შორის მზე გამოიჭრა და აგიზგიზებულ ცის ჰორიზონტზე დაკიდებულ ხორკლიან ბურთს დაემსგავსა.

— მზიანი დღე იქნება, მაგრამ ქარი ამოვარდება, — იწინასწარმეტყველა ფედიამ.

— რაღაო, ვითომ. ფეოდორ ილიჩ? — ჰკითხა ჩერნილინმა ისეთი ტონით, აშკარად ეტყობოდა, ერთი სული ჰქონდა, შეეკამათებოდა.

— იმიტომ, რომ დასავლეთისკენ ცა მოკრიალებულია და ჩაწითლებული, — მიუგო ფედიამ.

— ეს სულაც არ არის რაიმეს მაუწყებელი, — გატაცებით შეეპასუხა ჩერნილინი.

ფედია ბალახზე პირალმა გაწვა, ხელები თავქვეშ ამოიღო და შემრიგებლად უთხრა:

— რასაკვირველია, ეს არ არის რაიმეს მაუწყებელი.

რაღა უნდა ექნა, ჩერნილინმა ხმა ჩაიკმინდა. წუხილით ამოიოხრა და ბალახზე ნოვიკოვის გვერდით წამოწვა. წუთის შემდეგ ისევ წამოხტა და ბრეზენტის პლამჩზე ვერას გვერდით დაჯდა.

— დაჯექი, ანასტასია პავლოვნა, — მიუბრუნდა ჩერნილინი სტასიას და კიდში ადგილი დაუთმო.

სტასიას ხმა არ გაუღია, დაჯდა და ირგვლივ ცქერას მოჰყვა. მხოლოდ მან შენიშნა, რომ საფრონოვი არსად ჩანდა.

მზე თანდათან სულ ქვემოთ და ქვემოთ ეშვებოდა და მალე მიჰი პატარა კიდელა მოჩანდა მხოლოდ.

— სალამოვდება, — თქვა აგრიპინა ფიოდოროვნამ და ჩერნილინს მიუბრუნდა: — ბორია, გააჩაღეთ კოცონი.

ჩერნილინი დაუხარებლად წამოხტა და კმაყოფილი, რომ მისთვის აუტანელ უსაქმურობას ბოლო მოეღო, მარჯვედ დატრიალდა.

— მანქანა რატომღაც იგვიანებს, — განაგრძობდა აგრიპინა ფიოდოროვნა, — იქნებ აქ მოგვიწიოს ღამის გათევა.

— ღამის გათევაო! — სიხარულით შესძახა ელენამ. — რა კარგია, მე პირველყოფილი ადამიანივით, აგერ, ამ ხეზე დავიძინებ! — მან მიიბრინა ასწლიან გატოტვილ ფიჭვთან, ხელები გაშალა და მის მძლავრ ტანს შემოხვია.

ამ ფიჭვის მაგარ ტოტებზე მართლაც მყუდროდ გაათენებდა ღამეს კაცი.

— მე კოცონთან დავრჩები!

— მეც ხეზე ავალ!

— მე ნაპირზე დავიძინებ! — ახმაურდნენ ბავშვები.

ყველას ძალიან მოეწონა აგრიპინა ფიოდოროვნას აზრი, ტყეში გაუათიოთო ღამე.

მაგრამ ის იყო, ჩერნილინმა კოცონი დაანთო და ალის ცელქი ენები მოტაკუნე ხმელ წიწვებში აცეკვდნენ, რომ მანქანის გუგუნიც მოისმა და მთებს გადაღმიდან კვამლის ღრუბლებში გახვეული ახალთახალი პატარა სატვირთო მანქანა გამოხტა მხიარულად.

მძლოლმა კოცონი რომ დაინახა, მანქანა დაამუხრუჭა და შეჩერდა. კაბინიდან მაღალი, ბრეზენტისპლაშჩიანი, ყავისფერჩექმებიანი კაცი გადმოხტა და კოცონისაკენ გაემართა.

ბავშვები, ახალახანს, ტყეში ღამის გათევა რომ უხაროდათ, ახლა მანქანით და მათკენ მომავალი მაღალი კაცის გამოჩენით მოვიდნენ აღფრთოვანებაში. ყველანი წამოხტნენ და ყურადღებით შეაჩერდნენ ხან უცნობს, ხან კიდევ აგრიპინა ფიოდოროვნას, რო-

მელიც საჩქაროდ წამოდგა და სახეაწითლებული, გაღიმებული და წინასწარ ხელგაწვდილი შეეგება უცნობს.

— აგრიპინა ფიოდოროვნა! ჩემო კარგო! — მღელვარებით ლაპარაკობდა მოსული და აგრიპინა ფიოდოროვნასაკენ მიემართებოდა. — გავიგე, რომ მშობლიურ მხარეში მოდიოდი და თავი ველარ შევიკავე, გადავწყვიტე თავად შეგგებებოდი. რვა წელიწადია არ მინახავხარ, არა?

მან გზაშივე მოიხადა ქუდი, მივიდა ფადეევასთან და ორივე ხელი მოუჭირა მის გამოწვდილ ხელს, მერე სწრაფი მზერა მოავლო გოგო-ბიჭებს, ცნობისმოყვარეობით რომ შესცქეროდნენ თვალებ-დაქყეტილები და კვლავ ქუდმოხდილმა ღიმილით გააცნო თავი:

— გრიგორი მაქსიმოვიჩ ცვეტაევი, კოლმეურნეობა „ისკრას“ აგრონომი და პარტორგი. — მერე ისევ აგრიპინა ფიოდოროვნას მიუბრუნდა, აათვალიერ-ჩაათვალიერა და უთხრა: — არ გამოცვლილხარ, სრულებით არ გამოცვლილხარ, ეს არის, ცოტათი უფრო უფროსი ჩანხარ.

— დავბერდი! — გაიცინა აგრიპინა ფიოდოროვნამ.

— სწორედ რომ უფროსი ხარ! და ისევ ყვავილნარში ჩაფლული! — ხელით გოგო-ბიჭებზე ანიშნა. — ჩვენთან კი ყველაფერი განახლებულია, ვერც კი იცნობ, სკოლაც ისევ იქ არის, მხოლოდ გარეგნულად გამოიცვალა სულ მთლად. აგერ, თავად ნახავ წავიდეთ? — შეაწყვეტინა თავის თავს ლაპარაკი.

— წავიდეთ! — მიუგო ფადეევამ და ბარგისკენ გაემართა. ბავშვები მხიარული შეძახილებით და ერთუბრთის ჭიკაძე-ჭიკაძით მისცვივდნენ თავ-თავიანთ ბარგი-ბარხანას.

— ყველანი ხართ? — იკითხა აგრიპინა ფიოდოროვნამ და მიწიდან პალტო აიღო.

— ყველანი! — მიუგო ჩერნილინმა.

სტასიამ შეშფოთებით მიმოიხედა და გაუბედავად თქვა:

— საფრონოვი გვაკლია.

— საფრონოვი გვაკლია! — გაიმეორა ნოვიკოვმაც.

— აბა გასძახეთ საფრონოვს. ერთ წუთს დაიცადეთ, — მიუბრუნდა ფადეევა გრიგორი მაქსიმოვიჩს.

— საფრონოვ! — მთელი ხმით დაიძახა ვერამ.

— გენადი პეტროვიჩ! — მტირალივით გააბა ჩერნილინმა.

ყველას გაეცინა.

— გენ-კა-აქ — გაიმეორა ჩერნილინმა, მთებისკენ პირმიბრუნებულმა.

— თქვენ ერთად მოდიოდით. იქნებ გზა დაებნა? — ჰკითხა სტასიამ ნოვიკოვს.

ფელიამ ყურადღებით შეხედა და რომ შეატყო, შეშფოთებულ-ლიაო, უთხრა:

— ნუ ლელავ, სტასია, ამ ტყეში სულელს გზა არ აებნევა. — მერე აგრიპინა ფიოდოროვნას მიუბრუნდა და დაცინვით დაუმატა: — გენკამ მითხრა, ფრთოსანი მუზა მეწვიაო და ლექსების საწერად გასწია.

— აბა, რას ჰგავს ეს, — გაბრაზდა ვერა. — აკი ვთქვიო, არსად წავიდეთო.

— საფრონოვი კი მოიქცეოდა ასე. — მშვიდად გამოეხმაურა აგრიპინა ფიოდოროვნა, — დაუძახეთ, კიდევ დაუძახეთ.

ეტყობოდა, ფადეევას ახლა ყველაზე მეტად გრიგორი მაქსიმოვიჩთან ბაასი აინტერესებდა.

გატაცებით საუბრობდნენ, იცინოდნენ, როცა რაღაც გაიხსენეს.

— ეტყობა, აგრიპინა ფიოდოროვნა წინათ „ისკრაში“ ცხოვრობდა, — ჩასჩურჩულა ლენამ ვერას.

— ჰო, ჰო, — თავი დაუქნია ვერამ, — ალბათ იმიტომაც ამოარჩია ჩვენი ექსკურსიისათვის ეს ადგილი.

ყველანი, გრიგორი მაქსიმოვიჩისა და აგრიპინა ფიოდოროვნას გარდა, საფრონოვის მოსაძებნად ტყეში გაიფანტნენ. მალე ყველა ისევ უკვე ჩამქრალ კოცონთან შეგროვდა. გაბრაზებულები, და ცოტა არ იყოს, შეშფოთებულებიც იყვნენ. ერთნი ვარაუდობდნენ, საფრონოვს გზა დაებნაო, მეორეებს ეგონათ, რომ გენა ლექსების საწერად წავიდა ტყეში, შორს შესტოვა და ჩვენი ძახილი არ ესმისო.

საცა იყო, ათი საათი განდებოდა. ბინდებოდა. გრიგორი მაქსიმოვიჩი წასვლას ურჩევდათ. აგრიპინა ფიოდოროვნამ შეშფოთებით გაასავსავა ხელები:

— ერთი მოწაფე გვაკლია და არ ვიცი, რა უნდა ვქნათ?

ცვეტაევმა მაჯის საათზე დაიხედა:

— როგორ მოვიქცეთ? თერთმეტი საათისათვის პარტიის

რაიკომში უნდა ვიყო... დაცდა არ შემძლია. ხვალ კი მანქანას მთელ დღეს არ სცალია.

— არა უშავს, — მიუგო აგრიპინა ფიოდოროვნამ. — ფეხით წამოვალთ. — ფადეევა გზაზე გავიდა ცვეტაევის გასაცილებლად. — გვაპატიეთ, რომ ასე ცუდად გამოვიდა, — ხმაზე წყენა დაეტყო მასწავლებელს.

გრიგორი მაქსიმოვიჩი დააცქერდა მის ნაწყენ სახესა და შემფოთებით აზიდულ წარბებს და სიცილით უთხრა:

— ნუ ღელავ, მოვა თქვენი ჭაბუკი.

— მეც ვიცი, რომ მოვა, — მიუგო ჩაფიქრებულმა ფადეევამ. — მაგრამ მისი საქციელი მაშფოთებს... იცი, რა, გრიშა, — გამოცობლდა უცებ მასწავლებელი, — ეს ხომ ჩვენი საფრონოვის სათვის კარგი გაკვეთილი იქნება.

— კარგი გაკვეთილი კი არის, მაგრამ მაინც მწყინს, რომ ასე არასტუმართმოყვარედ შეგხვდით... ოცდაათი კილომეტრი ფეხით უნდა იაროთ!

— თავადი ვართ დამნაშავენი, — მტკიცედ მიუგო ფადეევამ. ცვეტაევი კაბინაში ჩაჯდა, დანაღვლიანებულ გოგო-ბიჭებს, მანქანის ირგვლივ რომ იდგნენ, თავი დაუქნია, ფადეევას ღმილით შეხედა და უთხრა:

— თუ განთიადისას მანქანამ არ მოგაკითხოთ, ფეხით წამოდიოთ. ყოველ შემთხვევაში ხვალ აუცილებლად განახვთ.

მანქანა აგუგუნდა და დაიძრა. ცვეტაევის ბოლო სიტყვებმა უკვე შორიდან მოაღწია. მანქანა მთას მოეფარა თუ არა, ბუჩქებიდან მოისმა საფრონოვის ყვირილი:

— მოვდივარ, მოვდივარ, ნუ ღელავთ!

იგი უახლოვდებოდა კოკონს, რომელიც ისევ გააჩაღა ჩერნილინმა. ყველანი დუმილით შეხვდნენ.

— სად იყავით, გენა? — ჰკითხა აგრიპინა ფიოდოროვნამ.

— ლექსებს ვწერდი.

— შორს იყავით და ძახილი არ გესმოდათ? — კვლავ ჰკითხა აგრიპინა ფიოდოროვნამ.

— აი, აგერ, ხრამში ვწერდი. მესმოდა, მაგრამ თავი ვერ გავანებე.

— გესმოდათ და თავი არ გაანებეთ? — წყენით შეუბრუნა

კითხვა ფადეევამ. — დაგავიწყდათ ჩვენი შეთანხმება? შეთანხმება კოლექტივისა — არსად წავიდეთ და დაძახებისთანავე აქ გავჩნდეთო?

— მახსოვს, მაგრამ, აგრიპინა ფიოდოროვნა, თავად მოგეხსენებათ, რას ნიშნავს წერის შეწყვეტა და მთავარი ძაფის დაკარგვა.

— ეს ძალიან კარგად მესმის, საფრონოვ. — აგრიპინა ფიოდოროვნას ხმაში ისევე წყენა ეტყობოდა. — არ იცოდით, რომ მანქანამ მოგვაკითხა?

— არა. ხმა გავიგონე.

— ჩვენ ხომ შენი გულისათვის გავუშვით მანქანა, რომელიც ასეთ ცხარე დღეებში დაგვითმო კოლმეურნეობამ — გესმით თუ არა ეს, საფრონოვ?

— ჰო, მაგრამ მე შევეჩვიე იმ აზრს, — არ ნებდებოდა საფრონოვი, — რომ შემოქმედებითი შრომა — წმიდათაწმიდა რამ არის...

— ნამდვილი პოეტებისათვის... — ზედ საფრონოვის ყურთან ჩაიბუზღუნა ნოვიკოვმა..

მაგრამ გენადიმ ისეთი სახე მიიღო, თითქოს არ გაუგონია ეს რეპლიკა.

— რა ეგოისტია! — შესძახა გაცხარებით სტასიამ და ყველანი, თითქოს უბრძანესო; ჩამოეცალნენ საფრონოვს. იღგა საფრონოვი მარტოდმარტო კოცონთან ჯიუტად და მედიდურად, თითქოს ყველასთვის უნდოდა ეთქვა: „რა ჩემი ბრალია, რომ ყველაზე ჭკვიანი, უკეთესი და ნიჭიერი ვარ და ჩემი არ გესმითო!“

— რა უნდა ვქნათ ახლა? — ჰკითხა ნოვიკოვმა აგრიპინა ფიოდოროვნას.

— ახლა ასე მოვიქცეთ, — უთხრა მასწავლებელმა, — საწოლები გაიმზადეთ, დაწეით და დაიძინეთ, განთიადისას კი ფეხით გავუდგეთ გზას.

— ოცდაათი კილომეტრი გზაა! — შეჰყვირა შეძრწუნებულმა სტასიამ. — თანაც ბარგი გვაქვს!

— მაშ რა ვქნათ? — შეეპასუხა აგრიპინა ფიოდოროვნა. — შერცხვენილები ხომ არ დავბრუნდებით ქალაქში!

ფადეევა მტკიცედ, მშვიდად ლაპარაკობდა და ყველამ იგრძნო, რომ მან ყოველივე კარგად აწონ-დაწონა; თითქოს უხარო-

და კიდევაც, რომ განთიადისას ოცდაათკილომეტრიან გზას ფეხით გაუდგებოდნენ.

სტასია კი სასოწარკვეთილი იყო. აგრიპინა ფიოდოროვნას ბოლო სიტყვებმა დაარწმუნა, რომ მანქანით წასვლის იმედი არ უნდა ჰქონოდა. მან წუხილით დაიხედა თავის თეთრ ნატის სანდლებზე და საფრონოვს რომ გაეგონა, განგებ ხმამაღლა გაიმეორა:

— რა ეგოისტია! — ამ წუთს სტასიას სძაგდა საფრონოვი.

ელენამ ფიქვის სქელ ტოტებზე გაფინა თავისი ყაყეტი და ზედ მიწვა — მოსინჯა, გამოდგება თუ არაო. თავისი ლოგინი ძალიან მოეწონა და ახლა დასახედად წავიდა, ნაძვების ძირში ვერა და აგრიპინა ფიოდოროვნა როგორ მოეწყვენენო. სტასია იმავე ზეზე აბობლდა, სადაც ელენა აპირებდა ღამის გათევას, ჩერნილინი კი, როგორც ერთგულ გუშაგს შეჰფერის, ხის ძირას მიწვა. სხვები მდინარის ქვიშიან ნაპირზე განლაგდნენ.

მთლად ჩამოლამდა. უმთვარო ცაზე ვარსკვლავები აკაშკაშდამთის გადაღმა დიდი დათვის თანავარსკვლავედის ციცხვი დაეკიდა. მდინარე წყნარად დუღუნებდა, თითქოს დედა ალერსით აძინებდა თავის პატარას. ზოგჯერ თევზი ააჩქაფუნებდა ტალღებს, ხოლო ბუჩქნარიდან ისმოდა რაღაცით შემოფოთებული ჩიტუნების წრიპინი და რომელიმე პატარა მხეცუნას გაუფრთხილებელი თათებით ატეხილი ლაწალუწი ფარჩხებში. იღვა სიჩუმე, დამეული ტყის საზეიმო სიჩუმე, რომლის დარღვევას აღამიანი შიშობს ხოლმე.

— აგრიპინა ფიოდოროვნა, — თქვა ელენამ, — არ შეიძლება ასეთ ღამეში ძილი, — გვიამბეთ რაიმე.

— გვიამბეთ, გვიამბეთ, — გაისმა ყოველი მხრიდან.

ნოვიკოვმა შესთავაზათ, მდინარის პირას წავიდეთო და ყველანი ქვიშაზე მოეწყვენენ. ყველანი, საფრონოვის გარდა. იგი ისევ კოცონთან იღვა ამხანაგებისკენ ზურგშექცეული და კოცონში ტოტებს ისროდა.

— საფრონოვ, მოდით ჩვენთან! — მოუხმო აგრიპინა ფიოდოროვნამ.

— არ მოვალ, — მიუგო საფრონოვმა. ხმაზე ეტყობოდა, მთელ ქვეყნიერებაზე იყო გამწყრალი.

— რა უნდა გვიამბოთ? — ჰკითხა ბავშვებს აგრიპინა ფიოდოროვნამ. — ანდა, მე რატომ უნდა გვიამბოთ? მოდიოთ, ყველამ მოვყვეთ რამე.

— თქვენ დაიწყეთ და ჩვენც ავყევით, ხომ? — უთხრა ვერამ.

— კეთილი. — აგრიპინა ფიოდოროვნა ცოტა ხნით დადუმდა. მერე დაიწყო მბობა. ყვებოდა წყნარად, ზოგჯერ შეჩერდებოდა და ჩაფიქრდებოდა ხოლმე. არავინ აწყვეტილებდა, მიუხედავად სიყმაწვილისა, მის მსმენელებს მშვენივრად გაეგებოდათ, რომ ბავშვობასა და ახალგაზრდობას მღელვარების გარეშე ვერ მოიგონებს ადამიანი.

აგრიპინა ფიოდოროვნა ფიქრებით კვლავ თექვსმეტი წლისა იყო და ცხოვრება განსაკუთრებულ მნიშვნელოვან ამბად მიაჩნდა, ხოლო მომავალი წარმტაც და იღუმალ რამედ ესახებოდა. იგი კვლავ ძველ სახლში ცხოვრობდა, „ისკრის“ გარეუბანში და იღუმალი შიშით გრძნობდა დედის რკინისებურ ნებისყოფას. ნათლად ჰყავდა წარმოდგენილი თავისი დედა — მაღალი, ლოყებლავდაყა, თათლისფერთვალემა ქალი — ნამდვილი რუსი მზეთუნახავი. აი დედა მთიბავთა წინა რიგში დგას — პირველია, ფართოდ და ლაღად იქნევს ცელს. წითელი თავსაფარი ჩამოცურებია, სახე ოფლით დაცვარვია. მაღალი, მკვახე, არასასიამოვნო ხმით ვააბამს სიმღერას. მუდამ ასე იცის ხოლმე, თუ მუშაობს, მღერის კიდევ. იგი სწორედ რომ მუშაობის დროს ცოცხლობს. მთელ რაიონშია ქებული მისი ოქროს ხელები — შრომაში არც ქალებს უდებს ტოლს და არც კაცებს.

დილაობით აგრიპინა გაქეჟილ პალტოს და გარდაცვლილი მამის დანატოვარ დიდრონ თექურებს ჩაიკვამს და სკოლაში მიტუნტულებს. სკოლა ყველაფერს ურჩევნია ამქვეყნად, ყველაზე საუკეთესო მოწაფეა. ლიტერატურის მასწავლებელი ვაჩილი ვასილევიჩ პეტრიშჩევი (ახლა იგი მოსკოვის სახელმწიფო უნივერსიტეტის პროფესორია) ამაყობს აგრიპინათი. მასწავლებელს მშვენიერი ბიბლიოთეკა აქვს და მოწაფეს საკითხავად აძლევს წიგნებს. მასწავლებელს არ ენანება წიგნები, მხოლოდ შიშობს, არ დაეკარგოს მოწაფეს ისინი, ან არ დასვაროს, მაგრამ მაინც ათხოვებს ხოლმე წასაკითხად. მხოლოდ აგრიპინას, სხვას არავის. თან ყოველთვის არიგებს ხოლმე: „იცოდე, თვალისჩინივით

გაუფრთხილდი. წიგნზე ძვირფასი ქვეყნად არაფერია“. აგრიპინა შესვენებაზედაც წიგნს კითხულობს, გზაშიაც, სკოლაში რომ მოდის და ღამღამობითაც, დედა რომ დაიძინებს ხოლმე.

წიგნების გარდა ძალზე საინტერესო იყო, როცა ვინმესთან შეიყრებოდნენ, გახურებულ რკინის ღუმელს მიუხსნებოდნენ და ერთმანეთს საშინელ ამბებს უყვებოდნენ. ცხელა გახურებულ ღუმელთან, შეშას ტყაცატყუცი გააქვს, სარკმელში უძირო ღამე იყურება... ფიქრები კი საღდაც ამ ოთახის გადაღმა მიგაქროლებენ, მიყრუებული ციმბირული ტაიგის ამ პატარა სოფელს გადაგატარებენ და ფართო ნათელი გზისაკენ მიისწრაფვიან...

სწრაფად მიქრიან წლები. დაამთავრეს მეათე კლასი და აგრიპინა მშობლიური სოფლის სკოლაში დარჩა მასწავლებლად. იგი ცოლად გაჰყვა მასწავლებელ ევგენი პავლოვიჩ ფადეევს. მისი ქმარი მთლად ჭაბუკი, ქერათმიანი ყმაწვილი იყო. მერე ცოლ-ქმარი მოსკოვში მიდიან, იქაურ უნივერსიტეტში სწავლობენ... მერე ომი დაიწყება და აგრიპინას ქმარი ომის პირველსავე დღეებში დაიღუპება, თავად კი ისევ მშობლიურ ციმბირისკენ გამოსწევს...

აი ახლა კი, როცა შვიდმა გრძელმა წელიწადმა ჩაიარა და მძიმე დანაკარგისგან დატოვებული ქრილობა მოშუშდა, აგრიპინას გულმა მშობლიური „ისკრისაკენ“ გამოუწვია. მოესურვა დაეხედა იმ ადგილებისათვის, სადაც ჩაიქროლა მისმა ბაღბაღამ, გაიარა ახალგაზრდობამ...

აგრიპინა ფიოდოროვნა ააღელვა გრიგორი მაქსიმოვიჩ ცვეტაევთან შეხვედრამ. გრიგორი მაქსიმოვიჩი მას იმ დროიდან ახსოვდა, ჯერ კიდევ ცელქი, ფეხშიშველა ბიჭი რომ იყო და მზისგან გამოხუნებული თმა ჰქონდა. მერე კი იგონებდა ყმაწვილ გრიშას, ერთთავად რომ ღუმელა და გულნატყენი დადიოდა იმ დღეებში, როცა აგრიპინა მის ამხანაგს, ევგენი ფადეევს გაჰყვა ცოლად... მაგრამ ამის თაობაზე აგრიპინა ფიოდოროვნას არაფერი უამბნია თავის ყმაწვილ თანამგზავრთათვის.

— აი, ხომ ხედავთ, დავაპირე თქვენთვის რაიმე შემთხვევა მეამბნა და ჩემი ბიოგრაფია კი მოგიყევით, — ნაღვლიანად ჩაიცი-ნა აგრიპინა ფიოდოროვნამ და გაყუჩდა.

არც არავის უფიქრია ამ ღუმელის დარღვევა.

ამასობაში ღამე დადგა. იგი ტრამალების უკიდვგანო სივრცეზე განეფინა. მის წყნარ ნაბიჯებს ჩათვლემილი, სიმწიფეში შესული ველ-მინდვრები აყურადებდნენ. ღამე შემოებუნდა ტყეებსა და ხის ტოტებზე მფრთხალი ძილით ჩაეძინათ ჩიტუნებს, ჩათვლემილებს ტყის ტევრში მიძინებულ მხეცთა სუნთქვაც კი არ ეპარებოდათ.

მეთხუთმეტე თავი

ჩერნილინს სინოტივე და სიცივე გაუჭდა ტანში და გამოეღვიძა. თვალები გაახილა და მაშინვე ისევ დახუჭა, იფიქრა, ხომ არ მესიზმრება ყოველივეო. ცოტა ხანს იწვა ასე, მერე თავი ასწია. სქელი თეთრი ნისლი შემოხვეოდა მთებს, ტყეს, მდინარეს, ჩამოფარებოდა ამომავალ მზეს.

— ელენა ეფიმოვნა! ანასტასია პავლოვნა! — დაუძახა ჩერნილინმა გოგოებს.

ხიდან ჩერნილინს ხმელი წიწვები და ხის ქერქის ჩამონატეხები დააცვივდა თავზე, ჩამოვარდა სტასიას თეთრი თავსაფარიც.

— ჩერნილინ, რად ცივა ასე ძალიან? — ჰკითხა სტასიამ.

— პალტო ხომ არ მოგაწოდო? — წამსვე საშველად გაემზადა ჩერნილინი.

მიწიდან აიღო დანოტივებული პალტო და დაფერთხა სტასია ხიდან ჩამოხტა და სიცივისაგან მობუზული და მთქნარებატეხილი გაეხვია ჩერნილინის პალტოში.

— მთელი ღამე არ მიძინია, — დაიჩივლა მან. — პირველყოფილი ადამიანები თუ გაუძლებდნენ ასეთ მოუწყობლობას.

— აგრიპინოჩკას, ეტყობა, ჭერაც სძინავს, უნდა გავადვიდოთ, — თქვა ბორიამ და ბუჩქებისაკენ გაემართა. — ვაჰ, რა ნისლია! — ბუზლუნებდა იგი და ალაღბებდზე მიაბიჯებდა. — აგრიპინა ფიოდოროვნა, უკვე გათენდა!

— მესმის, მესმის, ბორია, ძილს თავი ვერ გავართვით! ნისლმა მოგვატყუა! — გამოეხმაურა ფადეევა. — აღეჭი, ვერა! ბავშვებო! — გასძახა მან ბავშვებს.

აგრიპინა ფიოდოროვნას სიახლოვეს ნელ-ნელა, ხმაამოუღებ-

ლივ იწყო თავშეყრა ნახევრადმძინარე, ნამძინარევა გოგო-ბიჭებმა.

— ცოტაც რომ წაგვეძინა კიდეც, — ხმაში თხოვნა დაეტყო ფედისას.

— წაგვეძინა და მერე იმ სიცხეში გვევლო? ხედავ, რა მოწმენდილია ცა! — არ შეარჩინა ფედისას ჩერნილინმა.

— აბა სად არის ცა მოწმენდილი? — გაკვირვებით აიჩეჩა მხრები ფედისამ. — ასე მგონია, კვამლში ვდგავარ-მეთქი, ვერაფერს ვხედავ.

— ეს ჩქარა გაივლის, — დაამშვიდა ფადეევამ.

მართლაც, ახლომახლო საგნები თანდათან ნათლად გამოჩნდა. სანამ ხელ-პირს დაიბანდნენ და მდინარიდან დაბრუნდებოდნენ, შორს, ცის რძისფერ ფონზე მთების ჩამუქებული სილუეტებიც დაილანდა. ნისლი ცოცხალ არსებასავით მიცოცავდა, ნელ-ნელა იწვედა ძირს. ცა, მართლაც, მოწმენდილი იყო თურმე. სანამ სამგზავროდ გაემზადებოდნენ, მთებს იქიდან მზე ამოცურდა, ოქროს სხივები მოჰფინა მთებს, ტყეებს, აპრილდნენ ნისლით პირობანილი ფოთლები, ბალახზე ცერის წვეთები აბრწყინდნენ.

— აი, რა ძალა აქვს მზეს! — გაეცინა აგრიპინა ფიოდოროვნას. — აბა, გავუდგეთ გზას!

სანამ ბუჩქნარიდან გზაზე გააღწევდნენ, ყველას დაუსველდა ფეხები, მაგრამ ამან სტასიაც კი ვერ დააღონა.

საფრონოვი უკან მიჰყვებოდათ, ხმას კი არ იღებდა, ხელპირდაუბანელი და გაჩეჩილი იყო. ხუთიოდე კილომეტრი იოლად გაიარეს, ცხარე ლაპარაკში, სიმღერა-სიცილში გართულებმა. დილის სიგრილე ამხნევებდათ. გზა აშოლტილ, ამწვანებულ ვერსვებს შორის მიემართებოდა. შიგადაშიგ აყვავებული გვირილებით ვადათეთრებულ მდელობებზე გამოდიოდა. მდინარე ჯერ შორეულ მთებს მიეფარა, მერე კი, მოულოდნელად, ზედ გზაზე გამოვიდა.

— შევისვენოთ! — შესთავაზა აგრიპინა ფიოდოროვნამ ბავშვებს.

— ჩერნილინ! აბა, ჩქარა, კოცონი და ჩაი! — დაუყვირა სტასიამ.

მოულოდნელად ჩერნილინი გაჯიუტდა.

— მე ერთი რატომ უნდა მოგემსახუროთ ყველას?

სტასიამ გაოცებით შეხედა:

— რაო, ჩერნილინ, არ გინდა, გაგვიგონო?

— გენკა მაინც მომეხმაროს, — არ ნებდებოდა ჩერნილინი.

— მე ჩაი არ მინდა, — ჩაიბუზლუნა საფრონოვმა და ყველასგან მოშორებით ჩამოჯდა.

— შენც ადექი და შენთვის კი არა, სხვებისათვის გაისარჯე, — უთხრა ელენამ.

და ყველამ გაოცებით დაინახა, რომ საფრონოვმა ზურგჩანთა მოიხსნა, ბალახზე დადო და ტყეში შეშისთვის გაეშურა.

მალე ჩერნილინი და საფრონოვი გამოჩნდნენ, ფიჭვის ჩაყვითლებულ, მომტვრეულ ტოტებს მოათრევდნენ.

— აი, აქ დავყაროთ, — პირქუშად მიუთითა გენადიმ ჩერნილინს მომავალი კოცონის დასანთები ადგილი.

ბორიამ დააპირა შეწინააღმდეგებოდა, მაგრამ სწორედ ამ დროს შეხედა ელენას — იგი ხელით ანიშნებდა, ნუ შეედავებიო, აცალე, როგორც უნდა, ისე გააკეთოსო. ჩერნილინი მოლოდინით შეჩერდა.

საფრონოვმა ჯაყვა ამოიღო.

— რაღას უდგებარ? — მოულოდნელად ტკბილად უთხრა ბორიას. — მე სამფეხს გავაკეთებ, შენ ტოტები დაამტვრიე. ნაჯახი არა გვაქვს და...

ჩერნილინმა ისევ ელენას შეხედა და იმანაც ისევ ანიშნა — ნუ შეედავები, რაც გითხრას, გააკეთეო. ამ სცენას ვერაც უყურებდა და ჩუმად იცინოდა.

— ნამდვილი დირიჟორი ხარ, ლენოჩკა. ნახე ერთი, ჩერნილინი, მგონი თავს დალატობს! ხედავ როგორ იტანჯება, საფრონოვთან წაქინკლავების საშუალებას რომ არ აძლევ.

რამდენიმე წუთში ყველაფერი მზად იყო: კოცონი ბრიალებდა, სამფეხზე შემურული ჩაიდან ჩუხჩუხებდა, საფრონოვი და ჩერნილინი კი ისევ კოცონს დაფუსფუსებდნენ.

ჩაი დალიეს და ისევ გზას დაადგნენ. წინანდელივით ხალხიანად აღარ იყვნენ. მზე ახლა მარტო კი არ ანათებდა, გვარიანად აცხუნებდა კიდევაც. ბარგის თრევისაგან ზურგები და ხელები სტკიოდათ. ახლა ხმაამოუღებლივ მიაბიჯებდნენ, აღარც გვირილებით გადათეთრებული მდელობები აღაფრთოვანებდათ, აღარც ოქროგადაღვრილი ხორბალი და აღარც ჩიტუნების გალობა ტყეში.

სულ მუდამ ხალისიანი აგრიპინა ფიოდოროვნა ამჯერად ჭიუტად დუმდა. ბავშვებმა ვერ დაითანხმეს, რომ ჩემოდანი და პალტო გამოერთმიათ მისთვის. ყველას ეგონა, აგრიპინა ფიოდოროვნა დაიძალაო. მაგრამ ასე როდი იყო. რაიონული ცენტრიდან „ისკრამდე“ გზის გავლა ახალი ამბავი არ იყო ფადეევასათვის. ნაცნობ გზას თვითონ იოლად მიუყვებოდა, მაგრამ კარგად ხვდებოდა, რომ ძალიან უჭირდათ სიარული მის ყმაწვილ თანამგზავრებს. მათი გამხნევება კი განზრახ არ სურდა. „დეე საფრონოვის საქციელის მთელი სიმძიმე მხრებზე დააწვეთ. ეს თითოეულ მათგანს დააფიქრებს კოლექტივის წინაშე თავის მოვალეობაზე, საფრონოვისათვის კი შესანიშნავი გაკვეთილი იქნება“, — ფიქრობდა აგრიპინა ფიოდოროვნა. უხაროდა, ასეთი მშვენიერი შემთხვევა რომ მიეცა.

ყოველი საათის შემდეგ სიარული უფრო და უფრო ჭირდა. შუადღისას ისეთი ხვატი ჩამოწვა, სულს ძლივს ითქვამდნენ.

— საფრონოვის საქციელის თაობაზე კომიტეტში დავსვამ საკითხს, — გაბრაზებით ეუბნებოდა ნოვიკოვი ჩერნილინს და აპილპილებულ სახეზე სველი ცხვირსახოცით იწმენდდა ოფლს.

— კომკავშირიდან გავრიცხოთ, ფედორ ილიჩ, და მორჩა, — დაუფიქრებლად უთხრა ჩერნილინმა.

— კი არ უნდა გავრიცხოთ, — შეეპასუხა ნოვიკოვი. — უნდა მაგრად მოვკიდოთ ხელი. მე მგონი, დღევანდელი გაკვეთილი რაიმეს მაინც ასწავლის.

— არაფერსაც არ ასწავლის, — დაბეჯითებით ამბობდა ჩერნილინი. — ბევრჯერ მოჰკიდეს მაგას ხელი. ასეთ სულელს ვერ გამოასწორებ, საგველით უნდა გაგავო.

ნოვიკოვი არასდროს არ ედავებოდა ხოლმე ჩერნილინს, იცოდა, რომ ამაო საქმე იყო ეს და ასეთ შემთხვევებში მუდამ ხმას გაიკმენდდა ხოლმე, საუბარს წყვეტდა. ახლაც ასე მოიქცა. ორთავენი დაღლილები იყვნენ და დუმილით მიაბიჯებდნენ. ჩერნილინს უფრო უჭირდა სიარული, ვიდრე რომელიმე მის ამხანავს — თავისი ბარგის გარდა სტასიას მძიმე სამგზავრო სკივრს, მისივე ყაყეტს და თეთრ ბადურასაც მიათრევდა, რომელშიაც ბალიში და თხელი საბანი იდო.

— სტასია, შენი ბარგის ნაწილი მაინც გამოგერთმია ჩერნი-
ლნისათვის, — უთხრა სტასიას ელენამ.

— კი, როგორ არა! — გაბრაზებით მიუგო სტასიამ. — აბა,
რისთვისაა ბიჭი, თანაც ისედაც ცოცხალ-მკვდარი ვარ.

სტასია მართლაც ძლივს მიდიოდა, ორივე ფეხებით კოჭლობდა,
არაბუნებრივად აალებულ სახეზე ღვარ-ღვარად ჩამოსდიოდა
ოფლი, ხშირად ჩერდებოდა, მოტრიალდებოდა და გამომწვევად
უტყერდა საფრონოვს. თავჩალუნული გენადი ყველაზე უკან მო-
დიოდა.

აგრიპინა ფიოდოროვნამ სწორად ივარაუდა. გენადის გულთან
არასოდეს მიჰქონდა მასწავლებლისა და ამხანაგების ყვედრება,
კოლექტივის ანგარიშს რად არ უწევო. ასეთ დროს მუდამ თავის
საყვარელ ფრაზას მოიშველიებდა ხოლმე: „თქვენს ნათქვამს
აინუნშიაც არ ვაგდებო“. ახლა კი მიხვდა, თუ რას ნიშნავს კო-
ლექტივისათვის ანგარიშის გაუწევლობა. იგი ყველაზე უკან მი-
დიოდა და ცდილობდა, არ ეტყირა ამხანაგებისათვის, არ შეემჩ-
ნია მათი გაჭირვება ამ ხვატში ბარგით თრევისას. მაგრამ ამ
ავბედით დღეს იგი უნებლიეთ ყველაფერს ხედავდა: სტასიას
აღეწილ, ოფლიან სახეზე ავად აელვარებულ თვალებსაც, იმა-
საც, გოგო ხან მარჯვენა ფეხით რომ კოჭლობდა და ხანაც მარც-
ხენათი, ბარგით დატვირთულ ჩერნილინის მოდლილ სიარულსაც,
ფედია ნოვიკოვის პირქუშ იერსაც. საფრონოვი მხოლოდ საკუთარ
დადლილობას ვერ გრძნობდა, ისე იყო ჩაფლული ფიქრებში.
სირცხვილი და სინანული სტანჯავდა.

გზამ მკვეთრად მოუხვია და საფრონოვმა ამხანაგები თვალოდან
დაკარგა. რამდენიმე ნაბიჯი გაიარა და სტრელოვა დაინახა. იგი
გზის პირას, ბალახზე იჯდა და ჩვრით იხვევდა ფეხს.

საფრონოვი ელენას სიახლოვეს შეჩერდა. გოგომ ასწია თავი და
თვალი თვალში გაუყარა გენადის. მათი მხერა წამით შეხვდა ერთმან-
ეთს და საფრონოვს სიბბო ჩაეღვარა გულში. ელენას ხვერდისებრ
შავ თვალებში ვერც სიძულვილი ამოიკითხა და ვერც საყვედური.

— მოდი, მე შეგიხვევ, — საფრონოვმა ჩაიჩოქა და მიუხედავად
იმისა, რომ ელენა უარზე იყო, ფეხის შეხვევა დაუწყო.

გოგო გაოცებით შესცქეროდა.

— ახლა სანდლების ჩაცმა სცადე, — უთხრა საფრონოვმა და წამოდგა.

ელენამ ჩაიცვა სანდლები, რამდენიმე ნაბიჯი გადადგა და შეჩერდა.

— არ შემიძლია, მტკიცია.

— მაშ გაიხადე და ისე იარე, — თანაგრძნობით ურჩია საფრონოვმა.

„ყველაფერი ჩემი ბრალია, — გაიფიქრა მან სინანულით. — რატომ სტასიასავით ესეც არ მეჩხუბება? აჯობებდა, რომ წამჩხუბებოდა“.

დუმბილით მიდიოდნენ გვერდიგვერდ.

— მაპატიე, ლენა, — უთხრა საფრონოვმა. — ყველაფერი ჩემი ბრალია.

— ეგ ყველას უთხარი, მარტო მე ნუ მეუბნები.

— არ მსურს ყველასთან თქმა, მარტო შენ მინდა გითხრა, — ჯიუტად თქვა საფრონოვმა. მაგრამ იგი არ ამბობდა მართალს. ამ წუთში მარტო თქმა კი არა, მთელი ტყის გასაგონად სურდა ეყვირა: „ბავშვებო, მაპატიეთ. ამის მეტად ასეთი ამბავი აღარ დამემართება“.

ელენამ ყურადღებით შეხედა საფრონოვს.

— ნეტა რადა ხარ ასეთი...

— ასეთი გულქვეა ეგოისტი, არა? — კითხვით დაუმატა ბიჭმა.

— ჰო, ასეთი ეგოისტი.

— რატომ ვარ ასეთი? — ცხარედ ჩამოართვა სიტყვა საფრონოვმა. ამ დროს გაახსენდა პეჩორინის მონოლოგი „თავადის ასულ მერიდან“ და თავის თავზე თითქმის მისი სიტყვები გაიმეორა.

საფრონოვი ამბობდა, უდემამოდ გავიზარდეო, არავის ვუყვარდი და მეც ვერ ვისწავლე სიყვარულიო. მარტო ვიზრდებოდი და მივეჩვიე მხოლოდ საკუთარ თავზე ფიქრსო.

ელენამ თავი ჩაღუნა, რომ ეშმაკური ღიმილი დაემალა. ძალიან უნდოდა, საფრონოვის ტონით მოეყვანა ციტატა ლერმონტოვიდან: „დიახ, ასეთი ხვედრი მერგო ბალობიდანვე. ჩემს სახეზე ყველა კითხულობდა ისეთი ცუდი თვისებების ნიშნებს, რაც არ მქონდა, მაგრამ ამ თვისებებს ვარაუდობდნენ და აკი გამიჩნდა კიდევც...“

ელენა ძლივს იკავებდა თავს და ხმაამოუღებლივ უსმენდა საფ-

რონოვს. მაგრამ როცა ბიჭი მოყოლას მორჩა, გოგო სულაც არ მოქეუულა ლერმონტოვისეულ თავადის მერის მსგავსად.

— მეც ობოლი ვარ, საფრონოვ, — უთხრა მან. — არც მე ვუყვარვარ არავის... — ელენას უცებ სვერჩკოვების ოჯახი მოაგონდა და დაუმატა, — არავის ვუყვარვარ ისე, როგორც ჩვეულებრივ მშობლებს უყვართ თავიანთი შვილები. ზოგჯერ ასე მგონია, შენ ამას განგებ აკეთებ, სინამდვილეში სულ სხვანაირი ხარ, გაცილებით უკეთესი... მართალს ვამბობ, ხომ?

ელენა მკვირცხლად მოტრიალდა და მისი მხერა ისევ შეხვდა საფრონოვის მხერას, ბიჭს ისევ სითბო ჩაედვარა გულში, თავი თავისუფლად იგრძნო და მოუნდა, სიმართლე ეთქვა. მან თავი ჩაღუნა და თქვა:

— არ ვიცი, ნამდვილად უკეთესი ვარ თუ არა, მაგრამ ჩემში ორი ადამიანი ცოცხლობს: ერთი თავისი თავისთვისაა, მეორე კი სხვებისთვის.

— უკეთესი ხარ, რასაკვირველია, უკეთესი ხარ, — ცოცხლად გამოეპასუხა ელენა. — თავი გაანებე მოჩვენებითობას. ამით მხოლოდ აგებ. აი ახლაც, პეჩორინს შეეშვი და რაცა ხარ. ის იყავი.

საფრონოვი გაწითლდა და არაფერი უთქვამს. მან შენიშნა, რომ წინ მიმავალნი შეჩერდნენ და მასა და ელენას დაელოდნენ, თან შეუჩერებლივ იქნევდნენ ხელებსა და ტოტებს. ეს ადგილი დაბლობი იყო, ჭაობიანი, და მზეს ქულა-ქულა ამოჰყვა ქინქლაც — წყნარად ვერ დადგებოდი — ქინქლა მიძვრებოდა თვალებში, ყურებში, ცხვირში, კაბისქვეშ მიცოცავდა.

— სად დაიკარგენით? — ჰკითხა აგრიპინა ფიოდოროვნამ და ყურადღებით ჩაათვალიერა საფრონოვი და სტრელოვა.

— ფეხი გადამეყვლიფა, — უთხრა ელენამ. — ხედავთ? — ღიმილით მიუთითა თავის ფეხებზე, — ცალზე სანდალი ეცვა, მეორე კი შიშველი ჰქონდა, ჩვრით შეხვეული. — გარდა ამისა, ლაპარაკ-ლაპარაკით მოვდიოდით.

— აგრიპინა ფიოდოროვნა, როგორც გენებოთ, მაგრამ მეტი სიარული აღარ შემიძლია, — ჰირვეულად თქვა სტასიამ. — არაადამიანურია ამ პაპანაქებაში სიარული. გულით ავადმყოფი ვარ და ვერაფრით ვერ გავუძლებ ამას.

— ძალით არავინ მიგვერეკება. დავისვენოთ, ჩემო მეგობრებო!

მანამდე სიცხეც გადაივლის, — ფადეევამ გზიდან გვერდზე გადაუხვია.

— ჩერნილინ, ჩემო კარგო, დაახრჩოლე რამე, შემჭამეს ქინკლებმა! — ვედრებით უთხრა სტასიამ.

ასეთი ტკბილი სიტყვების ხათრით ჩერნილინი მზად იყო, დაეხრჩოლებინა კი არა, თუნდაც ასი კოცონი დაენთო. მან მოათრია ნოტიო წიწვიანი ტოტები და წუთის შემდეგ სახეზე ხელებაფარებული სტასია კვამლში გახვეული იდგა.

— ოჰ, რა კარგია, რა კარგი! — ამბობდა იგი.

ჩერნილინიც მარჯვედ ურთავდა ცეცხლს ნოტიო, ტკაცუნა ტოტებს.

დასასვენებლად განლაგებაც ვერ მოასწრეს, რომ ფედიას ხმა გაისმა:

— ჰეი, აქეთ, აქეთ, მშვენიერი საბანაო ადგილია.

იგი მთლად სველი, წითელი ტრუსების ამარა გამოხტა ბუჩქებიდან. ხელებით უხმობდა ამხანაგებს. ბიჭები ერთად გაცვივდნენ ფედიასაკენ. საფრონოვმაც გაიწია ბუჩქებისაკენ, მაგრამ შეჩერდა. ძალიან უყვარდა ბანაობა, ან კი ვინ იტყოდა ახლა უარს ასეთ სიამოვნებაზე. მაგრამ ახლა თავი შეიკავა და ისევ მცხუნვარე მზის ქვეშ დარჩა.

— ფედია, ჩვენთვისაც შეარჩიე კარგი ადგილი! — უყვიროდა ვერა და ფაცაფუცით ეძებდა ჩემოდანში საცურაო კოსტიუმს.

ფედია წუთით მიიმალა, მერე ბუჩქებში კვლავ გაიღვა წითელმა ტრუსებმა.

— მოდით! არის ადგილი!

აგრიპინა ფიოდოროვნამ ხელი წამოავლო თავის საცურაო კოსტუმს და პატარა გოგონასავით, კისკისით გამოედევნა მდინარისაკენ გაქანებულ ვერას, ამ წუთს არც ახსოვდა, მასწავლებელი რომ იყო. ყოველი მხრიდან მშობლიურ ადგილებს ხედავდა, ბალობაში ასჯერ შემოვლილს, და მან ისევ გოგონად იგრძნო თავი.

ვერამ სირბილში უკან მოიხედა და სიცილით დაიყვირა:

— საფრონოვ! ბარგს უყარაულე!

გენკას არაფერი უბასუხნია, ხის ქვეშ ჩრდილში მიჯდა. პირველად იყო თექვსმეტი წლის მანძილზე, რომ მტანჯველი მარტოობა

იგრძნო. საფრონოვი ბალახზე დაემხო და ძლივს იკავებდა ცრემლებს. არ ახსოვდა, რამდენ ხანს იწვა ასე.

უცებ ვილაცის მსუბუქი შეხება იგრძნო მხარზე. ელენა დახრილიყო მის თავზე, მისი გრძელი სველი ნაწნავიდან გენადის ხელზე წყლის ცივი წვეთები ეცემოდა.

— გენა, რა მოგივიდა? — ჰკითხა ელენამ.

საფრონოვი საჩქაროდ წამოდგა. ელენამ დაინახა, რომ გენა არ ტირილდა, როგორც პირველად მოეჩვენა. იგი ერთადერთი იყო მოწაფეთაგან. რომელსაც საფრონოვისადმი არამეგობრული განწყობა არ ჰქონდა. ელენას ეცოდებოდა ეს ბიჭი. გენა ობლობაში გაიზარდა და ელენა ამით ხსნიდა მის გულჩათხრობილობას, ეგონებოდა და თავდაჭერებულობას. საკუთარი გამოცდილებით იცოდა, რას ნიშნავდა ბავშვობაში მშობლების დაკარგვა.

— გენა, აღარავის აღარ ახსოვს გუშინდელი ამბავი, — სკიდა საფრონოვის დამშვიდება ელენამ.

მართლაც, ყველანი მშვენიერ გუნებაზე იყვნენ. შორიდან მოისმოდა სტასიასა და აგრიპინა ფიოდოროვნას სიცილი, ჩერნილინისა და ფედოროვის მხიარული გადაძახილ-გადმოდახილი, წყლის თქაფუნის, ვერას თავგანწირული წივილი, ეტყობოდა, პირველად გაბედა წყალში ჩაეყვინთა.

— აღარ ახსოვთ? არა, ასეთი რამ არავის ავიწყდება. მე თვითონ არ დამეიწყინა და დიდხანს ვერც დავივიწყებ. — დარწმუნებით თქვა საფრონოვმა.

კიდევ უნდოდა რაღაც ეთქვა, მაგრამ მისი და ელენას ყურადღება აგრიპინა ფიოდოროვნას ხმამალა ნათქვამმა მიიპყრო.

— ამ მდინარის იქით ბორცვს ხომ ხედავთ? ყურადღებით დააკვირდით მის ცოტა მარჯვნივ... ხედავთ?

— ნაგებობები რომ არის? — გაისმა სტასიას ხმა.

— ეს გახლავთ კოლმეურნეობა „ისკრა“, — თქვა აგრიპინა ფიოდოროვნამ.

— ბავშვებო, „ისკრა“ გამოჩნდა! — სიხარულით დაიყვირა ნოვიკოვმა.

მოისმა წყლის ჩქაფანი — ეტყობა, გახარებულმა ფედოვამ ისკუპა მდინარეში და გაცურა.

— ვაშა! „ისკრა“ გამოჩნდა! — აპყენენ ფედის სხვებიც და წყალი ადგაფუნდა და აბუხბუყდა მოცურავეთა ხელ-ფეხის ქნევი-საგან.

საფრონოვმა ხელისგულით მოიჩრდილა მზე და იმ ბორცვს მი-აჩერდა. ელენამაც იქითკენ იბრუნა პირი. მან დაინახა პატარ-პატარა ნაცრისფერი სახლები.

— „ისკრა“! — შეჰყვირა საფრონოვმა. — როგორ მიხარია! ელენამ შეხედა გენას. გოგო მიხვდა, რომ ამ წუთას საფრონოვი თავისი კი არა, სხვისი სიხარულით ხარობდა.

მეთექვსმეტი თავი

სოფელში ბავშვები დიდხანს არ დარჩენილან — ერთი ღამე გა-ათიეს მხოლოდ. გაცხარებული თიბვის ალოობა იდგა. სახლები გა-მოცარიელებული იყო. კოლმეურნეები დიდიან-პატარაიანად მინდე-რებში გადასახლებულიყვნენ.

დილით ბავშვებმა გაიარეს სოფლის მყუდრო ქუჩები, სადაც ახალი სახლები წამოეჭიმათ. სახლებს ჯერ კიდევ ასდიოდა ფისის სუნი. დაათვალიერეს კოლმეურნეობის ელექტროსადგურის მოწყო-ბილობა, საფუტკრე, გამოცარიელებულ კლუბშიაც და სკოლაშიაც შეიხედეს და რაკი თავიანთი ძალის გამოსაყენებელი ადგილი ვერ იპოვეს, მოიწყინეს.

— მინდორში უნდა წავიდეთ, — შესთავაზა აგრიპინა ფიოდო-როვნამ ბავშვებს.

ბავშვებზე ნაკლებ მოუთმენლად არც ის ელოდა კოლმეურნე-ებთან შეხვედრას. იქ ყველა იცნობდა მას და ისიც ბევრს იცნობ-და. იქ, მინდორში იყო ცვეტაევიც, რომელთანაც კიდევ ბევრი დარჩა სალაპარაკო.

— სწორია, ჩვენ მასაში უნდა გავერიოთ, იქ არის ჩვენი ადგი-ლი, — ავტორიტეტულად განაცხადა ელენამ.

რასაკვირველია, არც ერთმა ბავშვმა არ იცოდა, რომ ელენა ამ-ბობდა იმ სიტყვებს, რომლებიც ხშირად უთქვამს მამამისს — რაი-კომის მდივანს.

მინდვრებამდე კარგა დიდი გზის გავლა დასჭირდათ. ფიქვნარი,

სოფელს რომ ირგვლივ ერტყა, ტბის ნაპირებამდე გაქმელიყო, მერე კი შოთხენარი იწყებოდა.

მინდორი მოულოდნელად გამოჩნდა — ბავშვები ღრმა ხევიდან ამოვიდნენ და გაოცებულები შეჩერდნენ. მათ წინაშე, თვალისგაწვდენამდე განფენილიყო ვრცელი მინდვრები. მთელი ეს მწვანე სივრცე აქა-იქ აჭრელებულიყო მთიბავთა ნაირ-ნაირი ფერის პერანგებით. ამ მზიანი დღის სიჩუმეში სადღაც შორიდან აღწევდა სათიბის მანქანების მწყობრი ჭრიალი. ჰაერი თაფლის არომატითა და კელების გაბმული დაუსრულებელი ზუზუნით იყო სავსე.

— გენკა, ნახე, რა სილამაზეა! — აღტაცებისაგან სული ძლივს მოითქვა ფედიამ.

სტასიას აღარც სიცხე გახსენებია და აღარც დაღლა, ერთი შესწივლა და ციკანივით შეიკუნტრუშა:

— ოჰ, აგრიპინა ფიოდოროვნა, ჩვენც ხომ გავთიბავთ?

— მაშ, შენ რა გეგონა, ანასტასია პავლოვნა, აქ საცუდმაღოდ მოვედით თუ რა? — ჰკითხა ჩერნილინმა.

საფრონოვმა თვალი მოავლო მინდორს და რაღაც ჩაიბურღლუნა. ცხვირში, ლექსი თუ თქვა.

მთიბავებმა შენიშნეს ქალაქელი სტუმრები, ზოგმა ცელი შეაჩერა, ხელით თვალები მოიჩრდილა და გამოხედა მათ. ზოგმა აგრიპინა ფიოდოროვნა იცნო. ხელებს უქნევდნენ, მისალმების ნიშნად რაღაცას უყვიროდნენ. მასწავლებელს თვალები გაბრწყინებოდა, სახე ერთთავად აალებოდა და ბავშვები მიხვდნენ, რომ იგი მეტისმეტად აღელვებული იყო.

კოლმეურნეთა ბანაკი მდინარის ნაპირას განლაგებულიყო, აქვე დაედგათ ტირიფის წნელებისაგან მოწნული კარკები, რომლებიც ბალახით გადაეხურათ. აქა-იქ ცეცხლი ენთო, მათ სიახლოვეს კი თეთრწინსათარაფარებული მზარეული ქალები ფუსფუსებდნენ.

კოლმეურნეობის თავმჯდომარე, სიმაკოვი, ზონზროხი ბერიკაცი მივიარდა აგრიპინა ფიოდოროვნას და ხელი ჩამოართვა. ურჩია, უწინარეს ყოვლისა, კარავი დადგითო. ღია ცის ქვეშ ძილი არ ვარგა: ღამდამობით ცივი ცვრით იფარება ხოლმე მიწა, ხშირად კი ხანმოკლე, მაგრამ ბარაქიანი წვიმა იცისო.

როცა გაიგო, სტუმრები თიბვაში დასახმარებლად მოსულანო, კოლმეურნეობის თავმჯდომარემ ხელები გაშალა და აშკარად ექვი

გამოთქვა, ქალაქელი ბავშვები გლეხურ საქმეს ვერ გაართმევენ თავსო. ბავშვებმა ერთხმად დაუწყეს ხვეწნა, ცელები მოგვეციოთ და ნახათ, რა ჩქარა მივეჩვევით მის მოხმარებასო.

საუბრის ბოლოს ცვეტაევმაც მიუსწრო.

— თქვენ, მეგობრებო, ვერ მიგიგნიათ სათქვენო საქმისთვის, — უთხრა ბავშვებს პარტორგმა. — ბალახს უთქვენოდაც მოვთიბავთ. დღეს ორი სათიბი მანქანა კიდევ დაგვიმატეს. ისა სჯობს, სხვა საქმეში შეგვაშველოთ ხელი: შეჯიბრების მაჩვენებელთა დაფა გაგვიფორმეთ, საბრძოლო ფურცლები გამოუშვით, მეცნიერების მიღწევებზე გვიამბეთ, და არც ის იქნებოდა ურიგო, თვითმოქმედებასაც თუ გვიჩვენებთ. შეგიძლიათ ეს თუ არა?

სტუმრებმა ერთმანეთს გადახედეს და წყენის ჩრდილმა გადაურბინათ სახეზე. თიბვა სიახლით იზიდავდა მათ, თავიანთი თავი უკვე იქ, მინდორზე წარმოიდგინეს, სხვა მთიბავების გვერდით, ასე გაცხარებულები რომ მისცემოდნენ საქმეს.

— მაგრამ ამათ ხომ ფიზიკური წამუშავებაც სურთ, გრიგორი მაქსიმოვიჩი, — გამოესარჩლა ბავშვებს აგრიპინა ფიოდოროვნა.

— კი ბატონო! აი, ამ საღამოს პირველი ზვინების დადგმას დავიწყებთ და სათქვენო საქმეც გამოჩნდება. თიბვაც თუ გინდათ — თიბეთ. მაგრამ თქვენი დახმარება განსაკუთრებით სასარგებლო კულტურის სფეროში იქნება. ძალზე სამწუხაროა, ამხანაგებო, რომ კოლმეურნეობაში კულტურული ძალა ცოტა გვყავს!..

პარტორგის სიტყვებმა, რომელშიც ნდობა და გულწრფელობა გამოსკვიოდა, ბავშვებზე იმოქმედა.

— ჩვენ ხომ ფოტოაპარატი გვაქვს! ბორია ჩერნილინს შეუძლია სოცმეჯიბრის დაფისათვის ყველა სტახანოველს გადაუღოს სურათი, — ჩაილაპარაკა ელენამ, რომელიც თვალს არ აცილებდა პარტორგს.

ცვეტაევი, ასე უბრალოდ და სერიოზულად რომ ებაასებოდა ბავშვებს, მოსწონდა ელენას. „ისე გველაპარაკება, თითქოს დიდები ვიყოთო“, — ფიქრობდა იგი.

— სწორედ მშვენიერი რამ არის, ამხანაგებო! — შესძახა ცვეტაევმა.

— მე შემიძლია მოხსენებით გამოვიდე ატომის ენერჯის თაობაზე, — თქვა ფედიამ და ცვეტაევის თვალებში ყოყმანი რომ შე-

ნიშნა, საჩქაროდ დაუმატა. — ფიზიკის დოცენტისაგან მივიღე კონსულტაცია.

— ძალიან კარგი, — მოუწონა ცვეტაევმა და ახლა საფრონოვს გადახედა, თითქოს ეკითხებოდა; „აბა, შენ რით დაეხმარები კოლმეურნეობასო?“

გენადიმ მორცხვად ჩაჰკიდა თავი და ყრუდ თქვა:

— მე არ მეხერხება მოხსენებები.

— გენა, შენ ხომ პოეტი ხარ! კოლმეურნეობის საუკეთესო სტახანოველებზე დაწერე ლექსები, — უთხრა ლენამ.

ცვეტაევს თითქოს ცეცხლი მოუკიდა ამ ამბავმა:

— ოჰ რა კარგი იქნებოდა! ლექსები ჩვენს სტახანოველებზე! თქვენ ვერ წარმოიდგენთ, როგორ აამაღლებს ეს შრომით ენთუზიასმს!

— შეგიძლია, გენკა? — ჰკითხა ცხარედ ფედიამ, რომელიც ამხანაგის გამო ღელავდა.

მაგრამ მარტო ფედია როდი ღელავდა — საფრონოვს ყველანი შიშით შესცქეროდნენ.

— ვეცდები, — თქვა ცივად საფრონოვმა. მაგრამ გენკა გასცეს თვალებმა, ასე საოცრად რომ გაბრწყინებოდა. იგი ერთიანად გაიტაცა იმ აზრმა, რომ შექმნიდა ლექსებს, რომლებსაც სტახანოველებს მიუძღვნიდა.

— თვითმოქმედების კონცერტიც შეგვიძლია ჩავატაროთ, — თქვა აგრიპინა ფიოდოროვნამ. — ვერა მღერის, სტასია ცეკვავს, გენა და ფედია კარგად კითხულობენ. ბორია ფოკუსს მოიფიქრებს. ვფიქრობ, კოლმეურნეთა შორისაც გამოჩნდება ვინმე და საერთო ძალებით რაიმეს მოვახერხებთ.

— ჰოდა, მაგას რა სჯობს, მშვენიერია, — იმეორებდა ღიმილით სახეგაბადრული ცვეტაევი.

• • •

დრომ შეუმჩნევლად გაირბინა. ბავშვებმა ყველა დანაპირები შეუსრულეს ცვეტაევს. კარვების სიახლოვეს, ვეება დაფაზე ეწერა „კოლმეურნეობა „ისკრას“ საპატიო დაფა“ და ეკიდა ბორია ჩერნილინის დამზადებული ფოტოსურათები. ფოტოსურათების ქვევით

ფედისას მკათიო ხელით მიწერილი იყო საფრონოვის შეთხზულ-
ლექსები. ყველაზე საუკეთესო ლექსები ბევრმა ზეპირად ისწავლა
და ბავშვებმა ბევრჯერ გაიგონეს, გოგონები რომ მცირე შესვენებაზე
გარმონზე დამღეროდნენ მათ. გაამაყებულნი საფრონოვი ისე დააბი-
ჯებდა, თითქოს ფრთები გამოსხმოდა.

ნოვიკოვის მოხსენებამ ისეთი დიდი ინტერესი გამოიწვია, რომ
ცვეტაევმა სთხოვა, ტრაქტორისტებსაც წაუყითხეო. თვითმოქმედე-
ბის კონცერტიც კარგი იყო. როგორც აგრიპინა ფიოდოროვნა ვარა-
უდობდა, კოლმეურნეობას საკუთარი მომღერლები, მოცეკვავენი და
მუსიკოსები აღმოაჩნდა. ისე ბევრნი იყვნენ, პირველ კონცერტზე
მსურველთა მხოლოდ ნახევარი გამოვიდა.

ყოველივე ამან — საპატიო დაფამ, მოხსენებებმა, სტახანოვე-
ლებზე შეთხზულმა ლექსებმა და სასადილო შესვენებების დროს გა-
მართულმა თვითმოქმედების კონცერტებმა — კოლმეურნეთა ცხოვ-
რებაში მრავალფეროვნება და მხიარულება შეიტანა.

ამიტომ იყო, ან უფრო სწორად, ეს ერთ-ერთი მიზეზი გახდა
იმისა, რომ თიბვამ ამჯერად ერთსულოვნად ჩაიარა და ქალაქელი
სტუმრების გამგზავრების დღეს კოლმეურნეობა შეუდგა საკვების
გეგმის ზევით დამზადებას. ამ საბაბით გამგეობამ გადაწყვიტა კრე-
ბის მოწვევა. ჩვეულებრივად, შუადღისას დანიშნეს კრება, როცა
მცხუნვარე მზე აიძულებდათ ცელი ბალახებში მოესროლათ და აგ-
რილებს დალოდებოდნენ.

კრება მდინარის პირას, ტირიფისა და შოთხვის ხშირი ბუჩქების
ჩრდილში მოაწყვეს. თიბვაში სოცშეჯიბრის შედეგებზე მოხსენებით
გამოვიდა ცვეტაევი. მან ჩამოთვალა საუკეთესო სტახანოველთა გვა-
რები, მოიყვანა მათი მაღალი გამომუშავების ციფრები, მერე ილა-
პარაკა იმ არნახულ შრომით აღმავლობაზე, მთელ თვალუწვდენელ
საბჭოთა ქვეყანაში რომ სუფევს. მისი მოხსენების შემდეგ კოლმე-
ურნეობის თავმჯდომარე სიმაკოვმა აიღო სიტყვა სტახანოველთა
ფულადი პრემიებით დაჯილდოების დადგენილების წასაკითხად. სა-
უკეთესო მთიბავთა გვარებს კოლმეურნეები მოწონების ტაშით
ხვდებოდნენ. მაგრამ, აი, სიმაკოვმა საქალაქიდან რაღაც ახალი
ქალაქი გამოაძვრინა და ხელში ატრიალებდა, ხალხის დაწყნარე-
ბას ელოდებოდა.

— ამხანაგებო, კოლმეურნეობის გამგეობამ განსაკუთრებული

გადაწყვეტილება მიიღო, რათა აღენიშნა ქალაქელ მოსწავლეთა ბრიგადის ღვაწლი, ჩვენი პატივცემული აგრიპინა ფიოდოროვნას ხელმძღვანელობით, — თქვა მან. — გამგეობამ გადაწყვიტა, ამ ბრიგადას მადლობა გამოეცხადოს მისი დიდი და კოლმეურნეობისათვის ესოდენ სასარგებლო სამუშაოს ჩატარებისათვის და დააჯილდოვოს იგი ფულადი პრემიით სამასი მანეთის ოდენობით. ამას გარდა, კრებას ვაცნობებ, რომ თიბვისა და თივის აღებისათვის ბრიგადას დაერიცხა თვრამეტი შრომადღე.

კოლმეურნეებმა ისეთი მხურვალე ტაში დასცხეს, რომ ბუჩქებში მიმალული მეკანაფეთა გუნდი შეშინებული ხმაურით აიჭრა ჰაერში.

არავინ — არც აგრიპინა ფიოდოროვნა და არც თავად ბავშვები — არ ელოდნენ თავიანთი მუშაობის ასეთ მაღალ შეფასებას. ისხდნენ ერთად წაქცეულ ხეზე დარცხვენილები და გულგახარებულები.

— აბა, ვინ გამოვა საპასუხო სიტყვით? — მიუბრუნდა აგრიპინა ფიოდოროვნა ბავშვებს და როცა სტრელოვას თვალებში მზადყოფნა შენიშნა, ჰკითხა: — შენა, ლენა? რას იტყვი?

— ვიტყვი, რომ პრემიასა და შრომადღეების საფასურს ჩვენ კოლმეურნეობა „ისკრას“ ბიბლიოთეკის მოსაწყობად გადავცემთ.

ვერამ, სტასიამ, საფრონოვმა და ფედიამ ერთხმად დაუჭირეს მხარი ელენას წინადადებას. მხოლოდ ჩერნილინი იყო სხვა მოსაზრებისა.

— ისა სჯობდა, ფოტოლაბორატორიის მოსაწყობად გადაგვეცა, — თქვა ჩუმად მან.

— ბიბლიოთეკა უფრო საჭიროა, — დამარწმუნებლად წაიჩურჩულა ელენამ.

— ვიცი, რომ შენ ბიბლიოთეკა გირჩევნია, მაგრამ ფოტოგრაფიაც... — კინალამ კამათი წამოიწყო ბორიამ.

აგრიპინა ფიოდოროვნამ გადაწყვიტა დაეა:

— რა თქმა უნდა, ბიბლიოთეკა უფრო საჭიროა.

ელენას გამოსვლამ დიდი შთაბეჭდილება მოახდინა კოლმეურნეებზე. ელენა თავის ადგილზე, აგრიპინა ფიოდოროვნას გვერდით დაჯდა. აპლოდისმენტები არ წყდებოდა.

ცვეტაევი კრების დახურვას აპირებდა, რომ უცებ სიტყვა ითხო-

ვა კოლმეურნეობის საუკეთესო მთიბავმა ტერენტი პოლიკუხინმა იგი მიწიდან წამოდგა, ტანმალალი კაცი იყო, გრძელხელება, შუბლზე გრუზა თმა ეყარა.

— კარგი საქმე მოიფიქრეს ქალაქელმა ამხანაგებმა. ბიბლიოთეკა, მართლაც, გვკვირდება. ჩემს პრემიას წიგნების შესაძენად ვღებ.

პოლიკუხინმა დაჯდომა ვერ მოასწრო, რომ ახლა მაგიდასთან მეორე პრემირებული მთიბავი, ვილაც პეტროვი მივიდა. იგი ჯერ კიდევ ლაპარაკობდა, მაგიდასთან კი თავთავიანთ რიგს სხვა კოლმეურნეები ელოდებოდნენ.

აგრიპინა ფიოდოროვნა და ბავშვები საღამოთი, სიგრილით გაემგზავრნენ უკან. სოფლამდე ისინი ცვეტაევმა გააცილა. ვერასა და ელენას დაკვირვებულ თვალებს არ გამოჰარვიათ, რომ ცვეტაევი აგრიპინა ფიოდოროვნას ნაღვლიანი ღიმილით შესცქეროდა და ამჯერად ორივენი ცოტას ლაპარაკობდნენ.

მეჩვიდმეტე თავი

არდადაგების დღეები სწრაფად გარბოდა. მიიწურა თაკარა ივლისი, ჩაიქროლა აგვისტომაც. სასწავლო წლის დაწყების წინ ვერა სვერჩკოვამ მეგობრები თავისთან მიიპატიჟა. პირველი ლენა მივიდა და ვერაც სიხარულის შეძახილით შეხვდა:

— ოჰ, რა კარგი ქენი, რომ მოხვედი!

ელენა წინკარში ტანსაცმელს იხდიდა, ვერა კი აჩქარებდა:

— ჩქარა წამოდი, იცი, რამდენი ახალი წიგნი მაქვს!

ელენა საჩქაროდ მიჰყვა უკან. უცებ გამოვარდა ვოლოდკა, ელენას ხელში ხელი ჩაავლო და დაიყვირა:

— შენთვის საჩუქარი მაქვს!

გავარდა საწოლ ოთახში და იმავე წუთს უკანვე გამოვარდა, ხელში ქაღალდის ფურცელი ეჭირა.

— დაგვაცა, რა, ვოლოდკა, — უქმაყოფილო ვერა ცდილობდა ძმის შეჩერებას და ელენას თავისთან წაყვანას.

მაგრამ ელენა შეჩერდა, ბიჰს ქაღალდი გამოართვა და ღიმილით ათვალაობდა ნახატს.

ქალაღზე სახლები ეხატა უცნაური, წაგლეჯილი, გვერდზე წაფხატული სახურავებით, სამტოტა ხეები და პატარა თავკომბალა კაცუნები, ზემოთ კი ბეჭდური ასოებით ეწერა:

„ლენოჩკას ვოლოდკასაგან“.

— გმადლობთ, ვოლოდია, — უთხრა ელენამ. — ამ ნახატს შევიწახავ.

— ხომ მოგწონს?

— ძალიან, — სერიოზულად მიუგო ელენამ. — ნახე ერთი, რა არაჩვეულებრივი სახლებია. რა ზღაპრული ხეებია! კაცუნები კი, რა მშვენიერები არიან! ამ ნახატს შინ, კედელზე დავკიდებ.

— მართლა? — გაუხარდა ვოლოდკას.

თავისი ოთახის კარი ვერამ რაზით გადაკეტა საჩქაროდ. ვოლოდკას და ელენას ახალი წიგნები გადმოუღა.

ორთავენი სიყვარულით დასწვდნენ სქელ-სქელ წიგნებს, მაგრამ ამ დროს ზარის ხმა გაისმა. გოგოები წინკარში გაცვივდნენ კარის გასაღებად.

პარმალზე ფედია იდგა, ილიაში დიდი გაქეჩილი პორტფელი ამოეჩარა.

— ასე ადრე რამ მოგიყვანა? — გაეცინა ელენას. — სტუმრები ერთი საათის შემდეგ დაიწყებენ თავშეყრას, შენ კი ყველას დაასწარი.

— შენ რაღამ მოგიყვანა? გაგიხარდა, ვერა ტორტის ჰმევეს დამპირდაო და განთიადს მოჰყევი, არა? — ხუმრობითვე უპასუხა ფედია და კარი მიხურა. — მე საქმის გამო ვჩქარობდი.

— რა საქმე უნდა გქონდეს ოცდათერთმეტ აგვისტოს? — გაროცებით გაშალა ხელები ვერამ. — საქმეები ხვალ დავგვეწყება.

სამივენი სასადილო ოთახში გავიდნენ. სულ მალე ვოლოდკაც იქ გაჩნდა.

— რა გაქვს ამაში? — ცნობისმოყვარეობით ჰკითხა მან ფედიას და სქელი პორტფელი მოსინჯა ხელით.

— არამკითხეს საქმე არ არის! არამკითხე მიტყიპესო, ამბობენ! — მიუგო ფედია.

მერე ცოტა შეიცადა, ვოლოდკას დიდის ამბით შეხედა და გახსნა პორტფელი. ვოლოდკამ ყოველი შემთხვევისათვის უკან დაიწია. ფედია პორტფელიდან სქელი ჟურნალი ამოიღო. თეთრ ყდაზე და-

ხატული იყო ტყე და მდინარე, რომელშიც ნაპირზე დაზვინული ძნები ირეკლებოდა. მოკრიალებულ ცაზე გაკეთებული იყო წარწე-რა: „კოლმეურნეობა „ისკრაში“.

— უკვე მზადა გაქვს! — ერთხმად შეჰყვირეს ვერამ და ელენამ და ხელები გაიწოდეს.

— თავად გაჩვენებთ, თქვენ დამიკაწრავთ, — თქვა ფედიამ და ყურნალი განზე გასწია. — ყდით ხომ დატკბით? ახლა შიგნით ნახეთ.

ფედიამ გადაშალა პირველი გვერდი. ზემოთ გარკვევით ეწერა: „სამგზავრო დღიური. ბორის ჩერნილინი“.

— წაკითხვით მერე წაიკითხავთ. ახლა ნახეთ მხოლოდ, — ფედიამ გადაფურცლა რამდენიმე გვერდი. — შემდეგი: „მოსავლის აღებაზე!“ ლექსი ბელოვისა. ხედავთ, მთელი ორი გვერდი დაიჭირა. კარგი ლექსია. ეს კი ნარკვევია ჩემზე, — გაიღიმა მან.

— „ფედია — „აგიტატორი“, ვ. სლავინი“ — წაიკითხა ელენამ. — ეს წერილი მე და ვერამ უკვე ვიცით. აქ იმაზე წერია, კოლმეურნეებისათვის „ისკრაში“ მოხსენებებს რომ კითხულობდი.

ფედიამ ორი გვერდი კიდევ გადაფურცლა.

— შემდეგი, — თქვა მან. — ჩემი ნაჯღაზნია — ნარკვევი სტასიას, ელენას, ვერასა და ჩერნილინის სასარგებლო მოღვაწეობის თაობაზე, სათაურით „კონცერტი მინდორში“. ახლა რა სურათებია! გენკამ დახატა.

— უყურე, სტასია ბოშურ ცეკვას ცეკვავს! რა კარგია!

— აბა, სად არის სტასია? — აღელდა ვოლოდკა. იგი, რა ხანია, სკამზე შემდგარიყო და რაც ძალა და ღონე ჰქონდა, იჭიმებოდა, ვერას მხარს ზემოდან იცქირებოდა.

— ვოლოდკა, ყურში ნუ მასუნთქებ! — უთხრა გაბრაზებით ვერამ.

— აბა, რა ვქნა, ვერ ვხედავ და! — მიუგო მტირალი ხმით ძმამ.

— მოდი აქ, — უთხრა ფედიამ და მუხლებზე დაისვა ბიჭი.

— ვერა, შენ კი გიტარა გიჭირავს ხელში! — გაიცინა ელენამ და ნახატზე მიუთითა, თან ვერას საყვარელი სიმღერა დააღიღინა: „გამრვდივარ მარტო გზაზე“ — გგავს. ხომ გგავს მართლა?

— ჰგავს! — შეჰყვირა გაცხარებით ვოლოდკამ.

— საფრონოვის ლექსი „ფიცსა ვღებ“ აღარ დაეცია განა?

— ეს ლექსი იდეურად არ ესადაგება ჟურნალს. გარდა ამისა, რად უნდა გადავუშალოთ ყველას გენკას სული? ეს ჟურნალი ხომ ჟალანის განათლების განყოფილებაში წავა, მერე კი მოსკოვის კონკურსზედაც. გენკას ლექსი კი პირადული ხასიათისაა...

— კარგად კი არის დაწერილი და! — შესძახა ელენამ.

— სულითა და გულით, ალაღად არის დაწერილი. — თქვა ვერამ. — როგორა აქვს: „ჩემო კარგო მეგობრებო, თქვენს წინაშე ვფიცავ!“

— რაზე დებს ფიცს? — დაინტერესდა ამ დროს შემოსული ოქსანა ტარასოვნა. — გამარჯობა. ფედიო!

— გამარჯობათ, ოქსანა ტარასოვნა! — ფედიამ ვოლოდკა ძირს ჩამოსვა და ადგა.

— დედიკო, ეს საფრონოვის მშვენიერი ლექსია! — ცხარედ ალაპარაკდა ვერა. — ხომ გახსოვს, შენ და მამას გაიმბეთ, „ისკრაში“ რომ მივდიოდით, გზაზე საფრონოვი ლექსების საწერად განმარტოვდა და მისი გულისათვის ოცდაათი კილომეტრი ფეხით ვიარეთ-მეთქი? ჰოდა, ამ ლექსში შემოგვფიცვა, რომ ამიერიდან მისთვის ყველაზე მაღლა კოლექტივის ინტერესები იდგება.

— ისე, ლექსის გარეშე, ბოდიში არ მოგიხადათ? — ჰკითხა ოქსანა ტარასოვნამ.

— არა, ეგეთი როდია! ერთთავად დუმს ხოლმე, — უთხრა ფედიამ. — თქვენ არ იცნობთ მას?

ოქსანა ტარასოვნამ უარის ნიშნად თავი გაიქნია და ღიმილით მიუგო:

— დღეს გავიცნობ.

— მუდამ უდროო დროს ვიცი ხოლმე მოსვლა, — გაისმა ამ დროს საფრონოვის ხმა. იგი კარში იდგა უკვე პალტოგახდილი, გვერდით ჩერნილინი და კირილოვნა უდგნენ.

ყველას გაეცინა, ვოლოდკა კი, თუმცა არ გაეგებოდა, რად იციწოდნენ, ყველაზე ხმამაღლა ახარხარდა.

— გენკა, შენ მუდამ მეფე ჰამლეტის აჩრდილივით დადინარ, — შესძახა ფედიამ.

— სწორედაც, — თქვა საფრონოვმა. იგი მორცხვად, მოშვებულად მიესალმა ოქსანა ტარასოვნას.

— გამარჯობათ, — საყოველთაო სალაში თქვა ჩერნილინმა.

— გამარჯობათ, შემოდით, — ალერსიანად გამოეხმაურა ოქსანა ტარასოვნა. მან დაუფარავი ცნობისმოყვარეობით შეხედა საფრონოს და ოთახიდან გასვლა იჩქარა, რათა მისთვის საშუალება მიეცა სული მოეთქვა და უცხო ბინაში თავისუფლად ეგრძნო თავი.

ჩერნილინი მაშინვე მივიდა მაგიდასთან და გატაცებით შეუდგა ყურნალის თვალიერებას. საფრონოვმა კი გულგრილად შეავლო თვალი ნაცნობ ნახატებს, ხელები ზურგს უკან დაიწყო და ოთახში ბოლთის ცემას მოჰყვა. მას ნანახი ჰქონდა, რომ ასე მოიქცა მოხუცი მწერალი ნიკონოვი, როცა პიონერთა სასახლეში შეხვედრა მოუწყვეს.

— იცით, ბავშვებო, რა მოვიფიქრე? — სიარულში ამბობდა საფრონოვი. — ჩვენ ლიტერატურული დისპუტი უნდა მოვაწყოთ „ახალგაზრდა გვარდიაზე“...

— მოიფიქრა ამანაც! — დაცინვით უთხრა ვერამ. -- ჩვენ და აგრძობინა ფიოდოროვნამ რა ხანია გადავწყვიტეთ ასეთი დისპუტის გამართვა.

— ჰო, მაგრამ სკოლაში მოწყობა ერთია, სასახლეში კი — სხვა საქმეა.

ელენას თვალი დაედალა წინ და უკან მოსიარულე საფრონოვის ცქერით და გულმოსულმა უთხრა:

— გენა, ან დაჯექი, ან დადექი, თორემ შენს ყურებაში თავბრუ დამეხვა.

საფრონოვი მაშინვე დამორჩილდა, მაგიდასთან გაჩერდა და თქვა:

— მე ავიღებ მოხსენებას თემაზე: „რატომ არ დაინანეს მათ თავიანთი სიცოცხლე“.

— ოჰ, ჰკუას ძალას ნუ დაატან! — შესძახა ელენამ, მაგრამ გოგოს თვალელებში ნაპერწკლები აუელვარდა და ლოყები აუვარდისფერდა. იგი წამოხტა და თქვა: — მე კი? მე ასეთ მოხსენებას გავაკეთებდი: „ოლეგი და დედამისი“. კარგა ხანია, ამაზე ვფიქრობ.

ფედია მაგიდას მოშორდა.

— სკოლაში თუ გინდა გამოდი ამ თემით, სასახლეში კი მე უკვე გავაკეთე მასზე განაცხადი.

— ვისთან მერე? — დაბნეულად ჰკითხა ელენამ.

— აგრიპინა ფიოდოროვნასთან.

— აგრიპინა ფიოდოროვნასთან? უკაცრავად, მაგრამ მაგ თემას ვერ დაგიტოვებ. იგი მე მოვიფიქრე.

— გეუბნები, უკვე მოველაპარაკე-მეთქი აგრიპინა ფიოდოროვნას. — ჭიუტად უთხრა ფედიამ.

ელენამ ხელები გაასავსავა:

— მერე რა? ადექი და მე დამითმე.

— არაფრის გულისთვის, — სერიოზულად მიუგო ფედიამ. — ეს, საერთოდ, ჩემი თემაა.

— როგორ თუ საერთოდ? — ჰკითხა საფრონოვმა.

— ორი თაობა: მამები და შვილები. ერთთავად ამაზე ვფიქრობ.

ვერამ გადაიკისკისა:

— მაშ, სხვას არავის აქვს უფლება იფიქროს და მოხსენება გააკეთოს მაგ თემაზე? ფედიამ, ჩემო კარგო, შენ ამ სიბერეში ჩერჩეტლები.

— ეს ჩემი თემაა. — ჭიუტად გაიმეორა ფედიამ.

ვერამ იგრძნო, ნოვიკოვი და ელენა, საცაა, წაიხსუბებენო და შესთავაზა:

— მოდით, ვითამაშოთ. ჩაიფიქრეთ რომელიმე გმირი. აბა, გავედი.

ვერა პასუხს არ დალოდებია, ოთახიდან გავარდა და კარი მოიკეტა. წუთით ოთახში სიჩუმე ჩამოვარდა.

— ოლეგ კოშევი, — ჩურჩულით თქვა ჩერნილინმა.

— კარგია, — მოუწონა საფრონოვმა და კართან მივიდა.

ელენა და ფედიამ ხმას არ იღებდნენ. გენადიმ კარი გამოალო და თავისი ყრუ ხმით გასძახა:

— შეიძლება შემოსვლა.

ვერა შემოვიდა და ელენას ჰკითხა:

— კაცია თუ ქალი?

— კაცია! — ნელა თქვა მან, ხმაში ჭერ კიდევ ეტყობოდა წყენა.

— ახალგაზრდაა თუ მოხუცი? — ისევ ჰკითხა ვერამ ელენას.

— ახალგაზრდა, — თქვა ელენამ მომბალი ხმით.

— მაშ, ახალგაზრდა, — გაიმეორა ვერამ, — ახალგაზრდა... აბა, გენოჩკა, ყველაზე მნიშვნელოვანი რა აქვს ხასიათში?

— სიყვარული, წმიდათაწმიდა სიყვარული ადამიანისადმი, — ცხარედ მიუგო საფრონოვმა.

— აი, მართალი სიტყვა, — სკამიდან წამოდგა ელენა. — რა ძალიან კარგად თქვა. — ელენა ისევ გაიბადრა, ფედიასთან კამათი აღარც ახსვდა.

— სიყვარული ადამიანისადმი, — ფიქრიანად გაიმეორა ვერამ. — რომელ დროში ცხოვრობდა ეს გმირი? — იკითხა და თითი ფედიას მიაწვირა.

— ჩვენი თანამედროვეა, — მიუგო ფედიამ.

— ცოცხალია თუ დაიღუპა? — ისევ მას ჰკითხა ვერამ.

— დაიღუპა.

— როგორ იცმევდა ხოლმე? — ახლა ჩერნილინს მიუბრუნდა ვერა.

— კოსტიუმი ეცვა, პალსტუხს იკეთებდა. მუდამ ფაქიზად გამოიყურებოდა.

— ცოტათი ენაბრგვნილი ხომ არ იყო? — გაიღიმა ვერამ. — ოლეგ კოშევოია!

— ახლა მე გავალ! — დაიყვირა ჩერნილინმა. — რაიმე უფრო ძნელი გამოსაცნობი მოიფიქრეთ!

იგი კარს უკან გავარდა, ცოტა ხანს მოიცადა და მერე დაიყვირა:

— ჰა, შემოვიდე?

— დაიცადე, — უპასუხეს კარს იქიდან.

მაგრამ ჩერნილინს არ შეეძლო ლოდინი. რაიმე საკმე უნდა ეკეთებინა.

სამზარეულოდან აღწევდა ნამცხვრისა და შემწვარი ხორცის საამო სურნელი, ისმოდა დანების წკრიალი, ჭურჭლის ჩხრიალი და ლაპარაკი. ჩერნილინი იქითკენ გაემართა. კარიდან გახედა და იკითხა:

— ხომ არ მოგეხმაროთ, ოქსანა ტარასოვნა?

— გმადლობთ, ბორია. უკვე ყველაფერი გავამზადეთ.

მაგრამ ჩერნილინი მაინც შევიდა სამზარეულოში, ყურადღებიანი მხერა მოავლო მაგიდას, ქურას, ფანჯარას და წამსვე შენიშნა, ტაბურეტზე რომ ელექტროსადენი იყო გასამართავი.

ბორიამ სადენი აიღო, ჯიბე მოიქექა, ჯაყვა ამოიღო და, ის იყო, საქმეს შეუდგა, რომ ელენას ხმაც მოისმა:

— სად დაიკარგე, ჩერნილინ?

— მოვდივარ! — დაიყვირა ბორიამ და სადენი და ჭაყვა ჯიბეში ჩაიჩურთა. — ახლავე გავასწორებ, კირილოვნა.

— რომელ წელს ცხოვრობდა გმირი? — ჰკითხა მან ევრას, ოთახში რომ შევიდა.

— არავინ იცის. — მიუგეს იქ მყოფთ.

— კაცია თუ ქალი? — მიუბრუნდა ბორია ფედიას.

— ქალია.

— რა ხნოვანებისაა? — განაგრძობდა დაკითხვას ჩერნილინი.

— შუახნისაა. ხანშიშესულია, — მიუგო ფედიამ.

ჩერნილინმა გაიარა ოთახში და ჩაფიქრდა. თან ჯიბიდან საღებავი ამოიღო.

— სად რბოვებ? — გაეცინა ელენას.

— მეც მინდა თამაში, — მოულოდნელად მტირალი ხმით მიუბრუნდა ელენას ვოლოდკა. დარწმუნებული იყო, რომ არ აღამაშებდნენ.

— თამაში გინდა? — ჰკითხა ელენამ. — მოდი, ითამაშე. მე მოგეხმარები პასუხების გაცემაში. ჩერნილინ, ვოლოდკას ჰკითხა.

ვოლოდკას გაუხარდა, სკამზე აძვრა და ელენას მიუჯდა გვერდით.

— სად ცხოვრობდა ის ქალი?

ელენამ დააბირა ვოლოდკასათვის ეკარნახა სათქმელი, მაგრამ ბიჭმა თავად მიუგო:

— ჭაობში.

ყველას გაეცინა. ჩერნილინმა შეცბუნებით შეხედა ვოლოდკას, იფიქრა, ბიჭი რაღაცას თხზავსო და მისგან საფრონოვზე გადაინაცვლა.

— სად ცხოვრობდა-მეთქი?

— ჭაობში, — გაუმეორა საფრონოვმა.

გაისმა სიცილი, ხოლო სიჩუმე რომ ჩამოვარდა, კვლავ ვიღაცამ ზარი დარქვა.

— სტასიაა, — თქვა ვერამ და კარის გასაღებად გაიქცა.

მართლაც სტასია იყო, ხელში ჩემოდანი ეჭირა, მძიმედ სუნთქავდა. ჩემოდანი შემოსასვლელში, კუთხეში მიდო და დამნაშავეის ხმით ჰკითხა ვერას:

— ხომ არ შეგიშლით, აქ რომ დავდო?

— რა თქმა უნდა, არა, — მიუგო ვერამ და გაოცებით შეხედა ამხანაგს.

— რად დაავიანე? ჩვენ უკვე ვთამაშობთ...

სტასიას არაფერი უპასუხნია. ჟაკეტი გაიხადა და ვერას შემოჰყვა ოთახში.

სწორედ ამ დროს, ვოლოდკამ ისარგებლა თამაშის შეწყვეტით, ჩერნილინთან გაძვრა და უჩუარჩულა:

— მოგზაური-ბაყაყია... იცი, მე მაქვს ეგ წიგნი... შიგ სურათიც ხატიან, ბატებს როგორ მიჰყავთ ჯოხზე პირმოკიდებული!

— ა! შე გამცემო, შენა! — გაიცინა ჩერნილინმა, სტაცა ხელი ვოლოდკას, მხრებზე შეისვა და ბიჭის გულის გასახარად, ოთახში გაარბენინ-გამოარბენინა.

— გამარჯობათ! — თქვა სტასიამ და თვალი მოავლო ოთახს.

ყველამ მაშინვე შენიშნა, რომ სტასიას საშინაო რუხი ფერის კაბა ეცვა და ნამტირალევი თვალები დასივებოდა.

ფედია მივიდა მასთან და შეშფოთებით ჰკითხა:

— რა მოგივიდა, სტასია?

— არაფერი, — მიუგო სტასიამ და ცოტა ხნის მერე დაუმატა: — სახლიდან წამოვედი.

— ჩვენ, ანასტასია პავლოვნა, როგორც ხედავ, ყველანი წამოვედით სახლიდან! — გაეცინა ჩერნილინს.

— მე სამუდამოდ წამოვედი, — თქვა სტასიამ, თვალებზე ხელე-ბი აიფარა და ატირდა.

ოთახში სიჩუმე ჩამოვარდა.

— სამუდამოდ... წამოხვედი, — ნელა გაიმეორა ფედიამ, თან ეკვით შესტკეპროდა სტასიას.

— გადარეულხარ! — შეჰყვირა ვერამ.

ჩერნილინმა მხრებიდან ჩამოსვა ვოლოდკა.

— შენ რაო, ანასტასია პავლოვნა, ხუმრობ თუ რა? — თანაგრძნობით უთხრა მან.

— რალაც ვერ არის თანამედროვე საქციელი, — ჩაილაპარაკა საფრონოვმა.

სტასიამ სახიდან ხელები ჩამოიღო და არამეგობრული თვალი შეავლო გენადის.

— ვჩუმდები, გავჩუმდი უკვე, ნუ ნერვიულობ! — შეაგება საფრონოვმა.

ელენა ყველასგან განცალკევებით ჩუმად იდგა და სტასიას შესცქეროდა.

ვერა მხრებზე მოეხვია სტასიას და თავის ოთახში გაიყვანა.

— დამშვიდდი და მერე გამოდი ჩვენთან, — ეუბნებოდა იგი ამხანაგს. — ყველაფერს ერთად განვსჯით. მალე მამაც მოვა.

— ოჰ, ოღონდ ტროფიმ კალინოვიჩს ნუ ეტყვი! — შეეშინდა სტასიას და შეწყვიტა ტირილი.

— კეთილი, კეთილი! ოღონდ შენ დამშვიდდი, სტასია...

— შენ სტუმრებთან გადი, ვეროჩკა, მე მარტო ვიქნები, ასე უკეთ ვგრძნობ თავს, — უთხრა სტასიამ.

მეთვრამეტე თავი

— რა უნდა ვქნათ ახლა? — იკითხა საფრონოვმა, ვერა რომ სასადილო ოთახში შევიდა. — მოვეყვით ფილოსოფოსობას, როგორ წამოვიდა ნოჩკა მშობლების სახლიდან? რას იზამ, საინტერესო ამბავია.

გენადი სკამთან მივიდა და დაჯდა.

— გენა, — მიმართა ელენამ, — ამის თაობაზე, იქნებ, ყველანი ვფიქრობთ, მაგრამ რატომ არის, რომ შენ როცა ლაპარაკობ, საწყენად თქმული გამოდის?

— გენადი პეტროვიჩი არავის თანაუგრძნობს ხოლმე, აი, რაშია უბედურება! — გამოეხმაურა ჩერნილინი. იგი ფანჯარასთან მიდგმულ სკამზე იჯდა და სადენს ასწორებდა. — პოეტი კია! პოეტი კანფეტით ტკბილი ადამიანი უნდა იყოს, — გაიცინა მან. — მართლა, ვერა ტროფიმოვნა, სად არის დაპირებული კანფეტები?

— ჯერ არ დაგიმსახურებია. — ვერას მაგივრად მიუგო ფელიამ.

ვერა ხმას არ იღებდა. თითქოს არც გაუგონია ჩერნილინის სიტყვები. იგი ისე ააღელვა სტასიას საქციელმა, რომ რაიმეზე საფიქრელად აზრებისათვის თავი ვერ მოეყარა. სახლიდან გაქცევა, დედმამისაგან გაქცევა... ვერა ცდილობდა სტასიას ადგილას წარმოედგინა თავი და ვერ ახერხებდა.

— სტასიასთან დაკავშირებით ვუბრუნდები იმ თემას, რომელზედაც ელენას აქვს პრეტენზია, „ოლეგი და დედამისი“. — თქვეა მოულოდნელად ფედიამ. — ხომ ხედავთ, რა საჭირო თემაა. აბა, დაფიქრდით, სტასია სახლიდან გამოიქცა! განა ოლეგი მიატოვებდა დედას? მასზე ძვირფასი არავინ ჰყავდა. სტასია კი გამოიქცა. რაღა მოხდა ეს?

როგორც, საფრონოვმა იწინასწარმეტყველა. გოგო-ბიჭებზე გატაცებით მოჰყვენენ ფილოსოფოსობას მომხდარი ამბის თაობაზე. ამ ჩვევამ — ყველაფრის განსჯა-განხილვის სურვილმა — მტკიცე და შეუკავშირა ვერა, ელენა, ფედია, გენადი და ბორია. მათ რიცხვში არ შედიოდა მხოლოდ სტასია, მაგრამ ბოლო დროს ისიც ინტერესით უგდებდა ხალხმე ყურს ამსანაგების კამათს.

— რატომ მოხდა ეს ამბავი? — ცხარედ გაიმეორა ფედიამ.

— იცი, რა ფედია, შეიძლება სტასია არ იყო მართალი. მაგრამ მე მესმის მისი. ასეთ მშობლებს ალბათ მეც გავექცეოდი. — თქვეა ელენამ. — სტასიამ მიამბო, რომ ირმა სერგეევნა ურჩევს თურმე. უმადლეს განათლებასე ფიქრით თავი არ შეიწყუნო. ისა სჯობს. კარგ საქმროზე იზრუნო.

— მერე მამამისი რას ამბობს? — იკითხა ჩერნილინმა.

— მამამისისთვის სულ ერთია, მხოლოდ ის აღარდებს. რომ სტასიამ კარგად ჰამოს, თბილად ჩაიცვას და ჯანმრთელი იყოს! — განაგრძობდა ელენა.

— წინათ სტასია არ დაფიქრებულა ასეთ საკითხებზე, — თქვეა ფედიამ. — ახლა კი ბევრი რამ გაიგო. ცუდად იმიტომ სწავლობდა, რომ პატარაობიდანვე ჩასჩიჩინებდნენ, მეცადინეობით ნუ დაიღლები, თორემ თავი ატკივდებაო, უფრო მეტი უნდა იძინო, თორემ გახდებიო. სტასია ცუდი საამხანაგო იყო იმიტომაც, რომ მშობლებმა ჩააგონეს, შენა ხარ რაცა ხარო... ძალიან კარგად მოხდა, რომ ბოლოს და ბოლოს მშობლებთან საერთო ენა ვერ იპოვა.

— რატომ მოხდა კარგად?

ფედიამ სავესებით სერიოზულად მიუგო:

— იმიტომ, რომ სტასია მათ ბანაკში გადავიდოდა.

— მე პიონერთა ბანაკი ვიცი, — წამოიძახა ვოლოდკამ, ყველას გაეცინა.

ელენა ფედიასთან მივიდა და მხარზე ღიმილით შეასო ხელი.

— ფედია, თქმა „ოლეგი და დედამისი“ შენ გქონდეს, შენ უკეთ დაწერ.

ამ დროს ოქსანა ტარასოვნა შემოვიდა და თქვა, სუფრის გაშლას ვაპირებო.

— მერე, მამას არ დავუცადოთ? — ჰკითხა ვერამ.

— ეტყობა, დააგვიანდება, — მიუგო ოქსანა ტარასოვნამ.

— არა, როგორ შეიძლება. უნდა დავუცადოთ. — უთხრა ვერამ.

— მოვიდა! — შესძახა ფანჯარასთან მდგარმა ფედია.

... ამასობაში სტასია ისევ ისე იჯდა, როგორც ვერამ დატოვა, მაგიდის კიდეზე იდაყვებდაყრდნობილი. მან დაწვრილებით წარმოიდგინა თავის ბოლო ჩხუბი დედასთან და ხელახლა განიცადა ყველაფერი.

სტასია სვერჩკოვებთან წამოსასვლელად ემზადებოდა. სარკის წინ ტრიალებდა და ახალი თმის ვარცხნილობას იგონებდა. ირმა სერგეევნა ახალთახალ ვარდისფერ კაბას უთუთოებდა.

— შითხარი, ვინ იქნება დღეს ვერასთან? — დაინტერესდა დედა.

— ისევ ისინი: ფედია, საფრონოვი. ელენა, ჩერნილინი.

— მაშ დავწყვილებულხართ... შენი წყვილი, რა თქმა უნდა, ნაკვიკოვი იქნება, არა?

— რატომ დავწყვილებულვართ? — გაოცებით ჰკითხა სტასიამ. — ჰო, მართლაც ასე გამოდის — სამი გოგო და სამი ბიჭი ვიქნებით. მაგრამ ეს შემთხვევით მოხდა, დედა!

— შემთხვევით! — თქვა ზიზლით დედამ. — მერე რა ნახე საინტერესო ამ ძუძუმწოვრების საზოგადოებაში?

სტასია ისე გაოცდა, უნებლიეთ დაჭდა კიდეც.

— მაშ, რა საზოგადოება მჭირდება მე? — ჰკითხა, ცოცხალი სიჩუმის შერე.

დედამ კაბა სკამზე მიაგდო და მრისხანედ უთხრა:

— იმ ცინგლიან ფედიასათვის შეგძლია არც ჩაიცვა ეს კაბა!.. დღეს ოფიცერთა სახლში ბალ-მასკარადია. იქ წასულიყავი, სოლიდური ხალხი მაინც დადის...

სტასია წამოდგა, აიღო კაბა და წასვლა დააპირა, მაგრამ კარში შეჩერდა და ცრემლნარევი ხმით დაიყვირა:

— ფედია ასჯერ სჯობს სხვებს! დიახ! შენ თექვსმეტი წელია არ გიმუშავნია და არ გესმის, რითი ცხოვრობს ახლა ხალხი!

თითქოს განსაკუთრებული არაფერი მომხდარა. ასეთი კინკლაობა დედა-შვილს ხშირად ჰქონდათ, მაგრამ ამ დღეს სტასიამ საბოლოოდ უცხოდ იგრძნო თავი ოჯახში. მას არ ეძინოდა დედის, დედასაც არა გაეგებოდა რა მისი. სტასიას არ შეეძლო დედისათვის ეპატიებინა, ასე აგდებით რომ იხსენიებდა ფედიას. „სხვა დედას ვაუხარდებოდა ასეთი მეგობრობა, — ფიქრობდა სტასია. — ფედია ამ შემთხვევარა სკოლა, მასწავლა ამხანაგების დაფასება, დამეხმარა საკუთარ თავში გავრკვეულიყავ“.

მაგრამ ირმა სერგეევას გული უგრძნობდა, რომ ვინმე სხვა კი არა, ფედია აშორებდა თანდათან მას სტასიას, ამიტომაც განსაკუთრებულ მტრობას მის მიმართ გრძნობდა.

ყველაფერს, რაც კი ოჯახში ხდებოდა, სტასია ახლა სულ სხვა თვალთ უყურებდა. იგი მამას ედავებოდა, უარყოფდა მის შეხედულებას, რომ საჭიროა ადამიანმა ფულიანი საქმე აირჩიოსო.

— ის საქმე უნდა აირჩიო, რაზედაც გული მიგიდის! — ყვიროდა გოგო. — არ შეიძლება ფულისთვის გაყიდო თავი.

სტასია ჯავრობდა დედაზე. როცა იგი რალას აღარ იგონებდა, რომ შვილი საზოგადოებრივი საქმისაგან დაეცვა.

— მეშინებოდა ხართ! სული მეხუთება თქვენთან! — უთხრა ერთხელ სტასიამ დედ-მამას. ეს ფედიას სიტყვები იყო, მისი ოჯახის მისამართით თქმული.

...სუფრასთან დაჯდომას სტასია იმ პირობით დათანხმდა, რომ ვერა თავის მშობლებს არაფერს ეტყოდა. მაგრამ ტროფიმ კალინოვიჩსა და ოქსანა ტარასოვნას ასე იოლად ვერ გააცურებდი, მაშინვე შენიშნეს, რომ სტასია რაღაცით გულდამძიმებული იყო და ამხანაგებს შორის ჩვეულებრივ არ მხიარულობდა.

როგორც კი სუფრაზე მეორე თავი საქმელი მოიტანეს, კირილოვნა ოქსანა ტარასოვნასთან მივიდა და უთხრა, თქვენ ან ტროფიმ კალინოვიჩს ვილაც ქალი გკითხულობთო. სტასია გაფითრდა, უნებლიეთ წინ გადაიწია და იკითხა:

— როგორი ქალია, კირილოვნა?

— თეთრფერვანი, სანდომიანი ქალია, — მიუგო დედაბერმა.

სტასიამ შვებით მოითქვა სული.

— სთხოვე, აქ შემოვიდეს, კირილოვნა, — უთხრა გენერალმა და წამოდგა.

— ეთხოვე, მაგრამ არ მოდის.

ტროფიმ კალინოვიჩი გავიდა. პარმალზე ფადეევა იდგა, თეთრი პალტო ეცვა და ფართოფარფლიანი ჩალის შლიაპა ეხურა.

— აგრიპინა ფიოდოროვნა, — წამოიძახა გენერალმა და ხელი გაუწოდა. — გთხოვთ მობრძანდეთ, — გენერალმა ფართოდ გაუღო კარი.

— თქვენთან ჩემი მოწაფეები არიან, — ფადეევამ გენერალს ხელი ჩამოართვა. — ჯერ არ მინდოდა მათთან შეხვედრა.

გენერალმა ფადეევა კაბინეტში შეიყვანა და სასადილო ოთახშიც შეიხედა.

— ცოტა ხანს არ მცალია, — თქვა მან. — უჩემოდ ისაუბლეთ. — და კაბინეტისაკენ გაეშურა.

იქ, სავარძელში მყუდროდ მოკალათებულიყო, ყოველთვის მშვიდი, ჯან-ღონით სავსე და ლამაზად ჩაცმული აგრიპინა ფიოდოროვნა. გენერალმა უნებლიეთ იფიქრა, ამ ქალს გარეგნობაც კი პედაგოგის შესაფერისი აქვსო. რაღაც საოცარი ნათელი სიმშვიდე გამოსჰქვიოდა მისგან. ჯანსალი, სადა, სხივმფინარი გარეგნობისა იყო.

— იძულებული გავხდი, ძალზე მნიშვნელოვანი საქმისთვის მომეცდინეთ, — დაიწყო აგრიპინა ფიოდოროვნამ. — ჩემთან ახლა ირმა სერგეევნა ნოჩკა იყო. მისი სტასია სახლიდან წამოვიდა სამუდამოდ და მაგიდაზე, აი, ეს წერილი დატოვა.

აგრიპინა ფიოდოროვნამ ჩანთიდან სტასიას წერილი ამოიღო.

— „მივდივარ და აღარასოდეს დავბრუნდები, რადგან თქვენთან სული მესუთება“. — წაიკითხა ხმამაღლა გენერალმა და ხელები გაასავსავა: — ჰო-ჰო...

— როგორც ხედავთ, მძიმე მდგომარეობაა, — თქვა აგრიპინა ფიოდოროვნამ. — აუცილებელია საჩქაროდ მოიძებნოს გამოსავალი. მე ირმა სერგეევნას დავპირდი, ხვალისათვის მაინც დაგიბრუნებ-მეთქი შვილს, ჰოდა, აი თქვენთან დანმარებისათვის მოვედი... საჭიროა ბავშვებმაც დამიჭირონ მხარი. მათ დიდი გავლენა აქვთ სტასიაზე. სიძნელე იმაში მდგომარეობს, რომ...

კაბინეტამდე ხარხარმა მოაღწია. აგრიზინა ფიოდოროვნამ შიშით შეჭედა კარს, ხმას დაუწია და განაგრძო:

— სიძნელე იმაშია, რომ ამხანაგები ალბათ ამარალებენ სტასის საქციელს. იმათ უნდა დაუმტკიცო, რომ სტასია არასწორად მოიქცა. სტასიას თუნდაც ჩემთვის რომ მოემართა, როგორმე მოვახერხებდი მისი მშობლების დარწმუნებას. ვეტყვოდი, რაში არიან მტყუანნი...

აგრიზინა ფიოდოროვნა გაჩუმდა, მაგრამ უსიტყვოდაც შეიძლებოდა იმის გაგება, თუ რაზე ფიქრობდა: იგი თავს ადანაშაულებდა. რომ დროზე ვერ მიაქცია ყურადღება სტასიას ოჯახს.

— აი რას ვფიქრობ, აგრიზინა ფიოდოროვნა. — უოსრა ტროფიმ კალინოვიჩმა. — თქვენ ახლა პალტო გაიხადეთ და გამოვიდეთ ყმაწვილებთან. იქ ერთად ვიპოვით გამოსავალს.

— მეც ასე ვფიქრობ, — თქვა ფადეევამ და წამოდგა. მან გაიხიდა პალტო და გენერლის თანხლებით გავიდა სასადილო ოთახში. მცვობრული, მზიარული შეძახილებით შესვდნენ ყმაწვილები მასწავლებელს, წამოხტნენ და გარს შემოესვივნენ.

როცა სწავლის აღფრთოვანება მიუყრდა და სუფრაზე წესრიგი დამყარდა, ელენა ვერასკენ დაიხარა და უჩურობდა:

— მე მგონია, აგრიზინა ფიოდოროვნა ტყუილად არ მოვიღოდა აქ.

— შენ გგონია, სტასიას გამო მოვიდა, არა? — კითხვით მიუვო ვერამ.

ელენამ თავი დაუქნია.

ასეთივე აზრმა გაურბინა სტასიასაც, შემუფოთებით შესცქეროდა ფადეევას. მაგრამ იგი, ვითომც არაფერი, ოქსანა ტარასოვნას ემასლაფთებოდა და შიგადაშიგ მშვიდად ათვალეირებდა მოწაფეებს.

მაღე სტასია მთლად დამშვიდდა. ახლა აღარც შინიდან წამოსვლა აშფოთებდა და არც ფადეევას მოულოდნელი გამოჩენა. გამხიარულდა კიდევ და კისკისებდა ჩერნილინის ხუმრობაზე.

ნასაფილევს ყველანი კაბინეტში შევიდნენ. ვერა როიალს მიუჯდა და ფოქსტროტი დაუკრა. სტასიამ ჩერნილინს დაუწყო ცეკვის სწავლება. გენერალმა ელენა გაიწვია საცეკვაოდ, ფედია კი აგრიზინა ფიოდოროვნას მიეახლა.

— იქნებ გენა გამოგყვეთ საცეკვაოდ, — თქვა ფადეევამ და წამოდგა. — თორემ მეწყვილე არა ჰყავს.

— მე არ ვცეკვავ, — ტუჩები დაებრიცა საფრონოვს.

— რატომ მერე, — უთხრა აგრიპინა ფიოდოროვნამ, — ცეკვა მშვენიერი დასვენებაა.

მასწავლებელმა და ფედიამ გატაცებით დაიწყეს ცეკვა. ცეკვოს დროს აგრიპინა ფიოდოროვნამ ჩუმად უთხრა:

— როგორ გგონიათ, ფედია, სტასია ხომ უეჭველად უნდა დაბრუნდეს შინ?

— მეც ერთთავად მაგაზე ვფიქრობ, მაგრამ არ ვიცი, რა ეშველება სტასიას. განა შეიძლება მისი მშობლების ხელახლა აღზრდა? აჰას სტასიას, მე ან საფრონოვს თუ მოგვიხებრებო...

— ხელახლა აღზრდა ყველასი შეიძლება, — მიუგო აგრიპინა ფიოდოროვნამ.

ელენა და გენერალი ცეკვას მორჩინენ და ფედიასა და ფადეევასთან შეჩერდნენ, ოთახის კუთხეში.

— ვხვდები, რაზედაც ლაპარაკობთ, — უთხრა ფედევასა და ნოვიკოვს გენერალმა. — გპირდებით, რომ სტასიას მშობლებზე გავლენას მოვახდენ. რა თქმა უნდა, ლენტოჩკაც მხარს დაგვიჭერს.

ელენა გაწითლდა, მაგრამ არაფერი უთქვამს. ტროფიმ კალინოვიჩისთვის არ უნდოდა ეწყენინებინა, თორემ თვითონ დარწმუნებული იყო სტასიას სიმართლეში და ცეკვის წინ კიდევ შესთავაზა ჩემთან იცხოვრო.

ცეკვის შემდეგ ოქსანა ტარასოვნამ სტუმრები ჩაიზე მიიწვია. ფადეევამ და გენერალმა ელენა კაბინეტში შეაჩერეს.

— მე მგონია, სტასია მართალია, — თავისას არ იშლიდა ელენა, როცა საუბარი სტასიაზე ჩამოეარდა. — აბა ერთი იფიქრეთ, კომკავშირში შესვლის უფლებას არ აძლევენ, არ გადაიღალღალსო...

— ჰო, მაგრამ, ლენა, ჯერ არავის უცდია მათი სერიოზულად დარწმუნება, რომ არ არიან მართალნი. გარდა ამისა, ერთი იფიქრე. როგორ უნდა იცხოვროს სტასიამ? — უთხრა ფედიამ

აგრიპინა ფიოდოროვნამ სიხარულით დაუქნია თავი. ძალზე საკულისხნო იყო მისთვის ფედიას მიმხრობა:

ფედიას სიტყვებმა ელენას ეკვიჩაუნერგა.

— რასაკვირველია, ოჯახში იცხოვრება უბევრად უკეთესია. —

თქვა მან. — იქნებ მართლაც ვეცადოთ და ნოჩქები გავარკვიოთ, რაში ტყუიან? ოლონდ ისინი ჩვენ არ დაგვიგდებენ ყურს. არც თქვენ, აგრიპინა ფიოდოროვნა... — ელენამ აღარ დაამთავრა სათქმელი. მოაგონდა, რა აგდებით იხსენიებდა მასწავლებლებს სტასიას დედა.

— ეს მხედველობაში მაქვს, ლენა... ნოჩქებს ისეთ კაცს მივუგზავნით, რომელიც, მათი შეხედულებით, პატივისცემის ღირსია, — აგრიპინა ფიოდოროვნამ სიცილით შეხედა გენერალს. — ტროფიმ კალინოვიჩს ვთხოვთ.

— ასე, რა თქმა უნდა, გამოვა საქმე. მაგრამ სტასიას დაბრუნების ხათრით ისინი თავს მოიკატუნებენ, მერე კი ისევ ისე მოიქცევიან, — გამოთქვა შიში ფედიამ.

— ჩვენ მხედველობის არედან არ დავკარგავთ მათ, — მიუგო აგრიპინა ფიოდოროვნამ. — ტროფიმ კალინოვიჩი პირველ რიგში ეცდება ნოჩქებს დაუმტკიცოს, რომ საბჭოთა პედაგოგი პატივისცემის ღირსია, მაშინ მეც აღარ გამიჭირდება მათთან ლაპარაკი. ასეთი დამხმარეებით კი — ფადეევამ თვალი მოავლო გენერალს, ელენას, ფედიას, — მთას გადააბრუნებს კაცი.

გენერალმა მორჩილად გაშალა ხელები:

— მე მზად ვარ. ეტყობა, მალე მომიწევს ჩემი სპეციალობის შეცვლა-ბედაგოგის სპეციალობაზე, — ჩაიციხა მან.

— თქვენ უკვე ხართ პედაგოგი, — თქვა აგრიპინა ფიოდოროვნამ და შენიშნა, რომ გენერალს ეამა ეს.

— ახლა ვერას უნდა გავუწიოთ აგიტაცია, — თქვა ფედიამ. — ეს საქმე ელენას დაევალოს, ჩერნილინს კი მე მოველაპარაკები.

— მშვენიერია! — შესძახა გენერალმა. — წადით, ლენოჩკა, წადით, თორემ შეამჩნევენ ჩვენს არყოფნას. — გენერალმა მსუბუქად უბიძგა კარისაკენ ელენასა და ფედიას.

* * *

ფედია შინ აღელვებული დაბრუნდა. უკვე გვიანი იყო, მაგრამ ვასილინა მიხაილოვნა ელოდებოდა შვილს და არ დაწოლილიყო. ფედიამ ფეხაკრეფით გაიარა ოთახი, რომ დები არ გაეღვიძებინა,

მაგიდაზე ფრთხილად დადო ჟურნალი, ხელით მოიხმო დედა და სამხარეულოსაქენ გაემართა.

— იცი, დედა, სტასია წამოვიდა მშობლების სახლიდან.

— რას ამბობ, ფედიუშკა, რას ხუმრობ! — უნდობლად შეეპასუხა ვასილინა მიხაილოვნა, ტაბურეტზე დაჯდა და ჩვეულებისამებრ ხელისგულები მუხლებზე დაიწყო.

— ნეტა ხუმრობა იყოს, დედა! — ფედიამ დედას ყველაფერი უამბო.

ვასილინა მიხაილოვნა აღელდა. ლოყები წამოუწითლდა, თითებით მოუსვენრად ისწორებდა მუხლებზე კაბას.

— იცი, ფედიუშკა, მე ვხვდებოდი ამას, — ეუბნებოდა იგი შვილს — ერთხელ სტასიას ვუთხარი, შინ წასვლის დროა-მეთქი, დედაშენს შეეშინდება-მეთქი და ასე მიპასუხა: მეო, ვასილინა მიხაილოვნა, ყველგან უკეთ ვგრძნობ თავს, ვიდრე ჩემს სახლშიო. არასოდეს მომინდება ხოლმე შინ წასვლაო. ჰოდა, მაშინ იყო, რომ ვიფიქრე, ნეტა დიდი განხეთქილება კი არ მოუვიდეს მშობლებთან-მეთქი: გეგონება, გულმა მიგრძნოო...

ფედია და ვასილინა მიხაილოვნა შუალამემდე სამხარეულოში ისხდნენ და სტასიასა და მის მშობლებზე ლაპარაკობდნენ. მერე კი, დასაძინებლად, რომ დაწვნენ, ვერ დაიძინეს.

ვასილინა მიხაილოვნას უნებლიეთ სიამაყის გრძნობა დაეუფლა თავისი მეგობრული ოჯახის გამო. უნდოდა სტასიას დედას შეხვედროდა და ერჩია მისთვის, როგორმე სხვანაირად მოქცეოდა ქალიშვილს. უნდოდა სტასიას მოლაპარაკებოდა, დაერწმუნებინა, რომ მშობლებს უნდა დაუბრუნდეს.

თითქმის მთელი ღამე ოხრავდა ვასილინა მიხაილოვნა, გვერდიდან გვერდზე ტრიალებდა. შიშობდა, აგრიპინა ფიოდოროვნა ბავშვებს გადააბარებს სტასიას დარწმუნებას, შინ უნდა დაბრუნდეს, თავად კი დიდ მონაწილეობას არ მიიღებს ამ საქმეშიო. ფედია ამბობს, ელენა სტასიას მხარეს არისო და ვაითუ იმან ურჩიოს, მშობლებთან არ დაბრუნდეს.

დილით მოულოდნელი გადაწყვეტილება მიიღო. ფედიასთვის არაფერი უთქვამს, სამუშაოდან დაეთხოვა და სტასიას სკოლაში წავიდა. „ფედია ამდენს ლაპარაკობს ხოლმე აგრიპინა ფიოდოროვ-

ნახე... არა, მან უნდა შეარიგოს სტასია მშობლებთან“, — ფიქრობდა ვასილინა მიხაილოვნა.

სკოლაში მან ფადეევას მისამართი გაიგო და შინ წავიდა მასთან.

აგრიპინა ფიოდოროვნამ თავად გაუღო კარი.

— მე ფედია ნოვიკოვის დედა ვარ, — გაუბედავად უთხრა ვასილინა მიხაილოვნამ.

აგრიპინა ფიოდოროვნამ ძველი ნაცნობივით გაუღიმა და ოთახში შეიპატოჟა. პატარა, სუფთა ოთახი ჰქონდა, სადად მოწყობილი. ნოვიკოვამ შენიშნა წიგნებით სავსე ორი კარადა. წიგნები საწერ მაგიდაზე და საწოლის მალლა დაკიდებულ თაროზეც ეწყო.

ქალები მაგიდას მიუსხდნენ და ყურადღებით, დაუფარავი ცნობისმოყვარეობით ათვალეირებდნენ ერთმანეთს.

— საჭირო საქმისთვის მოვედი თქვენთან, აგრიპინა ფიოდოროვნა, — დაიწყო ვასილინა მიხაილოვნა. — ფედიუშკამ მითხრა გუშინ, სტასია ნოჩკა სახლიდან წამოვიდაო... ჩემზე ნუ გაბრაზდებით, თქვენ მასწავლებელი ხართ, მე კი ერთი უბრალო, უსწავლელი ქალი... მაგრამ თქვენ ასობით ბავშვი გაბარიათ, ყველას ვერ მადევნებთ თვალს, ამიტომაც გადავწყვიტე, რომ გირჩიოთ... სტასია შეარიგოთ-მეთქი მშობლებთან. მარტო ბავშვები ვერაფერს გააწყობენ... მინდოდა თავად მივსულიყავი მათთან, მაგრამ მეშინია, საქმე არ გავაფუჭო. ისინი, როგორც ფედია ამბობს, თურმე უბრალო ხალხი როდია.

აგრიპინა ფიოდოროვნას სახე გაუბრწყინდა. რამდენიმე წამს სკამს არ იღებდა, ფიქრობდა, ღირს თუ არა ვუთხრა ნოვიკოვას, რომ თავად უკვე მივიღე საჭირო ზომები სტასიას თაობაზეო.

— მადლობელი ვარ, ამხანაგო ნოვიკოვა, რჩევისათვის, — უთხრა მან, — ვეცდები სტასია ოჯახში დავაბრუნო და ნოჩკების ცხოვრებაც შევცვალო.

— აი კარგი საქმე! — გაუხარდა ვასილინა მიხაილოვნას და საჩქაროდ წამოდგა, ეშინოდა, ჩემი აქ ყოფნით მასწავლებელს ვაცდენო.

— არა, იჩქვით, იჩქვით! — შეაჩერა აგრიპინა ფიოდოროვნამ და ნოვიკოვა ისევ თავის ადგილას დასვა. — მე და თქვენ კიდევ ბევრი

გვაქვს სალაპარაკო. თქვენ უნდა მოგებართოთ სასწავლებლად: ხე-
დავთ, რა ბიჭი გაზარდეთ!

— რას ამბობთ, ჩემგან რა გესწავლებათ! — მორცხვად უთხრა
ვასილინა მიხაილოვნამ. მაგრამ მასწავლებლის სიტყვებმა სიხარუ-
ლით აუესო გული, თვალები გაუბრწყინდა და თავდაქერილმა ლი-
მილმა უფრო ზეშთაგონებული გაუხადა სახე.

ძველი მეგობრებივით გულთბილად და უბრალოდ დაშორდნენ
ერთმანეთს.

მეცხრამეტე თავი

სტასიას სვერჩკოვებთან ეძინა. სტუმრები რომ წავიდნენ, მან
ცრემლმორეულმა უამბო ოქსანა ტარასოვნას მომხდარი ამბავი.
ოქსანა ტარასოვნამ სცადა დაეყოლიებინა მშობლებთან დაბრუნე-
ბაზე, მაგრამ სტასიამ გადაჭრით უარი თქვა. იმ წუთიდან, ჩემოდნით
შინიდან რომ გამოვიდა, ერთთავად სევდიანი და დანაღვლიანებული
იყო. ასეთი გრძნობა ჰქონდა მუდამ, როცა კარგად არ იქცეოდა
ხოლმე.

ღილით ვერასთან ერთად წავიდა სკოლაში. საკმარისი იყო, ამ
მშობლიური ქვის შენობის ზღურბლზე გადაებიჯებინა, გულს მო-
ეშვებოდა ხოლმე. ამხანაგებს ესალმებოდა, ყველანი მხიარულად
ყიჟინებდნენ, ერთმანეთს არ აცლიდნენ ლაპარაკს, ყვებოდნენ, რო-
გორ გაატარეს ზაფხული, სად იყვნენ, რა ნახეს... გოგონები უწი-
ნარეს ყოვლისა სუფთა, ნათელი ოთახისაკენ გაიქცნენ, რომლის
კარზედაც ახლა ბრწყინავდა წარწერა: „9“ „ბ“ კლასი“. სტასიას
აღარ უნდოდა, წინანდებურად უკან მკდარიყო. მან ჩანთა მეორე
მერხზე მიაგდო, მერხზე მუშტები ააბრაახუნა და დაიყვირა:

— გოგოებო, ვინ დაჯდება ჩემთან?

მას თავზე გადაუარა და მერხზე დავარდა ახალთახალი წითელი
ჩანთა, ხოლო გვერდით სახეაწითლებული მხიარული ვერა მიუჯდა.

— მე ვიქნები შენს გვერდით!

მერე მეცხრეკლასელები ჯგროდ გაცვივდნენ სკოლის დასათვა-
ლიერებლად. შარშან დერეფნებში არც ჰრელი ხალიჩა ეფინა, არც

კონტად ჩამწკრივებული, თეთრსაფარგადაფარებული ყვავილებჩარჩებულ თაროდები ეწყო.

გოგობმა დარბაზში შეიხედეს. აქ სიგრილე და სიცარელე სუფევდა. სცენაზე ახალი როიალი იდგა. გოგობი შეეცვიდნენ დარბაზში და ცეკვას მოჰყვნენ. ვერა როიალზე უკრავდა, ხოლო ელენა კართან იდგა და არ უშვებდა ცნობისმოყვარე უმცროსკლასელებს, როიალის ხმაზე რომ მოირბინეს.

მალე ზარი აწკრიალდა. ყველანი მხიარული ყრამულით შეეცვიდნენ კლასში და მერხებს მიუსხდნენ. ელენამ სულ ბოლოს შემოირბინა, მეორე რიგში მერხს მივარდა და გამოაცხადა:

— ევგენი ტიმოფეევიჩი მოდის!

მას მაშინვე შემოჰყვა მტკიცე ნაბიჯებით მომავალი ქიმიის მასწავლებელი ევგენი ტიმოფეევიჩი.

რამდენიმე თვე იყო, მოწაფეები არ შეხვედროდნენ მას და ახლაც, ისევე როგორც ყოველთვის, ვინც პირველად ხედავდა ამ მოხუც მასწავლებელს, გაოცებულები იყვნენ, რა ენერგიული და მხნე კაცი იყო. ევგენი ტიმოფეევიჩი შეყვარებული იყო ქიმიასზე და თავის სიყვარულს მოწაფეებსაც გადასცემდა ხოლმე. სკოლის დამთავრების შემდეგ თითქმის ნახევარი მე-9 „ბ“ კლასის გოგონებისა ქიმიის ფაკულტეტზე შესვლას აპირებდა.

— დასხელით, — თქვა ევგენი ტიმოფეევიჩმა და თავისი ნათელი ცისფერი თვალებით მკაცრი მზერა მოავლო მოწაფეებს. — მაშ, დავისვენეთ, ხომ, მოვიკეთეთ, დავჰკვიანდით! კეთილი! კეთილი! ახლა ისევ საქმეს მოვკიდოთ ხელი.

— ისევ საქმეს მოვკიდებთ ხელს! — ჩაიჩურჩულა სტასიამ და თავის ცხოვრებაში მეორეჯერ იგრძნო, რომ სწავლა სწყუროდა, ნამდვილად, გულით სწყუროდა, ნიშნის ხათრით კი არა, ცოდნის შესაძენად.

ვერამ ჩანთიდან ახალი ქიმიის რვეული ამოიღო, გადაშალა, მოხერხებულად მოეწყო თავის საყვარელ პოზაში — მერხის ზურგს გადააწვა და ახალი, საინტერესო, მნიშვნელოვანი ცნობების მოსამენად მოემზადა... ვერამ იცოდა გულისყურის მიპყრობა იმ საქმისადმი, რასაც აკეთებდა. როცა მასწავლებელს უსმენდა, სხვაზე აღარაფერზე ფიქრობდა. სიცილით ეუბნებოდა ხოლმე ამხანაგებს: „მერხს რომ მივუჯდები და მოსასმენად მოვემზადები, თავი გამო-

მიცარიელდება ხოლმე, ახალი ცოდნის შესაძენად ვათავისუფლებ ადგილს, რომ უფრო ვრცლად და კარგად მოთავსდესო“. და ის ახალი ცოდნა მის თავში მწყობრად ლაგდებოდა: ჯერ ყველაზე მთავარი რაც იყო, ის, მერე კი მეორეხარისხოვანი. არაფერი ავიწყდებოდა, არც ეპარებოდა.

სტასიას კი, პირიქით, არ შეეძლო რაიმე ერთი საგნისადმი მიეპყრო გულისყური. უსმენდა და ამ დროს ხატავდა, ხატვის დროს ნახატზე ფიქრობდა ან თავში ნაირ-ნაირი აზრები უფუთფუთებდა ხოლმე... თავის საფიქრალს ფიქრობდა და თან მასწავლებლის ახსნას უგდებდა ყურს.

— აბა, მზადა ვართ თუ არა? — იკითხა ევგენი ტიმოფეევიჩმა.

— მზადა ვართ, — ერთხმად მიუგო კლასმა.

— ვიწყებთ, — მხიარულად თქვა ევგენი ტიმოფეევიჩმა.

ამ დროს კარი გაიღო და კლასში სასწავლო ნაწილის გამგე მარინა ნიკოლაევნა შემოვიდა. ისეთი ნაბიჯებით დადიოდა, ისე ნელა მოძრაობდა და თმაც ისე გაქაღარავებოდა, ეტყობოდა, კარგა ხნისა იყო. წყნარად მიესალმა მოწაფეებს და თქვა:

— უკაცრავად, ევგენი ტიმოფეევიჩ, წუთით შემოვედი. ნოჩკა, — მიუბრუნდა სტასიას, — სამასწავლებლოში წამოდით.

— კარგით! წამოვიდეს! — უკმაყოფილოდ თქვა ევგენი ტიმოფეევიჩმა და ისეთი სახე გაუხდა, თითქოს უეცრად კბილი ასტკივდაო. ვერ იტანდა, გაკვეთილს რომ შეაწყვეტინებდნენ.

სტასია მარინა ნიკოლაევნას გაჰყვა. ელენამ ვერას გადახედა.

სტასიამ იცოდა, რომ ქვემოთ დედამისი ელოდებოდა. ჩადიოდა კიბეზე, უყურებდა მარინა ნიკოლაევნას და ფიქრობდა, ალბათ, შემახურებს, შინიდან რად წამოხვედით. მაგრამ მარინა ნიკოლაევნა დუმდა.

სამასწავლებლოში მართლაც ისხდნენ ირმა სერგეევნა და პაველ სემიონოვიჩ ნოჩკები. მათ კარგა ხანს ისაუბრეს აგრიპინა ფიოდოროვნასა და მარინა ნიკოლაევნასთან, დილით კი მათთან გენერალი სვერჩკოვი იყო.

სტასია გაფითრდა, კარში შეჩერდა და თავი ჩაჰკიდა. ირმა სერგეევნა ცრემლმორეული წამოხტა და მოეხვია შვილს. პაველ სემიონოვიჩი აღელვებული სრესდა რუხ შლიაპას. ისეთი განაწამები სახე ჰქონდა, ეტყობოდა, ღამით არ ეძინა. პატარა, საბრალო ჩანდა.

— ჩემო გოგო, მე და მამაშენმა ყველაფერი გაპატიეთ, ყველაფერი დავივიწყეთ, არაფერს აღარ დაგიშლით, ოღონდ შინ დაბრუნდით... — თქვა ვედრებით ირმა სერგეევნამ.

პაველ სემიონოვიჩმა შუბლი შეიჭმუხნა: მის ცოლს სულ სხვა რამ უნდა ეთქვა და სულ სხვას ამბობდა.

— სტასია, — უთხრა მან შვილს, — გენერალმა სვერჩოვმა და შენმა პედაგოგებმა ბევრ რამეში გადაგვარწმუნეს, ბევრი რამ შენ თავად ვერ გაიგე ისე, როგორც სინამდვილეში იყო...

სტასია ხმას არ იღებდა, უფრო და უფრო დაბლა წევდა თავს.

აგრიპინა ფიოდოროვნას, მარინა ნიკოლაევნასა და სტასიასაც კი მშვენივრად ესმოდათ, რომ ორჯერ მოლაპარაკება ნოჩებს ვერ გადააწმუნებდა. იქნებ ცოლ-ქმრის შეხედულებებში ბევრჯერ შეიპარა ბზარი ამ დღეს, მაგრამ მაინც პაველ სემიონოვიჩი ახლა ალალე გულით არ ლაპარაკობდა და ამიტომ ყველას წაუხდა გუნება.

გულთა საუბარი, ირმა სერგეევნას რომ წარმოედგინა, არ გამოუვიდათ. მარინა ნიკოლაევნა გავიდა ოთახიდან.

— მე მგონია, სტასია, შინ ყველაფერზე შეუთანხმდები მშობლებს, — უთხრა აგრიპინა ფიოდოროვნამ.

სტასია ატირდა და ოთახიდან გავარდა.

— მოვა, — თქვა მშვიდად ფადეევამ.

— არ მოვა, — ჩამწყდარი ხმით გამოეხმაურა ირმა სერგეევნა.

— არ, მოვა, ჯიუტია ჩემსავით, — თქვა პაველ სემიონოვიჩმა და ხმაზე კაცი ვერ შეატყობდა, უხაროდა თუ არა ეს ამბავი.

სტასია საპირფარეოში გაიქცა და იქ კარგა ხანს ტიროდა ფანჯარასთან მიმდგარი, მერე ასევე კარგა ხანს იბანდა ონკანზე პირს.

„ავდგები და ხიდიდან მდინარეში გადავეარდები“, — ფიქრობდა იგი. თუმცა იცოდა, რომ მდინარეში არასდროს დაიხრჩობდა თავს, მაინც ნათლად წარმოიდგინა, როგორ დაიხოცავდნენ თავებს მისი დედ-მამა. ჩვენ დავლუბეთ შეილიო. წარმოიდგინა, როგორ შევა კლასში ვერა და იტყვის: „გოგოებო, იცით, სტასია...“ ვეღარ დაამთავრებს, რადგან ტირილი აუვარდება... სტასია ისევ ფშლუკუნებდა და ტიროდა, თავისი თავი, მშობლები, ამხანაგები ეცოდებოდა... ასევე იცოდა, რომ შინ დაბრუნდებოდა. იცოდა და უნდოდა კადეც.

სტასიას მოაგონდა, რა ცუდად გამოიყურებოდა დედამისი, რა დამნაშავე, საბრალო შესახედავი იყო მამამისი. „მე ხომ მიყვარან ისინი“, — ფიქრობდა გოგო. — უნდა მცოდნოდა, რომ სულ ერთია, შინ დავბრუნდები, რადგან მე ელენა სტრელოვა როდი ვარ, ჩემისთანა დედას გოგო მარტო ვერ იცხოვრებს“.

სტასია მოულოდნელად იმ დასკვნამდე მივიდა, რომ ყველაფერში თავად არის დამნაშავე. „მე ხომ არასოდეს მიცდია სერიოზულად დამერწმუნებია მშობლები, რაში ტყუოდნენ ისინი, არ მიცდია, დიდებისთვის მეთხოვა დახმარება“, — აყვედრიდა თავს იგი.

მერე ისევ თავისი თავის დაცვას მოჰყვა. „მე ყველაფერში მართალი ვარ, — ეუბნებოდა თავს. — დედამ მითხრა, აწი აღარაფერს დაგიშლითო. მაშასადამე, ამ ამბავში ჭკვიანურად მოვიქეცი. ანლა ერთ-ორ დღეს კიდევ არ წავალ შინ, ან ელენასთან დავიძინებ, ან ვერასთან, დე, ერთხელ და სამუდამოდ მიხვდნენ ჩემი მშობლები, რა მტყუანები არიან“.

სტასიამ ჯიბიდან პატარა მრგვალი სარკე ამოიღო და შიგ ჩაიხედა. სარკიდან ტირილით თვალებდასიებული ულამაზო, წითლად აფორეჯებული სახე შემოსცქეროდა. სტასიას ისევ შეეცოდა თავი. „აი რა დღეში ჩამაგდეს“, — გაიფიქრა და აფშლუტუნდა, გადაწყვიტა შესვენებამდე იქ დარჩენილიყო.

დიდხანს არ მოუწია ლოდინმა. ქვემო სართულში გაისმა ზარის წკრიალი, იგი მღეროდა სტასიას მიერ ჯერ კიდევ პირველ კლასში შეთხზულ სიმღერას:

დინ-დინ ვითამაშოთ,
დინ-დინ დავისვენოთ...
მერე მერხებს მივუსხდეთ —
სწავლა გავიხსენოთ...

უფრო და უფრო ხმამაღლა, უფრო და უფრო მხნედ წკრიალებდა ზარი, სტასია კი კართან იდგა და ყურს უგდებდა. აი, სადღაც ქვემოთ გაჯახუნდა კარი, აი, ზემოთა კარებიც გამოეხმაურნენ, აი, დერეფნის სამარისებური სიჩუმე გაჰყვითა ხმაურმა, მერე ხმაური მაღლაც გაისმა, ქვემოთაც, დერეფნებში და კიბეებზე ფეხების ბრაგაბრუვი ატყდა და დერეფნები გამოცოცხლდა, ისმოდა სიცი-

ლი, სიმღერა. „რა კარგია! — გაიფიქრა სტასიამ და მასაც გამო-
უცოცხლდა გული, აუზღერდა, აუკისკისდა. — რა მშობლიურია ყო-
ველივე, ჩემია — ზარის წკრიალიც, კარების ჯახუნიც, ხმაურიც. რა
მეშველებოდა, სკოლა რომ არ მქონოდა?“ სტასიას აღარ უპასუხ-
ნია ამ კითხვისათვის, ამხანაგების საძებნად გაიქცა. მის შესახვედ-
რად უკვე გამორბოდნენ ვერა და ელენა.

— ირმა სერგეევნა იყო? შერიგდით? — შორიდანვე ჰკითხეს
მას.

სტასიამ უამბო ამხანაგებს, რაც მოხდა სამასწავლებლოში.

— დღესვე წადი შინ, — ერთხმად უთხრეს ელენამ და ვერამ.

— რატომ? — დიდგულად იკითხა სტასიამ.

— იმიტომ, რომ ყველაფერი კარგად იქნება... დედაშენი და
მამაშენი უკვე ყველაფერს მიხვდნენ... — დარწმუნებით მიუგო ვე-
რამ.

პასუხად სტასიამ იკითხა:

— ლენა, შეიძლება ამალამ შენთან დავიძინო?

ვერამ მხრები აიჩეჩა, ელენამ კი მზადყოფნით მიუგო:

— რა თქმა უნდა, ძალიან მხიარულად გავატარებთ დროს.

...და, მაინც, როგორც არ უნდა ცდილიყო სტასია ჩაეხშო თავის
არსებაში სინდისის ხმა, რომელიც აყვედრიდა, შინიდან რად წამო-
ხვედიო, მეოთხე გაკვეთილზე უკვე ისე მტკიცე გახდა ეს ხმა, რომ
გოგო მზად იყო, ახლავე შინ გაქცეულიყო. გარდა ამისა, თავის-
თვისვე მოულოდნელად სტასიამ ძალზე დიდი სიბრაღული იგრძნო
დედისადმი და მოუნდა ახლავე ენახა იგი. მაგრამ სტასია გაკვეთი-
ლების დამთავრებას დაელოდა, მერე ამხანაგების ჩუმად ჩაიკცა,
სკოლიდან გამოვარდა, მოედანი გადაჭრა და სანაპიროს გაუყვა.
იგი სირბილით შევარდა ეზოში და ისეთი კარგი, მშობლიური ეჩ-
ვენა იგი, რომ, თითქოს რამდენიმე წლის წასული ყოფილიყოს,
ცრემლებად დაიღვარა. თურმე, აი, ამ პატარა ბილიკზე გადაუდგამს
პირველი ნაბიჯები, ასე უამბობდა დედა... აი, აქ, სახლს უკან, სულ
პაწაწა იყო, ნაფოტებისაგან სახლს რომ უგებდა თოჯინებს. აქ ყო-
ველივე ენით აუწერლად ძვირფასი იყო მისთვის.

ემ დღიდან მოყოლებული ნოჩების ოჯახური ცხოვრება სხვა გზით წარიმართა. ირმა სერგეევნა სტასიას ახლა დილის ექვს საათზე აღვიძებდა, როცა მას მეცადინეობა სჭირდებოდა. საქმრობებზე აღარათფერს ეუბნებოდა, მხოლოდ მალულად ოხრავდა ხოლმე, როცა თავის ქალიშვილს ნოვიკოვთან ან საფრონოვთან ხელავდა. ახლა, როცა საჭირო ხდებოდა სტასიას რაიმე საქციელის შეფასება ან რაიმე საკითხის ირგვლივ საკუთარი აზრის გამოხატვა, ირმა სერგეევნა სანამ რაიმეს იტყოდა, დიდხანს ფიქრობდა, ახსოვდა თავისი ხანგრძლივი საუბარი გენერალ სვერჩკოვთან და ფადეევასთან. მათ დაარწმუნეს ირმა სერგეევნა და პაველ სემიონოვიჩი, რომ ბრმა სიყვარულით მხოლოდ ვნება მოაქვთ შვილისთვის, რომ შეხედულებით და აღზრდის მეთოდებით ჩამორჩებიან თანამედროვე ცხოვრებას.

აგრიპინა ფიოდოროვნამ იცოდა, რომ სულის სიღრმეში ნოჩები ბევრ რამეში ისევ თავისაზე იდგნენ. დიდი დრო იყო საჭირო ირმა სერგეევნას და პაველ სემიონოვიჩის ახლებურად აღზრდისათვის.

მაგრამ ფადეევა ხელავდა, რომ ცოლ-ქმარი მიხვდა, რაც არ უნდა ცდილიყვნენ, თავიანთი შეხედულებები ჩაენერგათ სტასიასათვის, ამო იყო ყველაფერი.

სტასია ზეიმობდა. ასევე ზეიმობდნენ მისი ამხანაგ-მეგობრებიც. აგრიპინა ფიოდოროვნა საშველს არ აძლევდა თავის მოწაფეებს, ხან ცალკე გზავნიდა მათ სტასიასთან და ხან ჯგუფ-ჯგუფად

მან ირმა სერგეევნა სკოლის მშობელთა კომიტეტში შეიყვანა, რამდენჯერმე სთხოვა ტროფიმ კალინოვიჩს, შეეველო ნოჩებთან, ხოლო ოქსანა ტარასოვნას — თავისთან მოეწვია ნოჩები, როცა მათ ოჯახში ვერას ამხანაგ-მეგობრები შეიყრებოდნენ.

* * *

...შემოდგომის ზეცას სქელი ღრუბლები ფარავს. ღმუის ქარი და ცრის წვიმა. სკოლის დარბაზი ჩამოლამებულია. კომკავშირელი გოგოები საერთო კრებისათვის შეიკრიბნენ, ახმაურებულები,

ჯგუფ-ჯგუფად დგანან კედლებთან, დარბაზის შუაგულში, კარებში.

ელენა ცალკე მისჯდომია ფანჯარას, რომელიც ქუჩაში გადის. იქ ბრწყინავს სველი ასფალტი, რომელიც ტრამვაის რელსებს გადაუჭრია, გაბრწყინებულა მოპირდაპირე სახლის სახურავიც, თეთრად ქათქათებს მისი სველი, დალაქავებული კედელი, რომელსაც ქარი-შხლისაგან მოგლეჯილი აბრა ეხათქუნება. აბრაზე წერია: „მთავარი ფოსტამტი“.

ფანჯრის იქით ბინდი დგას... ელენას გულიც ისევე ჩაბნელებულა, როგორც ეს ქუჩები. გოგო სადაცაა ატირდება. მთავარი ფოსტამტის თეთრი შენობა მშობლიურ სახლს აგონებს. აგონდება ალერსიანი, გულისხმიერი დედა, შიშითა და ძრწოლით აღესილი დილა, ქვემეხების ქუხილი, ყუმბარების აფეთქების ხმა...

აღელვებული მამა საფეთქლებზე იჭერს ხელს... ეტყობა, თავი სტკივა. ნერვიული დაძაბულობის დროს სტკიოდა ხოლმე თავი. იგი პარტიის რაიკომის მდივანია. ათასობით ადამიანებს უნდა მისცეს საჭირო დარიგებები, ყუმბარას ააცდინოს ცოლი და ქალიშვილი. ქალაქი საზღვარზეა და სადაცაა მტერი შემოერთყმის ირგვლივ. აღარც ტელეგრაფი გააჩნიათ, აღარც ტელეფონი...

ხდება სასწაული — მამა ცეცხლის ზღვას გაარღვევს და ქალაქგარეთ გააღწევს, მანქანა გზატკეცილზე მიქრის... მამა თვითონ ზის საქესთან, უკან ცოლ-შვილი უზის. მზე სქელ ღრუბლებს ეფარება და უცებ ამ დღისით-მზისით ყოველი მხრიდან შემოიჭრება ბინდი. ამოვარდება ქარი და წვიმა მიწიდან წარეცხს ხალხის დაღვრილ სისხლს. ისინი ემშვიდობებიან ერთმანეთს. მათ იციან, რომ სამუდამოდ ემშვიდობებიან და ხმას არავენ იღებს, არც იღიმება, შეუპოვრად ნებისყოფადაძაბულებს არც მამის მოტყუება შეუძლიათ, არც დედისა და არც ელენასი.

ელენას დედა საქეს მიუჯდება და მანქანა ისევე ცოფიანივით მიქრის შარავნაზე სხვა მანქანების ნაკადში. მამა კი ტყით უკან მიეშურება, ქალაქისაკენ.

„ჩემო ძვირფასო გოგონავ, — ხშირად ეუბნებოდა დედა ელენას, — შენი სახლი მარტო იქ კი არ არის, სადაც მე და შენ ვცხოვრობთ. შენი სახლია მთელი ჩვენი მშობლიური მიწაწყალი. თავს ნურასოდეს იგრძნობ იქ ეულად“.

ასე ამბობდა დედა, თითქოს გრძნობდა, რომ მისი ელენა მარ-

ტოდმარტო დარჩებოდა. 1743 წლის ოქტომბერში ელენას დედა საავადმყოფოში გარდაიცვალა. ხოლო იმ დღეებში, როცა საბჭოთა ქვეყანა მტერზე გამარჯვებას ზეიმობდა, ელენამ მიიღო ცნობა, რომ მამამისი მაიდანეკის ბანაკში დაიღუპა.

სკოლა და კომკავშირული ორგანიზაცია გახდა მშობლიური სახლი ელენასათვის. მაგრამ მათ მაინც ვერ შეუცვალეს მშობლიური აღერსითა და ზრუნვით სავსე ნამდვილი სახლი: ელენა ნადვლობს თავის სახლზე, მისტირის მას. ეს ნაღველი უმეტესად შემოდგომის ავდრიან დღეებში შემოაწვება ხოლმე გულს.

ნადვლიანი ფიქრები ვერა სვერჩკოვას ხმამ შეაწყვეტინა.

— ამხანაგებო, — ამბობდა ვერა, რომელიც სცენაზე, მაგიდის იქით იდგა. — ჩვენი სკოლის კომკავშირული ორგანიზაციის საერთო კრებას გახსნილად ვაცხადებ.

ელენა უხმაუროდ მოსცილდა ფანჯარას, სახე ისევ მშვიდი და ნათელი გაუხდა. იქვე გვერდით სტასიას შემუფოთებულ თვალებს მოჰკრა თვალი და გამამხნეველად გაუღიმა.

— გთხოვთ, დაასახელოთ თემჯდომარისა და მდივნის კანდიდატურები, — თქვა ვერამ.

ვილაცამ დარბაზიდან დაიყვირა:

— ვერშინინა!

— ვერშინინა, — თქვა ვერამ და თავად შესთავაზა: — სტრელოვა. — ვერა ხედავდა, რომ შემოდგომის ამ ქარიან დღეს ელენას ისევ მოგონებები აწამებდა და უნდოდა იგი ამ მდგომარეობიდან გამოეყვანა. — აბა, ვინ არის წინააღმდეგი?

დარბაზი ხმას არ იღებდა.

ელენა და ნატაშა ვერშინინა, პატარა, ფუნჩულა გოგონა, თოჯინასებური ვარდისფერი სახე რომ ჰქონდა, ერთთავად მცინარე, ლურჯი მრგვალი თვალები და ალისფერი ტუჩები, სცენაზე ავიდნენ.

იგი ელენას ჩურჩულით რაღაცას წაეკამათა, მერე მაგიდას მიუჯდა, თავისკენ მიიწია ქაღალდის ფურცელი და აიღო ფანქარი. მერე დარბაზში რაღაც შენიშნა სასაცილო, ჩაიფხუქუნა და პირზე ხელისგული აიფარა.

ელენამ ფეხზე დგომითვე გამოაცხადა:

— დღის წესრიგში ორი საკითხი გვაქვს. პირველი — ამხანაგე-

ბის ნოჩასა და პეტროვის კომკავშირში მიღება და მეორე — სვერჩკოვას მოხსენება ოქტომბრის რევოლუციის ოცდამეათე წლისთვისათვის მზადების თაობაზე. რაიმეს ხომ არ დაამატებდით ან შეცვლიდით?

დარბაზი დუმდა.

— საინტერესოა, — არავისთვის მიუმართავს, ხმადაბლა ჩაილაპარაკა მერხზე მჯდომმა მეთექვსისეულმა ნინა ივანოვამ, — ამ ქაღაფშუტა ნოჩას კომკავშირში შესვლა გადაუწყვეტია! რალად ეღიროება კომკავშირი, თუ იქ მაგისტანები იქნებიან... — წუხილით ამოიოხრა მან.

ელენამ გაიგონა მისი ნათქვამი და მკაცრად თქვა:

— შეწყვიტეთ ლაპარაკი.

— ეს გოგო უეჭველად გაუთხოვარი დარჩება, — წასჩურჩულა ნატაშამ ელენას და ხმამაღლა ჩაიხითხითა.

ელენა უყურებს ივანოვას და უნებლიეთ ეღიმება. ნინა გამხდარი, ფერმკრთალი და აწოწილი გოგოა, თმა საღად აქვს ავარცხნილი მაღლა. ძალზე ფაქიზად არის ჩაცმული. თეთრი, ქათქათა, დახურული საყულო თითქმის ყურებამდე სწვდება, გრძელი სახელოები ხელის მტევნებამდე აქვს ჩამოშვებული.

— შევუდგეთ პირველი საკითხის განხილვას — კომკავშირში ანასტასია ნოჩას მიღებას, — ელენამ მაგიდიდან აიღო განცხადება და ანკეტა და ხმამაღლა წაიკითხა.

სტასია მაგიდასთან გადის. პირველად ცოტათი ირცხვენს, რადგან დარბაზში მსხდომი გოგოები ცნობისმოყვარეობით ათვალეირებენ. მათ ბევრჯერ უნახავთ სტასია სცენაზე. სიცოცხლით სავსე, ბედნიერი, ბოშა ქალის კოსტიუმში ან კიდევ რუსულ სარაფანში გამოწყობილი, თავდავიწყებით ცეკვავდა ხოლმე და მაყურებელს ვერ ამჩნევდა. ახლა კი წითლდება, მორცხვობს და არ იცის, სად წაილოს ხელები.

ნინა სტასიას თეთრ თითზე ოქროს ბეჭედს ამჩნევს და მთელი დარბაზის გასაგონად ხმამაღლა ოხრავს. ნატაშა პირზე ხელს იფარებს.

მაგრამ სტასია მხოლოდ პირველად ირცხვენს. წუთის შემდეგ ხელებს მშვიდად უშვებს. იგი შესცქერის სახეში მასზე მიჩერებულ გოგოებს და ფიქრობს: „საშიში რა მაქვს? ესენი ხომ ისევ ის სასა-

ცილო, კარგი გოგოები არიან, შესვენებაზე რომ სულელობენ ხოლმე და გაკვეთილზე ორიანის მიღებაზე ტირიან...” და სტასია გრძნობს, რომ ამიერიდან იგი უფრო დაუახლოვდება მათ, სკოლაც უფრო მეტად მშობლიური გახდება მისთვის.

— შეკითხვა ხომ არა გაქვთ სტასია ნოჩკასთან? — კითხულობს ელენა.

— რატომ ამდენ ხანს არ შევიდა კომკავშირში ნოჩკა? — კითხულობს ივანოვა ისეთი ტონით, თითქოს სურს, რომ სტასია რაიმე ცუდ საქციელში გამოიჭიროს.

სტასიას ხელები ისევ ვერ პოულობენ ადგილს. შეიძლება რამდენიმე სიტყვით გასცე პასუხი, მაგრამ სტასიას რცხვენია თავისი მშობლების მაგიერ და მათ არ ახსენებს.

— ბრიყვი ვიყავი და კომკავშირის მნიშვნელობა არ მესმოდა. — წყნარად პასუხობს იგი.

— ახლა უცებ როგორ მიხვდი? — არ ეშვება ნინა და უფრო და უფრო აღიზიანებს სტასიას თითზე გაკეთებული ბეჭედი, მისი მბრწყინავი ქვა თვალებს უჭრელებს. ერთი კაცმა უნდა ჰკითხოს: რატომ გაიკეთე სკოლაში ბეჭედიო? მაგრამ ეს ძალიან დაწვრილმანება გამოვია... არა უშავს, ამ ქარაფშუტა სტასიას სხვა რამეში გამოიჭერს...

— რატომ მაინცადამაინც ახლა მიხვდი? — კითხვასვე უბრუნებს სტასია. იგი უცებ სცენის კიდემდე მიდის, ხელებს გულზე იჭერს და ცხარედ და აღელვებით ლაპარაკობს: — იცით, რას გეტყვით, გოგოებო, მე ჩემზე კი არაა, ჩემს ძვირფას მეგობრებსა და ამხანაგებზე ვიამბობთ, ჩვენს შესანიშნავ მასწავლებელ აგრიპინა ფიოდოროვნაზე და ჩემს მშობლებზედაც კი გეტყვით, რომ ეს მათი დამსახურებაა, ასე რომ გამოვიცვალე.

სტასია სულს ითქვამს, ბევრი რამის თქმა უნდა და ისიც აღელვებული უბრალოდ ჰყვება, როგორ გადაარწმუნა ბევრ რამეში ფედიამ, როგორ ეკამათებოდნენ ხოლმე ელენა და ვერა, რა ბევრი დრო დაკარგა ნოჩკების ოჯახზე აგრაპინა ფიოდოროვნამ, ვერას მშობლებმა, ფედიას დედამ.

გოგოები არც ინძრევიან, ისე უსმენენ. სტასიას სიტყვები ყველას აღელვებს. ნინაც კი ნაზადა მიჩერებია. სტასიამ რომ ლაპარაკი დაიწყო, მისი ბეჭდის ქვაც თითქოს გამჭრქალდა და ნინას

თვალს აღარ სჭრის, ხოლო ლაპარაკს რომ მორჩა, ბეჭედი თითქოს სულაც გაქრა.

ღარბაზში სიჩუმე ჩამოვარდა. მერე გაისმა ელენას ხმა:

— კიდევ ვისა აქვს შეკითხვა?

ღარბაზში კვლავ სიჩუმემ დაისადგურა.

— შეკითხვები არ არის, — თქვა ელენამ. — რა წინადადება გაქვთ?

ნინა ივანოვა წამოდგა. ნატაშამ შიშით შეხედა, თვალები და ტუჩები აღარ უცინოდნენ.

— წინადადება შემომამქვს, სტასია ნოჩკა კომკავშირში მივიღოთ, — თქვა ნინამ.

— ვინ არის ამ წინადადების მომხრე? — კითხულობს ელენა.

ხმაურით იწვევენ ხელებს მაღლა.

— წინააღმდეგი ვინ არის? არავინ. — ელენას აღარ შეუძლია სიხარულის ღიმილის შეკაეება. — ერთხმად მიგიღეთ კომკავშირში, — მიუბრუნდა იგი სტასიას, მერე უცებ მაგიდიდან წამოხტა და ლოყაზე აკოცა გოგოს. მერე ისევ თავის ადგილას დაბრუნდა, ცოტათი დარცხვენილი თავისი ასეთი აფეთქებით, და უკვე მშვიდად განაგრძო კრების გაძღოლა.

მაგიდასთან ოლია პეტროვა გამოვიდა. გრძელნაწნავებიანი. შავ-ვერემანი გოგო. სტასია კი რამდენიმე წამს კიდევ იდგა ჩაფიქრებული.

ჩუმმა, ნათელმა სიხარულმა აიტანა. იგი უკვე კომკავშირელია. ნამდვილი წარმომადგენელია თავისი ეპოქისა, როგორც ფედია ამბობს. მართალია, ეს თავისნაირმა გოგოებმა აღიარეს... მაგრამ ისინი უფროსებზე ცუდად როდი გრძნობენ სიმართლეს. მათ ვერ მოატყუილებ... და სტასიას ეჩვენება, რომ მათ შორის ზის ერთი მაღალი, ბიჭივით თმაშეკრეკილი გოგოც. იგი სერიოზულად შესცქერის სტასიას და თავს უქნევს. „აი, ისიც... — ფიქრობს სტასია. — იგი ჩვიდმეტი წლისა დაიღუპა სამშობლოსათვის. მაგრამ რატომ აქვს მას ვერას თვალები? ეს ხომ ვერაა!“ მაგრამ მისი თვალების პატიოსანი, ცეცხლოვანი გამოხედვით სტასია გრძნობს, რომ ვერაც, ზოიასავით, სიცოცხლეს ამაყად შესწირავდა საზოგადოებრივ მტერთან ბრძოლას და სტასიას წარმოსახვაში ამოცურდება ოლეგის, ულიანას, ლიუბკას, ლიზა ჩაიკინას სახეები. სურს, ისევ სცენის კიდეში

გავიდეს და ამ შესანიშნავ კომკავშირელთა ხსოვნა დაიფიცოს, რომ არც თვითონ შეარცხვენს კომკავშირის სახელს.

— სტასია, მოდი, აქ დაჯექი, — სიცილით ეუბნება ნატაშა.

მაგრამ სტასია უკვე სცენის საფეხურებიდან ძირს ეშვება. არა, ეს ოლეგ კოშევოი როდი შესცქერის დარბაზის სიღრმიდან... ზედ კართან იგი ფედიას ხედავს. სახეგაბრწყინებული და ბედნიერი სტასია მისკენ მიაბიჯებს. ფედია უხმოდ, მაგრამ მღელვარედ უწერს ხელს ხელზე.

ოცდამეერთე თავე

ქალაქის მცხოვრებლები დამსახურებულად ამაყობდნენ თავიანთი მიწაწყლის სახელოვანი კაცი, მწერალ პეტრე პტახოვით. თუმცა ნაწყენებიც იყვნენ მასზე. ათი წელი იყო, რაც ამ ქალაქიდან წასულიყო, დასავლეთ ციმბირის მიყრუებულ სოფელში გადასახლებულიყო, რკინიგზიდან მოშორებით რომ მდებარეობდა, და მას შემდეგ ერთხელაც არ ჩამოსულა მშობლიურ ქალაქში. იგი ბევრს და თავაუღებლივ მუშაობდა. ათ წელიწადში დაბეჭდა ტრილოგია „ვაიიშვილი“ და რომანი სამამულო ომზე „მარსი“, რომელიც განათლების სამინისტრომ მაღალი კლასების სასკოლო პროგრამაში შეიტანა.

წარმატებამ თავბრუ როდი დაახვია მწერალს. იგი ისევ მოკრძალებული, ირგვლივმყოფთათვის ყურადღებიანი კაცი იყო.

თვისტომნი გულმოდგინედ აღევნებდნენ თვალს პეტრე პტახოვის წარმატებებს და ამიტომ, ის რომ ჩამოვიდა, ქალაქში მხოლოდ ეს ეკერათ პირზე.

ქალაქში პტახოვი სამ დღეს დარჩა. არავინ იცოდა, რა მიზეზით ჩამოვიდა, მაგრამ ხედავდნენ ქალაქის ქუჩებში, მდინარის პირას, პარკში. როცა წავიდა, მხოლოდ მაშინ გაიგეს, რომ პტახოვს ჩაფიქრებული ჰქონდა ვრცელი მოთხრობის დაწერა თავის ბავშვობაზე.

როგორც კი პტახოვის ჩამოსვლის ამბავმა სკოლამდე მოაღწია, ვერა სვერჩკოვა სამასწავლებლოში გაქანდა. მარინა ნიკოლაევნა მაგიდასთან იჯდა და ქალაღლებს ქეჩავდა. წუთით მოწყდა საქმეს და ჰკითხა:

— რაო, სვერჩკოვა?

— მარინა ნიკოლაევნა! — უთხრა აღელვებულმა ვერამ. — ჩვენ გვინდა, რომ პტახოვს აუცილებლად მოვუწყუოთ შეხვედრა.

მარინა ნიკოლაევნას გაეღიმა:

— ვექვობ, რომ ეგ სურვილი განხორციელდეს.

— რატომ? — იკითხა გულგატეხილმა ვერამ.

— იმიტომ, რომ ალბათ ყველა სკოლა მიმართავს მას ასეთი თხოვნით.

— მაგრამ იგი ხომ ჩვენს სკოლაში სწავლობდა... — ცხარედ შეეპასუხა ვერა.

— ეს ძალიან დიდი ხნის წინათ იყო, — გაიღიმა მარინა ნიკოლაევნამ. — გარდა ამისა, ვერც მოიცლის ალბათ... თუმცა, რა, თქვენ თქვენი სცადეთ, — დაუმატა ბოლოს.

— მე ვეცდები, — თქვა დარწმუნებით ვერამ. — ნება მოგვეცით, მე და სტრელოვა ახლავე წავიდეთ სასტუმროში. გავიგეთ, რომ იქ დაბინავებულია თურმე.

— მერე, ახლა რომელი გაკვეთილი გაქვთ?

— გერმანულის.

მარინა ნიკოლაევნამ შუბლი შეიკმუნხა. არ უყვარდა მოწაფეების გაკვეთილებიდან გაშვება.

— კეთილი, წადით.

ამ საუბრიდან რამდენიმე წუთის შემდეგ ვერა და ელენა ქუჩაში მივბოდნენ.

შუა შემოდგომა იდგა, ხეთა გატიტვლებულ ტოტებზე თოვლის ფიქვები და წვიმის წვეთები ცვიოდა. სველ ქვაფენილზე ფეხი ცურავდა.

— იცი, რა, — თითქმის ყურში ჩაჰყვიროდა მეგობარს ელენა, — მეცხრე სკოლას უნდა მოვლაპარაკებოდით და მათთან ერთად მოგვეწყუო შეხვედრა, რომ საფრონოვს ენახა პტახოვი.

— მაგრამ ჩვენ შევეცდებით პტახოვი სასახლეშიც მოვიწვიოთ, — დაამშვიდა ელენა ვერამ.

— ვეცადოთ...

ელენა ძალიან წუხდა, ვაითუ ვერ შეეძლოთ ასეთი მშვენიერი შემთხვევის გამოყენებაო. მერე რა კარგი იქნებოდა! პტახოვზე ამბობენ, მოკრძალებული, უბრალო კაციო... გენადი პოეტად თვლის თავს, მწერლები კი, მისი წარმოდგენით, ჩვეულებრივ ხალ-

ხზე მალლა დგანან, ამიტომაც ტყავიდან ძვრება, რომ როგორმე განსაკუთრებული იყოს. აქედან გამომდინარეობს მისი ყველა უამური თვისებაც.

ელენამ და ვერამ გზა გადაჭრეს და გულაქანკალებულები შეჩერდნენ რუხი შენობის წინ, მთელ კვარტალზე რომ გაქიმულიყო.

— აქ რა გინდათ? — გაისმა უცებ საფრონოვის ხმა და გოგობმა დაინახეს სასტუმროს კარში მდგარი გენადი.

— პტახოვთან მოვედით, — უთხრა ელენამ.

— პტახოვთან? — გაოცებით გაიმეორა საფრონოვმა. — რატომ მერე?

— გვინდა, ჩვენთან, სკოლაში მოვიწვიოთ. იგი ხომ ოდესღაც ჩვენს სკოლაში სწავლობდა... შენ რაღას აკეთებ აქ? — ელენამ ახედ-დახედა გენადის. „ეტყობა, გაკვეთილებიდან გამოპარულა და პტახოვს ელოდება“, — გაიფიქრა მან და უთხრა: — გენა, თუ გინდა, ერთად მივიდეთ პტახოვთან.

— აუცილებლად წამოვალ, — საჩქაროდ მიუგო საფრონოვმა, თითქოს ეშინოდა, გოგოები გადაიფიქრებენ და აღარ წამიყვანენო.

ვესტიბიულში შევიდნენ. აქ ერთმანეთის მოპირდაპირე კედლები სარკისა იყო. სამთავემ თავით ფეხამდე ჩაათვალიერეს ერთმანეთი.

— რა სასაცილოები ვართ, შეშინებულებს ვგავართ, — გაიღიმა ელენამ. — რა მოგივიდა, გენა, დღეს რომ პოეტს აღარ ჰგავხარ? თვალებს აქეთ-იქით აცეცებ, კეპი გვერდზე მოგქცევია, თმა აგჩეჩვია, — ელენა ფეხის წვერებზე შედგა და ფრთხილად გაუსწორა გენადის თმა.

ჩაუარეს მაგიდას, სადაც მორიგე უნდა მჯდარიყო. ერთი-ორი წუთი უცადეს, მერე გაუბედავად ავიდნენ მეორე სართულზე და დერეფანს გაუყვნენ.

სასტუმროში სიწყნარე იყო. კარებზე მკაცრი წესრიგით ეკიდანომრები და ბრწყინავდა დაწმენდილი სახელურები. ხალიჩა ნაბიჯების ხმას ახშობდა. დერეფნის ბოლოს შემოხვდათ კაცი, რომელსაც რუხი პალტო ეცვა და რუხი შლიაპა ეხურა.

— გვაპატიეთ, — უთხრა ვერამ, — ხომ არ იცით, რომელ ნომერში ცხოვრობს მწერალი პტახოვი?

კაცი შეჩერდა. ბნელოდა და სახეზე ვერ ხედავდნენ. ეტყობა, მას რალაციის კითხვა სურდა, მაგრამ გადაიფიქრა.

— წამოდით, — უთხრა ყმაწვილებს და დერეფანს გაუყვა.

მან ხმისამოუღებლად გაიყვანა ისინი კიბის ბაქანზე და მესამე სართულზე აუძღვა. იქ ასეთივე დერეფანი იყო გაჭიმული, ასევე ბრწყინავდა სახელურები და ნომრები კარებზე. უცნობი შედგა კართან, რომელზედაც ეწერა 346, ყველას გასაოცრად ჯიბიდან გასაღები ამოიღო და ნომერი გააღო.

— მობრძანდით, — თქვა მან.

მაგრამ ელენა, ვერა და გენადი ისევ კართან იდგნენ.

— ჩვენ მწერალი პტახოვი გვინდოდა, — დარცხვენით უთხრა ელენამ, იფიქრა, ალბათ უცნობმა გვარი კარგად ვერ გაიგონაო.

— მე ვარ პტახოვი, — თქვა კაცმა და გაიმეორა: — შემოდით, გეთაყვა.

დიდ ოთახში შევიდნენ. შუაში, გაკრიალებულ ნოხზე იდგა მრგვალი მაგიდა, მასზე იყო ლარნაკი მინდვრის ყვავილების დიდი თაიგულით, მის გვერდით, პირდაპირ სუფრაზე ელაგა საოცრად დიდი და წითელი ვაშლები. მაგიდის ირგვლივ შემოწყობილი იყო რბილი სავარძლები, კედელთან კი ასეთივე დივანი იდგა. მეორე ოთახის კარი შეღებული იყო და იქიდან საწერი მაგიდის კიდე მოჩანდა.

პტახოვს, ეტყობოდა, სადღაც ეჩქარებოდა. პალტოსა და ქუდი-სათვის სელი არ უხვლია, სავარძელში ჩაჯდა და სტუმრებს დივანზე მიუთითა.

ელენა, ვერა და გენადი მორცხვად ჩამოსხდნენ დივანის კიდეზე და ცნობისმოყვარეობით ათვალიერებდნენ პტახოვს. არაფერი, სრულებით არაფერი იყო არაჩვეულებრივი ამ კაცის გარეგნობაში: ტანმორჩილი გასლდათ, გამხდარი, მკვირცხლი, ნერვიული მოძრაობები ჰქონდა და ნაცრისფერი მოუსვენარი თვალები. ათობით და ასობით ასეთი ადამიანი ყოველდღე ქუჩაში ხვდებოდათ ყმაწვილებს. საფრონოვს სულ სხვანაირი წარმოდგინა ეს დიდი მწერალი.

— გისმენთ, — თქვა პტახოვმა.

— ჩვენ... თქვენ... — დაიწყო ვერამ, მაგრამ შერცხვა.

— თქვენ, ეტყობა, მოწაფეები ხართ? — მიეშველა პტახოვი.

— დიახ, მეჩვიდმეტე ქალთა სკოლის მოწაფეები ვართ.

პტახოვმა გაიღიმა და თვალები მხიარულად, ცულლუტი ბიჭივით გაუბრწყინდა.

— თქვენც? — ჰკითხა საფრონოვს.

— არა. — საფრონოვი გაწითლდა და გულახდილად გამოუტყა-
და: — მე, უბრალოდ, თქვენი ნახვა მინდოდა.

— თქვენ კი არაუბრალოდ გინდოდათ, არა? — ისეთივე ღიმი-
ლით ჰკითხა გოგონებს.

— გვინდოდა, ჩვენს სკოლაში მოგვეწვიეთ, — უთხრა ვერამ. —
თუ შეიძლება, უარს ნუ გვეტყვი.

მეორე ოთახში ტელეფონმა დაიწკრილა. პტახოვი საჩქაროდ
წამოხტა და იქით მიაშურა.

— დიახ, პტახოვი ვარ. მოსკოვია? გისმენთ... მოსკოვი! მოსკო-
ვი! ვინ ლაპარაკობს? გამარჯობათ, ფიოდორ ვასილევინ! საფრან-
გეთში? ჰო, ვიცი, აკი დეპეშაც გამოგიგზავნეთ. ზეგ მოსკოვში მიე-
ფრინავ და იმავ დღეს მზად ვიქნები საფრანგეთში გასამგზავრებ-
ლად.

ელენამ მრავალმნიშვნელოვნად შეხედა ვერას.

— საფრანგეთში მიდის, — ჩაიჩურჩულა საფრონოვმა.

პტახოვი კარგა ხანს არ იღებდა ხმას, ეტყობოდა, მოსკოვიდან
ლაპარაკს უსმენდა.

— კეთილი, კარგად ბრძანდებოდეთ, ფიოდორ ვასილევინ, —
თქვა და ყურმილი დაჰკიდა.

მერე მობრუნდა და ისევ სავარძელში ჩაჯდა. რუხი შლიაპა უკან
გადასწვოდა და ღრმა ნაოჭებით დასერილი დიდი, ჰკვიანური შუბ-
ლი მოუჩანდა.

— მაშ, მეჩვიდმეტე სკოლაში მიწვევთ, ხომ? იცით, რომ ამ სა-
ლამოს დაუპატიჟებლადაც ვაპირებდი თქვენთან მოსვლას? ოდეს-
ღაც მაგ სკოლაში ვსწავლობდი...

— ჩვენ ვიცით ეგ. — უთხრეს ვერამ და ელენამ. ერთი სული
ჰქონდათ, ხმაურით გამოეხატათ სიხარული, მაგრამ ისევ სერიოზუ-
ლად ისხდნენ დივნის კიდეზე.

— მაშინ, მოდი, დღეს შეიდი საათისათვის შევიყაროთ.

ელენა წამოხტა და სიხარულისაგან ჩამწყდარი ხმით უთხრა:

— დიდი მადლობა, პიოტრ ალექსეევიჩი! როგორ გაუხარდებათ გოგოებს!

ვერა და საფრონოვიც წამოდგნენ. პტახოვიც ადგა.

— დაიცადეთ, — თქვა მან. — ვაშლებით უნდა გავიმასპინძლდეთ. — მან მაგიდიდან სამი ყველაზე დიდი ვაშლი აიღო და მეტის-მეტად დარცხვენით სტუმრებს გაუწოდა.

— ეს ჯადოსნური ვაშლებია. ვინც მათ იგემებს, ლიტერატურას შეიყვარებს და მხოლოდ ხუთიანებს მიიღებს, — გაიხუმრა მან.

პტახოვმა კიბემდე მიაცილა სტუმრები და ძველი ნაცნობივით დაუქნია ხელი. ბავშვები გამხიარულებულები და ბედნიერები გამოვიდნენ სასტუმროდან. ელენამ სიამოვნებით ჩაკბინა ვაშლი და მოეჩვენა, რომ მსგავსი რამ ჯერ არ მიგემნიაო.

— ძალიან გემრიელია, — თქვა მან.

ვერამაც დაიწყო ვაშლის ჭამა, საფრონოვი კი ჩაფიქრებული მოდიოდა მათ უკან და ვაშლი ისევ ხელში ეჭირა. გამვლელები ცნობისმოყვარეობით მისჩერებოდნენ, მაგრამ იგი ვერც ამჩნევდა მათ.

...პტახოვი განგებ დანიშნულ დროზე ადრე მივიდა სკოლაში. მან პალტო მასწავლებლების საკიდზე დაჰკიდა, და არავისთვის არ მოუხსენებია თავისი ვინაობა, ნელა გაემართა დერეფანში. სულ სხვადასხვანაირი გრძნობები დაუფლებოდა... მას მერე, რაც მან ეს შენობა დატოვა, ოცი წელიწადი გავიდა. სკოლა გამოცვლილა, უფრო სუფთა, ნათელი გამხდარა, ახლა შესასვლელიც სხვა მხრიდანა აქვს, ვესტიბიულიც გაუდიდებიათ ერთი კლასის ხარჯზე. რომელი კლასი იყო ნეტა? პტახოვს უკვე აღარ ახსოვდა. იგი ფანჯარასთან შეჩერდა და დერეფანი მოათვალიერა. გაკვეთილები მიმდინარეობდა და სკოლაში სიჩუმე იდგა. ოცი წლის წინათაც ბევრჯერ დამდგარა ამ ფანჯარასთან და ყური მიუბჰყრია დერეფნის სიჩუმისათვის. პტახოვმა ფანჯარაში გაიხედა. ოდესღაც იქით ბალი იყო. პტახოვს მოაგონდა, რომ იქ, ალვის ხის ქვეშ, მერხზე უყვარდა ჯდომა ერთ ნაწნავეებიან ტანაშოლტილ ქალიშვილს. ისე ნათლად წარმოიდგინა მისი ლამაზი, ნათელი სახე... ისე ნათლად, რომ გული ტკივილით შეეკუმშა...

პტახოვმა ნელა გაიარა დერეფანი, ფეხისწვერებზე მიდიოდა, რომ მისი ნაბიჯების ხმას არ აევისო მთელი შენობა. მერე კიბით მალლა ავიდა. ახალი კიბე იყო, ფართო და ნათელი. ასე ფეხის წვერებზე, ჩაფიქრებულმა გაიარა მთელი დერეფანი და ბოლო კლასთან შედგა, რომელსაც ეწერა „მე-9“ „ბ“. „აი, აქ არის“, — გაიფიქრა და კლასში შეხედდა მოუნდა. თავისკენ მისწია კარი და ისიც უხმაუროდ გაიღო. ჭრილში მოჩანდა თეთრი ციფრებით გადაჭრელებული დაფა. დაფასთან, კარისკენ ზურგშექცევით იდგა დაბალი ტანის მასწავლებელი ქალი, რომელსაც შავი კოსტიუმი ეცვა.

— ყველაფერი გასაგებია, ხომ? — თქვა მან ხმამაღლა. — ახლა გამოკითხვას დავიწყებ.

მისმა ხმამ და მიმოხრამ პტახოვს თავისი მათემატიკის მასწავლებელი მარინა ნიკოლაევნა მოაგონა. მასწავლებელი მოტრიალდა, პტახოვი სასწრაფოდ მოშორდა კარს. ეს ქალი მარინა ნიკოლაევნა იყო, მოხუცებული, მაგრამ ისევ ისეთივეა. პტახოვს მოაგონდა, რა როლი ითამაშა ამ ქალმა მის ცხოვრებაში, როგორ გამოუმუშავა ნებისყოფა, ენერგია, შრომის სიყვარული, ჩაუნერგა პატიოსნება. მოაგონდა, როგორ უყვარდა სკოლის კოშკურასთან ყოველგვარი ხარახურით სავსე პატარა ოთახში აძრომა და იქ თავისი საქციელის თავადვე განსჯა. ერთხელ დარაჯმა ქალმა შეისწრო და სამასწავლებლოში შეათრია, იფიქრა, ბიჭი რაღაცას თუ მალავს იქ ან იპარავსო. სამასწავლებლოში მარინა ნიკოლაევნა იჯდა. მან დარაჯი გაუშვა და მოწაფეს ჰკითხა, რას აკეთებდი პატარა ოთახშიო.

— მართალი რომ გითხრათ, სულ ერთია, არ დამიჯერებთ, — მიუგო პტახოვმა.

— ჰო, რა გინდოდა იქ? — მშვიდად ჩაეკითხა მასწავლებელი, არც უცდია მოწაფის გადარწმუნება და პტახოვიც პატიოსნად მოუყვა, სკოლის ხმაურს გავურბივარ, მარტო დარჩენა მინდაო. მარინა ნიკოლაევნას გაეღიმა, კეთილი, გაბრწყინებული თვალებით შეხედა ბიჭს და უთხრა:

— კარგი, მჯერა!

და ეს სავსებით უმნიშვნელო შემთხვევა რატომღაც მთელი სიცოცხლე დაამახსოვრდა პიოტრ პტახოვს...

პტახოვი მოშორდა მეცხრე „ბ“ კლასის კარს და კვლავინდებურად ჩაფიქრებული გაეშურა მალლა ამავალი კიბისაკენ. პატარა ოთახის შესასვლელის მოძებნა არ გასჭირვებია, მხოლოდ მისი კარი ახლა უფრო მომცრო ეჩვენა. მან ხელი ჰკრა კარს და ისიც ჩუხი ჰქრიალით გაიღო. თითქოს იმ ოც გრძელ წელიწადს არც გაეჯლოს. აქ ისევ ისე იდგა შესაკეთებლად მოტანილი მერხები, სკამები, მაგიდები, წინანდებურად პატარა სარკმლიდან ახლაც ძლივს აღწევდა შუქი. პტახოვმა მღელვარებით მიმოიხედა, დამტვერილ ბუბონზე ჩამოჯდა და თავი ხელზე დაიყრდნო. მალე მოესმა ზარის ხმა, მერე ფრთხილი ნაბიჯებიც გაიგონა და კარში თეთრთავსაფრიანმა ქალმა შემოყო თავი.

— აქ რას აკეთებთ, მოქალაქე?

პტახოვი საჩქაროდ წამოდგა.

— მაპატიეთ, სკოლას ვათვალიერებდი და აქ ამოვხეტე.

— ამოვხეტეთ? მერე რა მიზნით ამოვხეტეთ? — ქალმა თავით ფეხამდე ეწვიტ ჩაათვალიერა პტახოვი.

პტახოვი ღიძილით გაჰყვა დარაჯ ქალს.

ყველაფერი ისევე მოხდა, როგორც ამ მრავალი წლის წინათ. ბოლოც სწორედ ისეთივე ჰქონდა. დირექტორი არ იყო სკოლაში. დერეფანში კი სასწაულო ნაწილის გამგე მარინა ნიკოლაევნა შემოხვდა.

— აი ეს მოქალაქე კომპიურის გვერდით პატარა ოთახში იჯდა...—თქვა ქალმა და პტახოვზე მიუთითა.

— რას აკეთებდით იქ? — ჰკითხა მარინა ნიკოლაევნამ.

„სახეზე ნაოქები გასჩენია, გაჰალარავებულა, მაგრამ თვალები ისევ ისეთივე ახალგაზრდული, ყურადღებანი აქვს...“ — გაიფიქრა პტახოვმა. მან თავი დაუტყრა მოხუც მასწავლებელს და ღიმილით უთხრა:

— რომ გითხრათ, მარინა ნიკოლაევნა, რას ვაკეთებდი იქ, სულ ერთია, არ დამიჯერებთ.

„საიდან იცის ჩემი სახელი?“ — გაიფიქრა მასწავლებელმა, სახეში ჩააჩერდა და აღმოხდა:

— ეს ხომ პტახოვია!

პტახოვმა ორივე ხელში მოიპწყვდია მისი პატარა ხელი და უთხრა:

— ალბათ გახსოვთ, მრავალი წლის წინათ სწორედ ამ კითხვაზე გიპასუხეთ, იმ ოთახში იმიტომ ავკვერი, რომ მარტო დავრჩენილიყავ და საკუთარი საქციელი განმესაჯა-მეთქი!

— არ მახსოვს, — მორცხვად გამოუტყდა მარინა ნიკოლაევნა. — ამდენი წლის მანძილზე რა შემთხვევა აღარ მომხდარა...

— ამჯერად კი მხოლოდდამხოლოდ მოგონებები ჰქონდა მიზნად ჩემს იქ ასვლას! — უთხრა პტახოვმა.

დარაჯმა ქალმა გაოცებით აიჩეჩა მხრები და გაეცალა მათ.

მარინა ნიკოლაევნამ სამასწავლებლოში შეიპატიყა პტახოვი და შეუდგნენ გაცხარებულ საუბარს, შორეულ წარსულს იგონებდნენ.

ამ დროს აგრიპინა ფიოდოროვნამ კრიტიკული თვალი მოავლო დარბაზს და გოგოების შემოსაყვანად განკარგულება გასცა. გოგოები ზეავივით მიაწყდნენ, ყველას პირველ რიგში სურდა დაჯდომა. მათ უკან. ცოტა არ იყოს, დარცხვენით შემოვიდნენ მეცხრე სკოლის ბიჭები, რომლებიც შეხვედრაზე იყვნენ მოწვეულები, და სულ უკან დასხდნენ...

...სალამოს საფრონოვი თავის დღიურში წერდა:

„გოგოების სკოლაში ვიყავი მწერალ პიოტრ ალექსეევიჩ პტახოვთან შეხვედრაზე. მე და ნოვიკოვი ადრე მივედით...“

პიოტრ ალექსეევიჩ! მე ვხედავდი, როგორი დანადგლიანებული იდეჟით ფანჯარასთან. ვხედავდი, ბიჭუნასავით რომ ასვერით კოშკურაზე და იქიდან დარაჯი ქალის თანხლებით დაბრუნდით, დარცხვენილი და მტვერში ამოგანგლული. პირველად ვერაფერი გავიგე, მაგრამ მერე ელენამ მიაშბო სასწავლო ნაწილის გამგის მონაყოლი, რომ ამ პატარა ოთახთან მოგონებები გაკავშირებდათ თურმე. თქვენ, გამოჩენილ ადამიანს, არ გერცხვინებათ თქვენი გრძნობებისა, მე კი, ბიჭი ვარ და მრცხვენია გრძნობების გამჟღავნებისა. თუ ტირილი მომინდება — უეჭველად გავიციანებ ხოლმე. ახლა მივხვდი, რომ ეს თვალთმაქცობაა, წინათ კი მეგონა, ასე უფრო ორიგინალური ვიყავი...

ვიჩქეი დარბაზში და ვფიქრობდი: რა სიამაყით გამოხვედით ალბათ სცენაზე, თქვენ ხომ ასობით ბავშვი შემოგცქეროდათ, რომლებიც გამოცდებზე თქვენი რომანის გამოკითხვისას ორიანებსა და ხუთიანებს ღებულობენ, ასე უბრალოდ კი გამოხვედით. ეტყობა, პატივმოყვარე არა ხართ, მე კი პატივმოყვარე ვარ. ჩემი ლექსები რომ წავიკითხე ოლიმპიადაზე, ვიბლინძებოდი. ყოველივე ამას უნდა ჩაუფიქრდეს კაცი... მე ხომ, პიოტრ ალექსევიჩი, თავის მოტანაც შემძლია და თუ მოვინდომე, თავის მომდაბლებაც.

ელენა შეხვედრაზე გამცემლურად მოიქცა. მაგრამ მასზე არც გაბრაზება შემძლია, არც ნაწყენი ვარ. თქვენი გამოსვლის შემდეგ მან თქვა: „დამსწრეთა შორის არის ერთი, და იქნებ ბევრიც არის ისეთი. ვინც ლექსებსა და მოთხრობებს წერს... ჰოდა, ის ადამიანი, ვინც მხედველობაში მყავს, თავს სხვა ადამიანებზე მაღლა გრძნობს. მხოლოდ თავისი თავით არის დაკავებული, სხვები არ აინტერესებს. თავისი თავი პეჩორინად წარმოუდგენია და კოლექტივმა ვერაფერი მოუხერხა. თუ მთელი ცხოვრება ასეთი დარჩა, უბედური კაცი იქნება. პიოტრ ალექსევიჩი, უთხარით რაიმე იმ ადამიანს“. ასე თქვა ელენამ და მომეჩვენა, რომ მისმა სიტყვებმა ყველა ააღელვა.

ყველაფერი, რაც თქვენ ელენას პასუხად თქვით დარბაზში მზირალმა, მე შემეხებოდა. მომეჩვენა, რომ გამომცდელი, ჰკვიანური თვალებით სხვებს შორის თქვენ მე გამომარჩიეთ. ვწითლდებოდი, ვყვითლდებოდი, სასოწარკვეთილი ვიყავ, მიხაროდა. ყოველივე ეს მათ საგანგებოდ მოიგონეს, პიოტრ ალექსევიჩი, ჩემ გამო მოიგონეს. ჩვენი კლასიც ამიტომ მოიწვიეს. ის კი არადა, ასე მგონია, რომ თქვენთან შეხვედრაც და თქვენი ჩამოსვლაც ჩვენს ქალაქში ჩემი გულისთვის მოიგონეს, ამ კირკიტა ელენამ, ვერამ, ჩერნილინმა, ნოვიკოვმა და აგრიპინა ფიოდოროვნამ. მაგრამ გულახდილად გეტყვით: ამას ჰქვია ამხანაგობა! ესენი საოცარი ბავშვები არიან და მეც ვეცდები ყველაფერი ვიღონო, რათა, როგორც თქვენ მირჩიეთ, მათ დავემგვანო“.

საფრონოვი მორჩა წერას, კოსტად დახურა რვეული, ჩანთაში ჩადო და ღრმად ჩაფიქრებული კიდევ დიდხანს იჯდა. მის მაგიდაზე ჩანთის გვერდით დიდი, წითელი ვაშლი იდო.

ძველ ხალხსაც არ ახსოვდა ციმბირში ასე ნაადრევი, დაყინებული ყინვები. მთელი დეკემბერი ორმოცი გრადუსი ყინვა იყო. ნათელი დღეები იდგა, მზე უხვად იღვრებოდა ქუჩებში, მისი სხივები თოვლს ნაირფერად აფერადებდა.

ძველი ხალხი ამბობდა, მდინარე, რომელიც ნალივით ევლება ქალაქს, საცაა გაიყინებაო. სხვა მდინარეთაგან გამორჩევით, იგი მხოლოდ იანვარში იყინებოდა ხოლმე.

ეს ულამაზესი მდინარე სირბილისაგან გახვითქელი ნადირის თავდავიწყებით მიიჩქაროდა წინ, მიაწკარუნებდა ყინულის ნატეხებს და სქელ ოხშივარს უშვებდა ჰაერში.

დილაობით ქალაქში ისმოდა სირენის ხმა, რომელიც მოწაფეებს აუწყებდა, რომ შეეძლოთ სკოლაში არ წასულიყვნენ, მაგრამ ყინვიან დილით ქუჩებში ასევე ისმოდა ბავშვების მხიარული ყიჟინა და თოვლის კრიალი მათ ფეხქვეშ. შარფებმობუდნულებსა და თავშალშემოხვეულ ყმაწვილებს ცუდლუტი, მხიარული თვალებიდა უჩანდათ გადაჭირბლულ სქელ წარბებს ქვემოთ. დარაჯი ქალი ტაშს შემოჰკრავდა ხოლმე მათ დანახვაზე და ცხვირში დუდლუნით უხსნიდა გახვეებულ შარფებსა და თავსაფრებს.

საოცარი ის იყო, რომ უფროსკლასელებს მეტად აშინებდათ ყინვა და ხშირად მოწაფეების ნახევარი აცდენდა გაკვეთილებს.

ვერა სკოლიდან გვიან მოვიდა, შესასვლელშივე გაიხადა თეჭურები, რომ იატაკი არ დაესვარა და წინდებისამარა დარჩენილი, თან ქურქს იძრობდა, თან დედისავე გარბოდა.

ოქსანა ტარასოვნა საკერავ მანქანას უჯდა და მრავალფეროვანი ნაკრებისაგან ნაძვის ხის საჩუქრებისათვის ტომსიკებს კერავდა. იგი საანალწლო დღესასწაულს ამზადებდა ოფიცერთა სახლში.

— დედა, ვერც კი წარმოიდგენ, რა უნდა გიამბო, — უთხრა ვერამ და სავარძელში მოიკალათა.

ოქსანა ტარასოვნამ კერვა შეწყვიტა, სათვალე მოიხსნა და კითხვით შეხედა ქალიშვილს.

ვერამ ნაწყვეტ-ნაწყვეტად უამბო, რომ წუხელ ელენასთან შინ მისულა ბულგარეთის რადიოკომიტეტის მსახიობი ქალი ცოლა გეორგიევნა სტეფანოვა. აქ იგი თავისი ქმრის — ბულგარეთის ერთ-ერთი სკოლის დირექტორის დავალებით ჩამოსულა. სტეფანოვი ელენას მამასთან ერთად ყოფილა მაიდანეკის ბანაკში და შემთხვევით გადარჩენია სიკვდილს. ომის შემდეგ სტეფანოვი მძიმედ ყოფილა დაჭრილი, მაგრამ მისი თხოვნით მის ცოლს დაყინებით უძებნია ნატალია ნიკოლაევნა სტრელოვა და მხოლოდ 1946 წელს დაუდგენია, სადაც იყო ევაკუირებული. სტეფანოვა ციმბირისაკენ გამგზავრებულია, მაგრამ სტრელოვა უკვე გარდაცვლილი დახვედრიაო.

ელენას დანახვაზე სტეფანოვა ატირებულა და თანხმობა არც უთხოვია, ისე განუცხადებია, ხვალვე ბულგარეთში მიმყავხარ, რადგან მომაკვდავმა სტრელოვმა სტეფანოვს დაუბარა, ჩემს ცოლშვილზე იზრუნეო.

— მერე, რა მოხდა? — ჰკითხა აღელვებულმა ოქსანა ტარასოვნამ, როცა თვალცრემლიანი ვერა თბრობას მორჩა.

— ელენამ უარი თქვა საზღვარგარეთ წასვლაზედაც და სტეფანოვასაგან ფულის აღებაზედაც. დედა, მოელაპარაკე რა, სტეფანოვას.

— ვეცდები, — უთხრა ოქსანა ტარასოვნამ.

... მაგრამ უკვე გვიანი იყო. ამ დროს სადგურზე დიდ ზარს ორჯერ ჩამოჰკრეს. ქალმა, რომელსაც წავის ორპირა ქურჭი ეცვა და ფეტრის შლიაბა ეხურა, ვაგონის საფეხურზე შედგა ფეხი.

— ძალიან ვწუხვარ, რომ ტყუილად წამოხვედით ამ სიშორეზე, — მღელვარედ უთხრა ელენამ ქალს. — ხშირად მოგწერთ წერილს.

სტეფანოვამ თავი გაიქნია.

— არა, ლენოჩკა, ტყუილად არ წამოვსულვარ. ჩემმა ქმარმა მეგობრისთვის მიცემული სიტყვა შეასრულა. მან მოგნახა შენ, ხოლო თუ ჩვენთან წამოსვლა არ ისურვე, ეს შენი ნებაა. ბედნიერი იყავი!

გაყანული ჰაერი ორთქლმავლის საყვირის ხმამ გაკვეთა.

— მოქალაქევე, ვაგონში შემოდით, — უთხრა ვაგონის გამყოლმა სტეფანოვას და საფეხურზე შეხტა.

დაიქლარუნეს ბუფერებმა, ნელა წაგორდნენ ვაგონები და მატარებელი ყინულოვან შორეთში გაუჩინარდა.

ელენა დიდხანს იდგა და გაჰყურებდა ვაგზლის უწყსრიგოდ მიმობნეულ შენობებს, სადაც, ის-ის იყო, გაიღვავა მატარებლის შუქმა.

ელენა მიდიოდა, ყინვას ვერ გრძნობდა და თავისი მამისა და სტეფანოვის მეგობრობაზე ფიქრობდა, ფიქრობდა ცოლა გეორგიევანაზე, რომელიც ქვეყნის მეორე ბოლოდან მოვიდა თითქმის. რა ბედნიერებაა, გამოძრავებდეს ისეთი ამაღლებული განზრახვა, როგორცაა ამხანაგისათვის მიცემული სიტყვის შესრულება, თუმცა ამხანაგი უკვე მკვდარია და ვერასოდეს ვერაფერს გაიგებს!

ფეხებდამზრალმა ელენამ სვერჩკოვებთან მიიზრინა, ვერც კი გაიგო, როგორ წაყინვოდა ფეხები. კირილოვანამ და ოქსანა ტარასოვანამ სპირტით დაუზილეს. მერე პორტვინი დაალევინეს, სასადილო ოთახში დივანზე დააწვინეს და საბნებში ჩაფუთნეს.

ელენა ტირილით, ბალღივით ფშლუკუნ-ფშლუკუნით უამბობდა ოქსანა ტარასოვანას სტეფანოვასთან თავისი შეხვედრის ამბავს. ოქსანა ტარასოვანას გული გაუსერა მისმა სიტყვებმა:

— მარტო რომ ვცხოვრობ, მარტოობას ვგრძნობ. მეცოდებიან სტეფანოვები. ასეთი კეთილი და კეთილშობილი ხალხია, მაგრამ, როგორ შემძლია სხვა ქვეყანაში ცხოვრება. მამაჩემი ხომ არასოდეს, არაფრის გულისათვის არ მიატოვებდა სამშობლოს.

ოქსანა ტარასოვნა ცრემლებს ძლივს იკავებდა, ელენას რომ უსმენდა: „ჩემო პატარავ, — ნაზად ფიქრობდა იგი—რა მძიმე განსაცდელი გერგო ხვედრად, რა ტვირთი დააწვა შენს ჯერ კიდევ სუსტ მხრებს და როგორ გასწავლა ცხოვრებამ, რომ ფხიზლად, დიდივით განსაჯო ყველაფერი...“

ოქსანა ტარასოვნას შუაღამემდე არ დასძინებია. ტროფიმ კალინოვიჩი რომ მოვიდა, ცოლმა იგი კაბინეტში გაიყვანა, კარი მიხურა და ცოლ-ქმარი დიდხანს ლაპარაკობდა...

...მეცხრე “ბ” კლასი ორი მოვლენით ცხოვრობდა: ჯერ ერთი, პედაგოგიური მოღვაწეობის ორმოც წლისთავთან დაკავშირებით, მთავრობამ მარინა ნიკოლაევნა ლენინის ორდენით დააჯილდოვა. გოგობმა ფული შეკრიბეს, მერე საბაღე მეურნეობაში ყვავილების, ხოლო ჭურჭლეულობის მაღაზიაში ვაზის საყიდლად გაიქცნენ ახლა საჭირო იყო, ფრთხილად შეპარულიყვნენ სამასწავლებლოში და ფანჯარასთან, რომლის იქითაც მოჩანდა დათოვლილი სახურავები და თეთრად გადაპენტილი ხეები, მარინა ნიკოლაევნას მაგიდაზე ცოცხალი ყვავილების თაიგული დაედგათ. განა ზამთარში ამაზე უკეთესი საჩუქარი იქნება?

მეორე მოვლენა იყო ელენას უარი ბულგარეთში წასვლაზე და მისი სვერჩკოვებთან გადაბარგება.

გოგობს სულ ეს ეკერათ პირზე, სკოლისაკენ მიმავლებსაც, სკოლიდან მომავლებსაც, შინაც, შესვენებაზედაც და გაკვეთილების დროსაც კი.

ნატაშა ვერშინინა ამხანაგებს შეუჩნდა:

— ერთი მითხარით, გოგობო, ელენა როგორ მიმართავს ხოლმე ვერას მშობლებს: დედა და მამას ეძახის თუ სახელითა და მამის სახელით?

ხმაურობდნენ გოგონები, კამათობდნენ, თავიანთ ვარაუდებს გამოთქვამდნენ.

ტანმალალი, ფიქრიანი ქალიშვილი კლავა კარზინა, მეგობრებმა სკეპსისი რომ შეარქვეს, რადგან ყველაფერში ეჭვი შეჰქონდა ხოლმე, ამჯერად მტკიცედ ლაპარაკობდა:

— ყოჩაღ, ელენა, სამშობლო ბულგარეთზე არ გაცვალე!

ეს საუბარი გაკვეთილების დაწყებამდე ჰქონდათ. გოგონების ნაწილი ფანჯარასთან იდგა, სამი მათგანი კი მერხს უჯდა.

სტასია ჩვეული ხმაურითა და აურზაურით შევარდა კლასში.

— გოგობო! — დაიყვირა შორიდანვე, — წუხელ სვერჩკოვებთან ვიყავი. ელენა და ვერა ერთ ოთახში ცხოვრობენ! ელენას საწოლი უყიდეს!

— როგორ მიმართავს ხოლმე ვერას მშობლებს? — ცნობისმოყვარეობით იკითხა ნატაშამ.

— ჩვეულებრივ, როგორც წინათ მიმართავდა...

— მამასა და დედას არ ეძახის?

— რა თქმა უნდა, არა! — გაცოცხდა ნატაშას გულუბრყვილობაზე სტასია. — რვა წლის გოგო ხომ არ არის.

ამ დროს ზარის ხმა გაისმა და კლასში შევიდნენ ელენა და ვერა, ორივეს ერთნაირი ფორმის კაბები ეცვა.

— სამი! ოთხი! — სიცილით და ხელების ქნევით დაიყვირა ნატაშამ.

ბულგარეთი ლამაზია,
განა დასამალია?
მაგრამ დიდი რუსეთი
მთელი ქვეყნის თვალია! —

დაამღერეს ერთხმად.

ელენამ გამგები მზერა მოაწვლო გოგონებს, გაიციინა და თავის მერბს მიუჯდა.

„ბულგარეთი ლამაზია...“ — დააპირეს გოგოებმა გამეორება, მაგრამ ამ დროს კარი გაიღო და ევგენი ტიმოფევიჩი შევიდა კლასში. მასწავლებელმა გაბრაზება დააპირა, ზარი უკვე დაირეკა, კლასში კი უწესრიგობააო, მაგრამ სიმღერის ნაწყვეტს მოჰკრა ყური და აღარაფერი უთქვამს. ყველა მიხვდა, რომ ევგენი ტიმოფევიჩი მაც უკვე იცოდა, რაც ამ დღეებში მეცხრე „ბ“ კლასში ხდებოდა.

ევგენი ტიმოფევიჩი კარს არც გამოსცდენოდა, რომ გოგოები უხმაუროდ და სწრაფად მისცივიდნენ თავიანთ მერხებს, უკვე მერხზე ხელებდაწყობილები იდგნენ და დაჯდომის ნებართვას ელოდნენ.

— დასხედით, — თქვა მასწავლებელმა, გახსნა გატენილი ჩანთა და რვეულები ამოიღო.

— მაგრამ დიდი რუსეთი მთელი ქვეყნის თვალია! — თქვა მან გრძნობით. — ახალგაზრდობაში მეც მჭონდა მომენტი, როცა ან რუსეთი უნდა ამერჩია, ან — საფრანგეთი. უცხოეთში ოქროს მთებს მპირდებოდნენ, მაგრამ, როგორც ხედავთ... — ევგენი ტიმოფევიჩმა ხელები გაშალა და ელენას შეხედა. — აბა — დავიწყოთ გაკვეთილი, — თქვა და პიჯაკის სახელო წამოიწია. — მზადა ხართ?

— მზადა ვართ! — ერთხმად მიუგო კლასმა.

პიონერთა სასახლეში საახალწლო მეჯლისია. შარშანდელივით, სცენაზე ახლაც მოჩანს მოფარდული დიდი საათი, ხოლო დარბაზში ფერად-ფერადი ნათურებით გაჩახჩახებული ნაძვის ხე დგას. დღეს განსაკუთრებული ზეიმი და სიხარული აქვთ. ზოგჯერ ხდება ხოლმე — პირშეკრულებივით ყველა კარგ გუნებაზე მოვა... ისმის ბედნიერი სიცილი, თვალები სიხარულით უბრწყინავთ...

— გოგოებო, ერთი საფრონოვს უყურეთ. — ეუბნება ვერა ამხანაგებს და ისინიც მისჩერებიან მაღალ, აწოწილ ყმაწვილს, ლერმონტოვისდროინდელი პორუჩიკის კოსტიუმი რომ აცვია, და სხვა წყვილებს შორის ზოგჯერ თვალთაგან ეკარგებათ ისა და ბოშა ქალივით გამოწყობილი ელენა.

— ცეკვავს: ზედავთ, გენკა ცეკვავს! — გაოცებულია ვერას გვერდით უცებ გაჩენილი ჩერნილინი. მას თეთრი ფაფახი ხურავს, ლურჯი ჩოხა აცვია და წითელი ტარსიკონის ჩექმები. — რამდენმა წყალმა ჩაიარა ამ ერთ წელიწადში! ხომ გახსოვს, ვერა ტროფიმოვნა, რომ ამბობდა: „ამ სულელური საქმეებისათვის არა მცალიაო“... რამდენმა წყალმა ჩაიარა! — იმეორებს ჩერნილინი და ოხრავს.

ვერამაც იცის მისი ოხვრის მიზეზი. ამ ერთ წელიწადში ბევრი რამ შეიცვალა ჩერნილინის ცხოვრებაში: მან ააგო რადიომიმღები, რაზედაც დიდი ხანი ოცნებობდა, კინოსურათშიც გადაიღეს... ერთი რამ დარჩა მხოლოდ უცვლელი — კვლავინდებურად უკან დასდევს სტასიას და ყველანი დასცინიან. სტასია კი ზოგჯერ შემწყნარებლურად გაუღიმებს ხოლმე...

სტასია ხალხის ტალღაში მოიკვლევს გზას, მარჯვნივ თუ მარცხნივ ყველას შეჰღიბის, ყველას განურჩევლ ღიმილს აფრქვევს. ქერა თმის კულულები მხრებზე ჩამოჰყრია, თავზე ოქროს ქაღალდის ნახევარმთვარე უბრწყინავს, გვერდებზედაც ორი ვარსკვლავი მიუბნევია. შავი გაზის კაბა აცვია, ვარსკვლავებდაკერებული.

— უყურე, სტასია, ერთი უყურე, საფრონოვი როგორ ჩაფრენია ელენას, — იცინის ვერა და შუა დარბაზისაკენ უთითებს.

სტასია ხედავს საფრონოვის გულისყურიან სახეს. აგონდება შარშანდელი მეჭლისი, ქონვეთის ნაცვლად ჰაერში აფრიალებული ჰისი წერილის ნაფლეთები... წამით წყენა გადაურბენს, რომ თვითონ კი არა, ელენამ ააცეკვა საფრონოვი, მაგრამ ეს მხოლოდ წამით ხდება. იგი წინ მიდის და ჩერნილინს ხედავს. სტატია დღეს ძალზე მხიარულ გუნებაზეა და რად არ უნდა მიაქციოს ყურადღება ჩერნილინს?

— ჩერნილინ, რატომ არ ცეკვავ? — ეკითხება და არც სურს გაიგოს, უნდა თუ არა, საცეკვაოდ მხარზე იდაყვს ადებს.

ჩერნილინმა ცეკვა არ იცის, მაგრამ ეს ამბავი სულაც არ აცბუნებს. სახეგაბრწყინებულს გამოჰყავს შუა წრეში სტასია, მათ ყოველი მხრიდან ეხეთქებიან სხეები, მერე ჩერნილინი რამდენჯერმე ფეხს ადგავს სტასიას ლაქის ფეხსაცმელებზე. სტასიას მალე უწყდება მოთმინება და გაბრაზებით ეუბნება:

— ჯერ ცეკვა ისწავლე. ფეხები სულ დამამტვრიე... ტლანქო, შენა.

— მარტო ვერასდროს ვერ ვისწავლი, — ცდილობს თავის მართლებას ჩერნილინი, მაგრამ სტასია შუა დარბაზში ტოვებს და გარბის, რადგან საფრონოვი და ელენა ცეკვას მორჩნენ და ახლა ვერასკენ მოიწვევენ. სტასია უკან მისდევს მათ. გზაში ფედია შემოხვდება და მას უწვდის ხელს. ფედიას გვერდზე შესაკრავიანი რუსული ხალათი აცვია და ლურჯი შარვალი.

— ასე გვიან რად მოხვედი? — ეკითხება სტასია.

ისინი წამოეწივნენ საფრონოვსა და ელენას.

— უფრო ადრე ვერ მოვახერხე, — პასუხობს ფედია სტასიას და იმავე წამს საფრონოვს მიმართავს: — მომილოცავს, მეგობარო, მართლა კარგად ცეკვავ. ასეთი მკვირცხლი თუ იყავი, უნდა გითხრა, არც მეგონა. როდის მოასწარი სწავლა?

სტასია ყვედრებით მისჩერებია საფრონოვს და არაფერს ეუბნება არც მას და არც ელენას.

პიონერისყელსახვევიანი მუსიკოსები წყვეტენ დაკვრას. ისინი ფრთხილად ალაგებენ სკამებზე თავიანთ ინსტრუმენტებს. — მამასადამე, კარგა ხანს დაისვენებენ — და ბუფეტში მიდიან.

სტასიას საფრონოვთან მარტო დარჩენა სურს, მაგრამ აქვე ტრი-
ალებს ის აუტანელი ჩერნილინი, არც ლამაზი წითელი შალით შორ-
თული ელენა იცვლის აქედან ფეხს. დერეფნებსა და დარბაზში
ტევა არ არის, ირგვლივ კი სულ ნაცნობი სახეებია — სად დაემა-
ლები მათ? მაგრამ გენადი ვიღაც ნაცნობ ყმაწვილთან ჩერდება და
სტასიაც მაშინვე გვერდით ამოუდგება. ელენა და ჩერნილინი დე-
რეფანში მოსეირნე უკრაინელთა, ბოშათა, ესპანელთა ახმაურებულ,
მზიარულ ტალღას მიაქვს... სტასია და გენადი კი მაღლა ადიან.
ზღაპრების ოთახში და იქ დაბალ დივანზე სხდებიან. კედლებიდან
მათ ჭკვიანური მზერით ჩამოსცქერით ვასილისა ბრძენი, მოქრის
ჩერნომორი, რომელსაც კაღნიერი რუსლანი ჩასკიდებია ჭადრა
წვერში. თავის ზღაპრებს უამბობს მათ სწავლული კატა, ხოლო მა-
ცა დანკოს მოაქვს თავისი მოგიზგიზე გული და მისი შთაგონებუ-
ლი სახე მეტყველებს თუ რა დიდი გმირობაა კაცობრიობის ბედნი-
ერებისათვის სიცოცხლის შეწირვა.

მათ პირდაპირ, ასეთივე მომცრო დივანზე ბოიარების ქალიშვი-
ლებისა და უკრაინელი ქალების კოსტიუმებში მორთული გოგოები
ჩამომსხდარან. მზიარულ თამაშში არიან გართულები და გენადისა
და სტასიას ხელს არ უშლიან.

— შენი პასუხი დაფასთან? — ხმამალა კითხულობს ერთი მათ-
განი.

— ნახტომი არარაობაში, — უპასუხებს მეორე.

ყველა იცინის.

— გოგოები შესვენებაზე? — განაგრძობს შეკითხვას ისევ ის.

— ვინძორელი ჭორიკნები.

ისევ იცინიან.

— დირექტორის გამოძახება? — კითხულობს ახლა სხვა ხმა და
წინასწარ კვდება სიცოცხლით.

მაგრამ ამ დროს ღია კარებში შემოიჭრება ორკესტრის ხმა, ბო-
იარი და უკრაინელი ქალები მოჩვენებებივით ქრებიან. გენადი და
სტასია მარტო რჩებიან.

— სტასია, — ეუბნება საფრონოვი, — კარგა ხანია, შენთან სა-
ლაპარაკო მაქვს.

მაგრამ ეს ლაპარაკი არ შედგა, რადგან ჩერნილინი შემორბის. იგი დაირცხვენს, საფრონოვი და სტასია რომ მარტო ნახა, მაგრამ უხარია, რომ დაარღვია მათი მარტოობა.

— ყველანი ქვემოთ ჩამოდით! ახლა გამოაცხადებენ, ვინ მიიღო პრიზები კოსტიუმებში.

— წავიდეთ, სტასია, შენ ალბათ რაიმე თიხის თოჯინას გაჩუქებენ, — ეუბნება გენადი და დგება.

სტასია უნდომლად მიჰყვება ჩერნილინს.

„ჰო, აშკარაა, რომ სიყვარულში გამოუტყდნენ ერთმანეთს“, — ფიქრობს ჩერნილინი და ყურადღებით შესცქერის ხან სტასიას, ხან — საფრონოვს.

ქვემოთ კი პატარა მუსიკოსები პატიოსნურად ასრულებენ თავიანთ მოვალეობას — მოსვენებას არ აძლევენ დამსწრეთ. ერთმანეთს ცვლის ფოქსტროტი, ტანგო, ვალსი, პოლკა და უბრალო რუსული ცეკვაც კი. ყველა გატაცებით ცეკვავს.

აგრიპინა ფიოდოროვნა ჟიურის მაგიდას უხის და მისჩერებია პაველ სემიონოვიჩ ნოჩკას, რომელსაც პრიზების საქმე აქვს მიწოდებული. „შარშან სტასიას მშობლები სასახლეში კი არადა, სკოლაშიც არ მოდიოდნენ“, — ფიქრობს აგრიპინა ფიოდოროვნა. ახლა. ნოჩკების ოჯახში მშვიდობა სუფევს. ორი თაობის წარმომადგენლებმა დაიწყეს ერთმანეთის გაგება. ბევრში, ძალიან ბევრ რამეში შეიცვალეს ნოჩკებმა შეხედულება. ეს ძალიან უხარებს გულს აგრიპინა ფიოდოროვნას, უფრო მეტად იმიტომ უხარია, რომ ეს მშვიდობა მისი ხელით არის მოპოვებული.

ორკესტრი მარშს უკრავს და ნაძვის ხესა და ჟიურის მაგიდასთან წყვილ-წყვილად მიდიან გოგო-ბიჭები. აი, სტასია და საფრონოვიც მივიდნენ. რა ბედნიერი სახეები აქვთ. აგრიპინა ფიოდოროვნა უყურებს საფრონოვის კოსტიუმს და ღიმილს მალავს. ეს ხომ საფრონოვის საყვარელი გმირის კოსტიუმი, ასე დაჟინებით რომ ბაძავდა ყმაწვილი. მაგრამ ახლა ეს წარსული ამბავია. საფრონოვმა იპოვა თავისი თავი... მაგიდას ყელსაბამებისა და დაირების ჟღარუ-

ნით ჩაუარეს ბოშა ქალებმა — ელენამ და ვერამ, დებმა — ამხანაგებმა! მათ უკან რალაცაზე კამათით მოდიან ფედია და ჩერნილინი. წყვილები მოდიან და მოდიან, ნაძვის ხეს ირგვლივ უვლიან, მუსიკას ფეხაყოლილები გადიან დერეფანში და იქ კი ვინ საით გასწევს და ვინ — საით.

სიყმაწვილეა.

ბედნიერი სიყმაწვილე...



ქედის
ბრიგადა
ქრულა...



* * *

ეს დროყამისაგან გაყვითლებული, თვითნაკეთ ყდებში ჩასმული რვეულები ჩემი წინაპრების დღიურებია: პაპის პაპისა, პაპის მამისა და პაპისა. საოცრებაა მათი დაწერაც და ისიც, თუ რამ შემოინახა საუკუნენახევარი და ცოცხალი კავშირი გააბმევიანა წარსულიდან ჩვენს დრომდე...

ახლა რომ ამ სწრაფმავალ „რაკეტას“ ცხვირზე ვდგავარ ულამაზეს მდინარე კამაზე თვალჩაშტერებული, სწორედ ამ რვეულების გამოისობითაა.

ილინსკოე... რომელიღაც მეექვსე გრძნობით შორიდანვე ვცნობ ამ სოფელს. ბორცვზე აბობლებულან და უკანა ეზოებით პატარა მდინარე ობვას ნაპირებზე შეფენილან სახლები, რომელთა ფანჯრები, ძველებურად ნაჩუქურთმევი თამასები რომ აქვთ, ფართო ქუჩას გადასცქერიან. ალბათ ამ სახლთაგან ზოგიერთი იმ დროსაც ასევე იდგა...

ნავსადგომთან მოწაფეები მეგებებიან, ხელებში ყვავილები უჭირავთ. ამ სოფლის მცხოვრებნი უკვე მიცნობენ და ცნობისმომყვარეობით მათვალთებენ გრაფ სტროგანოვების ყმების შთამომავალს. სტროგანოვების კარ-მიდამო დღემდე შემონახულა ილინსკოეში.

აქ 1851 წელს ჩემმა წინაპარმა მიიღო „აზატობის ქალაქი“, რომელშიაც ეწერა:

მე, მეუღლე გენერალ-ლეიტენანტისა, ვრჯინია ნატალია პავლოვ-
ნა, სტროგანოვის ასული, სამუდამოდ ვათავისუფლებ ჩემს შინაყმას
პიოტრ იაკოვლევჩი კუზნეცოვს, მის მეუღლე ოლიმპიადას, ასულ ფედო-
რასა და ვაჟიშვილ ნიკოლაის, რომლებიც 1845 წელს ჩემი მშობლის,
გენერალ-ლეიტენანტის ქვრივ სოფია ვლადიმეროვნა სტროგანოვას,
დაბადებითა თავადის ასულ ვოლიცინას ვარდაცვალების შემდეგ მერვო...
ამიერიდან არც მე და არც ჩემს მემკვიდრეებს მათთან, კუზნეცოვებთან,
და არც მათ მომავალ შთამომავლებთან საწმე აღარ გვექნება.

შემხვედრთაგან ერთი შაოსანი, მონაზონივით დედაბერი მომი-
ახლოვდა. დანაოქებულ, ჩაშავებულ ხელებში შემეჭკნარი, ფოთლებ-
შეთხელებული ტოტი ეჭირა. დედაბერმა გამომიწოდა ეს ტოტი და
ჭკვიანური თვალებით შემომამატერდა.

— გამომართვი, ჩემო კარგო, და თუგინდ ყვავილის ქოთანში
ჩაარქო, იცოდე, მაინც გაიხარებს. მამაპაპათა სამშობლოს სახსოვ-
რად გქონდეს ეს ძეწნა.

ილინსკოეში გამცილებელი არ მჭირდება, რადგან ჩემს წინა-
პართა დღიურებში მეტად თვალნათლივ არის აღწერილი ეს სოფე-
ლი და ამიტომ ისეთი ნათელი შეგრძნება მიპყრობს, თითქოს ოდეს-
ღაც უკვე ვიყავი აქ.

აი, ამ ადგილას იდგა ილინსკოეს ეკლესია, რომლის სახელიც
დაერქვა სოფელს. ამ ეკლესიაში მონათლეს, ჯვარი დასწერეს და
წესი აუგეს ჩემს პაპის პაპას, მონათლეს ჩემი პაპის მამა და პაპა.

არარსებობიდან ფიქრით ამოვიყვანე მისი ხის კედლები, მისი
გუმბათები მოოქრული ჯვრებით, მთელ სოფელს რომ დაბრწყინა-
და თავს.

აგერ, სამრევლო სასწავლებლის ძველი შენობაც, თავისი არსე-
ბობის მანძილზე იგი ბევრჯერ შეუკეთებიათ, იქ დღესაც ილინსკო-
ეს სკოლაა მოთავსებული. აქ სწავლობდა ჩემი წინაპარი და, რომ
დაამთავრა, ჯერ ისევ პატარა ბიჭმა პერმის სტროგანოვთა განუყო-
ფელი მამულების სამმართველოში დაიწყო მუშაობა, როგორც თა-
ვად წერდა დღიურში, „წერითი განხრით“.

სამმართველოს შენობაში ახლა სტროგანოვების მუზეუმი გახს-
ნილი.

მთელი დღე გავატარე მუზეუმში. მისი თანამშრომლები, მშობ-

ლიური მხარის შესწავლით გატაცებული ენთუზიასტები, სტროგანოვების უწყებებში ჩემს წინაპართა გვარებს წააწყდნენ. მათაც ისევე გადაედოთ ჩემი მღელვარება, როგორც ილინსკოელ მწაფეებს.

რა შურითა და უტყვი აღფრთოვანებით დასჩერებთან ილინსკოელები ჩაყვითლებულ რვეულებს, რომლებმაც საშუალება მომცა შემეტყუო იმაზე მეტი, ვიდრე ილინსკოეს, პერმის, მოსკოვისა და ლენინგრადის არქივების ქექვით გავიგე.

ამ რვეულებმა ჯადოქრად მაქციეს. მათი დახმარებით შემიძლია დრო შევაჩერო, შემიძლია უკანაც დავხიო იგი. მე შემიძლია, თუკი თქვენ ინებებთ, გონჩაროვების მამულში მიგიყვანოთ და გიჩვენოთ პატარა ნატაშა, გრაფ გრიგორი ალექსანდრეს ძე სტროგანოვის დეიდაშვილი, იქნებ ეკატერინე გონჩაროვასა და დანტეს-ჰეკერნის საქორწინო სადილზე გნებავეთ დასწრება, თითქმის პუშკინის დადუპვის წინააღმდეგ რომ გაიმართა გრიგორი სტროგანოვის სახლში?

შემიძლია გიჩვენოთ მოხუცი თავადის ასული გოლიცინა, რომელმაც, მის შთამომავალ სტროგანოვებს თუ დავუჩერებთ, იცოდა სამი კარტის საიდუმლო და ღვთაებრივმა პუშკინმაც უკვდავყო თავის „პიკის ქალში“.

ისე ნათლად ვხედავ ჩემს შორეულ წინაპარს, შევეცდები თქვენც დაგანახვოთ სტროგანოვების შინაყმის პორტრეტი, რომელიც არც არავის დაუხატავს და არც არავის გადაუღია არასოდეს.

„აზატობის ქალაქში“ ასე წერია:

სიმაღლით იგი 2 არშინი და 5 ნოჯია — სუფთა პირისაზე აქვს, დიდრონი, თაფლისფერი თვალები, სწორი ცხვირი, შავი თმა-წარბი, მრგვალი ნიკაპი და თეთრი, ჩაკიწყიწებულები კბილები. ოცდათხუთმეტი წლისა არის.

ასეთი იყო ჩემი წინაპარი, როცა გაათავისუფლეს. დღიურებიდან ესეც შემიძლია დავუმატო:

ტანდაბალი კაცი იყო, მაგრამ ლამაზი სახისა... სოფლის ვოგოებს თვალი ეჭირათ მასზე... სწრაფი მიმოხვრა ჰქონდა... ხმამაღალი, გადამდები სიცილი იყო... ჩვევად ჰქონდა, როცა კაცს პირველად ნახავდა,

ყურადღებით დაკვირვებოდა... ალალი, მუქი თვალებით მიაშტერდებოდა ზოგჯერ უცნობს და მერე მოუზიდებლად შეათვალიერებდა თავით ფეხანზე. ეტყობა, ეს იმიტომ სჩვეოდა, რომ ამქვეყნად ყველაფერზე მეტად ზაცვა უყვარდა, — იგონებს მამამისი, ჩემი პაპის პაპა იაკოვ პეტროვიჩი, — ამ ხელობის ნიჭი კი თავად ღმერთს ებოძებინა მისთვის.

ილინსკოეში მოხუცებსაც არ ახსოვდათ ასეთი მძაფრი ყინვები ნათლისღებისას. გეგონებოდათ ზღაპარშიაო, ისე უსიცოცხლოდ გარინდულიყვნენ სოფელსა და სოფლის მიღმა თეთრად დათრთვილული ხეები. ზღაპრულადვე, თითქოს დაუხატავთო, ცისკენ სწორ სვეტებად მიემართებოდა მილებიდან ამომავალი, ყინვიანი ბურუსიდან ცივად გამონაღწევი, მზის სხივებისაგან ოღნავ შეფერადებული კვამლი.

ქოხნი კი თბილა. ღუმელზე გემრიელად ხვრინავს პაპა სემიონი. ზოგჯერ მიწყნარდება, მძლავრ მკერდში პაერს დაიგუბებს და მერე ისე ომახიანად შემოუტევეს, რომ მისი შვილიშვილი, ჩვიდმეტი წლის აკულინა შეშინებული კრთის და პირჯვარს იწერს.

დედ-მამაც ტუბილად ფშვინავს, ოთახში თავიანთი ხელით გაჩორკნილ საწოლზე წვანან და საბნის ნაგლეჯი აფარიათ. წყნარად სძინავს უფროს ძმას ივანეს, იგი ნამჯახზე გაშხლართულა, ჯვალო წაუფარებია და ზედ ჯუბა წაუხურავს.

ტაბურეტზე კი, გადაჰდობილ ხელებზე თავწადებულს სძინავს და ძილში ოხრავს და კენესის უფროსი და, მოსულელო ევლამპია.

აკულინა — ჩათუნთულებული გოგო, ფართო, სასაცილო სახე რომ აქვს და რბილი, ღაღღაჟა ლოყები, თავის მეგობარ დაშკასთან, გამხდარ, შავგვრემან, ახლად აფრენილ ჭკის ბახალასნაირ გოგონასთან ერთად მკითხაობაშია გართული. კვარის შუქით ოღნავ განათებულ ხის ლამბაქში ცვილს ასხამენ.

უმცროს ძმას, პეტკასაც არა სძინავს. აინტერესებს, რას მკითხაობენ გოგოები.

დაშკა ჩურჩულებს:

— გათხოვდები. ხედავ, ბიჭი ჩანს...

— მარხილიც ჩანს, მგონი, — ყოყმანით ეთანხმება აკულინა.

— უცხო სოფელში წაგიყვანს ის ყმაწვილი! ამ ზამთარს აღარ

გადაცდენს! — გატაცებით ჩურჩულებს დაშკა და ალტაცებისაგან თვალებს ხუჭავს.

— ახლა შენ უნდა გიმკითხო, პეტრუხავ, — ეუბნება ძმას აკულინა და ბიჭიც მაგიდაზე იხრება.

ქონში კვლავ სიჩუმე ისადგურებს. წამით პაპაც კი ყუჩღება ღუმელზე, თითქოს შვილიშვილის ბედ-ილბალი უნდა ამოიცნოს, მერე კი ისე ხმამაღლა ახრიალდება, რომ პეტკა ფრუტუნებს, აკულინა პირჯვარს იწერს, ხოლო ევლამპიას გადაქდობილ ხელებზე დადებული თავი უკრთის.

— შენც გზა გიღვეს წინ, პეტრუხავ. გრძელი, გრძელზე გრძელი გზა ვიღვეს... — გატაცებით ყვება დაშკა, — აი, ნახე თუ არა!

— მართლაც გზა მოჩანს, — ეთანხმება აკულინა, — სწორედ რომ გზაა. ნეტა საით მიდის?

პეტკა წყალში ჩაღვრილ ცვილს მისჩერებია და ნაზ, გაქვავებულ ზოლს ხედავს.

„მართლაც რომ გზა მოჩანს! ვაჰმე! ნეტა მანახა, რა ქვეყანაა კამას იქით, ან ქალაქ პერმს იქით“, — ფიქრობს ბიჭი და გული სიხარულით უჩქროლავს, იმედის ნაპერწკალი უღვივდება და მკითხაობის რწმენა ეუფლება.

ამ ღამით მთელ ილინსკოეში ფანჯრები გაჩახჩახებულია. ყველას, ვისაც ცხოვრება წინა აქვს, მომავალში ჩახედვა სურს. დაე, მერე ნუ აუხდება ნამკითხავეები. ოლონდ ახლა წაიოცნებოს ცოტათი! მხოლოდ იმას სძინავს, ვისაც უკვე ახდომია მკითხაობა, ვინც ყმის გრძელი, უსიხარულო ცხოვრება განვლო უკვე და ვისაც წარსულისაკენ მიხედვაც კი არ ეამება, არათუ მომავლის წინასწარმეტყველება.

იმ ღამით არც პუშკინების პეტერბურგისეულ ბინაში ჩამქრალა შუქი.

სამი და სამსანთლიანი შანდლის შუქზე ლანგარზე ცვილს ღვრიდა. ჩურჩულით ლაპარაკობდნენ: შინ ბალებსა და უმცროსი დის, ნატალიას ქმარს ეძინათ.

— ახლა შენი ჯერია, ტაშა, — ჩურჩულებს კატია, ღამაზ თავს სწევს და კედელზე მისი სქელი კულულების ჩრდილი ირხევა. კატია დიდრონი, გაბრწყინებული თვალებით მისჩერებია დას, კოპწია

ბაგეები ღიმილით ეპობა. წამით შეიცდის. მერე სკამიდან წამოდგება, ნატალიას მოეხვევა და მაგიდასთან დასმას დაუპირებს, მაგრამ იგი მხრების შერხვევით თავს ითავისუფლებს და კატას ხელები ჭრელ შალზე ცურდება. შინაურულად ჩამოშლილი მუქი თმა ნატალიას დაუდევრად კეფაზე აუკრეფია და მხრებზე შალი მოუსხამს. ყინვიანი ღამეა, შინ კი მაინცდამაინც არ თბილა.

— ჩემი მომავალი უკვე ამოცნობილია, — ამბობს ღიმილით. ნატალიას არც კი სჭირდება ხმის დაწვევა და ჩურჩულით ლაპარაკი: ისედაც მშვიდი და ჩუმი ხმა აქვს. ეს მისი მანერაა საუბრისა. — ახლა აზინკას უმკითხავეთ, — ამბობს და ღია თაფლისფერი თვალებით ალერსიანად აჩერდება შუათანა დას. ოდნავ ელამი თვალები აქვს. ისე შეუმჩნევლად ელამი, რომ მზერა საოცარი უხდება, იდუმალი და გამოუცნობი.

— მეც ამოცნობილი მაქვს მომავალი, — ცხარედ ჩურჩულებს ალექსანდრა, ცვილს განზე სწევს და დგება. — წავიდეთ, დებო, დავიძინოთ. არ ვიცი, რა ვუმკითხავეთ კატენკას, რა ამოუვიდა — ქორწილი თუ ვიღაცის დაკრძალვა.

იგი სწრაფი, მოუთმენელი მოძრაობით თმის სამაგრებს ღამის იგლეჯს კულულებიდან, მერე მარჯვენა ხელში ბლუჯავს და თავს იქნევს. ამ დროს რაღაცნაირი უხეში, დაძაბული, ულამაზო ხდება.

— რაო, რადა ხარ დღეს, აზინკა, ასე უგუნებოდ, — ეუბნება ნატალია და ცდილობს მშვენიერი სახიდან შფოთი წაირეცხოს, მაგიდიდან ლანგარს იღებს, დილისთვის ნაკვალევიც არ უნდა დარჩეს ამ მკითხაობისა, რომ ალექსანდრ სერგეევიჩი არ გააცინონ. — როგორ თუ დასაფლავება, ქორწილი გველოდება, ნამდვილი ქორწილი!

თუმცა ტრაგიკულად შეტეხილი მარცხენა წარბი, მის შუბლს რომ ტანჯულ იერს ფენდა და ღრმა სულიერი შფოთის მაუწყებელი იყო, ვერც ღიმილმა გაუხსნა და ვერც ამ გამამხნეველმა სიტყვებმა.

ეს განაწამები შუბლი სამუდამოდ აღბეჭდა ა. პ. ბრიულოვმა ნატალია ნიკოლაევნა პუშკინას პორტრეტზე.

პეტკას კი აუხდა საშობაო მკითხაობა! მის წინაშე ფართო სამყარო გადაიშალა. მოურავმა გრაფინიას დეპეშა მიიღო: პეტერბურ-

გში, გრიგორი სტროგანოვთან დროებით სამსახურში გაევხანათ. ვინმე წერაში გაწაფული შინაყმა. — ჰოდა, არჩევანი პეტრეზე შეჩერდა. თუმცა კაბუჯი იყო, მთელი მმართველობის მწერლებს სჯობდა წერაში.

საშობაო მკითხაობა დებ გონჩაროვებსაც აუხდათ. ქორწილიც გამართეს, უცნაური, დღემდე ამოუცნობი ქორწილი და დაკრძალეს კიდევაც კაცი, ვინაც მწვავე ტკივილი დაუტოვა გულში მარტო ახლობლებს კი არა, მთელ რუს ხალხს. მას მერე საუკუნენახევარი გავიდა, მაგრამ ჭერაც არ დამცხრალა წუხილი ამ მძიმე დანაკარგის, უდროოდ დაღუპული დიდი რუსი პოეტის გამო. ამაზე კვლავაც ბევრს წერენ. ამაზე ლაპარაკობენ, მსჯელობენ, კამათობენ, ცდილობენ ამოიცნონ ამბავი, რაც უკვე არარსობას შეერწყა.

პირველი თავი

ილინსკოედან პეტერბურგამდე ძნელი და გრძელი გზა იყო. პერმის სტროგანოვთა განუყოფელი მამულის სამმართველოში ოთხი საზიდარი დატვირთეს. ერთით ხალხისთვის გზაში საკმედი ხორაგი მიჰქონდათ და ცხენებისთვის კიდევ — ფურაჟი. მეორეთი — ძღვენი ბატონებისათვის — კასრებით თაფლი, მურაბა, დამწვნილებული სოკოები. მესამე ილინსკოეს ხატმწერ სახელოსნოში მოხატული ხატებით იყო გამოტენილი. ბოლო საზიდრით კი მიდიოდნენ მეჯინიბე სოფრონი, რომელიც დროებით გაგზავნეს გრაფ გრიგორი ალექსანდროვიჩ სტროგანოვის განკარგულებაში, პეტრე და გოგო ანფისა. სად და რატომ მიდიოდა ანფისა, კარგად არავინ უწყობდა. ეტყობა, ისიც ბატონებმა მოითხოვეს ვინმეს სამოახლოდ.

მშობლიურ სოფელთან, დედასა და მეგობარ გოგოებთან განშორებისას ანფისა იმხელას ღრიალებდა, თითქოს მკვდარს დასტირისო. დედაცა და გოგოებიც თითქმის სამუდამოდ ემშვიდობებოდნენ ანფისას. პირველად არ მიჰყავდათ შინაყმები ილინსკოედან პეტერბურგში ან მოსკოვში, უკან, მშობლიურ სოფელში კი თუ ვინმე დაბრუნდებოდა, დაავადმყოფებული უნდა ყოფილიყო, ან სიბერისაგან დაუძღურებულყო. თვითონ პეტრეს ბებიაც წაიყვანეს

სტროგანოვებმა მოახლედ, მას მერე კარგა თხუთმეტი წელიწადი გავიდა და პეტრეს აღარც კი ახსოვს.

პეტრეს, სოფრონისა და ანფისას გარდა, სტროგანოვთა მამულიდან პეტერბურგში ერთი საუკეთესო ჩორთით მოსიარულე ცხენიც უნდა ჩაეყვანათ. მეორე საზიდარზე გამობმული, თეთრი, არაჩვეულებრივად ლამაზი ფაშატიც შეშფოთებული ჩანდა, აქეთ-იქით აცეცებდა თვალებს და შემხვედრ მინდვრებს, მთებსა თუ ველებს ჩუმი, გულჩასაწყვეტი ხვიხვინით ახმიალებდა.

ნაბლავლი ანფისა ხმაჩაწყვეტილი იჯდა საზიდრის კუთხეში. პეტრეს კი თავისი თავისა უკვირდა. ძალზე იოლად მიატოვა სოფელიცა და თავისიანებიც. თითქოს რაღაც სიმძიმე მოსწყდა მხრებიდან, ისე მიისწრაფოდა უცნობი მხარისაკენ.

ეტყობოდა, მაისი ცივი იქნებოდა. თუმცა ეს არავის აღარდებდა. ილინსკოელებმა იცოდნენ, რომ ჯერ კიდევ გზაში წამოეწეოდათ ზაფხულის ხვატიანი დღეები.

და მაინც, თუმცა პეტრე სულითა და გულით ახლისკენ მიისწრაფოდა, მშობლიურ ილინსკოეში გატარებული დღეებიც გულში ჩარჩენოდა და ხშირად აგონდებოდა.

კუზნეცოვთა ძველი სახლი, ისევე როგორც ილინსკოეს ყველა გლეხისა, მასზე მჭიდროდ მიდგმულ ბელლიანად სოფლის შუაგულში იდგა, მისი ფანჯრები ოღროხოღრო ფართო ქუჩას გამოჰყურებდა, რომლის ღრანტეებში ჩატბორებული წყალი მთელი ზაფხული არ შრებოდა, შიგ კი ღორები, ბატები და იხვები ჭყუმპალაობდნენ. მზიან დღეებში დაისის გამოსათხოვარი სხივები ილინსკოეს ეკლესიის გუმბათებისა და ჯვრების ვარაყებს ალაპლაპებდა და მათი ათინათი მეწამულ ხანძრად იჭრებოდა ფანჯრებიდან პატარა ოთახში. საღამოებს ამ შუქზე ატარებდნენ და მეზობლებზე უფრო გვიან ანთებდნენ კვარს .

პატარაობიდანვე მთელ ოჯახში პეტრეს დედა, აგრაფინა სპირიდონოვნა ჰყავდა გამორჩეული. მთლად ახალგაზრდა და ლამაზი ახსოვდა დედა, იგი ილინსკოეს თეატრის ერთადერთი მსახიობი ქალი იყო, რადგან იმ დროს ჯერ კიდევ ქალის როლებს უმთავრესად მამაკაცები თამაშობდნენ. იქნებ პეტრეს ეჩვენებოდა, მაგრამ დედამისი ყველა გლეხის ქალისგან განსხვავდებოდა. დედა სიარულითაც გამოირჩეოდა სხვა ქალებისაგან — მსუბუქად და ნარნარად

დადიოდა. მეღერი, მაღალი ხმით ლაპარაკობდა. კაბა, რომელიც სულმთლად უბრალო მოჩანდა სხვის ტანზე, პეტრეს დედას თუ ეცვა, პლიდრული გეგონებოდათ. გრძელ, შავ ნაწნავეებს თავზე ირგვლივ იხვევდა ხოლმე და თავსაფარს ისურავდა, რომელსაც სხვა დედაკაცებივით ნიკაპქვეშ იკრავდა. მაგრამ თმა მაინც არ ემალებოდა, უბრწყინავდა და რაღაც საოცარი მოლურჯო ფერი გადაჰკრავდა.

სათეატროდ ილინსკოეში ააგეს ვრცელი, ხუთკედლიანი შენობა სცენით, ფარდებით, კულისებითა და მაყურებელთა დარბაზებითურთ. ამბობდნენ, ქალაქის თეატრშიც ასევეა ყველაფერი! ოღონდ ის უფრო დიდი შენობაა და უფრო მორთულ-მოკაშმულიო.

პეტრეს მამა ახალგაზრდობიდანვე დაცალფეხდა და ომბოხით დადიოდა. ყველა თავის წინაპრის მსგავსად ისიც ექიმბაშობდა. პაპა კი — დედის მამა — შვილიშვილს დაამახსოვრდა ლოგინად ჩავარდნილი, მკვნესარე, ღუმელს მიჯაჭვეულ ბერიკაცად, მთელი ოჯახი რომ შეიკლა თავშისაცემი საზრუნავებით.

ჰოდა, ახლა, სოფლის შარავზაზე რყევა-ნჯღრევით საზიდარზე მკდარი რომ მიემგზავრებოდა, შინაურებთან განშორებითა და თავის ცხოვრებაში უცებ მოვლენილი სიახლით უნებლიედ დავაჟკაცებული პეტრე ბოლოსდაბოლოს მიხვდა, რომ დედამისი ყვაეების გუნდში გარეული თეთრი მტრედი იყო. ამ ქალს თავისი ცხოვრება ჰქონდა, რაც უცხო იყო პეტრეს მამისათვის, პაპისა, პეტრეს დამმისა და თანასოფლელებისათვის. მამა და პაპა დედას უთაურ დიასახლისს ეძახდნენ. მეზობლები ამბობდნენ, ეგ დედა კი არა, გუგულიაო. დედასთვის კი სულ ერთი იყო, რასაც იტყოდნენ მასზე. დილაადრიან ნაღვლიანი გულგრილობით ღუმლიდან ნიჩბით გამოჰქონდა ხოლმე პური — ხან დამწვარი, ხან კიდევ — გამოუცხოები. ღუმელზე სატაციით აცურებდა წინ სახელდახლოდ მომზადებული შეჭამადით სავსე თუჯიას. ხმაამოუღებელი რეცხავდა ოჯახის სარეცხს, ხეხავდა იატაკებს. საქმეს ისე აკეთებდა, კრინტს არ ძრავდა, ოხრავდა მხოლოდ.

სცენაზე კი სულ სხვა ქალად იქცეოდა ხოლმე, რამდენჯერ უნახავს პეტრეს, როგორ თამაშობდა დედამისი მორთულ ქალბატონებს, ან მხიარულ ყმაწვილ ქალებს, როგორ გულიანად კისკისებდა, მღეროდა და ისეთ ცეკვას გამართავდა, აღტაცებული მაყურე-

ბელი ტაქტს ფეხით ჰყვებოდა. კაცი ველარ იცნობდა ხოლმე ამ დროს დედამისს.

მამას რცხვენოდა, ასეთი ცოლი რომ ჰყავდა. მაშინ ქალის თეატრში თამაში საძრახისი იყო. ბევრჯერ მეზობლების თვალწინ მთელს ეზოში გრძელი ნაწნავებით უთრევია ცოლი, მაგრამ მსახიობობას ვერ დაუშლიდა, შინაყმა ქალს ვინ შეეკითხებოდა, რა საქმისათვის მოეკიდა ხელი, რომც სდომებოდა, ვერ გაანებებდა თავს თეატრს, თანაც არც თავად სურდა.

მხოლოდ ახლა მიხვდა პეტრე, რომ სწორედ იქ, სცენაზე ჰპოვებდა დედამისი სიცოცხლის სიხარულს. იქითკენ გაუბროდა ქმარს, რომელიც არ უყვარდა, მამას, ბავშვებს, მეზობლებს, რომელთაც არ ესმოდათ მისი. ხოლო როცა ილინსკოეს თეატრი პერმში მიემგზავრებოდა წარმოდგენების გასამართავად, ამ ქალზე ბედნიერი არავინ იყო. ცდილობდა, თვალეში აელვარებული სიხარული ჩაექრო და მეზობლებს ეხვეწებოდა, ავადმყოფ ბერიკაცსა და იმ ჩემს ჩერჩეტ გოგოს მიმიხედეთო.

მამა-შვილნი მსახიობების საზიდრებს საძოვრებამდე აცილებდნენ ხოლმე. ბევრი საზიდარი იყო: კოსტუმებით, დეკორაციებითა და მსახიობებით დატვირთული. მერე გამოეთხოვებოდნენ. ჰოდა, პეტრეს ეჩვენებოდა, ოჯახს რომ შორდებოდა, დედამისი თავისუფლად ამოისუნთქავდა ხოლმე, მხრებში იშლებოდა და ეტყობოდა, მაშინვე ავიწყდებოდა თავისიანები.

ოჯახი, პაპისა და ევლამპიას გამოკლებით, მთელი დღე საქმიანობდა. ძმა, ფიოდორი — მასწავლებლობდა, ძმა ივანე სატყეოში მუშაობდა, ორთავე ცოლ-შვილიანი იყო და ცალკე სახლობდნენ. აკულინა სამმართველოს ყვავილებს უვლიდა.

პეტრე კი...

დაბადებიდანვე საოცარი იღბალი დაჰყვა. სწორედ პეტრეზე იყო სტროგანოვთან პერმის განუყოფელი ადგილ-მამულის სამმართველოში აღძრული „საქმე გამოტოვებულ ილინსკოელ ბიჭუნა პეტრე კუზნეცოვზე“. სწორედ მასზე იგზავნებოდა ილინსკოეს სამმართველოში რაპორტი რაპორტზე, ბიჭი არ არისო შეტანილი „სააღწერო სიაში“. სწორედ პეტრეს საქმეს მოჰკიდა ხელი პერმის სახაზინო პალატამ და იგი ახალ „სააღწერო სიაში“ დაამტკიცა... სამი წლის თავისუფალი ბიჭუნა ყმა გახდა.

სწორედ პეტრეს პაპა სემიონი, მთელს ოჯახში ერთადერთი ადამიანი ვისაც კარგად ესმოდა, რაც ხდებოდა, შეეცადა ბიჭი ჩუმად გაეგზავნა პერმში: იგი ვილაც ნაცნობ ვაჭარს მოელაპარაკა, რომ ბიჭი თან წაეყვანა, მოემიზებებინა ვითომც მიუგდეს, და მერე ობოლთა თავშესაფარისთვის ჩაებარებინა. მას მერე, რაც ოჯახმა გაიგო, ბიჭი გამოტოვებულა „სააღწერო სიაშიო“, ბარე ორი დღე ცდილობდა პაპა სემიონი, დაერწმუნებინა ქალიშვილი და სიძე, ვისარგებლოთ ამ შემთხვევით, დაუყოვნებლივ გაეგზავნოთ ბავშვი, სანამ ახალ „სააღწერო სიას“ შეადგენენ და ჩვენ კი ასე ვთქვათ, ბიჭი დაგვეხრჩო.

მაგრამ პეტრეს მშობლები, ისევე როგორც მათი წინაპრები, მულამ ყმები იყვნენ და სხვა ხვედრი ვერც წარმოედგინათ ვერც თავიანთთვის და ვერც ბავშვებისათვის. არ სურდათ ბიჭის გაგზავნა ისე, რომ მისი ამბავი არ სცოდნოდათ. მაშინ პაპამ გადაწყვიტა, ცოდვა თავის თავზე ეკისრა და მშობლების სურვილის წინააღმდეგ წასუღიყო.

პეტრეს ბევრჯერ მოუსმენია მშობლების ნაამბობი საშინელი ამბავი, თუ როგორ გაჩერდა ზაფხულის ერთ ბნელ ღამეს ვაჭრის საზიდარი წინასწარ დათქმულ ადგილას. პაპა სემიონმა აცახცახებული ხელებით ფრთხილად და უგერგილოდ გაახვია ბალლი საბნის ნაგლეჯში. ბიჭუნა წამით გამოფხიზლდა, წამოიტირა, რალაც ჩაიჩურჩულა და ისევ ჩაიძინა. პაპა კი თან ბალლს უნანაევებდა და თან ჭიბეში გუშინდლიდან მოხაზირებულ 30 მანეთს სინჯავდა, ეს ფული ვაჭრის მისაცემი იყო, პაპას ჭაბუკობიდანვე ჰქონდა გადანახული. ჯერ ეს უნდა მიეცა, დანარჩენი — მერე.

პაპამ ფრთხილად გამოაღო კარი და ასევე ფრთხილად მიიხურა. მაგრამ კარმა მაინც გაიჭრაჭუნა. პაპამ წინკარი გაიარა და ზღურბლზე გამოვიდა, მაგრამ სწორედ ამ დროს კარი ჯახუნით მოიფლითა და იქიდან ჯერ პერანგისამარა, თმაგაწეწილი აგრაფინა გამოვარდა ყურისწამლები კივილით, მერე კი იაკობიც მოჰყვა.

— არ მოგცემ ბალლს, არა! არ მოგცემ! რასა სჩადიხარ, მამა?

მეზობლების ფანჯრებში სინათლემ გაიელვა, თვალცრემლიანმა პაპა სემიონმა ბალლი დედას გადასცა და შეეცადა საჩქაროდ დაეკეტა წინკარი.

არც დედას ესმოდა და არც მამას, რომ თავისუფლება მშობლე-

ბის მზრუნველობაზედაც კი ძვირფასია. არ დაანებეს ბიჭის პერმში წაყვანა.

ოლინსკოეში ხმა გავარდა, ასე და ასე მოხდაო ღამით. პაპა გაამათრახეს. ის იყო და ის, ღუმელიდან ფეხი აღარ ჩამოუდგამს. თავად ამბობდა, ამ სასჯელით სხეული კი არა, უფრო მეტად სული დამისახიჩრდაო, სულიერად ვერ აიტანა ეს ამბავი.

ხოლო პეტრე ყმა გახდა. მაგრამ ჩვილობიდანვე „აზატი“ კი შეერქვა.

...ცხენები საზიდრებს გაზაფხულის წვიმების შემდეგ გამხმარგზაზე მიარახრახებენ. უკვე გაცდნენ პერმს, სადაც, შეიძლებოდა ისე მომხდარიყო, რომ თავისუფალ კაცს, პეტრე კუზნეცოვს ეცხოვრა... ეტყობა, არ ჰქონდა ამისი ბედი! ბედ-იღბლისა კი პეტრეს სწამდა. მაინც, რა ავი თინი უყო ბედმა! იმ სამი წელიწადის თავისუფლებას, თუმცა მაშინ ღლაპი იყო, უკვალოდ არ ჩაუვლია, სამუდამო შფოთი ჩაუსახა გულში, თავისუფლებისაკენ მგზნებარე სწრაფვა და საკუთარი ყმური ცხოვრებისადმი ზიზღი, რისაც არც მშობლებს გაეგებოდათ რა და არც მეგობრებს, აბა, საიდან ჩასწვდებოდნენ პეტრეს გულისთქმას? მათ ხომ თავისუფლება არ ეგემათ!

ცხრა წლიდან მოყოლებული თოთხმეტისა სანამ არ გახდა სამრევლო სასწავლებელში სწავლობდა. სწავლობდა კარგად. ქების სიგელით დაამთავრა სასწავლებელი და თოთხმეტი წლისა უკვე ვოტჩინსკის სამმართველოში მუშაობდა, თვეში 36 მანეთს შოულობდა.

აგონდებოდა პეტრეს, ერთხელ სამმართველოში ერთ-ერთმა ახალგაზრდა მოსამსახურემ ჩვეულების მიხედვით რომ ჰკითხა: „პეი, აზატო, მოათავე თუ არა გადაწერა?“

მაშინ ქარხნის ინჟინერი დაინტერესდა ამ მეტსახელით და პეტრეს უამბო ნორჩი მეფის, ივანე VI-ის საშინელი თავგადასავალი, ეს ყმაწვილი მხოლოდ რამდენიმე თვეს მეფობდა თურმე.

მისმა ნაამბობმა პეტრე განაცვიფრა. სასაცილო იყო, თავი მეფისთვის შეედარებინა, მაგრამ მაინც ივანე VI-ისა და მის, პეტრეს, ბედ-იღბალში რაღაც იყო საერთო.

პეტრეს მოურავთან შეხვედრაც მოაგონდა: სოფრონი, სწორედ ის, ვინც აჟამად მასთან ერთად მიდიოდა პეტერბურგში, უკვე ბე-

რიკაცი, ახლა ჰადარით რომ შემქრქალეზოდა წითური თმა, ერთ დროს კი თურმე ისე უელავდა ცეცხლისფრად, შეხედავდი და თვალებს აგატკივებდაო, პეტრეს წასაყვანად მოვიდა. კუზნეცოვების სახლის ზღურბლს რომ გადააბიჯა და კარიც მიიხურა, ქუდი მოიხადა, კუთხეში დადგმულ ხატის წინ პირჯვარი გადაიწერა და დედას უთხრა:

— აბა, აგრაფინავ, ბედმა გაუღიმა თქვენს ოჯახს. მოურავმა გადაწყვიტა, პეტკა ვოტჩინის სამმართველოში მოაწყოს მწერლური განხრით.

დედამ შიშით გადაიწერა პირჯვარი. პაპამ კენესით ჩაილულულულა ღუმელზე.

— ოპ, მადლობა ღმერთს! თორემ სასწავლებელი დაამთავრა და ახლა საქმეს უნდა მოკიდოს ხელი! საქმეს!

პეტკა იდგა, ხელში კარდალა ეჭირა, სათევზაოდ იყო გამზადებული, ხეირიანად ვერაფერი გაიგო.

— წამოდი, რალა! — უთხრა სოფრონმა და ბიჭს წამობერილი, ერთთავად მხიარული თვალეზი შეავლო.

დედა და პეტკა ხმას არ იღებდნენ. ჭერაც ვერ მოსულიყვნენ გონს. მერე პეტკამ მერხქვეშ შედო კარდალა.

დედა კი უცებ გონს მოეგო:

— სუფთა ხალათი უნდა ჩაეაცვათ!

მაგრამ სხვა ხალათი არ ჰქონდა პეტკას. ადგნენ და მამის ხალათი ჩააცვეს. გრძელი კალთეზი შარვალში ჩაუტნიეს. გაცვეთილი ადგილეზი აღარ მოუჩანდა, მაშ, ყველაფერი წესიერად ეცვა. ფეხშიშველა რომ იყო? მერე რა, ზაფხულში ვის აცვია ფეხთ.

პეტკამ პირველად აბიჯა სამმართველოს კიბის საფეხურებზე. ეშინოდა, ჭუჭყიანი ფეხებით რომ მიტყვაპუნებდა გაპრიალეზულ იატაკზე. სანამ ფართო, გრძელ ღერეფანს გაივლიდა, გული გადაეღია შიშით. მიდიოდა და ფიქრობდა: სახლი კი არა სასახლე არის ესო, ზღაპრებში რომ ამბობენ სწორედ ისეთიო. მაღალ, თეთრად შეღებილ, ეკლესიისდაგვარად ორფრთიან კარებს მძიმე სახელურები ოქროსფრად უბრწყინავდა.

მაშინ კი, როცა სოფრონმა მოურავის კაბინეტის კარი შეაღო, პეტკას გული მთლად მიელია. შეჩერდა, რათა სული მოეთქვა. ბერიკაცმა მხრებში ჩაავლო ხელი და დიდი, ნათელი ოთახისაკენ

უბიძგა მაგიდისაკენ, რომელსაც უჭდა მოურავი ვასილი ალექსანდროვიჩი ვოლგოვი... ჰოდა, ახლა, როცა ეს პირველი შეხვედრა მოაგონდა, პეტრე პერმის სტროგანოვთა განუყოფელ ადგილ-მამულის მოურავის ბედ-იღბალზედაც ჩაფიქრდა.

იოლი როდი იყო გრაფ სტროგანოვთა მემკვიდრეობითი ყმის, ვოლგოვის ცხოვრების გზა.

პეტრესავით ისიც დარბოდა სამრევლო სასწავლებელში, ოღონდ ბევრად უფრო ადრე — კითხვას ტაბულებით და ეკლესიაში დაბეჭდილი წიგნებით სწავლობდა, წერასა და არითმეტიკაში ვარჯიშობდა. სწავლობდა საღვთო სჯულის, წმინდანთა ცხოვრებას, რუსულ გრამატიკას. პეტრესი არ იყოს, იმანაც ზეპირად იცოდა ლოცვები: „წმიდა სამებისა“, „უმწიკვლო ცხოველმყოფელი ჯვრისა“, „მამაო ჩვენო“, „ხარობდე, ღვთისმშობელო, ქალწულო“.

ხოლო სამრევლო სასწავლებელი რომ დაამთავრა, პეტერბურგში, ვასილევის კუნძულზე სტროგანოვებმა კერძო სამთამადნო-საქარხნო სკოლა გახსნეს, რომელიც პერმის მამულის სამთამადნო ქარხნებისათვის და მარილის სარეწებისათვის ამზადებდა სპეციალისტებს.

ვასილი ვოლგოვი ამ სკოლაში განამწესეს სასწავლებლად. ეს სკოლაც დაამთავრა. მერე „აზატის“ ქალაქი მიიღო და პერმის სტროგანოვთა განუყოფელი ადგილ-მამულის მოურავად დაიწყო მუშაობა.

...მოურავმა თავი აიღო ქალაქებიდან, მაგიდაზე რომ ეწყო და კითხულობდა. ჭკვიანური, ნათელი თვალებით ისე გამჭოლად გამოიხედა, ბიჭი მიხვდა, რომ ასეთ თვალებს ვერაფერს გამოაპარებდა კაცი.

ჰოდა, აი, დაიწყო ახალი ცხოვრება. პეტრე დილიდანვე მიდიოდა სამმართველოში, დედის შეეკერილი სუფთა ხალათი ეცვა, თმა კოხტად ჰქონდა გადავარცხნილი, ბირკავას ზეთს ისვამდა ზედ.

მას ბატივისცემით, უფრო მეტად კი შურიანი მზერით მიაცილებდნენ არამართო თანატოლები, ჭაბუკები და კაცებიც კი. ჰოდა, პეტრემ ბევრჯერ შიშით შეადარა თავისი ბედი დედის ბედს: მისმა ბედ-იღბლის ბილიკმაც განზე გადაუხვია საერთო ბილიკიდან. ნეტა კარგი გამოდგება ეს თუ ცუდი?

პეტრე ფიქრობდა, კარგის მომასწავებელია ეს ამბავი, დედა-

ჩემს გამოვემგვანე ალბათო. არ იყო ჩემი საქმე მიწის მუშაობა, არც, სხვა ყმაგლეხებისაგან განსხვავებით, ვაჭრობა მომდიოდაო თვალში.

ილინსკოე ძველთაგანვე კამისპირეთის მსხვილი სავაჭრო ცენტრი იყო. შაბათობით მუდამ იმართებოდა ილინსკოეს ბაზრობა. ეს ბაზრობები განსაკუთრებით კარგად დაახსომდა პეტრეს, რადგან ამ დღეებში ყმა აქტიორები თავიანთ სპექტაკლებს უჩვენებდნენ ხოლმე.

ილინსკოეს ყმა გლეხთა დაბალსახურავიან ბინებს პირველი გილდის ვაჭრების ორსართულიანი ქვის სახლები დაჰყურებდა თავზე. ბაზრისთვის მისამხარი ხალვათი ადგილი იყო სოფლებში შერჩეული. ვაჭრები ციმბირულ კედრის წიწიბოს, თაფლს, ნაირ-ნაირ საბაკალო საქონელს ყიდიდნენ.

ვაჭარ ბეკლემიშევის სახლი ბალღობაშივე აოცებდა პეტრეს სილამაზით: წაფერდილი სახურავებიდან მეორე სართული იყო აყვანილი. წინგარდების ზევითა მხარე ხის არშიებით იყო დამშვენებული. სახლს თეთრი, კაცისსიმაღლე: წვრილი, მოჩუქურთმებული სვეტების ღობე ერტყა. ხოლო ღობეს მომრგვალებული, ლამაზი ცხენის საბმური მორები ჰქონდა შემოვლებული. შაბათ-კვირაობით საზიდრებსა და ცხენებს შორის ძლივს გაიკვლევდი გზას სახლამდე.

ყოველივე საინტერესო სანახავი იყო, საყურებლად ლამაზი და უჩვეულოდ ნაგები, ხედავდი სხვა ცხოვრებას, რომელსაც შენ არ ეკუთვნოდი.

პეტრე სწავლაზე ოცნებობდა. ჰოდა, შეუსრულდა ოცნება. მოურავს ყური მოეკრა, ნიჭიერი და უნარიანი ბიჭიო და თავად განამწესა სამრევლო სასწავლებელში, თანაც მუდამ თვალს ადევნებდა, როგორ სწავლობდა ბიჭი. პეტრე კუზნეცოვის ქების სიგელებიც კი მასწავლებელს საჩვენებლად მოურავთან მიჰქონდა.

და, აი, ახლა პეტრე თავად მუშაობს სამმართველოში. იგი უფრო ხნიერია, ვიდრე მისი ტოლები, თუნდაც იმიტომ, რომ სამმართველოს გრძელი მაგიდების იქით მსხდომი მისი თანამეწყვილენი, უბრალოდ, ხნიერები კი არა, ბებრებიც არიან უკვე.

პეტრე კარგად მუშაობს. მოურავი კმაყოფილია. მაგრამ ყმაწვილი მაინც აფორიაქებულია, საითკენდაც მიისწრაფის, რაღაც სურს კადევ. მერე, საით მიიწევს? რა სურს, ნეტა? ის ხომ თავის დედ-

მამასავით, და-ძმასა და ამხანაგებივით — ყმა არის, თანაც შინაყმა. სამ წელიწადს იყო მხოლოდ თავისუფალი. მაგრამ მას არ ახსოვს ეს თავისუფლება. ძალიან პატარა იყო მამინ. ახლა კი, რასაც მოისურვებენ მისი ბატონები, იმას უხამენ. იოცნებე რამდენიც გინდა. ყმაგლეხი ადამიანი კი არა, პირუტყვია. გარეგნობა, შესახედობა აქვს ადამიანის მხოლოდ. მიუხედავად იმისა, რომ სტროგანოვებს, რომლებიც არასოდეს არ შეიხედავდნენ თავიანთ განუყოფელ მამულში და ერთთავად მოსკოვსა და პეტერბურგში ცხოვრობდნენ, მისთვის ცუდი არაფერი უქნიათ, პირიქით, პეტრეს ეკლესიაში მღვდელი ასწავლიდა, სკოლაში — მასწავლებელი, შინ კი — მშობლები, მაინც ეს კეთილი და ხათრიანი ყმაწვილი ჯერ საგონებელში ჩავარდა, მერე კი, როცა თავი ვერ გაართვა იმის ამოხსნას, თუ რა იდუმალი განსხვავება უნდა ყოფილიყო გრაფსა და ყმაგლეხს შორის, — ბატონებისადმი არაკეთილგანწყობით განიმსჭვალა.

მოურავს რომ შესცქეროდა, პეტრე ხშირად იმას ფიქრობდა, ალბათ ეს კაციც მამაჩემივით, პაპასა და პაპის პაპასავით სტროგანოვების ყმა იყო. დიდი ხნის მიღებული არ ჰქონდა „აზატობის ქალაღი“. ზალხი ამბობდა, ეს „აზატობა“ იმით იყიდა, რომ სტროგანოვთა ადგილ-მამულის სამუდამო მოურაობაზე დათანხმდაო. იმასაც ამბობდნენ, მოცლილობის უამს ძმასთან ერთად სტროგანოვების ცხოვრების აღწერას ანდომებს, წერს იმ ძველი დროიდან მოყოლებული, როცა მეფე ივანე მრისხანემ სახელგანთქმულ კაცს, გრიგორი სტროგანოვს პერმის მიწაწყლის განმგებლობის სიგელი უბოძაო. ვინ იცის, იქნებ მართალსაც ამბობს ზალხი.

პეტრეს კვლავ და კვლავ მოაგონდა სამმართველოში გატარებული დღეები. იგი დოკუმენტების გადაწერას აწარმოებდა. ეს დოკუმენტები ადამიანთა ბედ-იღბალს ასახავდნენ. რამდენი ადამიანის ცხოვრებამ ჩაიარა პეტრეს თვალწინ!

აი ერთი დოკუმენტი, რომელსაც პეტრე დიდი მღელვარებით იწერს: გრაფინია სოფია ვლადიმეროვნა სტროგანოვა ორიათას ვერცხლის მანეთად თავისუფლებას ანიჭებს გლეხ ვასილიევს მისი ორი ვაჟით, ოთხი ქალიშვილით, ცოლითა და დით. დოკუმენტში მთელი რიგი პირობებია ჩამოთვლილი. მათ შორის ასეთი პირობაც: „თუ ილინსკოვს საზოგადოება ვასილიევისაგან მოითხოვს, ვასილიევი მოვალეა, დაქირავებული რეკრუტი გამოიყვანოს ჩემ

მიერ ბოძებულ უფლებათა საფუძველზე“, — წერს პეტრე ლამაზი, ფაქიზი ხელწერით.

მაგრამ ილინსკოეს საზოგადოებას ვასილიევისაგან დაქირავებული რეკრუტი არ მოუთხოვია: „თუმცა ვასილიევის ოჯახს ამჟამად არ უწევს რეკრუტის რიგი, მაგრამ მაინც ვალდებულია ილინსკოეს ხაზინაში დამატებით შეიტანოს 1000 მანეთი ვაქიშვილებსათვის, რომლებიც რეკრუტობის ასაკამდე მიაწევენ“.

ასე, რომ ვასილიევს თავისუფლება სამი ათას ვერცხლს მანეთად დაუჯდა.

„საიდან იშოვა ამდენი ფული?“ — ფიქრობდა პეტრე, ამ დოკუმენტს რომ იწერდა.

„საიდან, ნეტავ?“ — ფიქრობდა ახლაც, ვასილიევის „საქმე“ რომ მოაგონდა. იქნებ უსინდისო გზით მოიპოვა იმ კაცმა ეს ფული? იქნებ ნაჯახით აკუწა ღამით უკაცრიელ გზაზე მიმავალი ვინმე ფულიანი ვაჭარი? თავისუფლების მოსაპოვებლად რას არ იკადრებს კაცი. სასოწარკვეთილება ღმერთსაც დაავიწყებს!

პეტრე იმ გლეხებს კი არ თანაუგრძნობდა, ვინც თავი გამოიხიდა, არამედ იმათ, ვინც გაბედა და გაიქცა.

იმ დროის განმავლობაში, რაც პეტრემ სამმართველოში დაყო, ცხრამეტი „საქმე“ გადაწერა სტროგანოვთა ყმების ილინსკოედან გაქცევის თაობაზე. მათგან სამი დაიჭირეს. გაროზგეს, ოცდაათ-ოცდაათი როზგი დაჰკრეს და მერე სალდათში გაამწესეს.

საინტერესო წიგნივით კითხულობდა პეტრე მოხსენებას ილინსკოეს მთავარ სამმართველოსადმი იმის თაობაზე, თუ როგორ გაიქცა ნიკიფორ ნიფონტოვი. მას წინასწარ, ვითომცდა სასწავლებლად, გაუგზავნია ვაქიშვილი, წინასწარვე, სალდაც დაუმალავს ცხენები და საზიდარები, ასე უთქვამს, ქარხანაში გავგზავნეო. გაქცევამდე ორი დღით ადრე ცოლი და ქალიშვილი „სალოცავად“ გაუშვია. მერე თავადაც წასულა „საქმეზე“.

ოთხი დღის შემდეგლა გაახსენდათ, რომ სოფელში ნიფონტოვების მთელი ოჯახი აღარ ჩანდა. მაგრამ ნიფონტოვი გაგებული გლეხი იყო. ისე წაშალა ყოველგვარი კვალი, რომ საუკეთესო აგენტმა, გლეხმა პანასოვმაც ვერ აუღო აღლო, თუ სად აფარებდა თავს გაქცეული.

„აღბათ ამბოხებულთა ნავსაყუდელში არიანო, — ფიქრობდა

პეტრე, — იქ, სადაც გაქცეული გლეხები და მაწანწალები აფარებენ თავს — უღრან ტყეებში, სოფელ ნირობსკსა და მდინარე ლუნიას შორის, ჩვენი სოფლიდან ორასიოდე ვერსზე, ვოლოგდის საზღვართანო. ხალხი ამბობს, იქ ოქროს საბადოებს ამუშავებენ, ხოლო ადგილობრივი ხელისუფლება მოსყიდული ჰყავთ და მფარველობენო მათ. რა კარგი იქნებოდა იქ წასვლა! ნიფონტოვივით! — პეტრე ხშირად ფიქრობდა გაქცევაზე. „თავისუფლება მსურს! რადაც არ უნდა დამიჯდეს, თავი უნდა ვიხსნა ყმობისაგან,“ — ჩურჩულებდა პეტრე უძილო ღამეებში. იქნებ კიდევაც აღესრულებინა სურვილი, პეტერბურგში რომ არ გამგზავრებულიყო. ვინ იცის, როგორ აეწყობა ახლა მისი ცხოვრება?

ამასობაში დღეს ღამე მოსდევს, ხოლო პირქუშ, წვიმიან დღეს ცამოწმენდილი თბილი დღე სცვლის.

ბორბლებით გადათხრილ გზაზე მიათრევენ ცხენები ილინსკოურ ალალებს. დაღლილობა ეტყობა ულამაზეს თეთრ ფაშატსაც, რომელსაც აღფრთოვანებაში მოჰყავს შემხვედრნი, როცა საზიდრები სოფლებსა და ქალაქებს ჩაუვლიან.

საზიდრის ბოლოში განწირულივით მიმჯდარა ჩაფერფლილი, თითქოს მობერებული ანფისა. პაპა სოფრონი. რომელმაც რა აღარ იხილა ამქვეყნად და რას აღარ შეეჩვია, ჩვეულებრივ, მხიარულ გუნებაზეა და ყბედობს. ახალგაზრდობას იგონებს, თანაც ისე უცნაურად იხსენებს, თითქოს თავისას კი არა, ვინმე სხვის ცხოვრებას ყვებოდეს. პეტრე ძალას ატანს თავს, მაგრამ ეს ბერიკაცი ვერაფრით ვერ წარმოუდგენია ახალგაზრდა.

სოფრონის მონაყოლი კი აინტერესებს ჭაბუკს, მაგრამ რაც მის თვალწინ იშლება, ის უფრო იზიდავს. სოფლური ქოხმახების ხილვა ამწუხრებს, ქალაქების ხალხმრავლობა კი აოცებს.

ჰოდა, ისე მოუთმენლად ელოდება პეტრე პეტერბურგის ხილვას, თითქოს ამაზე იყოს დამოკიდებული, ისეთივე მწარე ცხოვრება ექნება მასაც, როგორც მთელ კუზნეცოვთა მოღვაწის, თუ იგი არწივივით მოსწყდება სალ კლდეს, მკერდით გააპობს ჰაერს და ლალად და აჰყად აიჭრება ზეცაში.

პეტერბურგი ილინსკოელებს კოკისპირული წვიმით შეხვდა. ქალაქი გამოცარიელებული იყო, სიმყუდროვე სუფევდა. იმისმაღლე

სახლებმა და დაბლა ჩამომხობილმა ტყვიისფერმა ცამ გააოცა პეტრე. უცებ მშობლიური ილინსკოეს ველ-მინდვრები მოენატრა. მთელი ეს გზა პირველად მოუნდა შინ ყოფნა. ფართო ქუჩაზე მდგარი კუნძულოვანი ლამაზი სახლიც, ლუმელზე მკვნესარე პაპაც, ლენჩი დაც, მუდამ თმადაუვარცხნელი და პირდაღებული ერთთავად სულელურად რომ იღიმებოდა, მაგრამ მაინც სინორჩის სილამაზით რომ იყო სავსე, სილამაზით, ჭერაც რომ ვერ დაეჯაბნა ავადმყოფობას — ყველაფერი თითქოს უხმობდა პეტრეს, გულით უყვარდა და მაინც რატომღაც მიეტოვებინა. პეტრეს გული უკვდებოდა, ისეთ სიპარტოვეს გრძნობდა.

ცხენებმა გზიდან გადაუხვიეს და ქვაფენილზე თქართქურით შეარახრახეს საშიდრები ღია რკინის კიშკარში, დიდრონი ჩუქურთმებით რომ იყო დამშვენებული.

მეორე თავი

ღები გონჩაროვები სეირნობიდან ცხენებით ბრუნდებოდნენ. ყველანი ბალლობიდანვე მშვენიერი ცხენოსნები იყვნენ და პეტერბურგის დიდგვაროვანნიც, ქვის კუნძულზე რომ ისვენებდნენ და კავალერჰარდებიც, დიდი ნევის იქეთა მხარეს საზაფხულო ბანაკებში რომ იყვნენ განლაგებულნი, მხედარი ქალების მზერით ტკებდოდნენ.

ნატალია ნიკოლაევნა 1836 წლის ამ ზაფხულს მაინცდამაინც არ ეტანებოდა ცხენით სეირნობას. მაისში შეეძინა ქალიშვილი ნატალია, მშობიარობის შემდეგ ბევრი იავადმყოფა და ახლაც, ზაფხულის მიწურულს, თავს კარგად ვერ გრძნობდა. იგი უბრალოდ დებს ასლდა, როგორც მეჯლისებზე ასლდა ხოლმე. ქალიშვილები, თუმცა უკვე მოწიფულები იყვნენ, საზოგადოებაში მარტო ვერ ჩნდებოდნენ.

ღები გვერდიგვერდ მოდიოდნენ. ნატალია ნიკოლაევნას ყორანა ცხენი წყნარად და ჩუმად მიიბიჯებდა. ასეთივე მშვიდი და წყნარი ჩანდა მისი მშვენიერი პატრონიც. ნატალიას სადავეებისთვის ხელი შეეშვა, ცხენს მინდობოდა და არც ირგვლივ იხედებოდა, არც გზას

გასცქეროდა. მიდიოდა წყნარად, რაღაცნაირი საზეიმო განწყობით ჩაფიქრებული.

ალექსანდრა ნიკოლაეენას გულარლო, ფიცხი ცხენი ახლაც ვერ დამცხრალიყო, თუმცა ნახევარი საათი ჩქარი ჩოროთი ატარეს. ჭიხვინებდა. ნესტოებს ბერავდა, აქაოდა, ერთი შემხედვით, ვინა ვარო. მისი მხედარიც გრძნობდა შემხვედრთა აღფრთოვანებულ მშერას და მთელი გარეგნობით, ამაყი მიხვრა-მოხვრით და გულგრილი მშერით თითქოს ამას ამბობდა: „რა მენაღვლება, დაიტკბეთ მშერა, განა ხშირად შეხვდებით ამისთანა მხედრებსო“.

ეკატერინა ნიკოლაეენა კი შემხვედრთა მშერას სიხარულით აბრწყინებულ თვალებს აგებებდა. ზოგს უღიმოდა და თავს უქნევდა, ზოგსაც თეთრხელთათმანიანი ხელით სალამს უგზავნიდა. მისი ცხენიც ხან წინ იჭრებოდა, ხან კიდევ სხვებს ჩამორჩებოდა ხოლმე კეკლუცად აცეკვებული.

იმ ზაფხულს პუშკინები ქვის კუნძულზე ცხოვრობდნენ. ეზოში ორი სახლი და პატარა ფლიგელი იდგა. ერთ სახლში პუშკინები ცხოვრობდნენ, მეორეში — დები გონჩაროვები. პატარა ფლიგელში კი დასახლდა ეკატერინა ივანოვნა ზაგრაიუსკაია, გონჩაროვების დეიდა, ნატალია ივანოვნას და. მას გულით უყვარდა თავის დისწულები. ისინი კი ცოტანი არ იყვნენ: ეკატერინა, ალექსანდრა, ნატალია, დიმიტრი, ივანე და სერგეი. ამბობენ, მეგობარი ჭირში იცნობაო. ეს ანდაზა ზედგამოჭრილი იყო ეკატერინა ივანოვნა ზაგრაიუსკაიასათვის. როცა პუშკინის ოჯახში ტრაგედია დატრიალდა და მომაკვდავმა ალექსანდრ სერგეევინმა ანდერძად დაუბარა ცოლს:

„სოფელში წადი და ორი წელიწადი მიგლოვე, მერე კი ვინმე წესიერ კაცზე გათხოვდიო,“ — ნატალია ნიკოლაეენა ბავშვები-თურთ გაემგზავრა გონჩაროვების მამულში. მას ალექსანდრა ნიკოლაეენაც თან გაჰყვა და გვერდიდან არ მოშორებია დას, მასთან ერთად დაბრუნდა პეტერბურგში. ეკატერინა ივანოვნა ზაგრაიუსკაიაც მათთან იყო. ყველაზე მძიმე დღეებში მხარში უდგა დისშვილს.

...ხეივნიდან მხედარმა ქალებმა მდელოსკენ გადაუხვიეს და ცოტა გზა კიდევ განვლეს. მათ მეეზოვე ელოდებოდა, ჭიშკარი გაულო ქალებს, მხედრები ეზოში შევიდნენ და საჩქაროდ მიაშურეს სახლს.

გრაფ გრიგორი ალექსანდროვიჩ სტროგანოვს ბევრჯერ გაუგზავნია პეტრე რაიმე დავალებით თავის დეიდაშვილებთან, გონჩარო-

ვებთან. პეტრემაც და სტროგანოვთა და პუშკინთა ყველა შინაყმა-
მაც კარგად იცოდა, რომ გრაფ გრიგორ ალექსანდროვიჩს იმ სამი
დღიდაშვილისაგან ეკატერინა ნიკოლაევნა ჰყავდა გამორჩეული,
რალაცნაირად იმ ორზე მეტად მას შეეფთვისა. სწორედ მის საჩუქ-
რად ჩამოიყვანეს ილინსკოედან პეტერსბურგში უმშვენიერესი თეთ-
რი ფაშატი, მისთვისვე იყო განკუთვნილი გოგო ანფისაც. ანფისა
უკვე ყმაწვილ ქალბატონთან ცხოვრობდა, ხოლო ფაშატი გიორგი
ალექსანდროვიჩმა თავისთან დააყენა — ეტყობა, ეკატერინა ნიკო-
ლაევნას ცხოვრებაში რაიმე საზეიმო შემთხვევას ელოდებოდა.

ღღეს პეტრე ამ კარმიდამოში მხედარი ქალების დაბრუნების
მოლოდინში იყო. გრაფის წერილი უნდა გადაეცა ეკატერინა ნი-
კოლაევნასათვის. მაგრამ ეკატერინა მხიარულ მასლაათში იყო გარ-
თული ალექსანდრა ნიკოლაევნასთან და სწრაფად ჩაუარა გვერდით
პეტრეს. დაბნეული ყმაწვილი დაედევნა მათ, მაგრამ ქალებმა კიბე
აირბინეს და კარს მიეფარნენ. მეგინიბემ ცხენებს ჩაავლო ხელი და
წაიყვანა. ნატალია ნიკოლაევნა წუთით შეუყოვნდა მეგინიბესთან და
პეტრე დაინახა. მიხვდა, რომ ყმაწვილი მას ელოდა.

— რა გინდოდა? — ჰკითხა ხმადაბლა.

პეტრეს ჯერ არ ენახა ნატალია ნიკოლაევნა. მხოლოდ ყური მო-
ეკრა, ძალიან ლამაზიაო. შეხედა ქალს და სახტად დარჩა. „ანგე-
ლოზსა ჰგავს — გადაწყვიტა ყმაწვილმა, თვალი ვერ მოეწყვიტა ამ
ქალის მოოქროსფრო-თაფლისფერი თვალებისათვის, უბადლო
სახის ნაკეთებისათვის, ამ ძალდაუტანებლად დახრილი თავისა და
უწაკველი იერისათვის.

იღვა პეტრე ნატალია ნიკოლაევნაზე თვალმისტერებული და
კრინტი ველარ დაეძრა.

ქალი, ეტყობა, მიჩვეული იყო. მისი პირველად მნახველნი რომ
იზნეოდნენ, ერთ ხანს იმანაც იცადა, მერე ჩაეღიმა და კვლავ ჰკი-
თხა ყმაწვილს:

— გინდოდა რაიმე?

პეტრე წამოწითლდა და დაბნეულმა გაურკვეველად ჩაიღუღ-
ლულა:

— მათმა ბრწყინვალეებამ, გრაფმა გრიგორი ალექსანდროვიჩმა
დამავალა, ეს პაკეტი ეკატერინა ნიკოლაევნას გადაეცო.

ყმაწვილმა პაკეტი გაუწოდა და კიდევ უფრო დაიმორცხვა, რად-

გან ასე ნალოლიაეები ქალადი მღელვარებისაგან სწორედ რომ ბოლო წუთს დაეკმუქნა.

ნატალია ნიკოლაენა ყველაფერს მიუხვდა.

პაკეტი გამოართვა, ორად გაკეცა და პეტრეს უთხრა:

— მე გადავცემ ეკატერინა ნიკოლაენას, ცოტა დამეკმუქნება, ალბათ, მაგრამ არაუშავს.

ქალის მოოქროსფრო თვალებში და მომაჯადოებელ ბაგეებზე კვლავ გაიელვა ღიმილმა.

ნატალია გატრიალდა და სახლისკენ წავიდა, პეტრემ კი მონუსხულივით გააყოლა მზერა, დაინახა, როგორ ნელა ასწია ქალმა ხელები და მოიხადა შლიაპა. ყმაწვილი ტკებობდა მისი ნაზი მზრების, წერწეტი ტანის და ლაღი სიარულის ცქერით.

ნატალია ნიკოლაენა კიბეზე ავიდა და თავის დებივით, ისიც კარს მიეფარა.

ზმანება გაქრა.

მთლად დაბნეული პეტრე წამით ისევ გაუნძრევლად იდგა. მანძინჯერ კიდეც არ გაეგებობდა, თუ რა სჭირდა.

ღამით მან ხის კოხტა ყუთიდან, რომელშიც ბარგი ელაგა, გონჩაროვთა ქარხნის მოციხსფრო ქალადი და საწერ-კალამი ამოიღო და ქონის სანთელი ცალი მხრით ჩამოხინდა, რომ მის შუქს მიქინარე პაპა სოფრონი არ შეეწუხებინა.

ნათლად წარმოუდგა სურათი: შეყენებული ცხენი და მხედარი ქალი. ხელის გასაოცარი მოძრაობა, მოშვებული სადავე, მოოქროსფრო-თაფლისფერი თვალების აღერსიანი გამოხედვა... პეტრე შეუდგა ხსოვნაში და გულში ჩარჩენილი ხატების ქალადზე გამოსახვას.

„ეჰ, ნეტავი საღებავები მქონდეს! — გაიფიქრა გულისტკივილით: — აბა კალმით როგორ გადმოვიტანო ამ ქალის თვალები, ეს უმისამართო მზერა, დაბნეული გამომეტყველება, რაღაც ჩაუწვდომელი ნაღველი. კალმით ამას ვერ გადმოსცემ!“

პეტრემ ბრაზით მოისროლა დაწყებული ნახატი საწოლთან მდგარ მაგიდაზე, სანთელს სული შეუთბერა, გაიხადა და დაწვა. მერე სიბნელეში ხელი გაიწვდინა, ქალადი დაკმუქნა და ბალიშქვეშ შეჩურთა.

ღმერთს ნუ ექნა ვინმეს ხელში ჩავარდნოდა! იმწუთასვე მო-

ახსენებდნენ სტროგანოვებს, თქვენს შინაყმას ხატვის ნიჭი აქვსო. ჰოდა, მაშინვე სტროგანოვის სამხატვრო სასწავლებელში უკრავდნენ თავს. სტროგანოვებს ძალიან უყვართ თავიანთი ყმების ბრძნულად განსწავლა. ეამებათ ამით თავის მოწონება. აქაოდა, ერთი ნახეთ, როგორ ვზრუნავთო ჩვენს ხალხზე. ერთმა ღმერთმა იცის მხოლოდ, რომ ამ ხალხს ძალით მიერეკებიან სასწავლებლად! პეტრეს, ილინსკოეში როცა ცხოვრობდა, სულაც არ ეპრიანებოდა ხოლმე მთელ ქვეყანაში სახელგანთქმული სტროგანოვთა ხატების ხატვა. საერთოდ, თავისთვის მუშაობა უყვარს, ქალაღთან პირისპირ დარჩენა ეამება ხოლმე. ხატვა ხომ გართობაა. საქმეს კი უფრო დიდსა და ძნელად გასაკეთებელს უნდა მოჰკიდოს ხელი. ექიმობა იტაცებს. მამის მხრიდან ყველა წინაპარი ექიმბაში ჰყავდა, მაგრამ მას ნამდვილი ექიმი სურს გახდეს, თავის მამა-პაპასავით ბალანებითა და შელოცვებით კი არ მკურნალობდეს ხალხს, თუმცა მათი ძალისაც სჯერა პეტრეს. მას სურს, მეცნიერულად იცოდეს ადამიანის აგებულება, სურს, შეისწავლოს ყველაფერი, რასაც რუსეთში მედიცინამ მიაღწია.

ჯერჯერობით კი პეტრე თავისი კალიგრაფიული ხელით წერს ნაირ-ნაირ დოკუმენტებს, გასაგზავნ-გამოსაგზავნად ჰყავთ. ხოლო როცა მოცლილია და მარტო რჩება, ხატავს და ხევს, რომ არავინ დაინახოს.

მესამე თავი

გრაფმა გრიგორი ალექსანდროვიჩმა პეტრე ბოლშიე ვიანემში, მოსკოვის მახლობლად, კნეინა გოლიცინას მამულში გაგზავნა.

მეეტლედ ისევ ძია სოფრონი იყო, პეტრემ და პაპა სოფრონმა რამდენიმე დღე იჯაყჯაყეს მტვრიან, აყრილ-დაყრილ გზებზე. პატარა ბიჭობაში ილინსკოეში დიდი მითქმა-მოთქმისთვის მოუკრავს ყური პეტრეს კნეინა გოლიცინაზე, სოფია ვლადიმეროვნა სტროგანოვას დედაზე. ილინსკოელი ბაღლები რაღაც კარტებს ახსენებდნენ, ამ კარტებს კნეინა შეულოცავს და მუდამ იგებს ხოლმეო. სამი კარტი იცისო, წაუგებელი კარტები. ამ ქალს სოფელში „მაქციას“ ეძახდნენ.

კნენინა გოლიცინა დიპლომატის ქალიშვილი იყო, ახალგაზრდობიდანვე საზღვარგარეთ ცხოვრობდა და ძალიან ბევრ ქვეყანაში იცნობდნენ — ინგლისის ხელმწიფის, გეორგ III-ის კარზე მას მუდამ გულთბილად იღებდნენ, რადგან ჭკვიანი ქალი იყო და საინტერესო მობაასე. როცა გოლიცინა საფრანგეთში ცხოვრობდა, დედოფალ მარია-ანტუანეტას მუდმივი პარტიოორი იყო ხოლმე კარტის თამაშში.

კარტის თამაშის სიყვარული მთელი სიცოცხლე გაჰყვა და სიბერეში, როცა თვალისჩინი გამოეღია — ამ დროისათვის უღვაშებიც ამოუვიდა და მაღალ საზოგადოებაში „უღვაშა კნენინა“ შეარქვეს, — მისთვის საგანგებოდ გამოჰრეს დიდრონი კარტები.

პეტერბურგში პეტრე ხშირად მიდიოდა გოროხოვაიასა და ბოლშაია მორსკაიას კუთხეში, რათა შეეხედა კნენინა ნატალია პეტროვნა გოლიცინას სახლისათვის. ახლაც ძალზე აინტერესებდა მისი მამულის ნახვა.

— ბოლშიე ვიაზემის გვერდით ზახაროვია, — გატაცებით უყვებოდა პეტრეს პაპა სოფრონი და წაფერდილ, ჩამოქცეულ სახლებზე მათრახით უთითებდა, — ჰანიბალთა ყოფილი ადგილ-მამული, იმ მელექსის ბეზის კუთვნილება, გონჩაროვების ერთ-ერთი და რომ ჰყავს ცოლად. ამბობენ, ლექსან სერგეიჩის პატარა ბიჭობაში პუშკინები აქ, ბეზისთან იყვნენ ყოველ ზაფხულსო. ხომ არ შეგვეხვია ზახაროვოში?

პეტრეს უარი არ უთქვამს.

გაიარეს ბოლშიე ვიაზემი და მარჯვნივ შეუხვიეს. ნელა მიდიოდნენ ხალვათ ქუჩაზე. პაპა სოფრონი შოლტით სადღაც განზე, ჩაქცეულ და მწვანე ხავსმოდებულ სახურავებს ზემოთ უთითებდა პეტრეს და უყვებოდა:

— აი, იქ, ბოლშიე ვიაზემის ეკლესიის მახლობლად პუშკინის უმცროსი ძმის საფლავია. ქვანედაც „ნიკოლაი სერგეევიჩ პუშკინი“ აწერია, თავად მინახავს.

მათ ხუთკედელა, ახალთახალ ალაყაფისკარიან მკვრივად ნაგებ სახლს ჩაუარეს. ჭიშკარი გაიღო და ქუჩაში ხანშიმესული ქალი გამოვიდა. ქალს მხარზე მოხატული სამხრე გაედო და ვედროები მისი სიარულის ტაქტზე კრიალით ქანაობდნენ. ულამაზო სახის ქალი

ბეცი იყო, ჩამძვრალი თვალები, დიდი, ფორებიანი ცხვირი და დაფივით წვრილი, ზიზლით მოკუმული ტუჩები ჰქონდა.

სოფრონმა ცხენები შეაყენა.

— გამარჯობა, მარია, როგორ გიკითხო?

— პაპა, სოფრონ! — მხოლოდ ტუჩებით ჩაიღიმა ქალმა. — დადისარ, დასეირნობ და, გეტყობა, წლები ვერას გაკლებს.

— ჰო, ჰო, დაესეირნობ, მარია, სულ სეირნობაში ვარ. აბა რა უნდა გავაწყო ასეთ ყოფაში? — განგებ მოიმხიარულა თავი სოფრონმა, — არინა როდიონოვნა როგორღა ბრძანდება?

— აბა რას მეკითხები, სოფრონ, — პირჯვარი გადაიწერა მარიამ. — დედა, რა ხანია. გარდაიცვალა. ძალიან იდარდა ალექსანდრ სერგეევიჩმა! დედაჩემი ხომ პუშკინების გადია იყო, ალექსანდრ სერგეევიჩს კი ბალღივით დასდევდა მიხაილოვსკოეში.

პეტრე მიხვდა, პუშკინის გადიაზე რომ იყო ლაპარაკი. მოაგონდა ლექსის სტრიქონები:

ლარიბული ჩეენი ქოხი
მწუხარებას ველარ ასცდა,
ჩემო ძიძა, ჩუმი ოხვრით
რას აკეთებ თანჯარასთან?
დაღლილობა ქარმა გარგო,
ეგრე მისთვის გაინაზე,
თუ ჩასთვლიმე, ჩემო კარგო,
თითისტარის ნანინაზე?
შევსვათ, ვინ მყავს შენი მსგავსი
მეგობარი ბავშვობიდან?*

ამ ლექსის გახსენებაზე ყურადღებით ჩაათვალიერა მარია. შენიშნა, რომ ქალი რიგიანად იყო ჩაცმულ-დახურული. სახლიც, საიდანაც იგი გამოვიდა, გამოირჩეოდა სხვებისაგან — ახალი, დიდი, მოვლილი სახლი იყო.

მერე სოფრონმა უამბო, რომ არინა როდიონოვნა, თუმცა აზატობა მიიღო, მაინც პუშკინებთან დარჩა მოახლედ. მან გაზარდა პუშკინი, მისი და ოლგა და ძმა ლევი. ხოლო მარია, თუმცა შეუხედავი ჰყავდა, შეძლებულ გლახს მიათხოვაო.

* თარგმანი პაოლო იაშვილისა.

მთელი გზა ზახაროვოლან ბოლშიე ვრაზემომდე პეტრე იმაზე ფიქრობდა, აი, როგორ ხდება ხოლმეო: ბატონი მეგობარს ეძახის თავის გადიას, ყოფილ შინაყმასო. მისთვის გადია ჩვეულებრივი აღმინანია და უფრო ახლობელიც კიო.

— ხდება ხოლმე! — თქვა ხმამაღლა ამოოხვრიო.

— რაო, რა ხდება ხოლმე? — დაინტერესდა სოფრონი.

ჰოდა, პეტრემაც გული გადაუშალა. პაპა სოფრონმა, რასაკვირველია, არ იცოდა პუშკინის ლექსები, მაგრამ პუშკინის შესახებ ბევრი რამ გაეგონა მათი შინაყმებისაგანაც და გრაფ სტროგანოვის ხალხისგანაც.

— გრძელი ცხოვრება გამოვიარე, — თქვა პაპა სოფრონმა. — მთელი სიცოცხლე მე და ჩემმა მამა-პაპამ ყმობაში გავლიეთ. ვიცი, რომ სტროგანოვები სხეებზე უფრო ლმობიერი ბატონები არიან! განსაკუთრებით სოფია ვლადიმროვნა. ამ ქალზე ამბობენ, კაცის ჰკუა აქვსო, ყოვლისმცოდნეაო. კავალერი ქალიაო, — ენის ბორძიკით ძლივს გამოთქვა პაპამ, — წმინდა ეკატერინეს მეორე ხარისხის ორდენი აქვსო...

დიახ, პეტრემ საბუთებითაც ასე იცოდა, სამმართველოშიც ასე მოეკრა ყური და ილინსკოეშიც ასეთი ხმები დადიოდა, რომ პერმის ადგილ-მამულების ყველა მებატონეთა შორის სოფია ვლადიმროვნა ყველაზე უფრო მზრუნველი და ასე თუ ისე სამართლიანი მებატონე იყო. სამმართველოში მომსახურე ხალხს ერთთავად ამ ქალის სიტყვები ეკერა პირზე: „ყველაზე მეტად უნდა იზრუნოთ თქვენდამი რწმუნებულ შინაყმათა კეთილდღეობაზე, მერე კი მამულის შემოსავალზეო“. სწორედ ამ ქალმა დააარსა პეტერბურგში სამთამადნო-საქარხნო და სატყეო მეცნიერებათა სკოლა თავისი და სხვა მებატონეთა შინაყმათათვის, დაადგინა მოსამსახურეთა პენსიების წესდება, სადაზღვევო კაპიტალი. დააფუძნა სამედიკატორო სასამართლო. პეტრეს სწორედ ეს უკანასკნელი მიაჩნდა ძალზე მნიშვნელოვან საქმედ. სტროგანოვთა განუყოფელ ადგილ-მამულში ერთი კაცი ვერ იმბრძანებლებდა. ყველაფერს სწყევტდა სამედიკატორო სასამართლო. იგი შედგებოდა სამი წევრის, ერთი მდივნის, მისი თანამემწისა და ოთხი გადამწერისაგან. სამედიკატორო სასამართლოს წევრებს მთელი საზოგადოება ირჩევდა, ლანგრით გამოჰქონდათ საარჩევნო კენჭები და თითოეულს ამ კენჭით უნდა მიეცა

ზმა ან ამორჩეულისათვის, ან მის წინააღმდეგ. თუ სასამართლო გადაწყვეტილებას ვერ გამოიტანდა, დასახმარებლად გრაფინია სოფია სტროგანოვას მიმართავდნენ ხოლმე...

არა, მრისხანე ბატონები, მართლაც, არ იყვნენ სტროგანოვები. მაგრამ ყმები ადამიანებად მაინც არ მიაჩნდათ. თუ მათ შინაყმათაგან ვინმე ხალხში გამოვიდა, თავისუფლება მიიღო, როგორც, მაგალითად, ვოლგოვმა, ან საზღვარგარეთული სწავლა-განათლება, როგორც, მაგალითად, ტეპლოუხოვმა, სამაგიეროდ, მათმა ბატონებმაც მოიგეს შემდეგში ამის გამო. ვოლგოვი მთელი სიცოცხლე სტროგანოვთა ადგილ-მამულს მართავდა. დიდი მეცნიერი ტეპლოუხოვი კი სტროგანოვთა სატყეო მეურნეობას განაგებდა.

— არ მეჩერება, რომ პუშკინი თავის გამზრდელს მეგობრად თვლიდა, — თავი გაიჭნია სოფრონმა, — არ მჯერა! ასე მგონია, არც ლექსები დაუწერია-მეთქი მასზე.

პეტრემ მხრები აიჩჩია:

— რანაირ ბატონს არ შეხვდები კაცი.

პაპა სოფრონმა ვიღაც გამვლელი შეაჩერა და ჰკითხა, სად ცხოვრობსო ექიმი, ვისთანაც გაგზავნილები იყვნენ. გამვლელმა შესახვევისკენ მიუთითა. შესახვევში დაბალი ლობე იყო გადაჭიმული, ხოლო მას ერთადერთი, დროუამისა და წვიმა-თოვლისგან ჩაშავებული ჭიშკარი გადმოჰკუთრებდა. სწორედ ამ ჭიშკართან შეაყენეს ცხენი.

ეზოში ორსართულიანი ხის სახლი იდგა. ქვემოთ, დიდ ფანჯარასა და კარზე, კლიტით რომ იყო დაკეტილი, ეკიდა აბრა: „აფთიაქი“.

— ამას აუყუევი, პეტრუხა, — უთხრა სოფრონმა პეტრეს და მალე ამაველ, ვიწრო კიბეზე მიუთითა. — მე კი თამბაქოთი შევიქცევ თავს!

პეტრე ეზოში შევიდა. კიბემ იგი გაიყვანა პატარა ბაქანზე, სადაც ფანჯრიანი კარი გამოდიოდა.

პეტრემ მოსწია რკინის სახელური. ზარი აწკრიალდა. კარი იმავ წამს გააღო თეთრწინსაფრიანმა და თავსაფარწაკრულმა მოახლეკოგომ.

— გრაფ სტროგანოვის გამოგზავნილი წერილი მოვუტანე

ექიმს, — უთხრა პეტრემ და კონვერტზე მიუთითა. — პირადად გადაეციო, ასე დამავალეს.

— შემოდი მერე, — არცთუ მაინცდამაინც თავაზიანად უთხრა გოგომ, ხელი ასწია და პეტრეს მხარს ზემოთ კაკვით გადაკეტა კარი. — აქ დაიცადე, — უთხრა პეტრეს და თვალს მიეფარა.

დღის შუქზე თვალშეჩვეულ პეტრეს ბნელ დერეფანში გაუჭირდა რაიმეს გარჩევა, მერე ორი ზურგამოზნექილი სკამი დაინახა, მრგვალ, მაქმანის სუფრაგადაფარებულ პატარა მაგიდასთან მიმდგარი. მაგიდაზე პატარა ქანდაკება იდგა — სამი შიშველი, მოცეკვავე ქალი იყო გამოსახული. მაგრამ პეტრეს რაიმეთი გაკვირვება უკვე გაჭირდებოდა. ის კი არა და, ეს სამი ნარნარი ქალი ცოცხალი რომ გამომდგარიყო, ბატონების ჩვეულებრივ ხუშტურიანობად მიიჩნევდა მათ აქ ყოფნას.

გაღებულ კარში ექიმის ქალარა თავი გამოჩნდა, იგი მოჭუტული ლურჯი თვლებით ათვალეირებდა პეტრეს.

— გრაფმა გრიგორი ალექსანდროვიჩმა გამოგზავნა? შემოდი.

პეტრე პატარა კაბინეტში შევიდა და ექიმს პაკეტი გაუწოდა. მან გახსნა, კარგა ხანს იკითხა წერილი, თან ცხვირში რაღაცას დუღდუნებდა, მერე მიდგა და საწერი მაგიდის უჯრების ქექვას მოჰყვა, რაღაცას ეძებდა კარადაში, შუშებს თუ ბოთლებს; პაკეტებს მოუცვალა ადგილი. რაღაცას ეძებდა და ვერ ეპოვა, ვიღაცაზე ბრაზობდა.

— დამიცადე, — უთხრა პეტრეს. — შენ აი აქ დაჯექი, — კართან მდგარ თეთრ ტაბურეტზე მიუთითა. — მე ახლაც მოვალ.

პეტრე მარტო დარჩა. მიათვალ-მოათვალეირა კაბინეტი. მაგიდა იდგა, მაგიდასთან — სავარძელი. კიდევ იდგა ორი თეთრი ტაბურეტი და ვიწრო სკამსაწოლი, რომელსაც სელის რუხი გადასაფარებელი ეფარა.

„სულაც არ ცხოვრობს მდიდრულად, — გაიფიქრა პეტრემ. — ჩვენში, ილინსკოეში, უფრო მდიდრულად არიან მორთულნი“. და მაინც, ეს ექიმი — ბატონკაცი იყო. თუმცა, სტროგანოვებივითა და გოლიცინებივით ყველა მებატონე როდი ატრიალებს მილიონებს. აი, თუნდაც დები გონჩაროვები ავიღოთ. რამდენჯერ მოუკრავს ყური პეტრეს, გრიგორი ალექსანდროვიჩ სტროგანოვს საუბარში რომ უთქვამს, ჩემი დეიდაშვილები უფროს ძმას, დიმიტრი ნიკოლაევიჩს

ერთთავად წერილებს სწერენ — ფულს ითხოვენო. გათხოვილი ქალია ნატალია ნიკოლაევნა და ისიც ფულს თხოულობს, აქაოდა მზითევზე გამანაწყენესო.

პეტრე ჩაფიქრდა. ექიმი ისევ არ ჩანდა. სახლში და დერეფანში ჩამიჩუმო არ ისმოდა. პეტრემ ტაბურეტიდან წამოიწია, რომ ექიმის მაგიდაზე დაეხედა და გადაშლილი წიგნი დაინახა. დაინახა და სული განაბა. მაგიდაზე სწორედ ის წიგნი იდო, რომელზედაც პეტრე, აგერ, რამდენი წელიწადია, ოცნებობს. ადამიანის აგებულება იყო ამ წიგნში გამოსახული, ყველა შინაგანი ორგანო ეხატა იქ, ვენებიც, კუნთებიც, დახლართული ნერვებიც.

პეტრემ ქუდი ხელებში დაკმუჭნა, ფეხისწვერებზე შემდგარი მივიდა მაგიდასთან და ხარბი თვალებით დააშტერდა ნახატს.

აი გული, თირკმელები, ფილტვები... ადამიანი წინიდან და ზურგიდანაც.

„ღმერთო ჩემო! ნეტა ერთი-ორი დღით მაინც ჩამავდებინა ხელში ეს სურათი, გადავხატავდი. რა კარგად ვისწავლიდი, რომელი ორგანო სადა აქვს ადამიანს! თორემ ისე ზომ ბრმად მუშაობ კაცი, ბრმად... იქნებ ექიმისათვის მეთხოვა, ფიცით შემეფიცა, რომ გადავხატავ და მაშინვე უკან დაგიბრუნებ-მეთქი? თუმცა, არა, მაინც არ მომცემს!“

უცებ პეტრეს უტიფარმა, საშინელმა აზრმა გაუელვა გონებაში, გაუელვა და ყველა სხვა აზრი ჩაახშო: პეტრე მიხვდა, რომ თავის-დღეში ვეღარ ეღიროებოდა ასეთი შემთხვევა. არა, უსათუოდ უნდა გარისკოს.

პეტრემ მაგიდისაკენ გადადგა ნაბიჯები, ათრთოლებული ხელებით ფრთხილად ამოხია ნახატიანი ფურცელი, პერანგქვეშ, სარტყელს უკან ჩაიჩურთა და მერე წიგნი გადაფურცლა, რომ მაშინვე ვერ შეემჩნია ექიმს; როგორც კი ტაბურეტზე დაჯდა, იმავ წამს ექიმიც შემოვიდა, ხელში რაღაც შეკრულა ეჭირა.

შეკრულა ფეხზე წამომხტარ პეტრეს გადასცა და სულაც არ შეუნიშნავს, როგორ უთრთოდა ჭაბუკს ხელები. მერე ექიმი მაგიდას მიუჯდა, გადაშლილი წიგნი ხმაურით დახურა, მაგიდის ნაპირას მისწია და კარგა ხანს წერდა გრაფის საპასუხო წერილს.

პეტრე კი ამასობაში ფეხზე იდგა მთლად ოფლად გაღვრილი და ღმერთს იმას ევედრებოდა, დრო ჩქარა გაიყვანეო.

ბოლოს ექიმი მორჩა წერილის წერას, დაბეჭდა იგი, პეტრეს გადასცა, თვალთ გააცილა მიმავალი ქაბუკი და დაადევნა:

— აბა, ღმერთი იყოს შენი შემწე, მის აღმატებულებას ბატონ სტროგანოვს მოკითხვა გადაეცი ჩემგან. წამალი არსად დაგეყარვოს.

ბოლშიე ვიაზემი სულაც არ ჰგავდა ზახაროვოს. ამ კარმიდამოში საბატონო სახლი იდგა, თუმცა მეტად დიდებული ბინა არ გახლდათ, სამაგიეროდ, გაშლილი, გრილოიანი, მოვლილი პარკი, გუბურები და შინაყმათა გაწკრილებული პატარ-პატარა სახლები ერთყა გარს. შიგ სახლებში რა ელაგათ — კაცმა არ იცის, მაგრამ ამ მამულის მოურავისათვის, ეტყობა, მთავარი ის იყო, გარეგნული პეწი არ მოჰკლებოდა მათ.

სოფლის ქუჩაში რამდენიმე წუთს რომ იარეს, სადღაც იქვე, გვერდიდან ხმაური ატყდა, ლაპარაკი მოისმა და კუთხიდან რამდენიმე ეტლმა გამოუხვია. წინა ეტლში ვილაც დედაბერი იჯდა, თეთრ-კულულებიანი თავი უცახცახებდა.

— კნეინა გოლიცინაა, — მოასწრო სოფრონმა პეტრესთვის გადაიწურა ზელება, ცხენი სასწრაფოდ მიაგდო ღობესთან, საჩქაროდ ჩამოხდა და თავიდან ქუდი მოიძრო. პეტრე თავადაც მიხვდა, ვინც ბრძანდებოდა ეს ქალი. ისიც ჩამოვიდა ფორნიდან და ქუდი მოიხადა. თუ პაპა სოფრონი ცდილობდა „მაქციისათვის“ თვალი აერიდებინა და მზერა მიწაში ჩაეძვრინა, პეტრე, პირიქით, ცოცხალი ინტერესით ათვალეებდა მას, თუმცა გრძნობდა, რომ გული ცრურწმენით მაინც უკანკალებდა.

აი, მათ თვალწინ გაიარა ამ მოკაყულმა, უღვაშიანმა, ცხოვრებისაგან მოღლილმა, სახედაპრანჭულმა, ოდესღაც ყოვლისშემძლე ფრეილინამ. ისევ მოაგონდა პეტრეს, ილინსკოელი ბაღლები ღამით ერთმანეთს რომ აფრთხობდნენ ამ ქალის სახელით, ყვებოდნენ სამი კარტის ამბავს, რითაც ასე გამდიდრდა კნეინა.

იცოდა პეტრემ, რომ პუშკინმა, რომლის ნახვა მან ვერც მის პეტერბურგის ბინაში მოახერხა და ვერც აგარაკზე, კნეინა გოლიცინაზე წიგნი დაწერა და „პიკის ქალი“ დაარქვა. ნეტა აშოვნინა პეტრეს ეს წიგნი და წააკითხა!

ეტლებმა ქუჩა გადაქრეს და შესახვევს მიეფარნენ.

სოფრონმა მოხერხებულად მოიკალათა კოფოზე და ხმისამო-

უღებლივ შეუდგა თვითნაკეთი ჩიბუხის ბოლებას. მხოლოდ ცოტა ხნის წერე შენიშნა, რომ პეტრე ისევ ფიქრებში წასული დგას და არც აპირებს ფორანში ჩაჯდომას. სოფრონმა დუდღუნით უთხრა:

— რა გჭირს? გამოყეყეჩდი, თუ კნეინამ გაგთვალა?

პეტრემ ხელი ჩაიქნია და ფორანზე აძვრა.

იქნებ ზახაროვოელმა ექიმმა სულაც ვერ გაიგო იმ წიგნის ფურცლის დაკარგვა. ძალზე დაოსტატებული იყო თავის საქმეში, ყოველცინმარე სურათის დახედვა არ დასჭირდებოდა. ან იქნებ პეტრეს წასვლის შემდეგ კიდევაც ნახა, რომ დაკარგვოდა ფურცელი, რომელზედაც ადამიანის ანატომიური გამოსახულება ეხატა, მაგრამ აბა შენაყმა ბიჭზე ექვს როგორ აიღებდა? რაში უნდა დასჭირვებოდა ჰაბუკს ანატომია? განა მისთვის სულ ერთი არ არის, გული სადა აქვს ადამიანს, თირკმელები ან ღვიძლი? ადამიანის ორგანოთა განლაგების ცოდნა კი არ გამოადგებოდა ამ ჰაბუკს ცხოვრებაში, არამედ გრაფ სტროგანოვთა ბრძანებებისა და ხუშტურების შესრულება — მთელი სიცოცხლე, სანამ ძალა არ გამოეღეოდა და სანამ, როგორც იტყვიან, ფეხზე დგომას შეძლებდა.

არა, უფრო საფიქრალია, რომ იმ კოხტა მოახლე გოგოს დაატყდეს რისხვა, ვისაც ერთთავად ღვიძლის, გულისა და ყელის ტივილზე ჩივილები ესმის. აი, ეს გოგო მართლა შეიძლებოდა დაინტერესებულყო იმ სურათით. ან კიდევ — ექიმის მცირეწლოვან შვილიშვილებსა და მათ თანატოლებს დააბრალებენ, ისინი ამოხევენ, როცა პაპა და ის უთაური მოახლე შინ არ იქნებოდნენო.

მაგრამ პეტრე ეს დღეები თითქოს ბურჯისში ცხოვრობდა. უბრალო ხმაურზე კრთოდა, თუ შეატყობდა, გრაფი წარბშეკრულია ან გუნებაზე ვერ არისო, შიშის ჟრუანტელი უვლიდა.

ღამღამობით, როცა პაპა სოფრონი ხვრინვით იკლვდა პატარა ოთახს, სადაც ორი საწოლი იყო გაშლილი, პეტრე სანთლის ნაძმვს აანთებდა ხოლმე, იატაკზე დადგამდა, იატაკზევე გაფენდა გადამწერის მიერ ნაწყალობევ ქაღალდის ფურცელს, და დაწოლილი ისატავდა ექიმისგან მოპარულ სურათს. ასე გაატარა მრავალი ღამე და მხოლოდ მაშინ, როცა დარწმუნდა, ადამიანის ორგანოთა გამოსახულება მეტისმეტად ზუსტად გადმოვხატეო, ექიმის წიგნიდან ამოხეული ფურცელი ღუმელში დაწვა. ძალზე დაენანა, მაგრამ კვალი მთლიანად გააქრო.

აი, რა სტრიქონები უწერია ჩემს წინაპარს დღიურში:

მე სამრევლო სკოლა დავამთავრე და შინ ქების სიგელი მოვიტანე. ყველა გავახარე ამით. თავად კი რატომღაც ნაღველი მერეოდა.

მამაჩემს ვკითხე, როგორ ვისწავლო, რომ ექიმი გავხდე-მეთქი. მამამ სიბრალულით შემხნდა და მითხრა, ახალგაზრდობაში თავადაც ეგ ფიქრები მიტრიალებდა თავშიო.

— მაგისტვის ქალაქის გიმნაზიაში უნდა ისწავლო, გიმნაზიაში კი შინაყმებს არ ღებულობენ, ჩემო ბიჭო.

— რად არ ღებულობენ? — ვკითხე. — მე ხომ ქების სიგელი მაქვს!

— ასი ქების სიგელიც ვერ გიშველის, — მითხრა მამაჩემმა.

პაპამაც ოხვრით ჩამომძახა ღუმელიდან:

— ყმობას ვერსად გაექცევი, პეტრუხა. ფუჭი აზრებით ტყუილად ნუ გამოიტენი თავს.

შემოდგომის პირი იდგა. ქვის კუნძულის პარკების ხეივნები ჩაყვითლდა, ქაღარა და სევდა შეეპარა. გადაჭრელდა მშვენიერ აგარაკთა და სასახლეთა ბაღები. არხის წყალს მზე აღარ აბზინებდა, ნეკასავით ტყვიისფერი დაედო.

კუნძულის თეატრიც გამოცარიელდა. ფრანგული დასი, მთელი ზაფხულის სეზონი რომ თამაშობდა აქ და ასეთ მხიარულებასა და ლაზათს სძენდა აქაურობას, წავიდა, მათი გასტროლების დროს კი თეატრის წინა მოედანი საღამოობით სავსე იყო ხოლმე ეტლებით, პეტერბურგიდან და მეზობელი აგარაკებიდან სპექტაკლების სანახავად ჩამოდოდა მაღალი საზოგადოება.

შეწყდა მხიარული პიკნიკები, რის მოწმედაც დროყამისაგან გაყვითლებული წერილები შემორჩინენ. ს. ნ. კარამზინას წერილში წერია:

დღეს, ნასადილევს, ცხენებით სასეირნოდ მივდივართ ჩვენ, 'გონჩაროვები, ეუენი ბალაზინა და მალცევი... ზვალ კი მთელი კომპანია ომნიბუსით გასართობ გასეირნებას მოაწყობს პარგოლოვოში.

შემონახულია ს. ნ. კარამზინას დის წერილი, რომელიც ძმას მისწერა ამ გასეირნების მეორე დღეს:

ზარგოლოვოს მფლობელმა, კნინა ბუტერმა ნებართვა მოგვცა, რომ ჩვენთვის გაეღოთ მისი მშვენიერი სახლის კარი. მთლად გავაჩანავეთ დიდებული საპიკნიკო სადლი, რომელიც გავაწყვეთ ლამაზ სასტუმრო ოთახში, სიგრილესა და ყვავილების საამო სურნელებას რომ აფრქვევდა.

ცხენითაც თითქმის აღარავინ დასეირნობდა. წვიმიანი დღეებიც წაება. სწორედ ამ დროს პეტრე მეორედ ჩავიდა ქვის კუნძულზე გრაფ სტროგანოვის დავალებით.

ეკატერინა ნიკოლაევნა შინ არ დაუხვდა. ასე უთხრეს, პარკში დასეირნობს ცხენითო. პეტრემ გაიარ-გამოიარა პარკში, თვალი შეავლო ყვავილნარებს, ყვავილობა რომ მოეთავეებინათ. ქუჩაში ნესტი იდგა, ამღვრეული ციდან ისეთი წვრილი სინსლი მოდიოდა, მხოლოდ ხელებითა და სახით თუ შეიგრძნობდა კაცი.

ბალახისა და ხეების სურნელი, ფერშეცვლილ ხეთა რიგები და ნესტგამჭდარი ფოთლები თავის საყვარელ ილინსკოეს აგონებდა პეტრეს. მისი ყურადღება მიიპყრო განცალკევებით მდგარმა პატარა ძირკვმა, ზედ ჩამოვდა, ზურგით მუხის მძლავრ, ნოტიო ტანს მიეყრდნო, მერე მიტრიალდა, თვალით აზომ-დაზომა ხე და ხმამაღლა წარმოთქვა:

— ნეტა რამდენი წლისა ხარ, ბებერო!

ამასობაში მსხვილი წვიმა წამოვიდა, ისედაც ჩაყამებული ზეცა ღრუბლებით გაიჭედა. მთლად ჩამობნელდა.

ხეებს შორის, სასეირნო ხეივანში, ზოგჯერ გაიეღებდა უკან მობრუნებული ცხენოსნის ფიგურა. პეტრემ იცოდა, რომ ეკატერინა ნიკოლაევნა აქ იყო, მაგრამ ის, ვისი პორტრეტიც გონებაში ჩარჩა პეტრეს და ღამდამობით მის დახატვას ღამობს, ნეტა თუ არის აქ? ნეტა ერთხელ კიდევ დაანახვა მისი ღვთაებრივი სახე, დააქერინა ის ნაღვლიანი, დაბნეული, უცნაური გამოხედვა ოდნავ ელამი თვალებისა — გამოუცნობი გამოხედვა, ისეთივე ამოუხსნელი და მძიმე, როგორიც არის მისი, პეტრეს, ცხოვრება, ამ ულამაზესი ქალის, ილინსკოელი შინაყმების, და ამ მდიდარი ხალხის ცხოვრება, ქვის კუნძულზე რომ ილხენდნენ, სასახლეებში თუ პიკნიკებზე ოქროფერილი ეტლებით დადიან და ჩინებულ ცხენებს დააჭენებენ ჩორთით... ყოველივე წინ ისწრაფვის, წინ მიიწევს, გარდაუვალი აღსასრულისაკენ.

უცებ ხეივნიდან მიწაზე დაცემის ხმა და წამოკივლება მოისმა, ვიღაცამ სასოწარკვეთით შეჰყვირა:

— კატენკა!

პეტრე წამოხტა და ხეივანს მიაშურა. ძირს დაცემული რუხი ცხენი ცდილობდა წამოდგომას, მაგრამ ფლოქვეები წვიმით გალიპულ ფოთლებზე უსხლტებოდა. მეორე, შავრა ცხენი მშვიდად იდგა გზის კიდეზე და რბილი დრუნჩით ჩირგვის ჩაყვითლებულ ფოთლებს ეპოტინებოდა.

ნატალია ნიკოლაეენა ცდილობდა წამოეყენებინა სველ ბალახზე გაშლართული, აკვნესებული და. ხეივანში კაციშვილი არ ჰაჰანებდა. წვიმა კი უკვე ღვართქაფად იქცა.

პეტრე საშველად მივარდა. მან მაშინვე მოჰკრა თვალი, რა არაბუნებრივად იდო ეკატერინა ნიკოლაეენას ხელი მიწაზე და როგორ თვალდათვალ უსივდებოდა ხელისგული.

— ექიმი! ჩქარა! კატენკა! — იმეორებდა დაბნეული ნატალია ნიკოლაეენა, პეტრე რომ დაინახა, ვედრებით გაიწვდინა მისკენ ხელები.

პეტრე დაინხრა უფროსი დისკენ და დამამშვიდებლად თქვა:

— ჩვეულებრივი ნაღრძობია, მეტი არაფერი. გნებავთ, გავასწორო? მე შემოძლია.

— არა, არა! ექიმი მოიყვანეთ! — შეჰყვირა ელდანაცემმა ნატალია ნიკოლაეენამ და შიშით აუქნია ხელები ამ, ვინ იცის, საიდან გაჩენილ ჰაბუქს.

— გამისწორე, — უთხრა კენესით ეკატერინა ნიკოლაეენამ. — ტაშენკა, ეს ხომ სტროგანოვების გამოგზავნილი კაცია.

— იცოდეთ, გეტკინებათ, — უთხრა პეტრემ და ჩაიმუხლა, — ერთ წამს გეტკინებათ მხოლოდ და მაშინვე გაგივლით. — პეტრემ ორივე ხელი მარჯვედ ჩასჭიდა ეკატერინა ნიკოლაეენას ხელს. ქალმა შეჰკივლა.

— ვაიმე, რას შვრება! — შესძახა ნატალია ნიკოლაეენამ და შიშით თავში იტაცა ხელები.

მაგრამ მის დას უკვე სახე დაუწყენარდა, ტანჯვის ნაოჭები გაუქრა.

— მომეხმარე წამოდგომაში! — უთხრა მან პეტრეს. — რა გქვია?

— პეტრე.

პეტრემ წამოდგომაში უშველა ეკატერინა ნიკოლაევენას და ფეხზეც დააყენა. წამით მან შინაყმად კი არა, — ექიმად იგრძნო თავი, მარჯვე მკურნალად. მიხვრა-მოხვრა თავდაჯერებული გაუხდა, ხმაში მბრძანებლური კილო შეეპარა.

— ცხენზე არ შეჯდეთ, შინ ფეხით დაბრუნდით. ცხენებს მე წამოვიყვან.

— გმადლობ, ჩემო კარგო! შენ გადამარჩინე! — მხიარულად უთხრა ეკატერინა ნიკოლაევნამ. — ჭაბუკი ხარ და უკვე შეგიძლია დაეხმარო ადამიანს. ექიმში ყოფილხარ და ეს არის!

— ექიმს მაინც უნდა გამოვუძახოთ! — შეშფოთებით თქვა ნატალია ნიკოლაევნამ.

— შენ რას იტყვი, პეტრუხა, გამოვიძახოთ ექიმში თუ არა ღირს? — მიუბრუნდა პეტრეს ეკატერინა ნიკოლაევნა, რომელიც უკვე თავისუფლად მიაბიჯებდა.

— როგორც გენებოთ. თუმცა ძალიან უბრალო ნაღრძობი კია, უკვე გავასწორეთ. შესივებულია, მაგრამ ესეც მალე გაგივლით. ცუდი შედეგიც არაფერი მოჰყვება.

— საიდან იცი ყველაფერი ეს? — ისევ მოუტრიალდა პეტრეს ეკატერინა ნიკოლაევნა.

— ფრთხილად იყავი, კატია, ფეხი ცურავს! — უთხრა ვედრებით ნატალია ნიკოლაევნამ.

— ჩვენში, ილინსკოეში ბევრი ექიმბაშია. მამაჩემმაც იცის ექიმობა.

— განა ილინსკოეში ექიმში არა გყავთ?

— გვყავს, როგორ არა, მას თანაშემწეებიც ჰყვანან. ილინსკოეში საავადმყოფოცა გვაქვს და აფთიაქიც. ხალხს კი უფრო მეტად მაინც თავისი ექიმბაშისა სწამს. მეც მასწავლეს ექიმბაშობა... — ანგარიშიმუცემლად თქვა პეტრემ და მაშინვე ინანა ნათქვამი.

ეკატერინა ნიკოლაევნას გაეცინა.

შინ მან მოახლეს უბრძანა, პეტრე სამზარეულოში წაიყვანე, ჩაითა და გემრიელი საჭმელებით გაუმასპინძლდით.

ნატალია ნიკოლაევნამ კი ჰკითხა პეტრეს:

— იქნებ რაიმე ისეთი სურვილი გაგაჩნია, რომ მე შეეძლო მისი შესრულება?

სურვილიო? ღმერთო ჩემო ვინ იცის, რამდენი აუხდენელი ოცნება გააჩნია პეტრეს, რომლის შესრულებაც ამ ქალს ხელეწიფება! პეტრე წამით დაფიქრდა და ყველაზე იოლად აღსასრულებელი სურვილი გაანდო:

— იქნებ შეგიძლიათ წასაკითხად მათხოვოთ „პიკის ქალი“?

ნატალია ნიკოლაევნას მეტიმეტი გაოცება გამოეხატა სახეზე. ეტყობა, ამ შინაყმა ჭაბუკის სურვილმა კი არა მხოლოდ, აზრის გამოთქმის უნარმაც გააოცა. თავიც რომ სანაქებოდ უჭირავს ბატონებთან!

ეკატერინა ნიკოლაევნამ შენიშნა დის გაოცება და კვლავ გადაიკისკისა.

— ტაშენკა! მართალი თქვა ალექსანდრ სერგეიევიჩმა: „ყოველი ერი შემინახავს დამახსოვრებით, სლავთა მემკვიდრე და ფინელი, და ტუნგუსელი, ყალმუხი, ტრამალ ველთა მცხოვრებო“*.

პეტრე ყველაფერს მიხვდა. საშინელმა წყენამ გული ატკინა. მან თავი დაუკრა ქალებს და საჩქაროდ მიაშურა ალაყაფის კარს, უკან არც მოუხედავს, თუმცა მოესმა, როგორ მიამძახეს:

— საით გასწიე? ჩაი არ გინდა? ან წიგნი?

პეტრემ გაიგონა ნატალია ნიკოლაევნას წყნარი ხმა:

— კატენკა, მადლობის მაგიერ გული ვატკინეთ...

იმე საღამოს, როგორც ჩანს, დეიდაშვილების დაქინებულმა თხოვნამ გასჭრა და გრაფმა გრიგორი ალექსანდროვიჩ სტროგანოვმა პეტრე თავისთან იხმო.

გრიგორი ალექსანდროვიჩს საშინაო კურტაკი ეცვა, სავარძელში იჯდა ბუხრის წინ, კარისკენ ზურგმიშვერილი, და ჩიბუხს აბოლებდა.

ბუხართან, კედელზე ეკიდა მისი მამის, ბარონ ალექსანდრ ნიკოლაევიჩის პორტრეტი. საერთოდ, მთელი ოთახის კედლები მოფენილი იყო სტროგანოვთა — სახელოვან ადამიანთა, ბარონთა და გრაფთა პორტრეტებით.

სტროგანოვებს თავი მოჰქონდათ თავიანთი უძველესი წარმოშობით, თავიანთი დამსახურებით მეფისა და სამშობლოს წინაშე.

აგერ, იმ მოგრძო ჩარჩოში ჩასმულია ჯერ კიდევ მთლად ყმაწვი-

* ქართული თარგმანი პაოლო იაშვილისა.

ლი ლამაზი ქალის, ალექსანდრ ნიკოლაევიჩის ცოლის, გრიგორი ალექსანდროვიჩის დედის, — ელიზავეტა ალექსანდროვნა ზაგრი-აუსკაიას პორტრეტი. აქედან მოყოლებული სტროგანოვთა „საგვარ-ტომო შტოში“ გონჩაროვთა შთამომავლობა შეიჭრა.

თავად გრიგორი ალექსანდროვიჩი გავლენიანი კაცია ქვეყანაში. იგი ნამყოფია ესპანეთის, შვეციის, თურქეთის დესპანად. არის წევრი უმაღლესი სასამართლოსი, რომელმაც განაჩენი გამოუტანა დეკაბრისტებს. იგი მისი უდიდებულესობის სამეფო კარის ნამდვილი საიდუმლო მრჩეველია, ობერ-კამერჰერი, სახელმწიფო საბჭოს წევრი და ანდრეის ორდენის კავალერი. პირველი ცოლი, ანნა სერგეევნა ტრუბეცკაია, გარდაეცვალა და მისგან ხუთი ვაჟიშვილი და ერთი ასული დარჩა. ვაჟიშვილი, სერგეი გრიგორევიჩი, გენერალ-ადიუტანტია, 1818 წელს იგი დაქორწინდა თავის ბიძაშვილზე, ნატალია პავლოვნა სტროგანოვანზე. სწორედ მის მმართველობაში გადავიდა შემდეგში ცოლის რწმუნებით სტროგანოვთა ადგილ-მამული. პეტრე კუზნეცოვის „აზატობის ქალაღზედაც“ გრაფინია ნატალია პავლოვნას ხელმოწერის შემდეგ დაისმევა მისი ხელწერაც: „ამას გრაფი სერგეი სტროგანოვიც დასტურს აძლევს“. ჭერჭერობით კი პერმის განუყოფელი ადგილ-მამულის სრულუფლებიანი პატრონი გახლავთ სოფია ვლადიმეროვნა, ქალიშვილობის გვარით თავადის ასული გოლიცინა, უდროოდ გარდაცვლილი გრაფის, პაველ ალექსანდროვიჩის, გრიგორი ალექსანდროვიჩის ძმის, ცოლი.

კედელზე ეკიდა გობელენი, რომელზედაც გამოსახული იყო, თუ როგორ ამარაგებდნენ 1581 წელს ხალხითა და იარაღით სტროგანოვთა „სახელოვანი ადამიანები“ ერმაკს.

მეორე კედლის გობელენზე ასახული იყო სტროგანოვთა, „სახელოვანი ადამიანების“ მიერ მოსკოვის დიდი მთავრის, ვასილი ვასილიევიჩ ტემნის გამოსყიდვა თათართა ტყვეობიდან ჯერ კიდევ XV საუკუნის პირველ ნახევარში.

პეტრეს ნაბიჯების ხმაზე გრაფი უცბად მოტრიალდა და პირველად მოხდა, რომ ინტერესით შეავლო თვალი თავის მსახურს, თითქოს გაოცებული იყო, რომ მასში ადამიანური ყურადღების ღირსი რამ აღმოაჩინა.

— მაშ ასე, პეტრე, — პირველად მიმართა სახელით ჭაბუკს, — როგორც ჩანს, ექიმობას მისდევ? მაღლობელი ვარ, ჩემი დეიდა-

შვილის დახმარებისათვის. აი, ეგერ, უურნალი „საკითხავი ბაბლი-
ოთეკა“ დევს, აილე, იქ ნახავ „პიკის ქალს“, — გრაფმა პატარა მა-
გიდისაკენ გაიქნია თავი.

პეტრე მივიდა მაგიდასთან, დაიხარა და აიღო უურნალი. მერე
სიხარულით სახეგაბადრულმა თქვა:

— ძალიან მაღლობელი ვარ თქვენი და ნატალია ნიკოლაევნასი.
ძალიან.

ბატონმა თავის შინაყმას ისეთივე გაოცებით შეხედა, როგორც
გუშინ ნატალია ნიკოლაევნამ და პეტრეს ისევ ეტკინა გული. შე-
ეშინდა, გუშინდელივით სიცილი არ დამაყარონო, საჩქაროდ დაუქ-
რა თავი ბატონს და კარისკენ გაემართა.

— დაიცა, — უთხრა ბატონმა.

პეტრე დაძაბული შეჩერდა.

— რად გინდა „პიკის ქალი“?

— წასაკითხად, — გაოცებით მიუგო პეტრემ.

— მესმის, რომ წასაკითხად მივაქვს, მაგრამ მაინცდამაინც „პი-
კის“ ქალი“ რად აირჩიე? თუმცა, მგონი, მიგიხვდი. ვინ იცის, რა
მონაჩმანისათვის აღარ მოგიკრავს ყური ბაღლობაში ილინსკოეში
კნეინა გოლიცინაზე და ალბათ იმიტომ გაინტერესებს. ასე არ არის
განა?

— მაგრე გახლავთ, თქვენო უდიდებულესობავ...

— შენზე ამბობენ, კარგად ხატავსო, მართლა? იქნებ სწავლა
გსურს? — უცებ სიტყვა სხვა რამეზე გადაიტანა გრაფმა.

პეტრეს შეეშინდა და საჩქაროდ დაუწყო დარწმუნება:

— ხატვის ნიჭი არა მაქვს და არც გული მიმიწევს მაგ საქმეზე.

— მაშ რაზე მიგიწევს გული? — ჰკითხა სტროგანოვმა და წა-
მოდგა. ასე უფრო კარგად დაათვალიერებდა ამ „საკვირველ შინა-
ყმას“.

„ვუთხრა თუ არა? — გაუელვა პეტრეს გონებაში. — არა, არ
ვეტყვი!“

ჭაბუკმა მხრები აიჩეჩა. თვალები დახარა. ოთახში ცოტა ხანს
სიჩუმე იდგა.

გრაფმა ინტერესი დაკარგა თავის შინაყმისადმი.

— შეგიძლია წახვიდე, — უთხრა ცივად ჭაბუკს.

პეტრემ ხმის ამოუღებლად დაუკრა თავი, ჩუმი ნაბიჯებით გამოვიდა და ფრთხილად გამოიხურა კარი.

სასწაულებრივად შემორჩენილი ჩემ წინაპართა დღიურები საუკუნენახევრის მანძილზე თაობიდან თაობას გადაეცემოდა ხოლმე, პაპის პაპისგან, — პაპის მამის ხელში გადადიოდა, პაპის მამისაგან — პაპის ხელში.

პეტრე იაკობის ძე წერდა:

დაე, აღსრულდეს ჩემი ნებურვალე სურვილი და როგორც მე განვაგრძე მამაჩემის დღიურები, ასევე ჩემმა ვაჟმა, შვილიშვილმა და შვილთაშვილმაც დღეგრძელე ჰყონ ჩვენი სახელი თუნდაც ქალაქის მეშვეობით.

მაგრამ მამაჩემის თაობას დღიურში არ აღუნუსხავს თავისი ცხოვრება. და, აი, ერთი თაობის გამოკლების შემდეგ, მე განვაგრძობ წინაპართა ჩანაწერებს.

ჩემო ძვირფასო, დიდო პაპავ! ალბათ, ვერც წარმოიდგენდი, შენი შორეული შთამომავალი იმდენად დაინტერესდებოდა შენი გავლილი ცხოვრებით, რომ გატაცებით გამოიკვლევდა მას. ყოველგვარ საქმეს თავს გაანებებდა და იმ მხარეს მიაშურებდა, სადაც შენ ცხოვრობდი, არ მოსწყინდებოდა თვეობით ქექვა არქივებში, რათა აღედგინა, როგორ ცხოვრობდი შენ, ვინ გეხვია ირგვლივ, ისე რად მოხდა, რომ, როგორც იტყვიან, ღმერთმა რაც გიბოძა — გიბოძა კი უხვად — ვერც პროფესიად გამოიყენე, ვერც სიხარული ჰპოვე მით და ვერც ახლობლებს არგე რამე.

ჩვენ, შენს პირდაპირ შთამომავალთ, სულ ცოტა დროლა დაგვრჩა ამქვეყნად და ვწუხვარ, რომ ას წელზე მეტი ხნის ჩანაწერებმა ასე გვიან დამაინტერესეს, როცა აღარც ძალა შემომრჩა იმდენი დაჯანიც გამიტყდა...

იმაზედაც ვფიქრობ, ალბათ, რა საინტერესო იქნებოდა შენთვის, ჩვენს დროში რომ ჩამოგვხედა. თვალი გაგეყოლებინა იმ გზისათვის, რაც შენმა საყვარელმა საქმემ — ადამიანურ სნებათა განკურნამ განვლო ამ ხნის მანძილზე. ბევრ რამეს, ალბათ, არ იწამებდი, ბევრი რამე, ალბათ, გაგახარებდა.

როგორ დაგაინტერესებდა, ალბათ, შენი შთამომავალნი. შემოგახედა ერთი ჩვენს ოჯახში, სადაც გვყავს მწერლები, ხოლო თუ

შენი დღიურების მიხედვით განვსჯით, ეს საქმიანობა სულაც არ იყო შენთვის უცხო; გვყვანან აქტიორებიც, დედაშენის საქმის განმგძნობნი.

იქნებ საუკუნის შემდეგ შენგან გამოჰყვათ შენს უმცროს შვილთა შვილებს: გოგონას — ხატვისადმი ლტოლვა, ხოლო ბიჭუნას — მუქი თაფლისფერი თვალები, მრგვალი ნიკაპი და ის ყურადღებიანი გამოხედვა, რაზედაც წერდა მამაშენი, იაკოვ პეტროვიჩი. აი, მედიცინით კი, ჯერჯერობით, არავინა გვყავს გატაცებული, ამ საქმეში კუზნეცოვთა თქვენი, მამაკაცური შტო შენზე შეწყდა, პიოტრ იაკოვლევიჩ!

პაპა სოფრონმა პეტრე დილაადრიან გააღვიძა:

— მთლად გამიქრა, პეტრუშა! — ყვიროდა ბერიკაცი.

ნამძინარევე პეტრეს ვერაფერი გაეგო, ხოლო პაპა ზოლიანი ნიფხავპერანგისამარა იდგა მის საწოლთან და სახეში ხელს სჩრიდა მძინარეს, მეორე ხელით კი ანთებული სანთელი ეჭირა.

„ა-ა!“ — მიხვდა პეტრე.

იგი წამოჯდა, ფეხები საწოლიდან ჩამოუშვა, სანთელი გამოართვა პაპას და ხელზე მიანათა. დანაოჭებულ, უთანაბრო კანს რომ დახედა, კმაყოფილებით გაიქნია თავი. საძაგელი მეჭეკები, ბუდე-ბუდე რომ ჰქონდა ამოსული სოფრონს ხელზე, ახლა მთლად გაქრობოდა.

ჯერ კიდევ ამ რამდენიმე თვის წინ, ილინსკოეში, პეტრემ ბერიკაცს მეჭეკები გადაუყვანა ჩვეულებრივი ხერხით, ისევე, როგორც ამას მამამისი, პაპამისი და მისივე პაპის მამა აკეთებდნენ. თვითეულ მეჭეკზე სათითაოდ ინასკვება ხაში ძაფი. მერე ეს ძაფები იფლობა მიწაში, საღორესთან, სადაც, მიწა უფრო ნოტიო არის, რათა იქ უფრო სწრაფად ჩალპეს. ძაფები რამდენიმე თვეში ლპება და მეჭეკებიც ქრება.

ბევრს დღემდე არ სჯერა ამ უცნაური წამლობისა, სასაცილოდ არ ჰყოფნით. 1968 წელს გამოცემულ პოპულარულ სამედიცინო ენციკლოპედიაში კი წერია: „მეჭეკები იკურნება სიმპათიკური საშუალებებით“.

პაპა სოფრონის სინხარულს საზღვარი არ ჰქონდა. თუმცა პეტრემ ძლივს დაითანხმა ამ უბრალო მკურნალობაზე.

— რაო, გასათხოვარი ქალი ვარ თუ რა! სულაც არაფერს მენებს ეს მეჭეჭები. ამომივა თუ გამიქრება — სულ ერთია ჩემთვის, — უთქვამს ბევრჯერ პეტრესთვის. — ნეტა რას გადამიკიდე, ბიჭო?..

მაგრამ ერთხელ მეზობლის ბიჭმა ზიზღით უთხრა ბერიკაცს: რა გომბეშოსავეთ გაყრია ეგ მეჭეჭებიო, და სოფრონიც თავად შეეხვეწა პეტრეს: „ერთი ეს საზიზღრობა მომამორეო“.

და, აი, მართლა გაუქრა მეჭეჭები.

მეორე დღეს სტროგანოვების ყველა შინაყმამ იცოდა მეჭეჭების გაქრობის ამბავი. გაიარა რამდენიმე დღემ და პეტრეს კვლავ უხმეს გრაფთან.

გრიგორი ალექსანდროვიჩი თავის კაბინეტში იჯდა. მაგიდის პირდაპირ კი, სავარძელში მოკალათებულყო გრაფინია იულია პავლოვნა. ქალს შავი, პრიალა კაბა ეცვა ყმაწვილქალივით სუსტ ტანზე, არარუსული, უცხო სილამაზისა იყო, შავგვრემანი და შავთმიანი.

პეტრემ თავი დაუქრა ჯერ ქალბატონს, მერე ბატონს და კართან შედგა.

— ახლოს მოდი, — უთხრა გრიგორი ალექსანდროვიჩი სტროგანოვმა.

პეტრე მაგიდასთან მივიდა და გვერდულად დადგა, რათა ორივე ბატონი კარგად დაენახა, უფრო სწორად, რომ ორივეს სახეში ეცქირათ მისთვის.

ქალბატონი იულია პავლოვნას ქალიშვილობის გვარი გრაფინია ოიანპაუზენი იყო, ეროვნებით პორტუგალიელი გახლდათ, იგი მეორე ცოლად ჰყავდა გრიგორი ალექსანდროვიჩს; ამბობდნენ ახალგაზრდობაში ეს ქალი ნაპოლეონის გენერალ ჟიუნოს საყვარელი იყო და ჯამუშობას ეწეოდაო, მაგრამ პეტრესთვის ყველაზე დიდი მნიშვნელობა იმას ჰქონდა, რომ იულია პავლოვნა ნატალია ნიკოლაევნასთან მეგობრობდა და სულ ერთად იყვნენ.

ქალბატონი წინათ ვერასოდეს ვერ ამჩნევდა პეტრეს, ახლა კი ცნობისმოყვარეობით ათვალთვლებდა.

და უცებ პეტრემ თავი დაიჭირა იმის ფიქრზე, რომ ბატონებთან ეს შეხვედრები მას იმით როდი აღელვებდა, რაზედაც ბევრი შინაყმა ლაპარაკობდა: არ იცი კაცმა, თვალეები სად წაიღო და ხელები

როგორ დაიჭიროო. არა, პეტრეს ისე ეჭირა თავი, როგორც საჭირო იყო. მან იცოდა ბატონებთან თავის დაჭერა. მაგრამ ეს ჭაბუკი, რა უცნაურადაც არ უნდა გეჩვენოთ, მთელი თავისი არსებით შეიგრძნობდა ხოლმე, რომ ბატონები სხედან, თავად კი ისე დგას მათ წინ, თითქოს რაიმე დაეშავებინოს. პეტრე ბატონების თანდასწრებით განსაკუთრებით მწვავედ აღიქვამდა ამ გაუგებარ უსამართლობას საკუთარი ბედისა. ჭაბუკს ამაზე არასოდეს არავისთან კრინტიც კი არ დაუძრავს. რომ ეთქვა, ამხანაგები და ნათესავები დასცინებდნენ, ალბათ, ერთი ფრაზით მოუჭრიდნენ: ყველანი ყმებადა ვართ დაბადებულნი და ყმებადვე დავინოცებითო! ჰოდა, არც უკვირდათ ეს ამბავი და არც ესირცხვილებოდათ, ასე იყო თაობიდან თაობაში.

— რაო, პეტრე, ისევე აქიმობ ხალხს, ხომ? ამბობენ, პაპა სოფრონს მეჭეჭები გადაუყვანაო?

— დიახ, გაუჭრე, თქვენო ბრწყინვალეზე, — მიუგო პეტრემ.

— მეჭეჭებს აქრობ! ნაღძობს ასწორებ! კიდევ რისი გაკეთება შეგიძლია? — ჰკითხა გრაფინიამ.

კიდევ რისიო? პეტრეს ბევრი რამის ჩამოთვლა შეეძლო. შეეძლო მოეყოლა, როგორ არჩენს გამოლოცვით თიაქარს, წყვეტს სისხლის დენას; როგორ აყუჩებს ღვიძლის ტკივილს ბალახების ნაწალით; როგორ აქრობს გულის შეტევებს შეგონებით, მზერითა და მასაჟით; როგორ მბრძანებლობს ადამიანს, გაუძლოს ბედის უკუღმართობას. და, კაცმა რომ თქვას, სწორედ ამ მბრძანებლობის უნარს აძლევს უპირატესობას მთელს თავის წამლობაში.

მაგრამ პეტრეს არ სურდა ამეებზე ლაპარაკი. ვითომ სასწავლებელში გაგზავნიან? არა ჰგონია! იცის პეტრემ: მისი პირდაპირი ბატონი როდია გრიგორი ალექსანდროვიჩ სტროგანოვი. ეს სოფია ვლადიმეროვნა სტროგანოვას გაუგებარი ახირების გამოა, რომ პეტრე გრიგორი ალექსანდროვიჩს ემსახურება ახლა. თანაც გოლიციანების ექიმს ნახატი რომ მოჰპარა, შეიძლებოდა ის ამბავიც გამეღვენებულიყო.

— მეტი არაფერი შემიძლია, — დაბეჯითებით თქვა პეტრემ და ბატონებს ამით მთლად გაუქარწყლა ინტერესი. — რაც შეეხება მეჭეჭებს, მისი მოცილება თითქმის ყველამ იცის ჩვენში, ილინსკოეში.

— „პიკის ქალი“ წაიკითხე? — ჰკითხა იულია პავლოვნამ.

— წავეიკითხე.

— არ გეგონოს, რომ იქ მართლაც კნეინა გოლიცინას ამბავია მოთხრობილი, — ჩაიცინა ქალბატონმა. — პუშკინმა გამოიგონა ყოველივე. წიგნებში მუდამ გამონაგონი ამბავი წერია ხოლმე. ინტერესით თუ წაიკითხე?

— საინტერესო იყო! — ცხარედ ალაპარაკდა პეტრე. — ყოველივე მშვენიერად არის აღწერილი. თითქოს იმ ცხოვრების მონაწილე ყოფილიყოს. ყველაფერი გჯერა კაცს.

— მართლაც რომ, ყველაფერი გჯერა, — მრავალმნიშვნელოვნად უთხრა გრაფმა ცოლს.

ნეტა პეტრეს სცოდნოდა, რომ იმავე საღამოს სწორედ იმ ქალის სასტუმრო ოთახში, რომელზედაც ერთავად ასეთი გულისტკივილითა და გულისკანკალით ფიქრობდა, ვისაც გუნებაში ანგელოზს ეძახდა, მასზე, პეტრეზე იყო ლაპარაკი.

პუშკინების ოჯახი 12 სექტემბერს დაბრუნდა აგარაკიდან, ხოლო ოქტომბერში ახალ ბინაში დასახლდნენ, მოიკაზმე.

ნატალია ნიკოლაევნა და იულია პავლოვნა მარტო ისხდნენ პუშკინების მომცრო სასტუმრო ოთახში.

— ამ ყმაწვილმა, ნატალი, „პიკის ქალი“ წაიკითხა და ძალიან მომწონსო, თქვა, — ეუბნებოდა ფრანგულად იულია პავლოვნა, ლაპარაკის დროს შიგადაშიგ ხორხისმიერი ხმით იცინოდა. — ასე თქვა, საინტერესო წასაკითხია, ყველაფერი კარგად არის აღწერილი და ყველაფრისა გჯერა კაცსო.

მაგრამ ნატალია ნიკოლაევენას არ გასცინებია. მან სერიოზულად თქვა:

— ალექსანდრს, ალბათ, ეამება ხალხის წრიდან გამოსული მკითხველის აზრის გაგება.

ნატალია ნიკოლაევნა გაჩუმდა და მოაგონდა ის შემთხვევა პარკში, თვალწინ დაუდგა ჭაბუკი, მისი ხელების მარდი, მტკიცე მოძრაობა, როცა ნაღრძობს ასწორებდა, მისი ნებისყოფით საესე სახე.

— კარგი სახე აქვს მაგ ჭაბუკს, ლამაზი, საზრიანი. რაღაცით გამოირჩევა შინაყმებისაგან. ვერ გამიგია კი, რით. თავის დაჭერაც სხვანაირი, აქვს, არა ჰგავს სხვებს...

მაგრამ იულია პავლოვნა უკვე იმაზე ყბედობდა, რომ მოღაში

თანდათან „ბერძნული“ თმის ვარცხნილობა შემოდის და, ჩემი აზრით, ასეთი ვარცხნილობა მეც მომიხდება, შენც, ნატალია. და ალექსანდრინასაც. აი, კატრინს კი არ ვიცი, რადგან ასეთ ვარცხნილობას სახის სხვაგვარი მოყვანილობა სჭირდება. ამიტომ კატრინმა ისევ ძველებურად კულულები უნდა ატაროსო.

ფანჯრის იქით კი უკვე შემოდგომა დედოფლობდა. ფანჯრის მინები წვიმის წინწყლებს აებრწყინებინა. ჩარჩოს კუთხეში ქარს ნეკერჩხლის პაწაწა, ნარინჯისფერი ფოთოლი აეკრო.

„ნეტა რად უყვარს ალექსანდრს შემოდგომა? — ფიქრობდა ნატალია ნიკოლაევნა. — რარიგ ჰმატებს ნაღველს ეს დრო კაცის გულს...“

პეტრეს ძალიან უყვარდა პეტერბურგიდან გამგზავრება. ახლაც, მეტად დაუჯდა ჭკუაში, გონჩაროვთა მამულში წასვლა რომ დაავალეს.

სულ არ ელოდა, თუ გამგზავრების დღეს განკარგულებას მიიღებდა, რომ პუშკინების ქალაქურ ბინაში შეეველო და იქიდან წერილი წამოედო დიმიტრი ნიკოლაევიჩ გონჩაროვისათვის გადასაცემად.

პაპის მამის, აფანასი აბრამოვიჩ გონჩაროვის ანდერძით, ტილოს ქარხანა, ქალაქის ფაბრიკა და გონჩაროვთა მთელი ადგილ-მამული გარდაიქმნა მაიორატად, ანუ განუყოფელ მამულად, რომელიც თაობიდან თაობაში გვარის უფროსს გადაეცემოდა. ასეთი უფროსი თავდაპირველად იყო აფანასი აბრამოვიჩის შვილიშვილი, აფანასი ნიკოლაევიჩი, რომელიც დაქორწინებული იყო ნადეჟდა პლატონოვნა მუსინა-პუშკინაზე. მათ ჰყავდათ ერთადერთი ვაჟი, ნიკოლაი, რომელმაც იმდროისათვის ბრწყინვალე განათლება მიიღო. პეტერბურგში ნიკოლაი აფანასიევიჩი შეხვდა ულამაზეს ფრეილინას, ნატალია ივანოვნა ზაგრაიუკსაიას და ცოლად შეირთო. შემდეგში ნიკოლაი აფანასიევიჩი — სამი ქალიშვილის მამა: ეკატერინასი, ალექსანდრასა და ნატალიასი და სამი ვაჟისა: დიმიტრისა, ივანესი და სერგეისი, — უფროსი გახდა გვარში, მაგრამ ცოტა ხნით. მალე იგი მძიმე ფსიქიური აშლილობით დაავადდა. მისი ცოლი, ნატალია ივანოვნა, სამუდამოდ გადასახლდა თავის მამულში, იაროპოლევცში; ნიკოლაი აფანასიევიჩი კი, რომელსაც სენი თანდათან ერეოდა, ძველ-

დიდ, ცივ და ნესტიან სახლში ნელ-ნელა აკვდებოდა ხელში ბებერ მსახურს. მის ირგვლივ ასევე იღუპებოდა ხელმიშვებული, ოდესღაც მშვენიერი ბალიც. გონჩაროვთა კარმიდამოს ერთ დროს მთელი კვარტალი ეჭირა დიდსა და მცირე ნიკიტინის ქუჩებსა და სკარიატინსკის შესახვევს შორის.

მალე გვარში უფროსი გახდა დიმიტრი ნიკოლაევიჩ გონჩაროვი. იგი სამემკვიდრო ფულს იხდიდა დების შესანახად — ალექსანდრასა და ეკატერინასათვის ყოველწლიურად 4500 მანეთს, ნატალია ნიკოლაევნასათვის კი—1100—1500 მანეთს. მზითევი, როცა პუშკინს გაჰყვა ცოლად, ნატალია ნიკოლაევნასათვის არ მიუციათ. დაჰპირდნენ, მაგრამ აღარ მისცეს.

ნატალია ნიკოლაევნა ხშირად სთხოვდა ხოლმე დიმიტრი ნიკოლაევიჩს ფულს, ცხენებს, მსახურს, ქაღალდს ქმრისთვის. აი ახლაც, სწერდა ძმას, ჩემმა ქმარმა ქაღალდის გამოგზავნა გთხოვა, ჭერჯერობით კი ფულს ვერ გადაგიხდისო.

ქაღალდის ჩამოტანა პეტრეს დაევალა.

პეტრემ თავისი ოთხთვალა მოიკაზე გააჩერა. შემოდგომის დღე იდგა და მთელ პეტერბურგს ნისლის ფერი ედო. ნისლისფერი მოიკა მოფენილი იყო ნისლისფერი გრანიტით. ქუჩაში მოსიარულეთაც დანისლული, გაღიზიანებული სახეები ჰქონდათ და პეტრეს სულსაც ღრმა შემოდგომა დასდგომოდა.

იგი ეზოსკენ გაემართა, რომ უკანა კარი მოეძებნა და განცვიფრებული შეჩერდა. პირდაპირ მისკენ მოდიოდა ნატალია ნიკოლაევნა. ქალს შავი შლიაპა ეხურა, შავი ხელთათმანები ეცვა, ხალვათი წამოსასხამი მოესხა და, მიუხედავად ამ ჩაშავებული სამოსისა, პეტრე ნათლად ხედავდა, რომ ნატალია ნიკოლაევნას ნათელი შარავანდელი ერტყა გარს. ამ შარავანდელით ამ ქალს უმაღლვე გამოარჩევდით მის ირგვლივყოფ საგანთაგან. დიახ, უეჭველად, სწორედ ასეთი უნდა დახატოს პეტრემ იგი. ჭაბუკმა კარგა ხანია შენიშნა, რომ საგნები ფონისაგან მუდამ გამოირჩევიან ხოლმე რალაცნაირი სხვანაირი, უფრო ნათელი ტონით.

მოდიოდა ნატალია ნიკოლაევნა და ღიმილით გაბადროდა სახე. ქალმა იცნო პეტრე.

პეტრე შეჩერდა, იგრძნო, რომ სული უგუბდებოდა და ფერიც

წაუვიდა. რატომღაც გულს არ უხარებდა ამ ქალის შეხვედრა, პირიქით, ტკივილით ეკუმშებოდა. იქნებ იმიტომ, რომ ნათლად გრძნობდა, რა შეუძლებელი რამ აეკვიატებია მის გულს, რა უაზრო იყო მისი გრძნობა, ის კი არა და, დანაშაულადაც კი მიაჩნდა. ან იქნებ იმიტომ, რომ პეტრე მიჩვეული იყო სხვის სულში წვდომას, რათა სიტყვითა და მზერით შეემსუბუქებინა სხვათათვის ტკივილები და ადამიანის სულიერი წონასწორობის დარღვევა არ გამოეპარებოდა. ხოლო ნატალია ნიკოლაევნა მასში ყველაფერთან ერთად 'სიბრაალულსაც იწვევდა, სევდის მომგვრელ სიბრაალულსაც.

— პეტრუშა, — უთხრა ქალმა თავისი წყნარი, ყრუ ხმით, — ჩვენს მამულში მიდიხარ, ხომ? გითხრა გრიგორი ალექსანდროვიჩმა, რომ ქალაღი უნდა წამოუღო ალექსანდრ სერგეევიჩს?

— დიახ, მითხრა, — თქვა პეტრემ და თვალები დახარა, რადგან ვეღარ გაუძლო ამ მოუსვენარ მოოქროსფრო-თაფლისფერი თვალების გამოუცნობ მზერას, სადღაც, განზე რომ იყურებოდნენ, აღარ ძალუძდა ამ მშვენიერი სახის მოგრძო ოვალის ყურება, სახისა. ცისკროვანი სინაზით რომ ალექსილიყო; ასეთ ნაზ ფერს მხოლოდ ბუნება თუ გამოიმეტებს, თორემ ნაყიდი ფერ-უმარული ვერას გააწყობს. ვეღარც ამ ტრაგიკულად შეტეხილ მარცხენა წარბს უკვრეტდა, რაღაც ავბედით განსაცდელს რომ იუწყებოდა თითქოს.

იმ დროის მთელ მაღალ საზოგადოებაში ცნობილ დოლი ფიკელმონს, კუტუზოვის შვილიშვილსა და ავსტრიის დესპანის, გრაფ შარლ-ლუი ფიკელმონის მეუღლეს, პუშკინის მეგობარ ქალს, „მეტსახელად „სიბილა ფლორენციელს“, მომავლის წინასწარმეტყველს ეძახდნენ. ჩემს წინაპარს იმ დროს ამ ქალის დღიური რომ წაეკითხა, გაოცდებოდა, ისე ჰგავდა ამ სწავლული გრაფინია დოლი ფიკელმონის აზრები მის, თვით პეტრეს, სტროგანოვთა შინაყმის იმ აღქმათ, რასაც მასში ნატალია ნიკოლაევნა იწვევდა.

დოლი ფიკელმონი ასე წერდა:

მისი ცოლი (პუშკინისა) მშვენიერი ქმნილებაა; მაგრამ ისეთი მელანქოლიური და წყნარი გამოხედვა აქვს, ასე მგონია, უბედურების წინათგრძნობას ატარებს. ცოლ-ქმრის სახე არც სიმშვიდის მათუწყებელია, არც იმისა, რომ მომავალში მყუდრო ბედნიერება ელით. პუშკინს

გატაცებებისაკენ სწრაფვა ეტყობა, მის ცოლს კი საკუთარ თავთან განდგომის მელანქოლია... პუშკინი თქვენთან აზრს, მოსკოვში, — სწერდა დოლი ფიკელმონი ვიაზემსკის. — ცოლი ლამაზი ძყავს, ლამაზი, ლამაზი! ნაგრამ შუბლზე ისეთი ტანჯვის ბეჭედი აზის, მაძრწუნებს მისი მომავალი... ქალბატონ პუშკინას პოეტური სილამაზე შიგ გულში მწვანება. რადაცნაირი ჰაეროვანი და გულში ჩამწვდომი იერი აქვს ამ ქალს — იგი ვერ იქნება ბედნიერი, ამაში დარწმუნებული ვარ! ახლა ყველა უღინის მას და ყოველმხრივ ბედნიერია, მონავალშიც ბრწყინვალე და სიხალისით სავსე ცხოვრება ელოდება, მაგრამ თავის დახრა ისეთი იცის და გარეგნობაც ისეთი აქვს, თითქოს გეუბნება: „მე ხომ ვიტანჯებიო“. თუმცა, ნეტა რადად ელოდება მძიმე ხვედრი, რთვა პოეტის ცოლია და თანაც ისეთი პოეტის, როგორც პუშკინია.

— მაშ, სხვა არაფერი მაქვს ნაბრძანები და არც არაფერს მიბრძანებთ? — პეტრეს უცებ ხმა ჩაეხრინწა და ხველებით ჩაიწმინდა ყელი, გაბედა მალა ახედვა და „ანგელოზისათვის“ თვალის გასწორება. პირველად იყო, რომ მისი ოდნავ ელაში გამოხედვა დაიჭირა. პეტრეს გულმა უგრძნო, რომ ნატალია ნიკოლაევნას უკანასკნელად ხედავდა. არც შემცდარა თავის წინათგრძნობაში.

ნატალია ნიკოლაევნა ამის მეტად აღარასოდეს უნახავს პეტრეს. მაგრამ მთელი სიცოცხლე არ დავიწყნია. თავის დღიურში არა ერთი და ორი ფურცელი აქვს გადაჭრელებული საკუთარ თავთან მგზნებარე აღსარებებით ამ განუმეორებელ, გასაოცარ სიყვარულზე. ეს აღსარებები ხშირად მთავრდება პუშკინისეული ლექსით:

მე სურვილებმა თავი მანება*,
გაქრა ოცნებაც წამისმიერი,
და დამრჩა მხოლოდ ტანჯვა-წამება —
ნაყოფი სულის სიციარელის.
დამიზრო ბედის გრიგალთა ქროლამ...

პეტრე თავის დღიურში წერდა, რომ ნატალია ნიკოლაევნა მაშინაც უყვარდა, როცა ოლიმპიადა ფედოროვნა შეერთო, მაშინაც, როცა ბავშვები გაუჩნდა, მაშინაც, როცა მძიმე სენისაგან განკურნა

* თარგმნა ზ. გაბუნია (დაიბეჭდა გაზ. „კომუნისტში“).

გავლენიანი პეტერბურგელი თავადის ვაჟი და ამაში აიღო ფული, რითაც თავისუფლება იყიდა.

ფიქრით მოგმართავ, ჩემო შორეულო წინაპარო: შენს სურვილს, რომ არავინ იცოდეს, ვინ არის ის თავადი, მე აღვასრულებ. არა თუ გვარს არ დავასახელებ მისას, გარეგნულადაც კი არ აღვწერ. იძინე მშვიდად! დაე, როგორც ძველად იტყოდნენ, მსუბუქი ყოფილიყოს შენთვის მიწა.

პეტრეს არც მაშინ დავიწყებია თავისი უსასოოდ სევდიანი და მშვენიერი სიყვარული, რაზედაც წერდა დღიურში, როცა უკვე ბილიმბაის ქარხანაში მსახურობდა:

ორი განუზღვრციელებელი, ნვზნებარე და მშვენიერი ოცნება გამაჩნია, რაც ადამიანურს ხდის ჩემს ცხოვრებას და არა პიროვნულს. ერას ნატალია ჰქვია, მეორეს — თავისუფლება.

მე მგონია, ეს დიდებული გრძობა, რაც ასე იშვიათად ეწვევა ხოლმე ადამიანს, პეტრემ იმ დღემდე ატარა გულით, როცა ოლიმპიადა ფედოროვნამ მისი დღიურის ბოლოს თავისი უწიგნური მიწაწერი გააკეთა:

2 სექტემბერს ჩემი ქმარი, პეტრე იაკოვლევიჩი, ვინაც ორი წელი გაიტანჯა მუსკლის ავადობით, მიიცვალა. დავკრძალებთ 4 ს. ღმერთმა დაუმკვიდროს სასუფეველი ცათა. საჯაროობაც აღსრულდა და ეზიარა კიდევ. ქრისტიანულად დაიმაჩნა.

გონჩაროვების ადგილ-მამულში პეტრე რამდენიმე დღეს დარჩა. ინტერესით ათვალიერებდა, როგორ აკეთებდნენ ქარხანაში ქალაქს, რომლის დასტები — მწვანე, თეთრი თუ ცისფერი — გრაფ სტროგანოვის მაგიდაზედაც ენახა და თავადაც ბევრჯერ უთხოვია მსახურთათვის ეს სანუკვარი ფურცლები.

პეტრემ ტილოს ფაბრიკაც მოიარა — მან იცოდა, რომ ნატალია ნიკოლაევნას პაპის პაპამ, მექოთნეთა შთამომავალმა, კალუგის მახლობლად, მდინარე სუხოღრევაზე რომ ქოთნის დუქანი ჰქონდა, ტილოსა და ქალაქის ფაბრიკა ააგო. იმ დროს იყო, პეტრე პირველი რომ რუსულ ფლოტს ქმნიდა და აფრები სჭირდებოდა. გონ-

ჩაროვის ტილოს ქარხანა სწორედ საიალქნე ტილოს ამზადებდა. მასზე სახლვარგარეთაც დიდი მოთხოვნა იყო.

„მთელი ინგლისის ფლოტი გონჩაროვისეული იალქნებით მიმოდისო“, — ამბობდა ხალხი.

ბებერმა მსახურმა, ვის ოთახშიც, ფართო კიბის გვერდით რომ ჰქონდა, პეტრემ და პაპა სოფრონმა დამე გაითიეს, მთელი სიცოცხლე ამ სახლში გაატარა.

საღამოთი ბებერი თავლოპრა მსახური, პაპა სოფრონთან ერთად რომ აბოლებდა თამბაქოს, სტუმრებს თან ჩაით უმასპინძლდებოდა, თან შუალაქემდე გონჩაროვების ამბებს უყვებოდა.

— წინათ ბევრად უფრო მდიდარი იყო ფაბრიკა! ან ბატონების სახლი როგორ შეედრება მაშინდელს! ახლა სამსართულიანი თეთრი სახლი ყანარმასავეთ გამოცარიელებულია, ადრე კი ისეთი ავეჯი ედგათ ირგვლივ, საითაც თვალს მიაწვდენდი, სულ ბრინჯაო თუ ქაღები, ფაიფური თუ საგვარეულო ვერცხლი ბრწყინავდა... ლქერ-თო ჩემო! ახლა პარკი როგორი ჰქონდათ! რა მღვიმეები, თუ ფან-ჩატურები! ქანდაკებები! ორანჟერეებში ანანასებიც კი გამოჰყავდათ! ცხენსაშენში თუ ყოფილხართ? გინახიათ, რა მანეჟი აქვთ? ცხენები ახლაც სანაქებო გვყავს! ჩვენი ყმაწვილქალობაც ბალღობიდანვე დიდებული ცხენოსნები გახლდნენ. ამბობენ, პეტერბურგში ახლაც ტოლს ვერავენ უდებთო.

პეტრეს ყველაფერი უყვარდა აქაური. აქ ხომ ის გაიზარდა. ბებერმა მსახურმა პაპის ოთახში პეტრეს პატარა ნატაშას სურათი ანახვა. ჰაბუკი დიდხანს მიშტერებოდა ნატიფ, სევდიან სახეს ბავშვისას, რომელსაც ეტყობოდა, რა ლამაზი ქალიც დადგებოდა.

როცა საქმე არაფერი ჰქონდა, პეტრე პარკში დაეხეტებოდა. „აქ, ამ ხეივანში გაუვლია იმასაც, ამ ეკლესიაშიაც შესულა“.

— ქალბატონი ნატალია ივანოვნა ძალიან მკაცრად ზრდიდა შვილებს, — ყვებოდა ხოლმე საღამოობით ბებერი მსახური. — ლოყაზე სილის გარტყმა იცოდა ბაღებისათვის, ამიტომაც დედისა მეტად ეშინოდათ. განსაკუთრებით ნატაშას. დედა რომ თავის ოთახში მოუხმობდა რომელიმეს, გოგოცა და ბიჭიც კარგა ხანს იდგნენ კართან და შესვლას ვერ ბედავდნენ.

წასვლის დღეს პეტრე დიმიტრი ნიკოლაევიჩ გონჩაროვს შეხვდა. მან ჰაბუკი ქაღალდის ფაბრიკის მმართველის კაბინეტში მიიღო.

დიმიტრი ნიკოლაევიჩმა თავისი დებისაგან იცოდა სტროგანო-
ვების შინაყმის ამბავი — ძალზე წიგნიერიაო, ამბობდნენ, პუშკინს
კითხულობსო, მშვენიერი მკურნალიც არისო.

მან თავაზიანად მიიღო პეტრე. პეტრემ ახლაც იგრძნო იგივე
ცნობისმოყვარე გამოხედვა და თვალებით დასმული კითხვები, მაგ-
რამ ახლა ადრინდელივით დამცირებულად არ უგრძნია თავი, როცა
თავად იდგა, ბატონი კი იჯდა ხოლმე. დიმიტრი ნიკოლაევიჩი ფეხზე
მდგარი ელაპარაკებოდა და იქნებ შემთხვევით კი არ მოხდა ეს
ამბავი, განგებ მოიქცა ასე.

იგი აღერსიანად უღიმოდა პეტრეს და ამ ღიმილით იმას
აგონებდა. დიახ, თუმცა ნატალია ნიკოლაევენას სულაც არ ჰგავდა
ძმა, პეტრე მაინც გრძნობდა, რომ ეს კაცი იმისი ძმა იყო.

დიმიტრი ნიკოლაევიჩი ახალგაზრდა გახლდათ, ლამაზი გარეგ-
ნობისა, სიცოცხლით სავსე, ფიცხი მიხვრა-მოხვრა ჰქონდა. თავის
დასავით თმაზე მოწითალო ბზინვარება კი არ გადაჰკრავდა, არა-
მედ — მოლურჯო. თვალები მუქი-თაფლისფერი ჰქონდა და თავის
დასავით ოქროსფრად არ უელავდა. თვალის ქრილითაც არ ჰგავდა
დას. ძმას მკვეთრად გამოკვეთილი, მსუქანი, ვნებიანი ტუჩები
ჰქონდა, მის დას კი — ტოტზე შერჩენილი ყვავილის უბიწო, დაუ-
კარებელ, ალისფერ ფურცლებს უგავდა.

იმ ღამეს ბებერი მსახური ყვებოდა, დიმიტრი ნიკოლაევიჩს
მდიდარი გრაფინია ნადეჟდა ჩერნიშოვა შეუყვარდაო. მისი ადგილ-
მამული დიდებული სასახლით, დიმიტრი ნიკოლაევიჩის დედის,
ნატალია ივანოვნა გონჩაროვას, ქალიშვილობისას ზაგრიავსკაიას,
საგვარეულო მამულის მეზობლად მდებარეობდა იაროპოლცშიო.

— მდიდარი ხალხი კია ჩერნიშოვები, — ამბობდა ბებერი მსა-
ხური, — მაგრამ ამ ჩვენს ბატონებს მაინც, ეტყობა, დიდად არ ეპი-
ტნავენათ. ნადეჟდა ჩერნიშოვას ძმა დეკაბრისტი იყო. და, ალექსან-
დრა კი, ნიკიტა მურავიოვის ცოლია. ესეც შენი ბატონები! დამი-
ნედეთ ერთი ამ გრაფებს! — მერე ბერიკაცმა კარს გახედა, ხმას
დაუწია და ჩურჩულით განაგრძო: — დიმიტრი ნიკოლაევიჩი ში-
შობდა, ჩერნიშოვასთვის მე ღარიბი საქმრო ვარო. ნატალია ნიკო-
ლაევენამ კი, ამბობენ, წერილი მოსწერაო ძმას, ეცადეო, რომ ჩერ-
ნიშოვას თავი მოაწონო. მას სულაც არ ენადვლება, საქმრო
მდიდარია თუ ღარიბიო. მაგრამ, ეტყობა, მაინც არ მოეწონა. ჩვენ-

მა დიმიტრი ნიკოლაევიჩმა კარგა ხანს ინაღვლა და მერე თავადის ასული ნაზაროვა შეირთო. რა მოხდა მერე, სანდომიანი ქალია.

სტუმრებთან ჩაიხე შვეიცარმაც შეიარა. კართან იგი მუდამ გაბლინძული და დაჭიმული იდგა ხოლმე, აქ კი, ამათთან, თითქოს სხვა კაცი შემოსულიყო. ლივრეის ღილები შეიხსნა და ძველ სავარძელში გაიშლართა.

— აბა, რას იტყვით ახლა ჩვენს ქალბატონებზე? — ყველაზე უწინ ეს იკითხა.

პეტრემ მხრები აიჩეჩა.

პაპა სოფრონმა დუმილი არჩია.

— მაშ, არაფერი იცი, განა?! — ჩაიხიბითა შვეიცარმა. — იქნებ გგონიათ, რომ თქვენთან სხვანაირად ცხოვრობენ ფარეშები? ვერაფერს ვერ გებულობენ? არა, ჩემო ძმაო, ნუ ხუმრობთ! საფარეშოში ბატონებზე უფრო ჩქარა იტყობენ ამბებს. არ ვაგიგიათ, განა, პუშკინების ოჯახში რა ამბავია ატეხილი? დები იმათ ოჯახში სულ ტყუილად შეიფარეს. უიმათოდაც ერთი დავიღარაბა ტრიალებდა იქ.

შვეიცარმა უკეთური ღიმილით ნატალია ნიკოლაევენას სახელთან ერთად იმპერატორ ნიკოლოზის სახელიც ახსენა.

პეტრეს უნდოდა სიტყვა აექცია, მაგრამ შვეიცარი ექსტაზით ჰყვებოდა რაღაც ჩახლართულ ამბავს, რომელშიც ნატალია ნიკოლაევენაც იყო გარეული.

პეტრეს სულ არ სჯეროდა ეს ამბავი. იმას მიხვდა მხოლოდ, რომ მისი სათაყვანო ქალი ბინძური კორების ქსელში იყო გახლართული მალალ საზოგადოებაშიაც და ხალხის თვალშიც.

იმ ღამით პეტრეს ძილი გაუტყდა. ნატალია ნიკოლაევენას სახე ვერ მოეშორებინა გონებიდან. პეტრეს არასოდეს ენახა პუშკინი. მაგრამ ეგონა, ნატალია ნიკოლაევენა უპატიოსნოდ არაფრით არ მოიქცეოდაო. მსახურები პუშკინს თბილად იხსენიებდნენ აქაც კი, გონჩაროვთა მამულში. სხვათა ბატონებს ისინი მუდამ ჭუჭყში სვრიდნენ ხოლმე, თავიანთ ბატონებზე ლაპარაკისა ეშინოდათ. პეტრეს ბევრი ნაწარმოები წაეკითხა პუშკინისა. ილინსკოეში მას წიგნებს აძლევდნენ მოურავი, მღვდელი და მასწავლებელი. პუშკინის ზღაპრები და მისი ბევრი ლექსიც პატარაობიდანვე თითქმის ზეპირად იცოდა.

მოსკოვში პეტრემ მრავალი სახსეელი ჩაანავლა პუშკინის კითხვაში, ილინსკოვში კი — უთვალავი კვარი.

პეტრე არ იცნობდა პუშკინის წინასწარმეტყველურ წერილს, რომელიც 1834 წლის 14 ივლისს მისწერა ცოლს.

ოჩივე და შენთან მოგყავს? ეჰ, ჩემო მეუღლე! კარგად დაუკვირდი... ჩემი აზრი ასეთია: ოჯახი ცალკე უნდა იყოს ერთ ზღრქემში: ქმარი, ცოლი, ბავშვები — სანამ პატარები არიან, და აგრეთვე მშობლები, როცა ღრმად მოხუცდებიან. თორემ ისე დაეცაზაბასაც აიკიდებ და ოჯახური სიმყუდროვეც არ გეწნება.

პეტრეს დანადგლიანებული გული გამოჰყვა გონჩაროვების მაჟულიდან. სოფრონი აჩუ, აჩუს ძახილით მიერეკებოდა ამლაც ულაყს, ჰაერში მათრახს ატრიალებდა და პეტრეს ჩასციებოდა, რადა ხარ ასე დაღვრემილიო. პეტრეს მოთმინების ძაფი გაუწყდა, მკვახედ გაეპასუხა და ხმა ჩააწყვეტინა ბერიკაცს. კარგა ხანს მიდიოდნენ უბრად. საღამოთი რომელიღაც პატარა მდინარის პირას შეისვენეს. მდინარის ნაპირები თხელ ყინულს დაეფარა და ფოთლებგაყვითლებულ, თითქმის უკვე მთლად გაშიშვლებულ ბუჩქნარს მოეარშიებინა. კოცონი ააგიზგიზეს. წყალი აადუღეს. ისხდნენ წაქცეულ ხეზე, სვამდნენ ადუღებულ წყალს, რკინის ცხელი ტოლჩები ხელებს უთუთქავდათ და ხელიდან ხელში გადაჰქონდათ.

სოფრონს ჯერაც არ დავიწყნოდა, პეტრე რომ გაფიცხდა დილით და არ სურდა პირველი გამოლაპარაკებოდა. ხმას არც ერთი არ იღებდა.

უცებ პეტრემ გულგახსნილად ჰკითხა:

— პაპა სოფრონ, ოჯახი თუ გყავდა ოდესმე?

— მაშ როგორ, პეტრუშა. ცოლი მყავდა. ვაჟიშვილიც. ჰოდა, ორი წლისა რომ გახდა ჩვენი ბიჭი, მე და ჩემი ცოლი გაგეყარეს. ხედავ, გრაფინიას თურმე მოახლე დასჭირდა პეტერბურგში. შესახედავი დედაკაცი იყო ჩემი ცოლი და მართლა რომ იშვიათი დიასახლისიც. ყველაფერი გამოსდიოდა ხელიდან. ოქროს ხელები ჰქონდა. მე ბილიმბაის ქარხანაში მიკრეს თავი. პირველხანად ვითომდა დროებით ვიყავი იქ, მაგრამ მერე აღარც გავხსენებდით.

ვაქიშვილი სიღედრთან დარჩა. ვერ მიხედეს და ჭაში დაიხრჩო ბიჭი. ცოლს კი ოცდაათი წლის შემდეგ შევხვდი პეტერბურგში. ჰო, ჩავედი პეტერბურგში, ის ჩასვლა პირველი იყო, და ვიფიქრე, მოდი, ჩემს ცოლს ვნახავ-მეთქი. მაინცდამაინც კი აღარ მენატრებოდა, მოვინელე უკვე, გული გამიცივდა. მაგრამ გრაფინიამ თითქოს განგებ ბრძანა ჩემი პეტერბურგში ჩაყვანა, ვითომც ცოლთან ახლოს იყო-სო. გაახსენდა, რაღა!

ჩემი ცოლი ახლა გრაფინიას შვილიშვილებს სრდიდა. ჰოდა, შევხვდით ერთმანეთს. ის კი არა და, ოთახშიც შემიშვეს და მართლ დამტოვეს ნასტიკსთან. ვუყუარებ და სახტად ვრჩები — სხვა დედაკაცია. არა. ძალზე კი არ დაბერებულა, ეს არის, რომ უცნობია ჩემთვის — მეტი არაფერი. მაგრამ როცა ხმა გაიღო და დაილაპარაკა, მაშინ კი მართლა დამესერა გული, — ისევ ის წერილი ხმა, მშვიდი ლაპარაკი. რაო, — მკითხა, — რატომ ვერ გაუფრთხილდი ჩვენს ბიჭსო? — და თვალები ცრემლით ავესო. — როგორ გავუფრთხილდებოდი-მეთქი, მე ხომ ბილიმბაიში ვიყავი-მეთქი, — თურმე დედაკაცს არ სცოდნია ჩემი ამბავი. აი, ჩემო პეტრე, ასეთი ცხოვრება გამოვიარე! იცოდე, მითქვამს შენთვის — ცოლი არ შეირთო. ჩვენთვის. ყმებნისთვის, არ შეიძლება ოჯახური ცხოვრება. თუ. რაღა თქმა უნდა, ბატონები არ შეგრთავენ ძალად. ასეც ხომ ხდება ხოლმე. აბა რა ხეირია იმათთვის, რომ შინაყმებს შთამომავლობა არ ჰყავდეთ. არა, არ არის სარგო საქმე ეს. წაგების მეტი არაფერია ბატონებისათვის.

პეტრემ ტოლჩინდან გაციებული ანადული წყალი გადაღვარა, ტოლჩა ტოლს ტომარაში ჩააგდო და პაპას ჰკითხა:

— პუგაჩოვის ამბავი თუ გაგიგია, პაპავ?

— გამიგია. თუმცა, არ მჯერა. თუ მართლაც ხელმწიფე იყო ის კაცი, მაშინ ხალხს გამოიყენებდა და მერე ისევ დაიბეჩავენდა. ხოლო თუ თავადაც ლტოლვილი იყო, ბედი ვერ გაუღიმებდა. ღმერთმა იგი ყმად შექმნა, ჰოდა, თუ ღმერთის წინააღმდეგ წახვალ — სიკეთე არ დაგეყრება. მე და შენც ყმებად გავვაჩინა ღმერთმა. ამიტომაც საწყენი არავისზე არაფერი გვაქვს. ღმერთმა ერთს სიმდიდრე უბოძა. — მეორე — დაჩაგრა.

— განა სიმდიდრეზე გეუბნები, პაპა სოფრონ? თანახმა ვარ,

მათხოვრად ვიჭდე ტაძრის კარიბჭესთან, ოღონდ თავისუფალი ვი-
ყო. აი, ჩვენს მოურავს ხომ არგუნა ღმერთმა ასეთი ბედნიერება.

— იქნებ შენც გარგუნოს. ღმერთმა თავად იცის, ვის რა ეკუთვ-
ნის.

— ჰო, თავად იცის, — ვერ გაიგებდი, კვერი დაუკრა პეტრემ
თუ ეჭვი გამოთქვა.

— ჰო, მართლა, როგორ შეგხვდა დიმიტრი ნიკოლაევიჩი, ხომ
მოგესალმა? — დაინტერესდა ბერიკაცი დასტა-დასტად შეკრული
ქალაქლების დანახვაზე.

— მომესალმა, კი, — მიუგო პეტრემ და მოაგონდა დიმიტრი
ნიკოლაევიჩის სახე.

— მაგისი უმცროსი დაო, ამბობენ, დედამისმა უმზითვოდ გა-
ათხოვაო, ასე თქვეს, თავად პუშკინმა უყიდაო მზითვეი.

— „ესეც ყველას სცოდნია“, — არ ეამა პეტრეს.

სოფრონი განაგრძობდა:

— აქ გონჩაროვებმა პუშკინი კარვად გააცურეს. მზითვეშიც
მოატყუეს, ცოლისდებიც ოჯახს შეაჩვიეს — აქ რა გინდათ, წადით
პეტერბურგში იცხოვრეთ, იქნებ საქმროებიც იშოვოთო. ეს დე-
ბი კი, ვერც დათხოვდნენ და ამბობენ, ოჯახიც აურიესო.

— შენ ხომ თავად თქვი, პაპა სოფრონ, ყველაფერი ღვთის ნე-
ბააო, — უთხრა ცხარედ პეტრემ.

— რაღა თქმა უნდა, ღვთის ნებაა. მაგრამ ქმარმა ცოლი მკაც-
რად უნდა დაიჭიროს ხელში. ნატალია ნიკოლაევნა არაჩვეულებრი-
ვად ლამაზი ქალია. თავად კი არც თვალადობით ვარგა და არც ტა-
ნადობით. ყველა ასე ამბობს, კარგი კაციაო, მაგრამ ვინ იცის, ვის-
ზე შეუვარდება გული ცოლს, როცა ქმარი ღღედაღამ ქალაქებ-
ში იქეჭება და ლექსებს თხზავს. აგე, ხომ ხედავ, რამდენი ქალა-
დი მიგვაქვს მისთვის! — მათრახი მიაშვირა ქალაქებს სოფრონ-
მა, — ფორანი სავსეა. მერე რა გგონია, დიდხანს ეყოფა, განა?

— თავად თუ გინახავს პუშკინი, პაპა სოფრონ?

— ბევრჯერ მინახავს. ერთხელ ველაპარაკე კიდევ. ეს იმ ად-
გილებში მოხდა, მე და შენ რომ ამასწინათ მოვიარეთ. ბატონმა
ბოლშოვი ვიაზემში გამგზავნა, კნიაგინია გოლიცინასთან. პაკეტი
გამატანა და რაღაც ყუთი. ძალზე მძიმე ყუთი იყო. ერთი კაცი ვერ
ასწევდა. ჰოდა, ყური მიგდე, რა გითხრა: გადავწყვიტე, ზანარო-

ვომდე წავსულიყავ. მარიამ პეტერბურგში რაღაც საყიდელი და-
მავალა და ფულიც გამატანა. ჰოდა, ის საყიდელი წავუღე და მე-
რე სახაროვოდან დიდ გზაზე გადავუხვიე, მოსკოვიდან ზენიგო-
როდამდე რომ მიემართება. მივდივარ და ვხედავ: ხემი ცხენი კოჭ-
ლობს, ფეხს ითრევს. გადმოვედი ოთხთვალადან. დავათვალაიერე
ცხენი, ჩანს მარჯვენა, უკანა ფეხი აქვს ნატყენი. ისე კი არაფერი
ეტყობა ნალი მაგრად აკრავს. თითი დავაჭირე, არ სტკივა, ტლინ-
კებს არა ყრის. ის იყო, დავაპირე ოთხთვალაზე აძრომა, რომ ვხე-
დავ ტყიდან პუშკინი გამოდის. საბეჭურაიანი მოსასხამი გაუღე-
ლია, ხელში ნაირფერი ყვავილები უჭირავს. სწორედ რომ დახატვის
წყტი აღარა უნდა რა!

გამარჯობაო, — მითხრაჟ — კეთილო კაცოო, საიდან მოდიხარ
და საითკენ გაგიწევიაო. მეც ვუთხარი, ვინც გამომგზავნა, სად მიე-
დივარ, მარიაც ვახსენე. ვიცნობ შენს ბატონსო, — მითხრა პუშ-
კინმა, — გოლიცინასაც ვიცნობო. თქვა ესა და სახე პატარა ბიჭი-
ვით ცუდლუტი გაუხდა, ხელით უღვაშები და წვერები გამოისახა
პირისახეზე. ორთავეს სიცილი აგვიტყდა. ჰოდა, ისე გავმხიარულ-
დი, ისე თავისუფლად ვიგრძენი თავი, თითქოს ჩემს წინ ბატონი
არ იდგა...

შენ თუ იცნობ კნეინასო? — მკითხა. მე, ბატონო, ბაღლობა-
შივე გამიგონია ამ ქალის ამბავი. მისი ასული, სოფია ვლადიმე-
როვნა სტროგანოვა, ჩვენი ქალბატონია, დედამისზე კი ბევრი მით-
ქმა-მოთქმა იყო-მეთქი ჩვენში. — „აღბათ იმას ამბობდნენ, რომ სა-
მი წაუგებელი კარტის საიდუმლოება იცისო, ხომ? — მკითხა პუშ-
კინმა. „სწორედ მაგრე განლავთ, ბატონო. მაქციას ეძახდნენ მაგ
ქალს, ურჩ შინაყმებს მისი სახელით აზინებდნენ ხოლმე“. ამანუ,
პუშკინს გაეცინა. თქვენ, ბატონო, ბოლშიე ვიანემში ხომ არ მიდი-
ხართ, თუ გნებავთ, წაგიყვანთ-მეთქი, — ვუთხარი. — არა, კე-
თილო კაცო, მე იქ წასასვლელი გზა ახლა მოჭრილი მაქვს, — გა-
იცინა პუშკინმა, — კნეინა გამირისხდა. თუ დამინახა, აღბათ, ძალ-
ლებსაც მომისევს. მე აქ მშობლიური ადგილების მოსანახულებ-
ლად ჩამოვედიო, — მითხრა პუშკინმა და უცებ საოცარი სევდა
დაეტყო. — უკანასკნელად მინდა ვინცთილო იმ ადგილებში, სა-
დაც ჩემს პატარა ბიჭობაში მირბენია. აბა, მშვიდობით იყავი, კე-
თილო კაცო. ცხენი კი კარგად შეასვენე, იცოდე, დაიღალა და იჩი-

ტომაც კოჭლობს. — პუშკინმა თავზე ხელი დაუსვა. — რაო, შე ბებრეკო, აღარ გასვენებენ, განა? ალბათ ასე სიარულში ამოგართმევენ სულსო. მე ოთხთვალაზე ავძვერი, ცხენს აჩუ-აჩუ დაეძახე და გავუყევი გზას. მერე უკან მოვიხედე. პუშკინი იღგა გზაზე, თავი მალლა აეწია და სადღაც, ზემოთ, ხეთა კენწეროებს უსწორებდა თვალს. ხეთა კენწეროები კი მზისაგან ისე აგიზგიზებულყო, თითქოს კვარი შეუენთიათო. ისეთი სურათი იყო, ერთ ნახვად ღირდა!

მეხუთე თავი

ჩემი წინაპრის დღიურში წერია:

არა, შეუძლებელია, რომ გუმანი მაცყუებდეს. ბევრი არ მიცხოვრია ამქვეყნად, მაგრამ ადამიანების მკურნალობამაც კი დამარწმუნა, რომ თვალეში, როგორც ხალხი ამბობს, სულის საჩქეა. არა, არ შეიძლება, რომ ვცდებოდე. ამ ქალს არა მარტო სახე აქვს ლამაზი, არამედ — სულის. ამაზე მეტყველებს მისი მწყაზარი გამოხედვა, წყნარი ხმა, მიხრამოხრა, რითაც გამოიჩნევა სხვა ქალებისაგან. მე ნასწავლი კაცი არა ვარ. ზოგჯერ საჭირო სიტყვებსაც ვერ ვპოულობ ხოლმე, მაგრამ მინდა ვაქვა, რომ ყოველი ნაბიჯი, ყოველი მიხრამოხრა ამ ქალს ძალზე ლამაზი აქვს, ბუნებრივი და არა განზრახი, ხალხის მოსაჩვენებელი, ვითომც, შემოხმედეთ, რა ლამაზი ვარო! პირიქით, თითქოს გეუბნება: ნუ მიყურებთ, ნუ შემომცქერით, მრცხვენია საკუთარი სილამაზისათო. მისმა მსახურებმა მიაშბეს, მეტად მზრუნველი დედაა თურმე.

მართლაც, ნატალია ნიკოლაევნა ძალზე მომთხოვნი იყო ბავშვების გაღიების მიმართ, რის გამოც ისინი ხშირად იცვლებოდნენ.

მერე დღიურში ალბათ კიდევ იყო ჩანაწერები, რაც პეტრეს ნატალია ნიკოლაევნასადმი ამადლებულ სიყვარულზე მოგვითხრობდა. მაგრამ ვიღაცის შეუბრალებელ ხელს ფურცლები ამოუხეცია. იქნებ თავად პეტრე იაკოვლევიჩის მოეჩვენა უხერხულად, შთამომავლობისათვის ასეთი აღსარებები დაეტოვებინა დღიურში. იქნებ უკვე მისი სიკვდილის შემდეგ გაუნათლებელ ოლიმპიადა ფედო-

როვნას წაუკითხა ვინმემ ეს სტრიქონები და გავულისებულმა ქალმა მოსპო ჩანაწერები. ან ეგებ ვინმემ, შთამომავალთაგან, საჭიროდ არ ჩათვალა, დღიურში ამ გულწრფელი აღსარების დატოვება. მაგრამ. ასე თუ ისე, რვეულიდან, რომელიც ოსტატურად არის ჩასმული მუყაოს ყდაში, ბევრი ფურცელია ამოგლეჯილი.

პეტრ იაკოვლევიჩის ჩანაწერებს რომ ვკითხულობ, გაცუებული ვარ. რა საოცრად სწორად შეუგრძენია მას იმ არსების ნათელი ხატება, ვინც მთელი სიცოცხლე უყვარდა. ამ ქალისთვის ხომ მას რამდენიმე სიტყვის გარდა არა უთქვამს რა, მსახურებისა თუ ბატონებისგან კი ბევრი საძრახისი რამ გაუგონია მასზე, მაგრამ ნატალია ნიკოლაევნას სულიერი სილამაზისა და სიფაქისის რწმენა ვერაფერმა შეურყია, მაშინ როცა პუშკინას მარტო თანამედროვე საზოგადოების სხვადასხვა წრეებში არ ამტყუნებდნენ, მარტო ისინი არ სდებდნენ ბრალს. შემდეგშიც ეს ბრალდება გამოსკვიოდა როგორც მასზე დაწერილ თანამედროვეთა მოგონებებში, ისე მაშინ თუ ჩვენს დროში შექმნილ მხატვრულ ნაწარმოებებში! მხოლოდ ახლახანს ნაპოვნმა და გამოქვეყნებულმა „ნ. ნ. პუშკინასა და მისი დების, ე. ნ. და ა. ნ. გონჩაროვების უცნობმა წერილებმა“ მოგვცა შესაძლებლობა, ნატალია ნიკოლაევნაზე სულ სხვა წარმოდგენა შეგვექმნოდა.

არა, ფუქსავატი მაღალი წრის ულამაზესი მანდილოსანი, ვინც მხოლოდ მორთვა-მოკაზმვით და მეჭლისებით არაა გატაცებული. ასეთ სტრიქონებს არ დაწერდა:

მტკიცე მეგობრობა იშვიათად თუ ხერხდება დიდ ქალაქში, სადაც ყოველი კაცი საზოგადოების საკუთარ წრეში ტრიალებს, და რაც მთავარია, იმდენი გასართობი აქვს და მაღალი წრის ადამიანისთვის საჭირო იმდენი ვალდებულება აკისრია, რომ მეგობრობისთვის დრო აღარ იჩინა.

მხოლოდ მეგობარს, მეუღლეს, ვინც პოეტი — ქმრის ლიტერატურული მოღვაწეობით არის გატაცებული, კარგად იცის ქმრის ყველა საქმე და ქმრის გამგები და ქკვიანი ადამიანია, თუ დაავალდება პუშკინი ასეთ რამეს:

ჩემო ანგელოზო, ერთს დავგავალებ: პლეტნევთან შეიარე და სთხოვე, რომ, ვ ი დ რ ე ჩ ა მ ო ვ ი დ ო დ ე, უბრძანოს და კანონთა კრებულიდან

(1774 და 1775, აგრეთვე 1773 წლისა) გადმოაწერინოს ყველა ბრძანება; რაც კი პუგაჩოვს შეეხება. იცოდე, არ დაგავწყდეს... მე ვწერ... საქმეში: ვარ ჩაფლული, თვალთ არავის ვენახვები, როცა ჩამოვალ, აუბრუნებელ რამეს ჩამოგიტან. იმედი მაქვს, სმირდინი წესიერი კაცია. ამ დღეებში ლექსებს გამოვუგზავნი.

ამასთან ერთად პლეტნევის ვუგზავნი პაკეტს „სოვრემენიკისათვის“; თუ ცენზორმა კრილოვნა არ გაუშვა, კომიტეტს გადაეცი და, თუ ღმერთი სწამთ, დაბეჭდონ მე-2 №-ში.

ოდოესკისაჲ მადლობა გადაეცი სტამბაზე ზრუნვისათვის. უთხარი, ისე დაბეჭდოს, როგორც მოეგუნებოს — თანმიმდევრობას მნიშვნელობა არა აქვს. დუროვას ჩანაწერები რასა იქმს? გაუშვა თუ არა ცენზორამ? აუცილებლად მესაჭიროება ეს ჩანაწერები — დავილუპები უმაგისოდ... (1836 წ.).

„პეტრეზე“ მეკითხები? მიდის საქმე ნელ-ნელა; ვაგროვებ მასალებს — მომყავს წესრიგში — და უცებ ჩამოვასხამ ბრინჯაოს ძეგლს, რომელსაც ქალაქის თავიდან ბოლოში, მოედნიდან მოედანზე, შესახვევიდან შესახვევში ვერ გადაიტან! გუშინ ვნახე სპერანსკი, კარანზინი, ჯუკოვსკი, ვილგორსკი, ვიაზემსკი — ყველამ მოგიკითხა.

რაკი ახლა ჩემს სხვა ღირსებებს ისიც შეემატა, რომ უურნალისტი ვარ, მოსკოვისათვის ახალი ხიბლი შევიძინე. ამასწინათ, მითხრეს, ჩერტოვმა მოგაკითხაო. თავისდღეში არა ვყოფილვართ ერთმანეთთან, მაგრამ ახლა კარგი შემთხვევა მიეცა ვაეხსენებინა, რომ მისი ცოლი ნათესავად მერგება და ამიტომაც მომიტანა თავისი „სიცოლიაში მოგზაურობის“ ეგზემპლარი. ხომ არ შემეჩვენებინა იგი *en parent*? (ნათესაურად...) ჩემი წერილი ტურგენევისას მგავს — იგი ნათლად დავანახვებს, რა განსხვავებაა მოსკოვსა და პარიზს შორის (11 მაისი, 1836).

„სოვრემენიკის“ პირველ ტომში გამოქვეყნდა ნ. ი. ტურგენევის წერილები პარიზიდან „პარიზი (რუსი მწერლის ქრონიკა)“. ამ წერილებში პარიზის ლიტერატურული, პოლიტიკური და თეატრალური ცხოვრების სიახლეებს იტყობინებოდა. და აი, პუშკინიც ტურგენევის ამ წერილებს თავისას ადარებს. აქედან ნათელია, რომ ნატალია ნიკოლაევნასათვის ცნობილია ტურგენევის წერილები.

აი კიდევ ერთი აღსარება მეგობართან:

აქაურ ლიტერატორებს რომ ვუსმენ, გაცუებული ვარ, რა რიგიანე-ბი არიან, როცა იბეჭდებიან და რა სულელები, როცა ლაპარაკობენ. გამომიტყდი: მეც ასეთი ვარ? მართალი ვითხრა, მეშინია ამისა. ბარა-ტინსკი კი, მართლაც, ძალზე კარგი კაცია, მაგრამ მე და იმას, რატომ-ღაც. ცივი ურთიერთობა გვაქვს.

წლებმა მხოლოდ რამდენიმე წერილი შემოგვინახა. ადამიანის და-დანაშაულება უფრო ადვილია, ვიდრე მისი გამართლება. ნატალია ნიკოლაევნას რაღაში აღარ დებდნენ ბრალს: იმაშიც, რომ სულაც არ ადარდებდა ქმრის საქმეებით, რომ ოჯახიცა და ბავშვებიც მთლიანად თავის დას, ალექსანდრას მიანდოო, რომ ქარაფშუტა, უკვეუო ქალი იყო.

მაგრამ წერილებმა დიდი სიმატლე გვიამბეს და ახლა ადვილია: დაარწმუნო სკეპტიკოსები, რომ ნატალია ნიკოლაევნა კითხულობ-და ქმრის ნაწარმოებებს, რითაც შეეძლო ხელს უწყობდა მას; აინ-ტერესებდა ქმრის სამუშაო და კარგადაც ერკვეოდა მის საქმეებში. ახლა ძნელი არ არის დაიჯერო, რომ ნატალია ნიკოლაევნა: ზრუ-ნავდა ბავშვებზე, ოჯახზე, ნათესავებზე. რომ იგი სიმხნევით სავსე. კეთილი და ჭკვიანი ქალი იყო.

1833 წლის 27 სექტემბერს ნატალია ნიკოლაევნა თავის ძმას, დიმიტრის წერს:

...ეს ფული თითქოს ზეციდან ჩამომიცვივდა, აღარ ვიცი, როგორ გადავიხადო მადლობა ამისათვის, ცოტაც და უკაპიკოდ დავრჩებოდი, ხოლო ასეთ მდგომარეობაში ყოფნა ბავშვებიანი ქალისათვის საშინე-ლება იქნებოდა. ფული, ქმარმა რომ დამიტოვა, სამყოფზე მეტიც იყო მის ჩამოსვლამდე, იძულებული რომ არ გავმხდარიყავი, ვადამეხადა ბი-ნის ქიჩა — 1600 მანეთი; ქმარმა ეჭვადაც არ იცის, თუ ფული შემო-მაკლდა და არც საშუალება მაქვს შევატყობინო, რადგან მხოლოდ მომა-ვალ თვეში დამკვიდრდება, ალბათ, ერთ რომელიმე ადვილას.

...მერე, შენის ნებართვით, დავუკვეთე ლივრეა ჩემი დების მსახუ-რისათვის, რაც 270 მ. დაჯდა, აგრეთვე სერთუკი და 16 შლიაპა... რო-ვორც იქნა, ვადმომცეს შენი საათი; ვანიას დავავალე, რომ მიმიხედოს;

მესაათე შეუდგა მის შეკეთებას... მითხარი, ვთაყვა, რა დაეწარმა იმ ბუნდავს ზანდუკს, ჩვენი ნივთებით რომ არის სავსე, რა გაუჭირდა, რად ვერ მოაღწია ამდენ ხანს ჩვენამდე... ეტლის ხელახლა გადაკეთება ზომ არ დაგიწყია, ვიქონიოთ თუ არა იმედი, რომ ყველიერში მაგით ვისე-ინებთ... (12 ნოემბერი, 1834 წ.).

შენი წერილი იმავე დღეს გაეგზავნა მიატლევს ჩემი ქმრის წერილ-თან ერთად. მის პასუხს პუშკინისადმი ამ წერილში ვღებ. უკვე კარგა ხნის წინათ სამივემ ვუთხარით მას ამის თაობაზე; პასუხი სასურველი იყო, შეგპირდა კიდევაც შენთან წერილის მოწერას, ოღონდ მოგწერა თუ არა, არ ვიცი. თუ აქამდე თავს იკავებს პასუხისაგან, მიაყარე წერი-ლები და ამით აიძულე, გიპასუხოს, თუ თავაზიანობის ხატით არა, ყოველ შემთხვევაში, იმის გამო მაინც, რომ თავიდან მოგიშოროს. მე ვიცი, რომ თავის მხრივ ხ ლ ი უ ს ტ ი ნ ი ცდილობს მაგ წისქვილის ხელში ჩაგდებას. მოკლედ, ხვალ მიატლევს ვნახავ და დაბეჯითებით მოველაპარაკები ამ ამბავზე (1834 წ. დეკემბრის ბოლოს).

აგერ შენი ქალადი, ძვირფასო ძმაო; რაც შეეხება შენს წიგნებს, სიას შევადგენ, მაგრამ ბატონ კ ა ვ რ ი გ ი ნ ი ს ვიზიტს ველოდები, რომ გამოვიგზავნო ეს წიგნები. მე ვვარაუდობ, რომ ამ კვირის ბოლოს უკვე შენს მამულში იქნები, ამიტომაც ამ ქალადს მანდ გიგზავნი (10 აპრილი, 1835 წ.).

ეს-ეს არის გავიგე, ძვირფასო დიმიტრი, რომ ნეიჰარტმა შეცვალა მოსკოვში თავადი ხილკოვი. შენ ისეთი კარგი ურთიერთობა გაქვს კნე-ინა ჩერკასკაიასთან, რომ საკმარისია, ერთი სიტყვა უთხრა და კნეინა გენერალს სთხოვს, ყურადღება მიაქციოს სერბიუას. ამ გზით მოხერხ-დება ჩვენი ძმის გადმოყვანა მოსკოვში მდგარ ერთ-ერთ პოლკში. იფიქ-რე, შეიძლება თუ არა ამის გაკეთება და შეეცადე სერბიუას ამოთრეფას ცაობიდან, რომელშიც ჩაეფლო. მიმიძის კიდევაც ამ საწყალი ბიჭის შე-ხედვა, თავისი ჩვეული ხალისი და სიცოცხლისმოყვარეობაც კი და-კარგა...

თუ ღმერთი გწამს, დააღწიე იგი ნოვგოროდს. მოსკოვში რომ იყოს, ბინა და თავის შენახვა კაპიციტ არ დაუჯდება, შეეძლო ჩვენს სახლ-ში ეცხოვრა... ეს წყევლი ფული, ფული, ფული და მუდამ საჭირო ფუ-

ლი, უმისოდ ვერასოდეს ვერაფერს ვერ მიაღწევ (1835 წ. ზაფხულის დასაწყისი).

ჩემი ქმარი მავალცხს, ძვირფასო დიმიტრი, ვთხოვო, პატივი დასდო და დაუმზადო მნ შეკვრა ქალაქი იმ ნინოშისა, რომელსაც ამ წერილით ვიგზავნი. უკიდურესად ესაჭიროება და, თანაც, რაც შეიძლება, სასწრაფოდ; ვთხოვა, მომწერეთ ვადა, რომლის განმავლობაშიც მოუგვარებ ამ საქმეს (1835 წლის 18 აგვისტო).

ახლა მინდა ცოტა პირად საქმეებზედაც გელაპარაკო. ბოი იცი, სანამ წინემლო შინიდან დახმარების გარეშე თავის გატანა, იოლად გავდიოდი, მაგრამ ამჟამად ისეთ მდგომარეობაში ვართ, რომ ჩემს მოვალეობადაც კი ვთვლი, დავებნარო გასაჭირში ჩავარდნილ ქმარს. სამართლიანი არ არის, რომ ჩემი დიდი ოჯახის შენახვის მთელი სიმძიმე მარტო მას, ერთს დააწევს კისერზე, აი, ამიტომ იძულებული ვარ, ძვირფასო ძმავო, შენს სიკეთესა და დიდსულოვან გულს მივმართო და შეგვედრო დედის დახმარებით დამინიშნო სარჩო, იმდენივე, რამდენსაც ჩემი დები დებულობენ და თუ ეს შესაძლებელია, ისე, რომ მე მისი მიღება დავიწყო იანვრამდე, ანუ მომავალი თვიდან. გულახდილად გამოგიტყდები, ისეთ გაჭირებაში ვართ ჩავარდნილები, რომ გამოჩერებინა ბოლომე დღეები, როცა აღარ ვიცი, როგორ გავუძღვე ოჯახს, რადგან უკუა მაქვს დახმარება. ძალიან არ მინდა, შევაწუხო ქმარი ჩემი ყოველი ოჯახური საზრუნავით, რადგან ისედაც კარგად ვხედავ, როგორი ნაღვლიანი და გულდამძიმებულია, დამლამობით ძილი უტყდება და რაღა თქმა უნდა, ასეთ გუნებაზე მყოფი ველარც მუშაობს, რომ საარსებო სახსრებით უზრუნველგვეყო. რომ შეთხზას, გონება ნათელი უნდა აქონდეს... ჩემმა ქმარმა იმდენჯერ მიჩვენა, ხათრიანი და უანგარო კაცი რომ არის, სავსებით სამართლიანი იქნება, თუ მეც, ჩემის მხრივ, შევეცდები, შევუმსუბუქო მდგომარეობა; ყოველ შემთხვევაში, სარჩო, რასაც შენ დამინიშნავ, ბავშვებზე დაიხარჯება, ეს კი უკვე კეთილშობილური მიზანია. ამ დახმარებას ჩემს ქმართან შეუთანხმებლად ვთხოვ, რადგან, მას ეს ამბავი რომ გავეცო, მიუხედავად ძალზე ხელგონიროდ ყოფნისა, დამიშლიდა მოწერას (1836 წლის ივლისი).

არ ვიცი, ვინ რას იფიქრებს ამ წერილებს წაკითხვისას. მაგრამ მე კი თვალწინ დამეხატა ადამიანი, ვის შესახებაც პუშკინმა

ასე მოსწრებულად თქვა: „ჩაგეხედა სარკეში და დარწმუნებულ-
ყავ, რომ შენს სახეს არა შეედრება რა ამქვეყნად — ხოლო სული
შენი შენს სახეზე მეტად მიყვარს“.

ნატალია ნიკოლაევნას ლამაზ სულს ჩემი წინაპარიც ჩასწვდა.
ეტყობა, ამ ქალზე მან ბევრად მეტი იცოდა, ვიდრე დღიურში ჩა-
წერა. პეტრეს ჰქონდა საფუძველი, ნატალია ნიკოლაევნას სულიერ
სილამაზეზე არა მარტო მისი მშვენიერი პირისახის მიხედვით ემს-
ჯელა. დღიურში დუელსა და პუშკინის სიკვდილზე არაფერი წერია.
მაგრამ როგორ შეიძლებოდა, პეტრეს არ სცოდნოდა ყოველივე,
რაც მაშინ ითქვა იმ არსებაზე, ვისაც აღმერთებდა. იულია პავ-
ლოვნა სტროგანოვა ხომ პოეტის სიკვდილს დაესწრო.

ცნობილი წერილი, 1837 წლის 1 იანვარს პუშკინმა ბარონ ჰეკ-
კერენს რომ მისწერა, ამ უკანასკნელმა გრაფ გრიგორი ალექსან-
დროვიჩ სტროგანოვს უჩვენა. გრაფი კი უმაღლეს საზოგადოებაში
ითვლებოდა ღირსების საკითხების დიდ მცოდნედ. სტროგანოვმა
მიიჩნია, რომ შეურაცხყოფა, რომელიც პუშკინმა ჰეკკერენს მიაყე-
ნა ამ წერილით, მხოლოდ სისხლით შეიძლება ჩამოირეცხოსო. ჰო-
და, დანტესმა დუელში გამოიწვია პუშკინი.

ასე იქცა ამ ტრაგედიის მონაწილედ გრაფი გრიგორი ალექსან-
დროვიჩ სტროგანოვი. ბუნებრივია, რომ იმ დღეებში სტროგანოვე-
ბის სახლი აფორიაქებული იყო. იმიტომ ხომ არ მიმართა პეტრემ
მრავალჯერ თხოვნით გრაფინია სოფია ვლადიმეროვნას; ილინსკო-
ეს სამმართველოში ჩემს ძველ საქმეზე დამაბრუნეთო ან მსახუ-
რად გამგზავნეთ, ვისთანაც გენებოთო, რადგან არ სურდა დარჩე-
ნილიყო ბატონთან, თვალის დასანახად რომ სძულდა?

1837 წლის 10 იანვარს დანტესისა და ეკატერინა გონჩაროვას
ქორწილი იყო. ჯვრისწერა ორჯერ აღსრულდა — წმ. ეკატერინეს
რომაულ-კათოლიკურ ეკლესიაში და მართლმორწმუნეთა ისააკის
ტაძარში, რადგან საქმრო და საცოლე სხვადასხვა სარწმუნოებისანი
იყვნენ.

პეტერბურგისათვის ჩვეული პირქუში დღე იდგა, თოვლ-ჭყაპი-
ანიანი. შიგადაშიგ თუ გამოაჭყიტებდა მზე. უჩვეულოდ სჭრიდა
თვალს და მერე ისევ შავი ღრუბლებით იფარებოდა ზეცა. ზოგჯერ
ღმუილით ამოვარდებოდა ქარი, აქეთ-იქით მიაწყდებოდა ქუჩებს
და მერე ჩაწყნარდებოდა ისევ.

სამი დღის შემდეგ გრიგორი სტროგანოვის სახლში გაიპაროა ეკატერინა გონჩაროვასა და დანტესის საქორწინო სადილი.

პეტრე, ჩვეულებრივ, გადასაწერი და გაგზავნ-გამოგზავნი საქმეებით იყო დაკავებული, მაგრამ იმ დღეს ლივრეა ჩააცვებს და უბრძანეს, სტუმრებს მოემსახურეო. პეტრეს შეეძლო, თავი მოევაღმყოფებინა ან მართლაც შთაეგონებინა თავისთვის ავადმყოფობა, მაგრამ ერთი რამ აკავებდა: იმის დანახვაზე ოცნებობდა. თუმცა, საფარეშოში დარწმუნებით ამბობდნენ, პუშკინი და ეკატერინა ნიკოლაევნას ნათესაეები სადილზე არ იქნებიანო, მაგრამ პეტრემ იცოდა, რომ ქორწინებას ისაკის ტაძარში ესწრებოდნენ ნატალია ნიკოლაევნა, ალექსანდრა ნიკოლაევნა, დიმიტრი ნიკოლაევიჩი და ივან ნიკოლაევიჩი. პატარძლის დედა, ნატალია ივანოვნა, არ ჩამოვიდა. არც პუშკინი ჩანდა. იქ იყო პატარძლის დეიდა — ეკატერინა ივანოვნა ზაგრაიჟსკაია.

ჰოდა, პეტრემაც ისეთი გრძნობით ჩაიცვა ლივრეა, რაც, ალბათ, მხოლოდ იმას თუ გამოუცდია, ვინც პატიმრის ხალათით შემოსილა.

პეტრე სტროგანოვთა დიდებულ ვესტიბიულში იდგა, ბროლის საკანდელეებთან, როცა მუსიკამ დაიგრილა და ფართოდ მოღებულ კარში ახალგაზრდები გამოჩნდნენ. მათ სასწრაფოდ მოხადეს მოსასხამები. კარი კარგა ხანს იყო ღია, რადგან სტუმრებს ბოლო არ უჩანდა.

პეტრე ხარბად ათვალეირებდა ყველას.

იგი არ მოვიდა. არც საპატარძლოს დედა ჩამოვიდა. არც ძმები ჩანდნენ. პატარძლის ნათესავთაგან მხოლოდ დაქანცული, ზეიმი-სათვის შეუფერებლად ყურადღებადაძაბული ალექსანდრა ნიკოლაევნა ესწრებოდა და კიდევ მორთულ-მოკაზმული, ნერვიულად სახელაღწილი დეიდა ზაგრაიჟსკაია, რომელიც ცდილობდა, თავაზიანი და მხიარული სჩვენებოდა ხალხს.

პეტრე მიხვდა, რომ ტყუილად არ ქორაობდნენ მსახურები, პუშკინების ოჯახში არეულობააო, მაგრამ რას ამბობდნენ მართალს და რას გამონაგონს — ეს არ იცოდა. იმას კი გრძნობდა, ეს ქორწილი რაღაც უცნაური იყო.

პეტრე შესტკეპროდა მდიდრულ თეთრ კაბაში გამოწყობილ შლეიფიან პატარძალს. გამხდარს, ფერდაკარგულს დაძაბულობისა-

გან აგზნებულ თვალეში ბედნიერება უკრთოდა. ძალზე ლამაზი იყო.

ვკითხულობ ე. ი. ზაგრაიუსკაიას წერილს უუკოვსკისადმი:

მადლობა ღმერთს, მგონი, მორჩა ყველაფერი. საქმრო და მისი დარბაისელი მამილო ჩემთან იყვნენ ხელის სათხოვნელად. ჩემთვის დიდად საბედნიეროდ თხუთმეტი წუთით აღრე მოსკოვიდან ჩამოვიდა უფოსის გონჩაროვი და იმან გამოუცხადა მათ მშობლების თანხმობა; ამგვარად, ყველაფერი მიიჩქმალა.

რას ნიშნავდა ფრაზა: „ყველაფერი მიიჩქმალა“, — დღემდე გამოცანად რჩება.

პეტრემ, რასაკვირველია, არაფერი იცოდა დეიდა ზაგრაიუსკაიას წერილისა. იგი ათვალეებდა საქმროს, რომელსაც პირველად ხედავდა. საქმრო ლამაზი ჭაბუკი იყო: ძალზე დახვეწილი სახე ჰქონდა, კოხტად გადაპრესილი უღვაშები, ხშირი, გვერდზე გადავარცხნილი თმა. პატარძალივით ისიც ფერჩამკრთალი და აღელვებული იყო, მხოლოდ, მისგან განსხვავებით, ჩამქრალ თვალეში ბედნიერება არ უბრწყინავდა. ისიც, ეკატერინა ნიკოლაევნასავით, ნერვიულად ათვალეებდა ირგვლივ თავშეყრილ სტუმრებს; ორივე, თითქოს, ვიღაცას დაეძებდა და მილოცვებსა და კოცნებს დაბნეული ღიმილით ეგებებოდნენ.

მადლობა ღმერთს, პეტრესთვის ლანგრებით საქმელ-სასმელის ტარება არ დაუვალეზიათ. არ ეხერხებოდა ეს საქმე. მას ნაბრძანები ჰქონდა, ვესტიბიულში და დერეფნებში მდგარიყო. მაგრამ ღია კარიდან იგი ხედავდა სადარბაზო ოთახის ნაწილს, მაგიდაზე გადაფარებულ თეთრ სუფრას, ესმოდა მისთვის გაუგებარ ფრანგულ ენაზე წარმოთქმული სადღეგრძელოები ბარონ ჰეკკერნისა, გრიგორი სტროგანოვისა და კიდეც ვიღაცასი. და რუსული „გორკოც“.

პეტრეს ეჩვენებოდა, თითქოს ეს სიცილი, შეძახილები, ჭიქების წკრიალი, სადღეგრძელოები — ყველაფერი ხელოვნური იყო. ეს საქორწინო სადღეობა — ყველეს უფრო ჰგავდა.

ქორწილის შემდეგ გრიგორი ალექსანდროვიჩი სტროგანოვის მსახურები კიდეც რამდენიმე დღეს მიმდინარე მოვლენების განს-

ჯაში იყვნენ. რომელიმე მათგანი განგებ გამოიჩინდა საქმეს, რომ ჩაერბინა მოიკაზე, პუშკინების სახლში, რათა ვინმე ყბელი გამოეკირა საქმეების გარჩევაში მოზიარედ ან გონჩაროვების ქალების ყოვლისმცოდნე მსახურისაგან ჭორები გაეგო. პოდა, მერე რა ნაირ-ნაირი ვერსიები აღარ ჩამოჰქონდათ იქიდან!

ამბობდნენ, ეკატერინა ნიკოლაევნა იმიტომ გათხოვდა, რომ პუშკინების ოჯახი გადაერჩინა, რადგან პუშკინმა დანტესი დუელში გამოიწვია და რაღა თქმა უნდა, სამხედრო პირთან სროლაში ვერას გააწყობდაო.

დუელი ქორწილმა ჩაშალაო.

ამბობდნენ, დანტესი ეკატერინა ნიკოლაევნას ხალხის თვალის ასახვევად აეკიდა, რომ ამ გატაცებით დაეფარა თავისი სიყვარული უმცროსი დისადმი და ხელიც იმიტომ სთხოვა ეკატერინა ნიკოლაევნას, რომ არიდებოდა დუელს, რაც გაათუქებდა მის კარიერასაც და მისი მამობილის, ბარონ ჰეკერნის კარიერასაცო.

ამასაც ამბობდნენ, ეკატერინა ნიკოლაევნას, საცა არის ბავშვი შეეძინება დანტესისაგანაო და საჩქაროდ უნდა მიეჩქმალათ მისი შეცოდებაო. რაღას არ ამბობდნენ საფარეოში. ისიცა თქვეს, თითქოს დანტესს მეფემ უბრძანა ეკატერინა გონჩაროვას შერთვაო.

უმალესი საზოგადოების ეს ვერსიები, რომლებიც მსახურთა ყურსაც ხვდებოდა, დღემდე ვერსიებად დარჩა. ისტორიამ ვერ ამოხსნა, რა მოხდა პუშკინების ოჯახში, რომელმაც ასე გულლიად მიიღო დები გონჩაროვები. რად არ მივიდნენ ქორწილზე ეკატერინა ნიკოლაევნას ნათესაეები? ანდა საზოგადოების წინაშე ამ მისიის აღსრულება რად იტვირთეს მხოლოდ ალექსანდრა ნიკოლაევნამ და დეიდა ზაგრაიუსკაიამ. რომელთაც ვინ იცის, როგორ გაიმაგრეს გული წინასწარ.

ჩემი წინაპარი თავის დღიურებში ამ ჭორებს დუმილით უვლის გვერდს. თუმცა, რა უნდა ჩაეწერა — რომელიმე ვარაუდთაგანი ხომ არა? ფაქტები კი მას არ გააჩნდა. ეს ფაქტები იცოდნენ ნატალია ნიკოლაევნამ, დანტესმა, ეკატერინა ნიკოლაევნამ და იქნებ პუშკინმაც. მაგრამ ასეთ ფაქტებზე ჩვეულებრივ ხმას არავინ იღებს.

1837 წლის 1 თებერვალს ჩემი წინაპარი დღიურში წერდა:

რომ შენებოდა ახლა ჩემი ანგელოზის სიახლოვეს ყოფნა, დარწმუნებული ვარ, ჩემი სიყვარულის ძალას მზერაში ჩავაქსოვდი და ამ ქალს ბედისაღმი ნორჩილებას ჩავაგონებდი... მე კონიუშენაიას ეკლესიასთან ვიდექი. პუსკინს რომ წესს უგებდნენ. ბობოში გზა ვერ გავიკვლიე მისკენ. თუშცა არც მიცვლია. ცოცხალიც არასოდეს მინახავს. იგი კი არ ესწრებოდა დაკრძალვას. ჰოდა, მეც აღრე წამოვედი, რადგან არავის არ დავთხოვნივარ. ამბობდნენ, ის ძალზე აყვად არისო. ან იქნებ ვინმე კეთილმა ადამიანმა უოჩია არ წამოსულიყო დაკრძალვაზე, რათა ეს უჯუნჯე ბობო არ განერისხებინა.

მეექვსე თავი

თებერვლის ყინვიან საღამოებში პეტრე მარტო იყო ხოლმე თავის ოთახში. პაპა სოფრონი სადღაც გაეგზავნათ და იგი თავისუფლად განაგებდა პატარა მაგიდას. მაგიდაზე შეწებებული ქალაღდის ფურცელი მიეკრა და ადამიანის ანატომიურ გამოსახულებას ადიდებდა. | | |

გვიან საღამოთი რაზით გადაკეტილი კარი ვიღაცამ ფრთხილად მოქაჩა და უცნობი ქალის ხმამ, სულს რომ ძლივს ითქვამდა, კუპრუტანაში შემოსძახა.

— პიოტრ იაკოვლევიჩ, კარი გამიღეთ რა!

პეტრე წამოხტა. ფრთხილად აიღო მაგიდიდან ქალაღდის ფურცელი, საწოლზე დადო და ბალიში წააფარა.

პერანგი ჩაისწორა. თმაზე ხელი გადაისვა და კარის რაზა გადასწია. კარში ვიღაც ხანშიშესული უცნობი ქალი იდგა. თბილი თავშალი წაშობებოდა. თვალები დაწითლებული ჰქონდა — ეტყობოდა. ყინვისაგან კი არა. ნამტ-რალევი იყო. ქალმა კარი მიხურა და ოთახს თვალი მოავლო. რომ დარწმუნდა, პეტრეს მეტი იქ არავინ იყო, მუხლებზე დაეცა და ჩუმი ხმით მოთქმას მოჰყვა.

— ასე მითხრეს. პიოტრ იაკოვლევიჩ. თქვენზე, მხოლოდ ის თუ უშველისო შენს გაჭირვებას. უარს ნუ მეტყევი და მე და ჩემი გოგო მთელი სიცოცხლე შენზე ვილოცება.

პეტრეს ვერაფერი გაეგო, მივარდა და წამოაყენა ქალი.

— გამაგებინე. ვინა ხარ? რა მოხდა? რით შემძლია გიშველო?

ქალი კარგა ხანს სლუკუნებდა და იკრუნჩხებოდა, ცრემლები ახრწობდა და ხმას ვეღარ იღებდა. ბოლოს ცოტათი დამშვიდდა.

— მე პუშკინის შვილების გაღია ვარ. ჩემი გოგო კი მოახლდა პყავთ... ალექსანდრ სერგეევიჩის სიკვდილის მერე ნატალია ნიკოლაევნამ გადაწყვიტა, სამუდამოდ დასახლდეს გონჩაროვების მამულში, ახლა კიდევ, როგორც კი ალექსანდრ სერგეევიჩი მიიცვალა, მე უცებ ხელ-ფეხზე გამომაყარა. ორთქლზეც მეჭირა, ვინც რა მირჩია, ყველაფერი ვიღონე, მაგრამ უარეს და უარეს დღეში ვარ. ქალბატონმა მითხრა, ასე გამონაყარი ხელებით ბავშვებთან ყოფნა არ შეიძლებაო. წადი, — მითხრა, — მიხაილოვსკოეში დაბრუნდიო. ჩემი გოგო სტეპანიდა თან მიჰყავს. ახლა მთელი სიცოცხლე გაყრილები ვიქნებით. მე კი მის მეტი ამქვეყნად არაფერა მყავს!

ქალი ისევ აქვითინდა, ხეშეში ხელჯაგებით გაითხუზნა ცრემლები სახეზე.

— აბა ეს ხელჯაგები გაიხადე, გაღიავ, და ხელები მიჩვენე! — უთხრა პეტრემ.

ქალმა გაიძრო ხელჯაგები და პეტრემ დაინახა დაწითლებული. დამუწუტებული ხელები, მუწუტებიდან სიბიჯე მოეონავდა, თითებს შორის კი ჩამჰკნარი ქერქი ჩაშავებოდა.

„ასეთი ხელების პატრონი, მარტლაც, არ შეიძლება ბატონის ოთახში იმყოფებოდეს, მით უმეტეს, ბავშვებთან“, — გაიფიქრა პეტრემ.

— ეგზემა გჭირს, ქალაქელმა ექიმებმა არ იციან ამ ავადმყოფობის წამლობა... ეტყობა კარგა ხანია გაქვს.

— კარგა ხანია შეილო, ბალობიდან მჭირს. მაგრამ ასე კი არ მაწუხებდა, ისე, ოდნავ მაყრიდა, ზოგჯერ კი მთლად გამოვლიდა ხოლმე. ქალბატონს არც შეუუმჩნევია.

— ჰოდა, ბატონის სიკვდილი ყველას მწუხარებად დაატყდა თავს, ასევე შენც. ამიტომაც მოგერია ეს ავადმყოფობა.

— მწუხარება დაგვატყდა, შეილო, მწუხარება, — ისევ ატირდა ქალი.

— ხვალ ამ დროს მოდი და წამალს მოგცემ.

— ნუთუ მომარჩინ, შეილო? — სიხარულით ჰკითხა ქალმა და იმედით მიაჩერდა პეტრეს.

პეტრემ იფიქრა: „რა ვიცი, მოვარჩენ? მაგრამ ქალმა კი უხდა ირწმუნოს. ეს რწმენა მაგასაც დაეხმარება და მეც“.

— უეჭველად მოგარჩენ.

ქალი ისევ ტირილით დაეცა მუხლებზე.

— აბა ახლა წადი შინ, წადი, — უთხრა პეტრემ და წამოაყენა.

ქალი რომ წავიდა, პეტრემ ისევ გადარაზა კარი, მერე ბალახებით საესე კალათა გამოაცურა, საჭირო ბალახები გადაარჩია და ხის სანაყში მის ნაყვას შეუდგა.

„დავპირდი, მოგარჩენ-მეთქი და უნდა მოვარჩინო კიდეც, — უთხრა მტკიცედ თავს. — ჩვენს გვარში ბევრს მოუხდენია სასწაული. მერე, სასწაული კია ეს? უბრალოდ თაობიდან თაობაში აკვირდებოდნენ, აინტერესებდათ და ხალხიც უყვარდათ. ეს არის და ეს მთელი სიბრძნე. დავპირდი მოგარჩენ-მეთქი და მოვარჩენ კიდეც“.

ავადმყოფი ქალი მეორე დღეს მოვიდა და წამალი წაიღო. ორმა კვირამ რომ გაიარა, ბინდისას კვლავ მოაკითხა პეტრეს. ახლა სოფრონიც შინ იყო.

ქალმა დაუკაცუნებლად შეალო კარი და აქვითინებული კვლავ ფეხებში ჩაუვარდა პეტრეს, ცალთითები გაიძრო და ქაბუჯისკენ გაიწოდა ნაზი მოვარდისფრო, გაკრიალებული კანით დაფარული ხელები.

ქალი კარგად რომ დამშვიდდა, თავის ამბავს მოჰყვა, თანაც რატომღაც, უმთავრესად სოფრონს უფრო მიმართავდა, ვიდრე პეტრეს; ყვებოდა, როგორ ისმევდა წამალს ხელებზე, რომ პირველ-მეორე დღეს უფრო უარესი და უარესი დაემართა, მესამე დღეს კი უკეთ იგრძნო თავი. ქალბატონი დათანხმდა, რომ ერთ კვირას დაეტოვებინა და არ გაგზავნიდა მიხაილოვსკოეში. არ უნდოდა თავისი ბავშვებისა და გადიას დაცილება, არც თავად უნდოდა მასთან განშორება.

— არაფერი გამაჩნია, რომ გადაგიხადო, შვილო. ერთი ჯვარი მბაბღია, ჩემი ქმრის დანატოვარი, ამას მოგცემ. — ქალმა გაუწოდა სპილენძის ძეწკვიანი ვერცხლის ჯვარი.

— ეგ რა საჭიროა, ისედაც მოხარული ვარ, რომ გიშველე, — არ გამოართვა პეტრემ.

— კეთილი, — სასწრაფოდ დაეთანხმა ქალი, — ჩემი კმრისაგან სხვა არაფერი დამრჩენია სამახსოვრო, — მან საჩქაროდ შეინახა ჯიბეში ჯვარი. — აი ჩემი ქალბატონი, თითქოს ძუნწი ქალი არ არის, მაგრამ ფული კი არ გიბოძა. თავის გაუთხოვარ დას, ალექსანდრა ნიკოლაევნას უთხრა, ლექსანდრ სერგეიჩის კაბინეტში ერთი წიგნი მოძებნე და ის მიეციო.

ქალმა უბიდან ქალაღში გახვეული წიგნი გამოიღო.

პეტრემ აცახცახებული ხელებით გახსნა საჩუქარი.

„მედიცინის სახელმძღვანელო“ — წაიკითხა მან. ღმერთო ჩემო! ეს ხომ ორმაგი ბედნიერებაა! ეს წიგნი იმან გამოგზავნა! ასეთი უბედურების დროს მოაგონდა პეტრე! თანაც რა წიგნი აჩუქა!

პეტრეს აღარც ქალი ახსოვდა, აღარც სოფრონი, მივიდა მაგიდასთან, რომელზედაც საკანდელეში სანთელი ენთო და ნაჩუქარი წიგნის ფურცელას შეუდგა. იფიქრა, ნეტა რად ამოვხიეო ექიმის წიგნიდან ფურცელი. ან რად ვინატივდი მის ასლებს თვეობითო? ადამიანის ანატომიური გამოსახულება სწორედ ამ წიგნში ეხატა, თანაც თითოეული შინაგანი ორგანო ცალ-ცალკე ფურცელზე.

— რა ბედნიერებაა! — პეტრე თავს ველარ იკავებდა სიხარულისაგან. — რა მოულოდნელი ბედნიერებაა! — იგი მიუბრუნდა ქალს: — დიდი მადლობა მოახსენე ქალბატონს. — ცოტა ხნის მერე დაუმატა: — გადაეცი, რომ მთელი სიცოცხლე არ დამავიწყდება, მიწამდე ვცემ თავყანს და ღმერთს ვევედრები, გაუადვილოს თავსდამტყდარი უბედურების გადატანა. თავად შენ კი იმით გადამიხადე მადლობა, რომ მუდამ ერთგული იყავი ქალბატონისა და მისი ობლებისა.

ქალმა პირჯვარი გადაისახა:

— აი ეს წმიდა ჯვარი იყოს მოწმედ, შეილო, რომ ყველაფერს აღვასრულებ, დამდამობით არ დავიძინებ, ქალბატონსა და მის შვილებს ვუმეთვალყურებ.

ქალი რომ წავიდა, გაოცებული სოფრონი კარგა ხანს ხმამაღლა აქებდა პეტრეს ოსტატობას. გული არ უთმენდა, უნდოდა ყველასათვის გაეგებინებია ეს ახალი ამბავი. მერე უცებ შუა ოთახში შედგა და თქვა:

— ერთი რამ კი ვერ გამიგია, ნეტა რას იდაგები ქალბატონ

პუშკინასათვის? არადა, თითქოს მაინცდამაინც არ გიყვარს ბატონები! თანაც, ამ ქალბატონს რა ცოდვა აწევს ხომ იცი — მაგისი ბრალია მისი ქმრის სიკვდილი. შენ კი — „მუდამ ერთგული იყავი ქალბატონისაო!“ — ეუბნები.

პეტრეს თავი აღარ უმართლებია. დუმილით ჩაიქნია ხელი, მიხურა კარი და ისევ იმ წიგნს ჩაუჯდა.

მრავალი თვის განმავლობაში მთელი თავისუფალი დრო პეტრემ ამ სახელმძღვანელოს შესწავლას შეაღია.

ამასობაში რა აღარ მოხდა. ნატალია ნიკოლაევნა ალექსანდრა ნიკოლაევნასა და დეიდა ზაგრაიჟსკაიასთან ერთად გონჩაროვების მამულში გაემგზავრა. დანტესი გაასამართლეს, სალდათად ჩამოაქვეითეს და რუსეთიდან გაასახლეს. ეკატერინა ნიკოლაევნა ერო ხანს ისევ პეტერბურგში ცხოვრობდა, მერე კი ქმართან გაემგზავრა. წასვლის წინ დებთან შეიარა გამოსამშვიდობებლად. არც დედა ჩამოსულა და არც ძმა ეკატერინა ნიკოლაევნას გასაცილებლად. აშკარა იყო, რომ ოჯახმა ზურგი აქცია მას.

პეტრესა და პაპა სოფრონთან გამოსამშვიდობებლად შემოირბინა ანფისამაც, ცრემლმორეული მოეხვია თვისტომთ, მათთან გამოთხოვებით იგი გამოეთხოვა ილინსკოეს, სამშობლოს. თეთრი ფაშატი გრაფმა სტროგანოვმა ეკატერინა ნიკოლაევნას საქორწინო საჩუქრად უბოძა, მაგრამ პატრონმა ჯერჯერობით იქ დატოვა. ეტყობოდა, არ ჰქონდა მისი თავი.

მალე მესამედ და უკანასკნელად მიიხმო თავისთან ბატონმა პეტრე.

ამჯერად პეტრე გულდამშვიდებული მიდიოდა, რადგან გრაფინია სოფია ვლადიმროვნა დაჰპირდა, სამუშაოდ ბილიმბაის ქარხანაში გაგზავნიო. რაც გინდა იყოს, სამშობლოში იმუშავებდა!

სტროგანოვი და ვილაც შუახნის მელოტი კაცი კაბინეტში იდგნენ. როგორც კი ფეხი შედგა პეტრემ, უცნობმა მაშინვე თავით ფეხამდე თვალიერება დაუწყო ჰაბუკს. პეტრე მიესალმა და კართან შეჩერდა. როგორც ყოველთვის ასეთი შეხვედრების დროს, გული დაუძმძმდა.

— აბა ახლოს მოდი, პეტრე, — უთხრა სტროგანოვმა. — პუშკინების ექიმს სურს გესაუბროს. — გრაფმა დაასახელა ამ კაცის

ვეარი, მაგრამ აღელვებულმა პეტრემ ვერ გაიგონა, მან რამდენიმე ნაბიჯი გადადგა და ექიმის წინ შეჩერდა.

— რომელი წამლით მოურჩინე ნატალია ნიკოლაევნას ბავშვების გადიას ეგზემა? თუ საიღუმლოდ გინდა შეინახო, მაშინ ნუ გამიმხელ, მაგრამ ძალზე საინტერესო კია. მე, პროფესორმა, ვერ შევძელი ეს. არ ვიცი და ჩვენი დროის მედიკოსთაგან არც არავინ იცის. ჭერჭერობით ჩვენთვის, სპეციალისტებისათვის, ეს გამოცანაა. მითხრეს, ნაღძობს ასწორებ თურმე, მეჭექებხსაც აქრობ. მაგრამ ეს არცთუ ისე საოცარი ამბავია. აი ეგზემა კი...

— ბალახით ვმკურნალობ, ბატონო ექიმო. სხვადასხვა ბალახის ნახარშით. თხუთმეტობდე თავია. ვერ გეტყვი, რა ჰქვია ამ ბალახებს სწავლულთა წიგნებში. მე ხალხური სახელწოდებები ვიცი მათი, რაც არსად არ არის ჩაწერილი, ვიცი ისე, როგორც გამიგონია მამაჩემისაგან, როგორც პაპაჩემი ეძახდა. ალბათ ისიც გაგაოცებთ, რომ ბალღებს ბნელასაც ვუჩვენ — ამასაც ბალახით ვკურნავ.

ექიმმა გაოცებით აჭიმა წარბები. ამ დროს მსახურმა სინით წერილი შემოიტანა. სტროგანოვმა წაიკითხა და სადღაც წასასვლელად აჩქარდა.

— გთხოვ, თავი შინაურულად ივრძნო აქ. მე ცოტა ხნით მივდივარ. საქმე გამომიჩნდა.

სახლის პატრონი გავიდა და ექიმმაც მაშინვე სავარძელზე მიუთითა პეტრეს, მის წინ რომ იდგა.

— გმადლობთ, — უთხრა წამოწითლებულმა პეტრემ. — მე ფეხზე დგომას ვარ ნაჩვევი.

ექიმს არ გამოპარვია, რომ პეტრემ ხაზგასმით წარმოაქვა სიტყვა „ნაჩვევი“.

— დაჯექი, პეტრე. მეუხერხულემა ასე შენთან საუბარი.

პეტრე დაჯდა. თავის სიცოცხლეში პირველად ჩაჯდა ბატონების სავარძელში. ჩაჯდა და გაიფიქრა: „თუ ახლა ბატონი შემოვიდა, რა დამამცირებელი იქნება ჩემთვის ამ სავარძლიდან წამოხტომა?!“ მაგრამ წუთის შემდეგ აღარც ბატონი ახსოვდა, აღარც სავარძელი. საინტერესო საუბრით იყო გართული ექიმთან. კითხვებს კითხვებზე აყრიდა, უყვებოდა თავისი წინაპრების ამბებს, თაობიდან თაობაში ყველანი რომ ექიმბაშობდნენ.

— მე ასე მგონია, — ამბობდა გატაცებით პეტრე, — რომ მართო წამალი როდი ჰქრის, უნდა გჯეროდეს კიდეც ამ წამლისა და მკურნალობისა. და თუ ეს ასეა, მაშინ ადამიანი თავად მოახდენს საკუთარ თავზე დიდ სასწაულებს. ჩემივე დაკვირვებიდან ვიცი, რომ ეს ასე არის. რამდენჯერ მიმკურნალა სიტყვიერად, უწამლოდ. თუ სიტყვით დავაჯერე ავადმყოფი, სატკივარსაც ნელ-ნელა ვიმორჩილებ...

პიოტრ იაკოვლევიჩის ეს სიტყვები ზუსტად ამოვიწერე მისი დღიურიდან.

პეტრე მაშინ მიხვდა, რომ თანამოსაუბრეს არ სჯეროდა მისი მოსაზრებისა, მას მხოლოდ წამლის ძალა სწამდა.

ნეტა სცოდნოდა, რომ საუკუნენახევრის შემდეგ მისი რწმენა სიტყვის ძალისა და თვითშთაგონებისა მსოფლიო მედიცინის დიდი ნაწილის დევიზად იქცეოდა!

მაგონდებოდა პიოტრ იაკოვლევიჩის სიტყვები, როცა მოსკოვის მახლობლად, კლინიკურ სანატორიუმში, ექიმ იულიან პანტელეიმონოვიჩ პომეხანცევის ხელმძღვანელობით აუტოგენურ ვარჯიშს მივყავ ხელი: კუნთების მოღუწებასა და თვითშთაგონებას.

მე ნიჰიერი მოწაფე აღმოვჩნდი. მშვენივრად ვიდუნებდი სხეულს, ხოლო თანდათან ასე თუ ისე საკუთარი განწყობის მართვაც შეეძელი, ზოგჯერ ტკივილის მოხსნაც კი, რადგან მძიმე სენით ვარ შეპყრობილი და მხოლოდ ოპერაცია მიშველის. ოპერაციის გაკეთება კი თითქმის შეუძლებელია ჩემთვის, ვინაიდან მედიკამენტოზური ალერგიის მძიმე ფორმა მჭირს და ამიტომ უწამლოდ ვმკურნალობ, მხოლოდ ნემსთერაპიითა და აუტოგენური ვარჯიშით, ანუ სწორედ რომ სიტყვიერად, რისაც ასე სწამდა ჩემს წინაპარს.

ვფიქრობ, მომავალში მკურნალობის ეს მეთოდი, რასაც ახლა ჯერ კიდევ სკეპტიკურად ხვდებიან ბევრი ექიმიცა და ბევრი პაციენტიც, განდევნის წამლებს, ერთ სენს რომ კურნავს და ხშირად სხვა ორგანოს ვნებს.

ჩემი წინაპარი, უკვე ხანშიშესულობაში, თავის დღიურში წერს, რომ ექიმმა ადამიანის მთელი ორგანიზმი უნდა იცოდეს და რომ მას ნამდვილად არასწორად მიაჩნია, როცა ექიმი სპეციალდება

მხოლოდ გულის ან ფილტვების განხრით. „ღმერთმა ნუ ქნას, რომ სრულყოფილად მხოლოდ ერთი ორგანო იცოდეს. რამდენ წამალს გამოუწერს იგი ავადმყოფს, რაც სხვა ორგანოებისთვის დამღუპველი იქნება“.

მეზვიდე თავი

ექიმთან საუბრის შემდეგ დიდ დროს არ გაუვლია, რომ პუშკინის ოჯახში მოხდა ამბავი, რამაც ჩემს წინაპარს ხელი შეუწყო განხორციელებინა ერთი, მე ასე მგონია, რომ ყველაზე მთავარი ოცნება.

იგი შეხვდა კაცს, ვისი სახელისა და გვარის გამხელაც, ჩემთვის უცნობი მიზეზით, პეტრემ არ ისურვა.

ეტყობა ექიმმა, ვისაც სტროგანოვებთან შეხვდა პეტრე, და ვინაც ვერ შეძლო ეპილეფსიისგან განეკურნა პეტერბურგის ცნობილი და გავლენიანი თავად №-ის მკირაწლოვანი ვაჟიშვილი, პატიოსნად აღიარა, რომ უძლურია უშველოს ავადმყოფს და პეტრესთან მიასწავლა მის მშობლებს.

თავადმა თავი ისე დაიჭირა, ვითომც არ სჯეროდა უსწავლელი ყმის ცოდნისა, მაგრამ ყველასგან დაფარულად პეტრეს თავისი მსახური — თეთრფერვანი ჭაბუკი მიუგზავნა.

მსახურმა თავადის თხოვნა ბრძანებად აქცია, პეტრეს უთხრა, მის ბრწყინვალეობას შაბათ საღამოს შვიდი საათისათვის ეახელი და ეს ამბავი მსახურებსაც დაუმალე და ბატონებსაცაო.

პეტრეს ბევრი რამ გაეგო თავადზე, მის აურაცხელ სიმდიდრეზე, მის სიმკაცრეზე, მის დიდ გავლენაზე მაღალი წრის საზოგადოებაში, მაგრამ ის კი არ იცოდა, თუ რა უბედურება ატყდა თავს ამ ერთი შეხედვით ბედნიერ ოჯახს.

პეტრე ჩაბნელებულ პეტერბურგის ქუჩებს გულშეშფოთებულად გაუყვა. ალაყაფის კართან, რომლის სიახლოვესაც ბევრჯერ შეუწულებია ნაბიჯები, რათა დაეთვალაიერებია ნატიფი ორნამენტები და იშვიათი ხეულები, ახლა შეჩერდა, რათა მოეფიქრებინა, თუ რა ეთქვა იმ ადამიანისათვის, ვინც კარს გაუღებდა. მაგრამ მას ისევ ის თეთრფერვანი ჭაბუკი ელოდებოდა. მან თავი დაუქნია

პეტრეს და ხელით ანიშნა, მომყეო. ჭაბუკს თავი ისე ეჭირა, თითქოს ამ სახლში თავადის შემდეგ პირველი კაცი ის იყო.

ოთხკუთხა თანატოლი ქვებით მოკირწყლული დიდებული გზით, ორივე მხრივ რომ ევლებოდა ტანმორჩილი, კენწეროებდათოვლილი ნაძვები, რომლებსაც ზოლა-ზოლად მოუყვებოდა თანაბრად შემოკვერცხილი, თოვლით გადათეთრებული ბუჩქები, თეთრფერვანმა ჭაბუკმა პეტრე სასახლეში მიიყვანა. მთავარი შესასვლელიდან ისინი გვერდით კიბეს აუყვნენ. ავიდნენ. მსახურმა პეტრე მომცრო ოთახში შეიყვანა და უბრძანა, ზედა სამოსი გაიხადე და დაშელოდეო.

პეტრემ გაიხადა ჯერ კიდევ პეტერბურგში ნაყიდი მსუბუქი კურტაკი, მოიძრო ქუდი, ხელისგულით გადაისწორა ურჩი, ხშირი ქოჩორი და დაელოდა, თან წინასწარ ჩურჩულით უბრძანა თავს: „მშვიდად იყავ. მშვიდად. მშვიდად. სრულიად მშვიდად. მე უკვე დავმშვიდდი“.

და მან მართლაც იგრძნო, რომ დაეუფლა ჩვეული სიმშვიდე: რაც მის სულს ამ სიტყვებმა ჩააგონა.

თეთრფერვანი ჭაბუკი თვალისწამში ისევ გამოჩნდა, რატიმდაც ახლა უფრო თავაზიანი და ნაკლებ თავდაჯერებული ჩანდა.

— თავადი გიხმობთ, — უთხრა თითქმის თხოვნით, მერე ხელისგული პეტრეს ზურგზე მიადო და ჩასჩურჩულა: — ნუ დელავ, მშვიდად იყავი, მშვიდად, ყმაწვილო.

— მშვიდადა ვარ, — უთხრა პეტრემ და დერეფნის გაკრიალებულ ფერად-ფერად პარკეტს გაუყვა, თან კედლებზე ჩამოკიდებულ ძვირფას, მოოქროვილ ჩარჩოებში ჩასმულ სურათებს მისჩერებოდა:

დერეფანმა მიიყვანა დიდ ოთახში, რომლის იატაკზე ვეება ნოხი იყო გაფენილი, ხოლო კედლებს ოვალური პორტრეტები ამშვენებდა. საოცრად ვეება ბროლის ჭალი ეშვებოდა მოხატული ჭეროდან და სავარძელში მჯდომ თავადს ანათებდა. მას საშინაო ხალათი ეცვა და ხელში წიგნი ეჭირა.

ბატონების ცნობისმოყვარე მზერას პეტრე ნაჩვევი იყო, მაგრამ ამ თავადის შემოხედვაში მხოლოდ ცნობისმოყვარეობა როდი გამოსკვიოდა. მასში რაღაც თავგანწირულის იმედიც იგრძნობო-

და, რაც არ გამოეპარა პეტრეს, რომელმაც ჩვეულებრივ დაუკრა თავი პატონს და კართან შეჩერდა.

თავადმა ხელით ანიშნა მსახურს და ისიც უხმაუროდ გაქრა.

— ახლოს მოიწი, — გულთბილად უთხრა თავადმა.

პეტრე ახლოს მივიდა.

— მე ბევრი რამ გამიგონია შენზე. პეტრე. და ზედმეტ კითხვებს აღარ დაგისვამ. ერთი რამ უნდა შეგეცნობო მხოლოდ: ექვსი წლის ვაჟი მყავს, რომელსაც დაბადებიდანვე სკირს მძიმე სენი. ხალხში ამ სენს ბნედას ეძახიან. სამედიცინო წიგნებში — ეპილეფსიას. იცნობ ამ ავადმყოფობას?

— ვიცნობ, თქვენო ბრწყინვალე ბავ.

— შეგიძლია მოპირჩინო შვილი?

— ამაზე პასუხი რომ გაგცეთ, თქვენო ბრწყინვალე ბავ, თქვენი ვაჟი უნდა ენახო.

— უნდა გასინჯო?

— არა არ გავსინჯავ. მჯერა, რომ ავადმყოფობა სწორად არის ამოცნობილი. ეს ისეთი სენია, სხვაში არ აგერჯვა. მაგრამ ჩემთვის საჭიროა... არ ვიცი, როგორ აგიხსნათ... სულიერი სიახლოვე უნდა ვიგრძნო თქვენს ვაჟთან... უნდა გავაგო ჩემდამი მისი განწყობილება. ამას დიდი მნიშვნელობა აქვს.

თავადმა მაგიდიდან ზარი აიღო. ვერცხლის პატარა ენამ მელოდურად ააუღერა ზარის ვერცხლის კედელი.

გაიღო გვერდითი კარი და ლივრეაჩაცმული, კეთილსახიანი სქელი კაცი გამოჩნდა, ჭალარა, მეჩხერი ბაკენბარდები რომ ჰქონდა და მჭრქალი ცისფერი, ბებრული თვალები.

— მოიყვანეთ ახალგაზრდა თავადი.

სქელმა კაცმა თავი დაუკრა და უკან-უკან დახვეით მიეფარა კარს.

რამდენიმე წლის შემდეგ ოთახში შემოვიდა გამხდარი, ლამაზსახიანი, ფერმკრთალი ბიჭუნა, რომელსაც ფიქრიანი, შავი არაბავშვურად სერიოზული, ის კი არა და, მკაცრი თვალებიც კი ჰქონდა. მან ფრანგულად რაღაც უთხრა მამას და ყურადღებით შეხედა პეტრეს.

თავადმა ბავშვი თავისკენ მიიზიდა და ქერა თავზე აკოცა.

ბიჭუნა უცებ გამოუსხლტა მამას ხელებიდან და თამამად მივი-

და პეტრესთან. იგი შეჩერდა მის სიახლოვეს და თვალეზღაპრული კარგა ხანს ჩასჩერებოდა სახეში, ისე დიდხანს, როგორც ეს ბავშვებმა იციან, მერე კი რუსულად ჰკითხა (ეტყობა მიხვდა, რომ ბატონთან კი არა, მსახურთან ჰქონდა საქმე, ვისაც ფრანგულად არ ელაპარაკებიან ხოლმე).

— რა გქვია? ჩემთან მოხვედი?

პეტრემ არ იცოდა, რა ეთქვა, ვინა ვარო. სოფლელ ბავშვს ეტყოდა — ძია პეტია ვარო. აქ კი არ ივარგებდა ამის თქმა.

— მე პეტრე მქვია.

— ჩემს ოთახში წმინდა პეტრეს ხატი ჰკიდია, — ფიქრიანად თქვა ბიჭუნამ.

არც მამამისს გალიმებია, არც პეტრეს.

პეტრე ისევ გასაჭირში იყო — არ იცოდა, როგორ მიემართა ბიჭუნასათვის, აქ ხომ ბალღობიდანვე ამ ბიჭს სულელურად — „თქვენო ბრწყინვალეზო“, ასე მიმართავდნენ.

— თქვენ რაღა გქვიათ, თქვენო ბრწყინვალეზო?

— მე ალიჩკა მქვია. „ბრწყინვალეზო“ არ არის საჭირო, უბრალოდ, ალიჩკა დამიძახე. კარგი? შენ მე ძალზე, ძალზე მომეწონე. წმინდა პეტრეს ხატს გამსგავსებ. აი, იმ სავარძელში ჩაჯექი, მე კი მუხლებზე დაგიჯდები, ხომ?

პეტრემ კითხვით შეხედა თავადს. მან თავი დაუქნია. ეტყობოდა, უხაროდა ეს წამიერი კონტაქტი თავისი ვაჟისა პეტრესთან, როგორც ჩანს, სწორედ ეს ესაჭიროებოდა ამ უცნაურ მკურნალს.

პეტრე ბაცი ფერის აბრეშუმის სავარძელში ჩაჯდა და სიამოვნებით დაისვა მუხლებზე ბიჭუნა, გული ეტკინა, ისეთი მსუბუქი იყო ბავშვი.

— იცი, პეტრე, — გულმინდობილად უთხრა ალიჩკამ, — მე ავადა ვარ. ამიტომაც განვსხვავდები ჩემი ამხანაგებისაგან. უცებ გონს ვკარგავ ხოლმე, მერე კი ისე ძალიან მტკივდება თავი... და იცი, მე ყველანი მებრალებიან — კატებიც, ძაღლებიც, ჩვენი მსახურბიც...

— ხომ იცით, თქვენო ბრწყინვალეზო, — პეტრეს გადაავიწყდა კიდევ თავადის იქ ყოფნა, ბიჭუნა მოშორებით გასწია და ჩახედა ტანჯულ თვალეზღაპრულ თვალებში, იმის თვალეზღაპრულ რომ აგონებდა, თან მტკიცედ და მბრძანებლურად უთხრა, — მე სწორედ თქვენს მოსარჩენად

მოვედი. ბევრი მომირჩენია თქვენისთანა. მხოლოდ ის წამლები უნდა სვა, რომელსაც მე მოგცემ.

— მეც ასე ვიფიქრე, ჩემს მოსარჩენად მოვიდა-მეთქი. იმ-წამსვე ასე ვიფიქრე! — მხიარულად გაიცინა ალიჩკამ, ტაში შე-მომოკრა და პეტრეს მუხლებიდან ჩამოხტა. — დავლევ შენს წამლებს, ძალიან მწარეც რომ იყვეს, მაინც დავლევ. მალე მომარჩენ, ხომ?

— მალე! — კვლავ მტკიცედ უთხრა პეტრემ და ბიჭუნას თავ-ზე ხელი გადაუსვა. — სულ მალე სხვა ბიჭუნებივით ჯანსაღი იქ-ნებით. — პეტრეს ხმაში უფლებამოსილება შეეპარა. — თავი აღარ აგტივდებათ. არც ისეთი რამ მოხდება, რომ გონება გამოგეთი-შოთ. ყველაფერი გაგივლით, თქვენო ბრწყინვალეზავ, თქვენ სრუ-ლიად, სრულიად ჯანსაღი გახდებით — ხომ გჯერათ ჩემი? — თავად კი გულისტკენით გაიფიქრა, საჭირო ბალახები ცოტადა შემომოჩჩა, შოვნა კი მათი მხოლოდ ილინსკოეში შემიძლია და საამისოდ დრო დამეკარგებაო.

— მე ძალიან მჯერა შენი, პეტრე. ვიცი, რომ მომარჩენ. მხო-ლოდ, აჩქარდი!

თავადი გაცემული უყურებდა, რაც იმის წინ ხდებოდა და თავადაც ირწმუნა ამ ჭაბუკი ჯადოქრისა, ვაეიშვილის მორჩენას რომ დაჰპირდა.

— ახლა კი წადით და ითამაშეთ, — უჩურობდა ყურში ბიჭუ-ნას პეტრემ, — მე კი მის ბრწყინვალეზავს უნდა მოველაპარაკო.

ალიჩკას სულაც არ უნდოდა წასვლა და მანამ არ გავიდა მამის ოთახიდან, სანამ პეტრეს პატიოსანი სიტყვა არ ჩამოართვა, რომ ხვალ მოვიდოდა და წამალს მოუტანდა, მერე კი ერთად იციგავებ-დნენ გორაკზე.

მეორე დღეს, განთიადისას, თავადის გაგზავნილი კაცი საუკე-თესო ცხენზე იჯდა და ილინსკოესაკენ მიქროდა პეტრეს წერილით, რათა მისი ნათესავებისათვის ბალახები გამოერთმია.

ხოლო პეტრეს წასვლისას თავადმა ფული გაუწოდა და უთხრა:

— ჯერჯერობით ეს გქონდეს. თუ ბიჭუნას მომირჩენ, იცოდე, ოქროებში ჩაგვყამ. ხომ გესმის, ოქროებში ჩაგვყამ-მეთქი!

პეტრემ ხელები ზურგს უკან წაიღო და თავადს ფოლადისებრი მტკიცე ხმით უთხრა:

— გამდლობთ, თქვენო ბრწყინვალეზავ. მაგრამ მე ხომ ექიმი

არა ვარ. ხალხურ მედიცინაში კი ერთი დიდებული მცნება არსებობს: თუ მკურნალობაში ფული აიღე, ავადმყოფს წამალი არ არგებსო.

თავადმა ხელი დაუშვა. რისხვამ და წყენამ გაუელვა სახეზე.

— მერე ხომ აიღებ, ავადმყოფს რომ მოარჩენ? — ჰკითხა მან. — და წამლობა რომ აღარ დასჭირდება?

— მაშინ... მაშინ ენახოთ, — მიუგო პეტრემ. — გასამრჯელოდ თქვენი ვაჟის მორჩენაც მეყოფა.

თავადმა მზერა აარიდა პეტრეს. ეტყობოდა, დაუვიწყარი გაკეთილი მიიღო, რადგან მიხვდა, რომ ფულით ყველაფერს ვერ იყრიდი, რომ ღარიბი ყმისათვის, ვინც თავისდღეში ადამიანად არ მოუჩნევია, დიდი ფულის ქონა სულაც არ არის მისი თავიდათავი სურვილი.

განა საოცარი არ იყო, რომ ჭაბუკი უარს ამბობდა ფულზე, რაც მას საშუალო შეძლების კაცად აქცევდა? თავადს ეს დაუჭერებელ ამბად ეჩვენებოდა და გონს ვერ მოსულიყო, რადგან ცხოვრებაში ჭერაც არ შეხვედროდა ასეთ რამეს.

— კეთილი, — უთხრა თავადმა, — პატივი ვცეთ ხალხურ სიბრძნეს. შენი შრომის საფასურის გადახდა გადავდოთ. მაგრამ გიმეორებ: თუ ვაჟიშვილს მომირჩენ — არაფერს დავიშურებ შენთვის. კარგად დაიხსომე ეს. თავადი თავის სიტყვას ქარს როდი ატანს.

ილინსკოეში თავადის ფორანი პერმის სტროგანოვთა განუყოფელი ადგილ-მამულის სამმართველოს წინ შეჩერდა.

ფორანიდან ნათელთვალემა, უწარბო ჭაბუკი გადმოვიდა, რომელსაც, მიუხედავად იმისა, რომ გაზაფხულის ცივი ღღე იდგა, მსუბუქად და მოღურად ეცვა. გამვლელები მაშინვე მიხვდნენ, რომ ეს კაცი ქალაქელი იყო და სანამ იგი კიბის საფეხურებს მიუყვებოდა, სვეტებთან ჩერდებოდნენ და კარამღე თვალით აცილებდნენ. მაშინ კი, როცა ახლადმოსული სამმართველოში შევიდა, ერთ ხანს დადგნენ და იმის განსჯას შეუდგნენ, რასაც ამ კაცის დანახვისთანავე მიხვდნენ — ეს კაცი პერმიდან არ არის, იგი ან მოსკოვიდანაა ან ლენინგრადიდან. არც ფორანია პერმისაო.

ილინსკოელები კიდევ დიდხანს იდგებოდნენ ამ ახალი ამბის განსჯით გართულები, რომ ამ დროს არ გამოჩენილიყო სამმართვე-

ლოსაკენ მედიდურად მომავალი სამემკვიდრეო მამულის წევრი პიშჩალიკინი, ვის ხელშიც იყო გლეხთა ყველა თხოვნის გადაწყვეტა, გლეხებისაგან ფულადი და პურეულის გადასახადების შეგროვების ცნობებზე-სა და გვარ-სახელის სააღრიცხვო ამონაწერების გადასინჯვა.

— აბა, რას შექუჩულხართ... — ის იყო დაიწყო პიშჩალიკინმა, მაგრამ ამ დროს უცხო ფორანი დაინახა და ხელი ჩაიქნია. — დაიშალენით!

თავად კი ცნობისმოყვარეობა ველარ დაიოკა და წაღების პაკაპუკით აუყვა კიბეს.

ილიას შეეგება ვილაც ლამაზი, ჯერ კიდევ საკმაოდ ახალგაზრდა ქალი, სულაც არასოფლური აღნაგობისა. ნაწნავებიც ჩვეულებრივი გლეხი ქალივით კი არა გაეშვა, გვირგვინით შემოეხვია თავზე, თმაზე მოლურჯო ელფერი გადაჰკრავდა. ილია შეცბუნდა, იფიქრა, სხვაგან ხომ არ მოვხვდიო, ქალბატონის ღირსად მიესალმა ქალს და ჰკითხა:

— კუხნეცოვები სად ცხოვრობენ?

— თქვენ ვინ გნებავთ? — ჰკითხა ქალმა.

— პეტრე კუხნეცოვის ახლობელი ვინმე.

— მე იმისი დედა ვარ.

ილიამ ქალის თვალეში ახლა კი შენიშნა შემფოთება.

— მე პეტერბურგიდან ვარ. პეტრემ გამომგზავნა. აი, მისი წერილიც.

ქალმა გამოართვა წერილი და სწორედ რომ ქალაქელი ქალივით შეიპატიჟა შინ.

ილიამ გაიარა წინა კარი, ფართო სამზარეულო, სადაც ვილაც ბერიკაცი, ღუმელიდან ჰალარა თავი რომ ჩამოეკიდა, თავაზიანად მიესალმა სტუმარს. მერე ილია შევიდა ფაქიზად მოწყობილ ოთახში, სადაც იდგა ფართო საწოლი, ზედ აკოკოლავებული ფუმფულა ბალიშებით. საწოლს გარდა შიგა ოთახში იდგა მაგიდა, რომელზედაც სელის სუფრა ეფარა. ოთახს ფანჯრებზე ქოთნებით შედგმული, სათუთად მოვლილი, გადაფურჩქენილი ყვავილები ამშვენებდა.

— მამა, წერილია პეტრეშკასაგან. კარგად ვცხოვრობო, იწერება. ბალახები გამომიგზავნეთო, ვილაცისთვის სჭირდება ბნელის

მოსარჩენად, — ხმამაღლა თქვა ქალმა, კარისაკენ პირმიბრუნებულმა — ჰო, დაუყოვნებლივ უნდა მოვავროვოთ ბალახი, კიდეც იმასაც იწერება, არავის უთხრათო, რომ ეს წერილი მიიღეთო და რომ ბალახები გამომიგზავნეთო. ისე კი კარგად ცხოვრობს თურმე. იმედოვნებს, რომ წელს ჩამოვა.

— ჰოდა, რა, გავუგზავნოთ ჩვენც ბალახები. სადამოთი ბაღები მოვლენ და მოვაკრეფინოთ. როდის ბრუნდები უკან, კეთილო კაცო?

— ხვალ განთიადისას, — უთხრა ილიამ, ადგა და სამზარეულოში გავიდა.

— ჩამოჯექი, ჩემო, მერხზე, — გულთბილად მიიპატიჟა ბერიკაცმა.

მერე მოყვა და დააყარა კითხვები შვილიშვილზე. როგორ არისო და რასა იქმსო? ილიას კი მხოლოდ ოთხიოდჯერ თუ მოეკრა თვალი მისთვის. ინანა ქაბუქმა საკუთარი ქედმაღლობა პეტრესადმი. დიდი რამე, თუ თვითონ თავადს ემსახურებოდა. აგე, თავადს პეტრე დასჭირდა. დედამისი კი ქალბატონს ჰგავს და კითხვაც იცის...

პეტერბურგში რომ დაბრუნდა, ილიამ სულ სხვა თვალით დაუწყო ყურება პეტრეს.

— ასეთი ხალხი საიდან მოხვდა სოფელში? — ჰკითხა პეტრეს მისი მშობლებით გულწრფელად გაოცებულმა.

ილია მიხვდა, რომ პეტრეს მასზე გაცილებით მეტი ცოდნა ჰქონდა და, მიუხედავად იმისა, რომ იგი ისევე ემსახურებოდა გრაფ სტროგანოვს, როგორც თვითონ — თავადს, მაინც ახერხებდა, თავისი საკუთარი, განსხვავებული ცხოვრებით ეცხოვრა.

— მოდი, პეტრე, დამეგობრდეთ მე და შენ! — უთხრა ილიამ ერთხელ, თავადის სახლთან რომ შეხვდა.

— დამეგობრდეთო? — გაოცებით შეუბრუნა კითხვა პეტრემ. — განა გონების განსჯით შეიძლება დამეგობრება? მეგობრობა თავად უნდა აღმოცენდეს...

— მაშ. უარს მეუბნები? — წყენით ჰკითხა ილიამ — თუ უჩემოდაც ბევრი გყავს ამხანაგი?

— ამხანაგები არა მყავს, — არც მეგობრობაზე გეუბნები უარს,

მაგრამ შენ ნუ ჩქარობ. მეგობრობა თავად უნდა აღმოცენდეს-მეთქი, წინასწარ შეუთანხმებლად. მე ძალიან მსურს ასეთი მეგობრობა. ხომ გამიგე?

— გაგიგე! — ისევ წყენით მიუგო ილიამ, რადგან მაინც ვერაფერი გაიგო, მაგრამ ამის მეტად აღარ დადარაჯებია პეტრეს.

მალე გრაფინია სოფია ვლადიმეროვნა სტროგანოვამ აღასრულა მიცემული სიტყვა, პეტრეს ნება დართეს, გამგზავრებულყო ილინსკოეში, მოურავის განკარგულებაში, რომელსაც მისი ბილიმბაის ქარხანაში გაგზავნა ჰქონდა განზრახული.

...ერთი წლის პეტერბურგში ყოფნის შემდეგ პეტრე შინ ბრუნდებოდა. სოფრონმა წყვილი ცხენი გარეკა და ფორანი ნჯღრევა-ნჯღრევით გაუყვა გაზაფხულის ატალახებულ გზას, გადიოდა ღრმა ნაურმალებზე, ხრამებსა და გუბურებზე, როცა სოფრონი ტყით იმოკლებდა შემოსავლელ მანძილს, ცხენები შარშანდელ ნოტიო ბალახზე, ხეებსა და ძირკვებს შორის დიდი გაჭირვებით მიათრევდნენ ფორანს.

იმ პირველ გზობაზე პეტრე ერთთავად ილინსკოეს იგონებდა. ახლა კი პეტერბურგი იყო მისი საფიქრალი. ერთი წელიწადი! რამდენი მღელვარება მოუტანა მან ჰაბუკს! პეტრე არა მარტო მოწიფულად გრძნობდა უკვე თავს, მან ბევრი რამაც გაიგო ამ ერთ წელიწადში. ნახა ბატონები, ვისაც ნაამბობითა და წიგნებით იცნობდა მხოლოდ. ჰაბუკი თვალყურს ადევნებდა მათ ცხოვრებას. გრაფ სტროგანოვის ცხოვრება მან საკმაოდ ახლოს გაიცნო პირადადაც და მსახურთა ნაამბობითაც.

უცებ პეტრეს მოაგონდა ნევისა და მოიკას სანაპიროს კუთხეში მდგარი სტროგანოვთა სახლი, ასე რომ აღაფრთოვანებდა ხოლმე მას. ეს სახლი ჯერ კიდევ 1752—1754 წლებში ააშენა ბარონ სერგეი გრიგორევიჩ სტროგანოვმა. სახლი აუშენებია სახელგანთქმულ რასტრელლის. პეტრე ნამყოფი იყო ამ სახლში, აღფრთოვანებულს დაუთვალეირებია სურათების გალერეა. ყოფილა ვიბორგის მხარესაც, შავ მდინარეზე, სტროგანოვთა საზაფხულო აგარაკზე.

ბევრი სტროგანოვი ცხოვრობდა მოსკოვსა და პეტერბურგში! ტყუილად კი არ იყო, რომ მაღალი საზოგადოებიდან კარგა დაშორებით მათ გვარტომობას ძმები ვოლგეგოვები იკვლევდნენ. მაგრამ პეტრემ ახლა უიმათოლად ბევრი რამ იცოდა. მაგალითად, იცო-

და, რომ 1781 წელს მისი უმაღლესობის ნება-სურვილით გრაფმა ალექსანდრ სერგეევიჩ სტროგანოვმა იმოგზაურა პერმში, რათა გაეხსნა გუბერნია, რაც ასრულდა კიდეც 1781 წლის 18 ოქტომბერს.

გრაფმა იმოგზაურა თავის პერმის მამულში, ხოლო მას თან ახლდა მცირეწლოვანი ვაჟიშვილი, პაველ ალექსანდროვიჩი, ამ მამულის მომავალი მემკვიდრე.

გრაფი ალექსანდრ სერგეევიჩი ყაზანის ტაძრის აგებისას პეტერბურგში იმყოფებოდა, როგორც თავმჯდომარე საგანგებო დამფუძნებელი კომისიისა. ტაძრის ამშენებელი კი იყო მისი გამოზრდილი შინაყმა ანდრეი ნიკიფოროვიჩ ვორონიხინი.

გრაფ ალექსანდრ სერგეევიჩის ვაჟი, პაველ ალექსანდროვიჩი, მამის ნება-სურვილით ოთხ წელიწადს მოგზაურობდა საზღვარგარეთ, მასთან ერთად იყვნენ მასწავლებელი, ფრანგი რომი და ანდრეი ვორონიხინი, სწორედ ის, ვინც მერე ყაზანის ტაძარი აღაშენა.

გრაფი პაველ ალექსანდროვიჩი, გრაფინია სოფია ვლადიმეროვნას ქმარი, ახლოს იყო სამეფო კართან. ერთ ხანს პეტერბურგის სასახლეშიც ცხოვრობდა. იმპერატორისაგან ბევრი სხვა ჯილდოს გარდა ორიგინალური საჩუქარიც ჰქონდა — იახტა, თორმეტი მატროსითა და ერთი უნტერ-ოფიცრით, რომლებიც იახტაზე ყოფნის დროს მოქმედ სამსახურში ითვლებოდნენ. იახტა ზღვაზე იდგა, ქალაქგარეთა სახლის წინ, ვიბორგის მხარეს, აგარაკზე. პეტრეს ნანახი ჰქონდა ეს იახტა.

პეტრეს გრაფინია სოფია ვლადიმეროვნაც უნახავს, რომელსაც „დიდადგანათლებულ ადამიანს“, „შესანიშნავ რუს ქალს“ ეძახდნენ, სხვაგვარად არ იხსენიებდნენ. მართლაც რომ იშვიათი თვისებებით დაჯილდოებული ადამიანი იყო. ქმრის სიკვდილის შემდეგ ოცდარვა წელიწადი დამოუკიდებლად განაგებდა პერმის ადგილ-მამულს და ყმების ცხოვრების გასაუმჯობესებლად ბევრი სიახლეც დანერგა.

გრაფინია სოფია ვლადიმეროვნას გარდა პეტრეს ბევრჯერ ჰყავდა ნანახი მისი ქალიშვილიც, ნატალია პავლოვნა, სწორედ ის გრაფინია, ვინც 1818 წელს ცოლად გაჰყვა თავის ბიძაშვილს სერგეი სტროგანოვს და ვისი სახელიც სამუდამოდ შემორჩა პეტრეს „აზა-

ტობის“ ქალაქს, რაც უკვე ამ ქალის ხელით მიიღო. ქერათმიანი გრაფინია, ყმაწვილ ქალს რომ ჰგავდა, რალაცნაირი, თითქოს არა ბუნებრივი არსება იყო, რუსული არ ეხერხებოდა, შესამჩნევი ფრანგული აქცენტიც და განხრახ ენაოჩლეკით ლაპარაკობდა. პეტრეს აღიზიანებდა ეს ქალი.

სახელოვანი სტროგანოვები, 1558 წ. მდ. კამისა, ჩუსოვისა და მათი შენაკადების მიდამოების ვრცელი მიწებით რომ დასაჩქრეს, თავიანთ სამემკვიდრო მამულებში დამოუკიდებლები იყვნენ როგორც ფეოდალური ბარონები, არავითარ სასამართლოს არ ემორჩილებოდნენ, გარდა ხელმწიფის პირადი სამსჯავროსი.

სტროგანოვების სახელოვანი ადამიანები პერმის მიწების მეტად საქმიანი კოლონიზატორები იყვნენ და, როგორც ამ ნაბოძები მიწების მფლობელები, მოსკოვის ხელისუფლებას ციმბირის მიწების დაპყრობაში აშველებდნენ ხელს.

შემთხვევით არ მომხდარა, რომ ბარონ ნიკოლაი გრიგორევიჩ სტროგანოვის (1700 წ.) ნათლია პეტრე დიდი იყო. ხოლო ყრმის მამამ, გრიგორი დმიტრიევიჩ სტროგანოვმა პეტრე პირველს ორი სამხედრო ფრეგატი შესწირა, რომელიც საკუთარი სახსრებით ააგო და შეიარაღა. ამის სამაგიეროდ დიდმა ნათლიამ 1702 წლის 2 მაისს თავის ნათლულს და მის შთამომავალთ სამუდამო სამფლობელოდ უბოძა დიდი პერმის მდინარეები — ობვი, ინოვი, კოსვი იქ მცხოვრები პერმელებით, სულ 14003 სულით.

მოღვაწენი, მდიდარნი და პატივცემული ხალხი იყო ახლანდელი გრაფი სტროგანოვებიც. ეს თავისი თვალთ დაინახა პეტრემ.

პეტრე ასე თუ ისე დები გონჩაროვების ცხოვრებასაც გაეცნო, თუმცა ბევრი ვერაფერი გაიგო. შეეძლო, ყოვლისმცოდნე მსახურებისათვის გამოეკითხა მათი ამბავი, მაგრამ არც გამოკითხვა სურდა და არც იმის მოსმენა, რასაც ისინი გონჩაროვებზე ჰყვებოდნენ. ამაში მისი სულიერი საიდუმლო იმარხებოდა. — ტრაგიკულად მშვენიერი, უნჯი და უიმედო გრძნობა. პეტრეს ეჩვენებოდა, რომ ნატალია ნიკოლაევნასთვის სიხარულით გასწირავდა სიცოცხლეს.

პეტერბურგში პეტრემ ერთი სხვა ბატონიც გაიცნო. გონჩაროვებიცა და სტროგანოვებიც უმაღლეს საზოგადოებაში არარას წარმოადგენდნენ თავად №-თან შედარებით. ეს კაცი დიდ უფლებასაც

ფლობდა და აურაცხელ სიმდიდრესაც. პოდა, სწორედ ასეთ კაცს შეახვედრა ბედმა პეტრე, თანაც, რა საოცარია, რომ თავადი იძულებული გახდა, სტროგანოვების შინაყმისათვის ეთხოვა უდიდესი სამსახური — შვილის ავი სენისაგან განკურნება. მაგრამ თავადი ჰკვიანო კაცი იყო — ხელად მიუჩინა ყველაფერს თავისი ადგილი, და პეტრეც მიუხედავად იმისა, რომ მკურნალობის გასამრჯელოზე უარი თქვა, მაინც თავადზე შეიქნა დამოკიდებული.

ერთხელ პეტრე ალიჩკასთან ერთად სეირნობდა პატარა პარკში, თავადის სასახლეს რომ ეკრა. იგი თან ბურთს ეთამაშებოდა ბიჭუნას, თან მისგან ისმენდა იმ ერთ კვირაში მომხდარ ახალ ამბებს, რაც ერთმანეთი არ ენახათ, და თანაც რაც მთავარია, ცდილობდა, წამლის ძალაში დაერწმუნებინა იგი, — პეტრეს ხომ, შეიძლება, სულ მალე დაეტოვებინა პეტერბურგი და ალიკას მძიმე დაავადებას მხოლოდ ბალახებითლა უმკურნალებდნენ.

მეორე თვე იყო, რაც ბიჭუნა ბალახების ნახარშს სვამდა. პირველ ორ კვირას ავადმყოფობა უფრო მეტად მოერია. ყოველდღე შეტევები ტანჯავდა და განრისხებულმა თავადმა სასწრაფოდ იხმო პეტრე.

მან ძლივს შეიკავა თავი, რომ არ ეცემა პეტრე და კბილებში გამოსცრა:

— ბიჭი უარესადაა. არ დაგავიწყდეს, რომ პასუხისმგებელი შენა ხარ.

— თქვენო ბრწყინვალებავ! — მიმართა პეტრემ და ენაზე ძლივს დაიჭირა სათქმელი: „თქვენც ნულა მისცემთ ჩემს წამალს. რაკი არ გჯერათ მისი, რაღას მეძახით! შევწყვიტოთ წამლობა და მეც მოვისვენებ!“ — თქვენო ბრწყინვალებავ, ბალახები თანდათან, წლების განმავლობაში კურნავენ ავადმყოფს. პირველად უარესობა იცის, მაგრამ ეს სულაც არ არის საშიში. თქვენს ბიჭს მე უვნებელი ბალახებით ვწამლობ. ჯერ მისგან არავის არაფერი დამართნია ცუდი.

მაგრამ მხოლოდ ალიჩკამ დაარწმუნა თავადი. მან მამას უთხრა:

— მე მინდა, რომ ეს ბალახების ნახარშები ვსვა. ვიცი, რომ მომარჩენს. მჯერა, რადგან პეტრეს ძალიან უნდა ჩემი განკურნება.

თავადმაც მოცდა გადაწყვიტა. ორი კვირა კიდევ რომ გავიდა, ბავშვს შეტევებმა უკლო. მალე კი მთლად შეუწყდა.

ბოლო შეხვედრის წინ თავადმა პეტრეს უთხრა:

— მაშ, მიემგზავრები, ხომ? თუ გინდა, მოველაპარაკებო გრაფინიას! ჩემს ვაჟს ძალიან მოსწონხარ და მეც მინდა, რომ ერთავად მასთან იყო.

„თავის შინაყმად უნდა მაქციოს!“ — წყენით გაიფიქრა პეტრემ. რატომ სხვა აზრი არ დაებადა იმ კაცს თავში, ვინც კუბოს კარამდე დავალებული იყო პეტრესაგან? რატომ არ დაებადა აზრი, რომ თავისუფალ ადამიანად ექცია ეს კაცი და მერეღა შეეთავაზებინა თავისთან სამსახური?

არა, ამ ფიქრს არც გაუელვებია თავადის გონებაში!

— რაო, არა გსურს, განა? — ჰკითხა ქირღვით პეტრეს.

— თქვენო ბრწყინვალე ბავშვო წამართმევთ ერთადერთ სიხარულს, — თვალელები დახარა პეტრემ, — ილინსკოეში მყავს ჩემიანები, ჩემმა ბაღვალბამაც იქ გაიარა...

— ჰო, თუ არ გინდა, არ გაძალებ, — საჩქაროდ დაეთანხმა თავადი. — გაემგზავრე.

თავადსა და მის ვაჟთან გამოთხოვებაც ბევრჯერ მოაგონდა პეტრეს. ეს ამბავი უფრო ძნელი აღმოჩნდა, ვიდრე მოსალოდნელი იყო. ბიჭუნა ძალზე მიეთვისა პეტრეს და ასევე პეტრეც მას, ამიტომაც იძულებულები გახდნენ, დაემაღათ ბაღვალისთვის, რომ ისინი უკანასკნელად ხვდებოდნენ ერთმანეთს.

— იცი, პეტრე, — ჩვეული არაბავშვური სერიოზულობით მიმართა ალიჩკამ, — ასე მგონია, უკვე მთლად მომარჩინე. მეტად აღარ მექნება ეს ავადმყოფობა. აღარასოდეს აღარ გამიმეორებს. ხომ გინახია?

— ძალიან მიხარია, თქვენო ბრწყინვალე ბავშვო. მეც ნამდვილად მჯერა, რომ თქვენი სენი უკვალოდ გაქრება.

— ხომ მალე მოხვალ ისევ ჩემთან? — შეუფოთდა უცებ ბავშვი, თითქოს წინასწარ იგრძნო განშორება.

— მალე მოვალ. თუმცა უჩემოდაც უნდა გწამდეთ, რომ სენმა მთლად გაგიარათ. მაგრამ ბალახის ნახარშები მაინც სვით ხოლმე.

ბიჭუნა რომ წავიდა, პეტრემ თავი დაუკრა თავადს და უთხრა:

— თქვენო ბრწყინვალეზავ, მე გთხოვთ, როგორმე გაშაგებინოთ ხოლმე, როგორ იქნება თქვენი ვაჟი.

— დარწმუნებული იყავი, როცა გამოჯანსაღდება და ანგარიშსწორების დრო დადგება, უეჭველად გაგაგებინებ, — ჩაიცინა თავადმა.

— ფულზე როდია საქმე, თქვენო ბრწყინვალეზავ! — წამოენთო პეტრე. — მე ის მინდა, ვიცოდე, როგორ იქნება თქვენი ვაჟი. უკვე გითხარით, რომ მისი გამოჯანმრთელება საუკეთესო ჯილდოა ჩემთვის. გარდა ამისა, მწამს, რომ ჩემი სურვილი, განვკურნო იგი, გადმოეცემა მას ამ ვეება მანძილზე, ილინსკოედან პეტერბურგამდე. ჩემი ქოხიდან თქვენს სასახლემდე. ამიტომ იყო, რომ წამლობის დაწყების პირველსავე დღეს დამპირდა მძინარე ბიჭუნას დავკვირვებოდი, რათა საწოლში მწოლიარე წარმომედგინა იგი და ჩემი დარიგებები ღამითაც გადმომეცა. მე ხომ ამას ყოველ საღამოს ვაკეთებ, მას მერე, რაც ბიჭუნას წამლობას მოგვიდევ ხელი. ესეც მკურნალობაში შედის. ახლა კიდევ დროის განსხვავებაც უნდა ვიანგარიშოთ.

თავადმა ყურადღებით შეხედა პეტრეს და ამ მზერით სახეზე აშკარად გამოეხატა ფიქრიც: — „ან ჯადოქარია ეს კაცი, ან სალონი“.

— ჰო, შენ რომ ჩემს ვაჟს მკურნალობ, იცოდე, პეტრე: არავინ არ უნდა გაიგოს.

— ამას ვერავინ გაიგებს, — უთხრა პეტრემ. — თორემ წამლობა არ გასჭრის.

პეტრემ თავი დაუქრა თავადს და ჭარხალივით სახეწამოწითლებული გამოვიდა. ეს იყო სულ მისი სამადლობელი! როგორმე არავის არ უნდა გაეგო, რომ მის ბრწყინვალეზავს შინაყმის წამლობა არ შეეზიზღა! ოჰ, ადამიანო, რა ყრუ და ბრმა ხარ! როგორ თავადვე სძარცვავ საკუთარ თავს და შენს ისედაც მოკლე ცხოვრებას ამ დედამიწაზე წვრილმანსა და მოსაწყყენს ხდი! არა, იქ, ილინსკოეში, უფლებაწართმეული ხალხი უფრო ლაღად, უფრო ღამაზად, უფრო შინაარსიანად ცხოვრობს!

ცოტათი უფრო გულბოღმიანი რომ ყოფილიყო პეტრე, ნიშნის მოგებით ეტყოდა თავს: „თავადი ისევეა ჩემზე დამოკიდებული, როგორც მე — მასზეო“.

მაგრამ პეტრე არ იყო გულბოლომანი. იგი სიხარულით მიემგზავრებოდა თავის მხარეში, ტკებოდა გადაჭიმული ცის ცქერით, გაზაფხულის სილურჯე რომ შეპარვოდა. ისუნთქავდა მიწის ნაცნობ სურნელს: შამბნარის, მწვანედ ამოწვერილი თოთო ბალახისა და დაბერილ კვირტა სურნელით ითვრებოდა. სმენას იტკობდა ამ ერთ წელიწადში მივიწყებული ჩიტების ჭიკჭიკით.

განთიადისას კი, გაზაფხულის გატიტვლებულ ხეებში ამომავალი მზისადმი თავისი ჰიმი სტვენით რომ აღაღვლინა შოშიამ, პეტრემ კურტაკის სახელოებში წაყო თავი და ტკბილ-მწარე ცრემლებად დაიღვარა.

მერვე თავი

ილინსკოეში პეტრე და სოფრონი ბაზრობის დღეს მივიდნენ. სოფელი ისევე იყო სავსე ხალხით, როგორც ზეიმის დროს. დიდ საბაზრო მოედანს სოფლის ცენტრში სხვა სოფლებიდან და ქალაქებიდან ჩამოსული გლეხებისა და ვაჭრების ფორნებში შებმული ცხენები ერტყა.

ფიცრებისაგან დახლები შეეკრათ, ნაჭრები ჩამოეთარებინათ და ფარდულებივით მოეწყოთ, რომ წვიმის დროს არ დასველებულიყვნენ. სულო და გულო, რა გინდა, რით აღარ ვაჭრობდნენ! ტომრებით ეწყოთ მოხალული თუ მოუხალავი კედრის წიწიბო, ერთმანეთზე შეწყობილი ელაგა კობტონის ფილები, სათაფლე ჩოკორები თვალს აოცებდა სიდიდითა და შესრულების მრავალნაირობით. გოლეულები ფუტკარს იზიდავდა და ბოლქვა-ბოლქვა დაბზუოდნენ თავს. ვაჭრობდნენ ხის ნაკეთობებითაც: კოვზებით, გეჯებით, ტაბურეტებით, სკამებით, ცოტა იქით — ახალი, მშვენივრად შენახული. ბოსტნეულით, ამ გაზაფხულის პირსაც რომ შერჩენოდათ სინედლე და სიხასხასე.

ყველა დუქნის კარი სტუმართმოყვარულად იყო მოღებული. ვაჭარ ბეკლემიშევის „სავაჭრო სახლსაც“, ისევე, როგორც ბაზარს, ჩამოსულთა ფორნები ერტყა და მალაზიის ღია კარში შერბოდა და გამორბოდა ხალხი.

ჰოდა, პეტრემაც, იქნებ პირველად ცხოვრებაში, სიამაყე იგრძნო თავისი სოფლის გამო, სადაც თითქმის ყველამ იცოდა წერა-

კითხვა. გრაფ ალექსანდრ სერგეევიჩ სტროგანოვის ბრძანებით, ვინც ასე გულმხურვალედ მფარველობდა მეცნიერებასა და ხელოვნებას, ილინსკოეს სამრევლო სასწავლებელი სხვებზე ადრე, ჯერ კიდევ 1794 წელს გაიხსნა პერმის გუბერნიაში.

1820 წელს ამ სასწავლებელს სამი კლასი ჰქონდა, მას შეუერთდა სამგალობლო სკოლაც, რომელშიც ორმოცდაათი მოწაფე ირიცხებოდა. მათგან ორმოცი მოწაფე ბატონების ხარჯზე იყო და განსაკუთრებულ შენობაში ცხოვრობდნენ, რომელსაც ზედამხედველი, მასწავლებელი განაგებდა.

სოფელი ილინსკოე განთქმული იყო სასულე ორკესტრითა და გუნდითაც. გუნდის ლობტარს უნდა მიეღწია იმისთვის, რომ ილინსკოეს გუნდს შეეთვისებინა საეკლესიო-სასახლისკარო სიმღერა, და ამიტომაც მოვალე იყო შორს დაეჭირა თავი „მყვირალა, თეატრალური პიესებისგან“ და ამოერჩია ისეთი „პიესები“, რომლებიც მლოცველებს „სიცილსა და ბნელ, ბინძურ ზრახვათ კი არ აღუძრავდა, არამედ კეთილსახიერ, გულის ამაჩვილებელ შეგრძნებას იმისა, რომ თავად იგი ცოდვილი და არარა არის“.

ილინსკოელები დიდად არ დაგიდევდნენ საეკლესიო ადათ-წესებს, არ იყვნენ მაინცდამაინც მორწმუნენი. ეტყობა, ეს იყო მიზეზი ამ მხარეში სექტანტობის აღმოცენება-გაღვივებისა. მართლმადიდებლები ამ სექტებს სტაროვერულებს ეძახდნენ. სტროგანოვთა მამულებში მართლმადიდებელთა ეკლესიების გარდა თოთხმეტი სტაროვერული სამლოცველოც იყო.

სოფელ ილინსკოეს საავადმყოფოც ჰქონდა, ჯერ კიდევ 1820 წელს სოფია სტროგანოვამ გამოგზავნა სოფლად მკურნალი ლამონში, ხოლო სამი წლის შემდეგ მის ნაცვლად — მედიცინის დოქტორი ნიკოლაი რომანოვიჩ ლეიხტველდი, რომელმაც ცოლად შეირთო ფედოტ ალექსეევიჩ ვოლგოვის ქალიშვილი და როგორც იტყვიან, დამკვიდრდა ილინსკოეში.

პეტრეს ყველაზე მეტად დედა ენატრებოდა. იცოდა, რომ ბაზრობის დღეს თეატრი მულამ ატარებდა წარმოდგენას, ამიტომ საჩქაროდ გამოემშვიდობა სოფრონს, სთხოვა, ბარგი შინ მიეტანა და გაემართა თეატრის ღია კარისაკენ, სადაც ხალხი ირეოდა. კართან წითური სევკა მორიგეობდა, მან იცნო პეტრე, გაუკრიჭა და დიდი, ჩაყვითლებული კბილები გამოაჩინა.

პეტრე ფრთხილად გაძვრა იმათ შორის, ვისაც გრძელ მერხებზე ადგილი არ ერგო, კუთხისკენ გააღწია და მაშინვე დაინახა დედა. თეატრში სულისხუნთვა იდგა, მაგრამ ისე მაინც არ იყო ჩახუთული და აკვამლებული, როგორც საღამოობით, როცა ქონის სანთლებს ანთებდნენ ხოლმე. პეტრეს დედა ქალბატონის როლს თამაშობდა. ყვავილებით მორთული ფართოფარფლიანი შლიაპა ეხურა, საიდანაც მოღებულ ყელზე შავი კულულები ჩამოშლოდა; გრძელ, თეთრ, მთლად ფურჩალებით მორთულ კაბაზე ქრელი თავშალი წამოესხა. ხელებზე იდაყვებამდე მაქმანის ხელთათმანები წამოეცვა. ლაპარაკით, გარეგნობითა და მიხრა-მოხრით სულაც არ ჰგავდა გლეხის ქალს. ნამდვილი ქალბატონი იყო, სწორედ ასეთი ქალბატონები ბევრი ნახა ახლახანს პეტრემ. ისე მართლად და ბუნებრივად ჩანდა ყოველივე, რომ პეტრე დაიპყრო მსახიობი ქალის ნიჭმა. ჭაბუკმა ქუთუთოები მოხუჭა, რათა გამცემლური ცრემლები სწრაფად გადმოედგარა, ლოყებიდან კი ხელისგულით მოიწმინდა კურცხლები.

მსახიობი კაცი კუზნეცოვების მეზობელი მიხაილო სიბირცევი იყო, იგი თავის როლს ცუდად ასრულებდა, მონდომებით თამაშობდა, მაგრამ ბატონს ვერ ემგვანებოდა, მოძრაობებიც შებოჭილი ჰქონდა და მაყურებელი აშკარად პეტრეს დედის გამოსვლას ნატრულობდა. აი, ისიც გამოჩნდა, მხედარი ქალის შავი კოსტიუმი ეცვა, შლიაპა ეხურა, ხელში წკეპლა ეჭირა, ლერწამივით ტანწერწეტა იყო. გამოჩნდა და პეტრეს იმ მხედრის სახე დაუდგა თვალწინ, ქვის კუნძულის პარკის ხეივანში რომ ნახა... ნეტა როგორ არის ახლა? რა ხვედრი არგუნა ბედმა? პეტრე ხომ მეტად ვეღარასოდეს ნახავს იმ ქალს და ვერც მის ამბავს გაიგებს.

დედა პარტნიორს მაყურებელთა დარბაზზე უთითებდა და იმ გზაზე ელაპარაკებოდა, ცხენებით რომ უნდა გაეეცოთ. ქალი შეჩერდა, თითქოს რაღაცას დააკვირდაო დარბაზში და უცებ მისი თვალები გაიშვილის თვალებს შეხვდა. ხმა ისე აუთრთოლდა და თვალებიც ისე ალერსიანად აუციმიციმდა, პეტრე მიხვდა, რომ დედამისმა იცნო; წამით ლაპარაკიც შეწყვიტა, ძალას იკრებდა.

პეტრე მიხვდა, რომ შეცდა, მოულოდნელად არ უნდა შესულიყო თეატრში და ნელ-ნელა გაძვრა ქუჩისკენ.

შინ ისე შეხვდნენ, თითქოს გუშინ წასულიყოს იქიდან. წინ-

კარში აკულინა გამობტა, ძმის მოსვლა გაეგო და იმიტომაც შემო-
ერბინა. აკულინა ახლახანს გათხოვილიყო, წინანდებურად ფუნჩუ-
ლასა და ლამაზს, ჭერა თმაზე უკვე თავსაფარი წაეკრა. ევლამპიაც
გამოჩნდა — ფართოპირისახიანი და დასავით წითელლოყება, გა-
ოცებულ-შეცბუნებული თვალებით შესცქეროდა ქვეყანას და
გულკეთილი ღიმილით გაპობოდა ალისფერი ბაგე; კაცი ვერ გაიგებ-
და, იცნო თუ არა პეტრე; ცნობით იქნებ კიდევაც იცნო, მაგრამ
მიხვედრით კი ალბათ ვერ მიხვდა, რომ ეს მისი ძმა იყო, მის-
თვის ახლობელი ადამიანი.

პეტრეს უფროსი ძმა, ივანე გადაეხვია, აწოწილი, ვიწროპირი-
სახიანი კაცი. ოჯახში იგი არ უყვარდათ, ანგარიშიანობის გამო მე-
დუქნე შეარქვეს, მერე ამ მეტსახელს მთელი სოფელი ეძახდა. ახ-
ლა დიდი, კონტროლიორის თანამდებობა ეჭირა.

სინარულით ალაპარაკდა პაპა ღუმელიდან, ჭალარა, გაბურძგნი-
ლი თავი რომ გადმოეკიდა. ეს კაცი ამ ოჯახისათვის დარდის მომ-
გვრელიც იყო და სინარულისაც: სულ პატარა რამ აამებდა, თავა-
დაც ხარობდა და სხვასაც გადასდებდა ხოლმე სიმხიარულეს.

— მთლად დაეჯეკაებულხარ, პეტრუნა, — ამაყად უთხრა პა-
პამ. — აბა, ერთი გვიამბე, როგორ ცხოვრობდი პეტერბურგში.
რა ნახე?

და კუხნეცოვების სახლში გვიან ღამემდე არ შეწყვეტილა მას-
ლაათი. თეატრიდან დაბრუნდა დედა, ცრემლმორეული ეხვეოდა
შვილს და უმტკიცებდა: „მივხვდი, მივხვდი, რომ შენ იყავი“. სა-
მუშაოდან დაბრუნდა ერთთავად დაღვრემილი, ენაძვირი მამაც. ახლა
იგი საავადმყოფოში მუშაობდა, ექიმ ლეიხტველდის მოწაფე იყო.
პეტრემ პატივისცემით გამოჰკითხა მამას სამუშაოს ამბები, მაგრამ
მან პირქუშად მიუქრა, როგორც ყოველთვის: „გასაგზავნ-გამო-
საგზავნად ვყავართ, გასაგზავნ-გამოსაგზავნად“.

მოვიდა მეორე ძმაც, ფედორი, ცოლიც მოჰყვა, კატერინა.

ფედორი მასწავლებელი იყო და უყვარდა თავისი საქმე. იგი
ბალღობიდანვე გამოირჩეოდა გონივრულობით და ერთთავად სურ-
ვილი ჰქონდა, ვისმესთვის რაიმე ესწავლებინა, დიდად გატაცებუ-
ლი იყო მეცნიერებით.

ფედორს კეთილი სახე ჰქონდა და ტკბილი, გულთბილი ღიმი-
ლით იღიმებოდა. ბავშვებს უყვარდათ იგი. ფედორის ცოლი, კატე-

რინა, პეტრეს ყოვლად შეუმჩნეველ ქალად მიაჩნდა. ივანეს ცოლი კი წინათ უებრო სილამაზის ქალი ეგონა, ახლა კი როცა ნამდვილი ქალური სილამაზე იხილა, იგი დახატულ თოჯინას აგონებდა.

მაგიდაზე ღიპიანი სამოვარი ჩუხჩუხებდა. ერთი ჩარეკა ლუდიც იდგა. ლუდი აყულისნას ქმარს, მიხაილოს მოეტანა, თმახუჭუჭა, ჭერ კიდეც მთლად ყმაწვილ კაცს. იგი ობოლი ბიჭი იყო და ბალობიდანვე კუზნეცოვებს მიეთვისა.

ყველანი მაგიდას მიუსხდნენ. მხოლოდ პაპა დარჩა ლუმელზე და ევლამპიაც გულგრილად მიჰდა ზღურბლზე.

ლუდი ჭიქებში ჩამოასხეს.

— ჩვენი ვაჟის, პეტრუსას სადღეგრძელო იყოს, — რაღაცით შეცბუნებულმა, ჯიყჯიყით თქვა მამამ, ცალი ხელით ჭიქა ასწია, ხოლო მეორეთი ტოლჩა მიაწოდა პაპას.

ხმის ამოუღებლივ მოუჯახუნეს ჭიქები ერთმანეთს, ხმისამოუღებლივე შესვეს. მეჯვე კიტრი და კომბოსტოც აახრამუნეს. ახლა ნამდვილი რუსული ქეიფი უნდა დაწყებულყო, მაგრამ სად იყო მხიარულება! ჰოდა, პეტრეს უცებ მოაგონდა — ასეთივე არამხიარული ზეიმი იყო იქაც... თავად დერეფანში იდგა. ესმოდა ფრანგულად ლაპარაკი, რუსულად ნათქვამი „გორკო“, მაგრამ ვერ გრძნობდა, რომ ხალხი მხიარულად იყო. თითქოს ღრუბელი ჩამოსწოლოდათ თავს ზემოთ და, საცა იყო, ჭეჭა-ქუხილი ატყდებოდა. პეტრემ ახლაც იგრძნო თავს ჩამომხობილი ღრუბელი.

— მამა, რა მოხდა? — ხმამალა იკითხა პეტრემ და ჭიქა დადგა.

თითქოს ამ კითხვას ელოდნენ, დედა ხელად ატირდა, ქალებმა მოთქმა გააბეს, ძმებმა თავები განზე მიიბრუნეს.

და ახლალა გაიგო პეტრემ, რომ გრაფინია სოფია ვლადიმეროვნა სტროგანოვას თანხმობა მისი, პეტრეს, პეტერბურგიდან სტროგანოვთა ბილიმბაის ქარხანაში გამომგზავრებაზე ძლივსძლივობით გამოეთხოვათ მშობლებს.

კანონის თანახმად ერთერთი ძმათაგანი, ვისაც ჯარის დრომ მოუწია, სამხედრო სამსახურში უნდა გაეწვიათ. პეტრეს ორივე ძმა ცოლიანი იყო, ბავშვებიც ჰყავდათ. აბა, როგორ უნდა მიეტოვებინათ წლების განმავლობაში ცოლ-შვილი? მაშ, პეტრე უნდა წასულიყო მათ მაგივრად. მაგრამ პეტრე ქარხანაში სამუშაოდ აპყავ-

დათ ერთი უგერგილო მუშაკის ადგილზე, ვისაც მის მაგივრად გზავნიდნენ რეკრუტში.

დედა ტიროდა. მამა წუხდა. ძმები უხერხულად გრძნობდნან თავს. პეტრე გონს ვერ მოსულიყო: რცხვენოდა მშობლების, ძმების და კიდევ ვიღაცის მაგიერ... მაგრამ კარგად ესმოდა, რომ ეს ყველაზე სწორი გადაწყვეტილება იყო. სხვა გზა არ ჰქონდათ. თითო ძმას სამ-სამი შვილი ჰყავდა სარჩენი. პეტრესაც ჯარში წასვლა სულაც არ უჯობდა ბილიმბაის ქარხანაში მუშაობას.

პეტრემ ასწია ნახევრადდაცლილი ქიქა, თვალმოჭუტულმა გაინხედა შიგ. მოათვალიერა სუფრა, შემბრალე მზერა მოავლო ზღურბლთან მოკუნტულ ევლამპიას და ბერიკაცს, ვინც თითქმის მთელი სიცოცხლე ღუმელზე გაატარა, მერე თავი გაიქნია და თქვა:

— ეს საქმე გადაწყვეტილია! სხვა გზა არა გვაქვს. ცოტაც დამისხნი, მიხაილო.

თქვა ესა და, ღრუბელიც ცაში აიჭრა, ქულა-ქულად დაიშალა სხვადასხვა მხარეს, ცა მოიწმინდა და ფანჯრებში ნამგალა მთვარე გამოჩნდა.

მერე მოყვა და გაიბა ჩვეულებრივი, ბალღობიდანვე ასეთი ახლობელი, შინაურული საუბარი. სტრეტენკისა და კრივიცკის ჭაობების გასაწმენდად სარფიანი დღიურ სამუშაოზეც ილაპარაკეს, იმაზეც, რომ გაზაფხულ-ზაფხულისათვის საკვებად და სათესლედ სამარაგო მალაზიებიდან გლეხებს სესხად ხორბალს ურიგებენო და კიდევ მრავალი სხვა.

პეტრემ წელან, ქონში რომ შედიოდა, წინკარში ახალი, დიდი ზომის ცელი შენიშნა.

— ეს ცელი საიდანა გაქვთ? ვინ მოგცათ? — იკითხა მან.

პაპამ უპასუხა ყველას მაგივრად:

— ხომ გახსოვს, შვილო, ჯერ კიდევ იმ ზაფხულს ბატონების სათიბები ასეთი ცელებით გათიბეს. მაშინაც ბევრმა ისწავლა, ახლა კი, თოთხმეტი ცალი დაგვირიგეს შინ სახმარად. ჰოდა, ერთი ჩვენც გვერგო.

— ეგ გაცილებით სჯობია პატარა, პირგალუნულ ცელს.

— რა შედარებაა! — აღფრთოვანებით მიუგო ივანემ. — ეგ სუფთად თიბავს.

— ჰო, კონტროლიზობას როგორ შეეწყვე? — დაინტერესდა პეტრე.

— სწორედ რომ ბედმა გამიღიმა! — ცხარედ ალაპარაკდა ივანე. — ხომ გახსოვს კონტროლიზობის პეტრე ვლასოვი, ჰოდა, ის მოხსნეს, რადგან ვერ ივარგა. იმის მაგივრად მე დამაყენეს.

— მერე იმან რა ჰქნა?

— იმან? რა უნდა ექნა, უარი უთხრეს და უსაქმოდ დარჩა, რაც შემოსდის, იმით ცხოვრობს.

— მას ხომ სულ პატარა ბავშვები ჰყავს!

ივანემ გულგრილად აიჩეჩა მხრები.

— ძალიან უჭირთ ცხოვრება. ოჰ, როგორ უჭირთ, — ჩაერია საუბარში მამა. — პეტრე ვლასოვი ზარმაცი როდია. ავადმყოფი კაცი. ამიტომაც ვერ გაართვა სამუშაოს თავი. მე მაგას რამდენიმე წელიწადს ვმკურნალობდი. ახლა ხმელა პურსა და ბურახზე გადადიან, ხან ღარიბებისათვის განკუთვნილ დახმარებას იღებენ საზოგადოებიდან, ზოგჯერ კი გადასახალიდან ათავისუფლებენ ხოლმე. მეზობლებიც ხელს უმართავენ. ძლივს გააქვთ თავი, ძლივს! — გაიმეორა მამამ და ყურადღებით შეხედა უფროს ვაჟს.

— მე რას მიყურებთ, მამა! გეგონება, მე ვუხიმიანკლე და მაგისი ადგილი ჩავიგდე ხელში. დამნიშნეს და რა მექნა, — გრძელი ხელების ქნევით, სიხარულით ამბობდა ივანე. — დამნიშნეს-მეთქი.

— ვიცით, რომ დაგნიშნეს, — ხმა მოაწვდინა პაპამ ღუმელიდან. — მაგრამ არავინ კი არ გებრალემა.

— შენ საიდან იცი, პაპავ, მებრალემა თუ არა, ჰა? — ცივად შეიპასუხა ივანე. — ჩემს გულში ჩავიხედი, თუ რა?

— არავინაც არ გებრალემა, — უთხრა აკულინამ და რატომღაც ივანეს ცოლს შეხედა. ქალი შეკრთა, თავშალი კიდევ უფრო მაგრად შემოიბუღნა და თვალები დახარა.

— ციც! — შეუტაცხანა ივანემ დას, მაგრამ დამ აღარ დააცადა რაიმეს თქმა.

— შენ გინდა, რომ უფროსი ბავშვები დობრივის მეტალურგიულ ქარხანაში მისცე... იმის მაგივრად. რომ სკოლაში ისწავლონ.

— ხარატებად ათას ხუთასი და უფრო მეტი ყმაწვილი მუშაობს და არაფერიც არ გასჭირვებიათ, — თავი გაიმართლა ივანემ. — დურგლად კიდევ — ექვსასამდე. ჩვენები რით არიან იმათზე უარესები?

— შენ, ჩემო ძმაო, ჯერ ასწავლე შენს შვილებს, — ხმა მი-
წვდინა ფედორმა. — ნიქიერი ბიჭები გყავს, გაუშვი, სკოლაში
იარონ. უსწავლელებს რად ტოვებ?

ეტყობა, ასეთი საუბრები ხშირად ჰქონდათ. ივანეს ცოლი
იცრემლებოდა, კუზნეცოვების მთელი ოჯახი აღშფოთებული იყო.
ივანე კი მაინც თავისაზე იდგა. კაპიკების შემატებაზე ფიქ-
რობდა.

დედამ გადაწყვიტა, საუბარი შეეცვალა.

— ალბათ ისევ პასუხს გვაგებინებენ, სოფლის სიახლოვეს ნახ-
შირს რადა სწვავთო. ნეტა მათრახებს გადავურჩეთ და, — თქვა მან.

— ნუ დარდობთ, დედილო, — დაამშვიდა დედა კატერინამ, —
აგერ, ივანე ამბობს, თითქმის მთელი სოფელი ასე აკეთებსო. აბა
რა უნდა ვქნათ? სად ვიშოვოთ მაგისი დრო? ვერსებს იქით სად
წავიდეთ? ან ბალები ვის დავუტოვოთ? დავიძვრენთ თავს რო-
გორმე!

ვერცხლისფერი ნამგალა მთვარე კი უკვე სამზარეულოს ფან-
ჯარაში იქვრიტებოდა: შუალამე გადასულიყო.

მეორე დღეს პეტრემ მოუტრავი მონიხულა. მას ძალიან მოს-
წონდა ეს მცოდნე, გონიერი და მშვიდი კაცი. ბევრჯერ უფიქრია
პეტრეს: რა ბედნიერები არიან სტროგანოვების გლეხები, რომ მა-
მულს ვასილი ალექსანდროვიჩი ვოლეგოვი განაგებსო. ვინმე სხვა
რომ ჰყავდეთ, ცრემლებსა, მწუხარებასა და სისხლში ჩაიხრჩობოდ-
ნენო ბრძენი და კეთილმოსურნე სოფია სტროგანოვას ყმები. იმ
ქალს ხომ ერთხელაც არ შემოუხედავს თავის მამულში. ზოგჯერ
პეტრეს ასე ეგონა: ვოლეგოვმა იმიტომ იტვირთა ეს საქმე, რომ
თავის თანამემამულეთა ხვედრი შეემსუბუქებინაო. მაგრამ პეტრე
იქნებ აჭარბებდა.

— ოჰ, გამარჯობა, გამარჯობა, პეტრე, — მხიარულად მიესალ-
მა მოურავი. — მაშ, ჩამოხვედი, ხომ, მშობლიურ მიწაზე! როგორ
მიდიოდა დრო გრაფის სამსახურში?

პეტრემ პატივისცემით დაუკრა თავი მოურავს, ისევე მდაბლად,
როგორც ბატონებს ესალმებოდა ხოლმე, მაგრამ ამ თავისდაკვრაში
მან ალალი პატივისცემაც გამოხატა.

— სამსახური სამსახურია. რაღა არ ვნახე.

— გრაფა კმაყოფილია შენით, მან სთხოვა სოფია ვლადიმეროვ-
ნას შენი დატოვება, მაგრამ ამასობაში ბილიმბაის ამბავი მოხდა.
არა, შენ გული ნუ გეტკინება. ერთი-ორი წელი წაიმუშავე და მე-
რე, თუკი მოგესურვება, შეგიძლია ისევ პეტერბურგს გასწიო გრაფ
გრიგორი ალექსანდროვიჩთან.

— არა მსურს გრაფ სტროგანოვთან ყოფნა. არც თვითონ მომ-
წონს და არც მისი საქმეები, — თავისთვისვე მოულოდნელად წა-
მოსცლა პეტრეს.

— აბა, პეტრე, ბატონის განსჯას არ გირჩევ. არ დაგაყრის ხე-
ირს. გამოჩნდება ვინმე ენის მიმტანი და შენს ნათქვამს მიუბრე-
ნიებს. ჰოდა, ცუდ დღეში ჩავარდები მაშინ.

— მე თქვენ გითხარით მხოლოდ, ვასილ ალექსანდროვიჩ... ისე
ხმაჩაყმენდილი ვარ, როგორც შინაყმას შეჭფერის, — პეტრეს ტუ-
ჩები აუთრთოლდა.

მოურავმა დაკვირვებით შეხედა ჰაბუქს.

— რაო, მძიმეა, განა, ყმის ხვედრი? რას იზამ, პაპა და პაპის-
პაპაც ყმები გყავდა. შენც მათი იღბალი გერგო. შენი შვილებიც...

— რაღად მინდა შვილები, თუკი უფალი მათაც ასეთ ხვედრს
არგუნებს?

— აბა, აბა, პეტრე, — უთხრა პეტრეს რალაცნაირი სიმწრით
მოურავმა და თავი ქალღღებზე დახარა. — შენზე ამბობენ, ლამის
ბნედისაგან შოურჩინოსო შვილი თავად №-ს?

პეტრე შეკრთა:

— თქვენც იცით ეს ამბავი? მერე საიდან?

— საიდან ვიცი, ამას არ ვიტყვი. ვიცი კი, რადგან არ არსა და-
ფარულ, რომელი არ გამოცხადდესო! ასე წერია წმინდა წერილში.
და ასეც არის. ჰოდა, ყური მიგდე, პეტრე. მე ვიცი, რომ ხალხუ-
რი მკურნალები წამლობის ფულს არ იღებენ ხოლმე, ძველთაგანვე
არსებობს რწმენა, რომ მხოლოდ უსასყიდლო წამლობა ჰკრისო.
ხოვ არ გადაგილახავს ეს კანონი?

— მე უარი ვთქვი ფულზე, — კვერი დაუკრა პეტრემ.

— ჰო, მაგრამ, მერე, თუ ღმერთი ინებებს და ბიჭი განიკურნე-
ბა, თავადი, ალბათ, მთელი სიცოცხლე უსაზღვროდ მადლიერი იქ-
ნება შენი. ჰოდა ხელიდან ნუ გაუშვებ ასეთ შემთხვევას. სთხოვე
თავადს ფული, რომ თავი გამოისყიდო. შენს სიცოცხლეში აღარ

მოგეცემა ასეთი შემთხვევა... ნუთუ თავად არ გიფიქრია ამაზე?

— მე სხვა რამ ვიფიქრე, როცა თავადი ფულს მთავაზობდა. რად არ მიხვდა-მეთქი, რომ თავისუფლებით აენაზლაურებინა ჩემი სიკეთე? იგი ხომ ამას უფულოდაც მომიხერხებდა. გრაფინია სიხარულით აუსრულებდა თავადს ყოველგვარ თხოვნას. ნუთუ ასე გაქვავებული აქვს ამ კაცს გული? ნუთუ ვერ წარმოუდგენია, რა დღეშიაც არის შინაყმა?

— შენ მეტისმეტ კეთილშობილებას მოითხოვ, პეტრე, მისი ბრწყინვალეობისგან, — მღელვარებითა და, ეტყობა, თავისთვისვე მოულოდნელად წამოსცდა მოურავს. და მის ამ წამიერ აფეთქებაში, ამ ლელვაში იგრძნობოდა, რომ ისიც ოდესღაც ყმა იყო. — მაგრამ მომავალში ჩემი ნათქვამი არ დაგავიწყდეს. იცოდე, ასეთი შემთხვევა შენს სიცოცხლეში აღარ მოგეცემა. ჰოდა, თავისუფლებაზე ძვირფასი რაღა არის?

— თავისუფალი რომ ვიყო, — თქვა ოცნებით პეტრემ, — მედიცინას შევისწავლიდი... ძალზე მიტაცებს ეს დიდი სიბრძნე და ამ საქმისადმი მიდრეკილს, უქმად მყოფ დიდ ძალასაც ვგრძნობ ჩემში... თორემ ისე რა — პაპაჩემისაგან გამოყოლილი ცოდნა გამაჩნია და რაღაც საკუთარი მიხვედრაც, მეტი არაფერი... პეტერბურგში კიდევ ერთმა ქალბატონმა, — პეტრეს ხმა ისე დაეთათლა, მოურავმა გაოცებით შეხედა, — იმის გამო, რომ მის გადიას ეგზემა მოვურჩინე, მედიცინის სახელმძღვანელო გამომიგზავნა... კარგი ქალბატონია, ენით აუწერელი სილამაზის ქალია და ძალზე უბედური. თანაც, როგორ მოაგონდა, რომ სწორედ ასეთი წიგნელი მინტერესებს?

— შენ ხომ გადია მოურჩინე, რაღა მიხვედრა უნდოდა, თუ რა გაინტერესებს.

— არა, მაგაზე არ გეუბნები. მაშინ ეს ქალი მძიმე მდგომარეობაში იყო. ქმარი სასიკვდილოდ დაუჭრეს დუელში — იქნებ გაგიგონიათ პოეტი ალექსანდრ სერგაევიჩ პუშკინი?

— რაღა თქმა უნდა, გამიგონია, — მღელვარებით უთხრა მოურავმა, — იმასაც მოვკარ ყური, რომ ძალიან ლამაზი ცოლი ჰყავს და რომ სწორედ ეს ქალი იყო ყველაფერში დამნაშავე.

— არ არის ეგ მართალი! — ცხარედ შესძახა პეტრემ. — ისეთი

რალაცეები დასწამეს იმ ქალს, რომ ველარაფერს ველარ დაამტკიცებ კაცი. არაფერშიც არ არის იგი დამნაშავე.

— აი, თურმე რა ადამიანებს შეხვედრიხარ პეტერბურგში! — პუშკინი ხომ ჩვენი სიამაყეა!

— არა, პუშკინი არ მინახავს. მე ვიცნობდი მის ცოლს, ნატალია ნიკოლაევნას, — აღელვებით თქვა პეტრემ და ვოლგოვმა ისევ ყურადღებით შეხედა. მის მზერაში გამოსჭვიოდა, რომ რალაცას ხვდებოდა. — მის უფროს დებსაც ვიცნობდი. გრაფ გრიგორი ალექსანდროვიჩის დეიდაშვილები არიან. გრაფს კი, მე ასე მგონია, პუშკინის სიკვდილში ბრალი მიუძღვის. მან დაიჩემა ღუელი. ის რომ არა, იქნებ პუშკინი ცოცხალი ყოფილიყო. აი, ზოგჯერ თურმე როგორ მოიტანს ერთი კაცი ამდენ ჭირს და უბედურებას. არა, არ მიყვარს გრაფი. არც სიკეთე მსურს მისი. დაე, ღმერთმა დამსაჯოს ამისთვის. დამალა ჩემი კეთილისმყოფელების ბოროტ ზრახვათა მადლად მიჩნევა!

მოურავი განცვიფრებული შესცქეროდა პეტრეს. პირველად იყო, რომ საკუთარი აზრები შინაყმის პირით ესმოდა. მაგრამ თავად არასოდეს არავის წინაშე არ გადმოულაგებია ფიქრები. ამ ქაბუქს კი არ ეშინია, გული გადაუშალოს კაცს, ვინც სულაც არ არის მისი თანასწორი; ახლა ხომ ვოლგოვს ყველა „ბატონობით“ მიმართავს!

— გეყოფა, პეტრე, გული გადამიშალე და, მორჩა. კედლებსაც ყურები ასხიათ. შენ კი მთელი ცხოვრება წინა გაქვს. აბა, ახლა საქმეს მივხედოთ, — და მოურავმა ბილიმბაის ქარხანაში მუშაობის თაობაზე გაუბა საუბარი პეტრეს.

კუხნეცოვების ოჯახს უბედურება დაატყდა თავს, რამაც რამდენიმე დღით გადასდო პეტრეს გამგზავრება ბილიმბაის ქარხანაში.

დღილით შინიდან გაქრა ევლამპია. საერთოდ, ყველაზე უწინ ის დგებოდა ოჯახში და კიბეზე გამოდიოდა ხოლმე მზის ათინათების საჭერად... ეს მისი საყვარელი საქმიანობა იყო, რალაცას ებასეებოდა მზის ათინათებს, კისკისებდა...

თავდაპირველად ევლამპიას წასვლას მაინცდამაინც არ შეუშფოთებია ოჯახი. ზოგჯერ მიდიოდა ხოლმე შინიდან, დაეხეტებოდა სოფელში თუ ტყეში და მხოლოდ შუადღისას, როცა მოშივდებოდა, მაშინ ბრუნდებოდა შინ.

იმ დღეს კი არც შუადღისას მოვიდა და არც ღამით. ეს ამბავი ადგილობრივ ხელისუფლებას განუცხადეს და მოსახლეობასაც შეატყობინეს. მეორე დღეს ევლამპია ბაღლებმა კალოზე იპოვეს, ვილაცას ბაწრის ნაგლეჯით დაეხრჩო.

ილინსკოეში კარგა ხანს ბჭობდნენ და სკიდნენ, ვისთვის რა უნდა დაეშავებინა ერთ საპყარ გოგოსო, სანამ ექიმმა არ დაადგინა, რამდენიმე თვეში ევლამპია დედა გახდებოდაო. ეტყობოდა, ვილაც შეეცადა, მიეჩქმალა თავისი ცოდვა. მაგრამ ვინ იყო იგი? ვინ აღმოჩნდა ისეთი სულმდაბალი, რომ შეეცდინა გონებასუსტი გოგო?...

სიტყვიერი სამსჯავრო, სამი კაცი რომ შეარჩიეს თავიანთივე წრიდან, გაეცნო „ევლამპია კუზნეცოვას საქმეს“ და მიიღო გადაწყვეტილება, არ არის საჭირო სამედიკატორო სასამართლოში გასაჩივრებაო და დაადგინა: „ღვთის ნებას მიენდოსო“.

ევლამპია ილინსკოეს სასაფლაოზე დამარხეს. გაჩნდა კიდევ ერთი ბელტებმიყრილი საფლავი და, თითქოს არასოდეს ეარსებოს ადამიანს, მალე მიივიწყა ყველამ. დედალა იტანჯებოდა ყველაზე დიდხანს — ასეთი ავი ხვედრი რად არგუნა ჩემს შვილს ბედმაო. იგი მუხლებზე დაჩოქილი დიდხანს იღვა ხოლმე ახალ საფლავთან და ჩურჩულით ინუგეშებდა თავს: „ოჰ, ღმერთო, რად დავისაჯე? მართლაც და, მიუწვდომელია გზანი უფლისა!“

მეცხრე თავი

დიდი გზა არ არის ილინსკოედან ეკატერინბურგის მაზრამდე, სტროგანოვთა მამულამდე, სადაც ბილიმბაის ქარხნებია განლაგებული. ეს პეტერბურგიდან ილინსკოეში მომავალი გზა როდია. ილინსკოედან გასული ფორნით მეფორნე, პეტრე და მისი ძმა, ივანე, რომელიც მოურავმა რაღაც საქმეზე გაგზავნა, დანიშნულების ადგილას ერთი კვირის მერე ჩავიდნენ.

ბილიმბაის თუჯმდნობი ქარხანა სტროგანოვმა 1730 წელს გახსნა სახელმწიფო კოლეგიის მითითებით. სტროგანოვთა მეურნეობაში მას თვალსაჩინო ადგილი ეჭირა. შემთხვევით როდი მოხდა,

რომ 1824 წელს თავად იმპერატორმა ალექსანდრემ მოინახულა ქარხანა.

ბილიმბაის ქარხნის მიერ გამოშვებულ რკინასა და თუჯს რუსეთის ყველა ქალაქში, შუა აზიასა და ამერიკაშიც კი ყიდიდნენ.

პეტრემ ისიც იცოდა, რომ ნიენეტაგილის აგარაკზე სამი გლასენის რკინის მალარო ჰქონდათ, რაც ოდითგანვე ბილიმბაის ქარხანას ეკუთვნოდა. მაგრამ იგი დემიდოვების ნიენეტაგილის გამგებამ მიისაკუთრა. წლიდან წლამდე დავა იყო ამ მალაროებზე დემიდოვებსა და სტროგანოვებს შორის და მხოლოდ 1848 წელს საქმე ბილიმბაის ქარხნის სასარგებლოდ დამთავრდა.

პეტრემ ნაღვლიანი მზერა მოავლო ქარხნის კორპუსებს, ქუჩაზე მდგარ ღარიბულ პატარა სახლებს და გაიფიქრა, აქ პეტერბურგზე უარესი ცხოვრება მექნებაო. იქ ხან ქვის კუნძულზე წაყიდოდა, ხან გონჩაროვების, ხანაც კიდევ მოსკოვის მახლობლად მდებარე გოლიცინების მამულში. მზერას დაიტკობდა გაღანწვანებული მინდვრების ცქერით, რაც ილინსკოეს მოაგონებდა და გულს მოეშვებოდა. აქ კი ყველაფერი ქარხანას დაეპყრო, ნაღვლიანი, პირქუში კორპუსები რომ ჰქონდა. ღობეებსა, ქიშკრებსა და სახლების სახურავებზე სქელ ფენად იდო ქარხნის მტვერი. მტვერი იდგა ჰაერშიაც.

ხალხიც კი, გზად რომ ხვდებოდა პეტრეს, გულჩათხრობილ, პირქუშ ადამიანებად ეჩვენებოდა. ნაცნობი აქ არავინ ჰყავდა, მაგრამ განსაკუთრებით იგრძნო მართობა ივანეს გამგზავრების შემდეგ. თუმცა, პეტრემ გამოცდილებით იცოდა, რომ პირველი შთაბეჭდილება მალე გაივლიდა. სწამდა, რომ მოაწყობდა ცხოვრებას, მიეჩვეოდა აქაობას.

მართლაც, მალე მოეწყო საცხოვრებლად. ქარხნის გამგებოში ბულალტრის მოადგილედ მუშაობდა. საკმაოდ კარგ გასამრჩელოს იღებდა: 140 მანეთს წელიწადში.

თანდათანობით ნაცნობებიც გაიჩინა, ბევრიც დაუმეგობრდა. ჰოდა, სწორედ ამ დროს შეეყარა კაცს, ვინც დიდი როლი შეასრულა მის ცხოვრებაში.

ეს კაცი იყო ფედორ ნიკიტიჩ კოლცოვი, ისიც სტროგანოვთა შინაყმა გახლდათ, კვიციანი, წიგნიერი და საქმიანი ადამიანი. ერთმა მსხვილმა ოქროსმრეწავმა მას მოუთრავოდა შესთავაზა ციმბირის

ერთ-ერთ ოქროს საბადოში და გრაფინია სტროგანოვას სთხოვა ამის თაობაზე. ეტყობა, ეს გარიგება რაღაცით ჭკუაში დაუჭდა გრაფინიას და მან კოლცოვს ნება დართო, ემსახურა ოქროსმრეწვე-თან. პეტრე კოლცოვს იმ დღეებში გაეცნო, როცა იგი ფაბრიკი-დან მიდიოდა და საბუთებს იფორმებდა.

კოლცოვის სათვალის სახლი, რაც მემკვიდრეობით ერგო მა-მისაგან, იმ სახლის გვერდით იდგა, რომელშიც პეტრეს დაქირავე-ბული ჰქონდა პატარა, ნახევრადბნელი ოთახი. იგი ფედორ ნიკი-ტიჩს ხშირად ხედებოდა ზოლმე სამსახურიდან შინმომავალი, ხედე-ბოდა ქარხნის კანცელარიებშიც, სადაც კოლცოვს საბუთებს უფორ-მებდნენ. პეტრემ თავად გამოიანგარიშა მისი დავალიანებანი, რაც დაუქვითა კიდეც ხელფასიდან. ასე გაიცნეს ერთმანეთი.

შემოდგომის ერთ საღამოს ერთად მიდიოდნენ ქარხნიდან შინ. კოლცოვი ორმოცდახუთი წლის ძალზე ქერა, ლამაზი მამაკაცი იყო, პეტრე კი — ჯერ მთლად ახალგაზრდა, შავთვალა, ლამაზი ჭაბუკი. ორივეს ქალაქურ ყაიდაზე ეცვა, არ იტყოდით, ყმები არიანო.

კოლცოვი პეტრეს უყვებოდა, ამ ძნელი საქმისათვის ხელის მოკიდება სულაც არ მსურდაო, მაგრამ ეს ერთადერთი გზა არის ფულის საშოვნელად, რათა თავი გამოვისყიდო, გავთავისუფლდე და ჩემი ცოლ-შვილიც გავათავისუფლოო.

— შენც, პიოტრ იაკოვლევიჩ, ეს მიზანი უპირველეს ამოცანად უნდა დაისახო, — უთხრა კოლცოვმა. — ახალგაზრდა კაცი ხარ, ნიკიერი, ეძებე განთავისუფლების სახსარი. ხომ არაფერი შეგი-თვალთვალეზიაა ჯერ? — დაინტერესდა კოლცოვი.

— მაქვს, მეცა მაქვს, ფედორ ნიკიტიჩ, პატარა იმედი...

კოლცოვი ის იყო შეუდგა პეტრეს გამოკითხვას, რა მიზნები გაქვს ცხოვრებაშიო, რომ უცებ მოსახვევიდან გამოვიდნენ ლამაზი, ჯერ კიდეც ახალგაზრდა მაგრამ ძონძროხა ქალი, ბოშა ქალს რომ ჰგავდა და მწვანეთვალეზიაა, ლოყაწითელი ყმაწვილი გოგო.

— მამილო! ჩვენ შენს შესახვედრად მოვდივართ! — ცოცხლად მიამახა მამას გოგომ და სიცილიანი მზერა პეტრეს ესროლა.

— ეს ჩემი ქალიშვილი ლიპოჩკა, ოლიმპიადა, გახლავთ, — თქვა ალერსიანად კოლცოვმა. — ეს კი ჩემი ცოლი მარფა დანი-ლოვნაა.

პეტრემ დუმილით დაუქრა თავი ქალებს, ყველას გამოეთხოვა

და უკვე მეორე მხარეს რომ გადადიოდა, საცა სკოლისა და საფოსტო განყოფილების შენობა იდგა, კოლცოვის დაძახილმა მოატრიალა:

— პიოტრ იაკოვლევიჩ! სალამოთი ჩაიზე შემოგვიარე!

აბა, საიდან უნდა სკოლნოდა მაშინ პეტრეს, რომ ჭკვიანმა კოლცოვმა სწორედ ამ წამს აწონ-დაწონა პეტრეს ნიჭიერება, ისიც ივარაუდა, რომ ადრე თუ გვიან ეს ჭაბუკი თავს დააღწევდა ყმობას და ისიც, რომ თავად, საცა იყო, გზას გაუდგებოდა და, ვინ იცის, როდის მოახერხებდა ცოლისა და ერთადერთი ქალის თავისთან წაყვანას. აგერ, ახლა კი, მოულოდნელად შესაფერისი სასიძოც გამოუჩნდა და ოჯახის დამტოვებელიც.

სალამოთი პეტრე კოლცოვებს ესტუმრა. პატარა სახლი ჰქონდათ, მაგრამ მყუდრო და ფაქიზად მოვლილი.

შევიდა თუ არა პეტრე სახლში, მორიდებით დააბიჯა ფეხი თეთრ ფეხსაფეხებს, შეეშინდა, ამ სუფთა საფეხებსა და თეთრად მოსუფთავებულ იატაკზე ნაკვალევი არ დაეტოვო.

პეტრემ თვალი მოჰკრა, სამზარეულოში, კედელზე დაკიდებულ ტაფების გვერდით გახეხილ ქვაბებს როგორ უბზინავდა ძირები. ოთახში ისეთი სისუფთავე იყო, თითქოს ამ სალამოს პირველად შედგეს ფეხი იქ. ძელურ კედლებს ტყის საამო სურნელი ასდიოდათ. წინა კუთხეში ბრწყინავდა კანკელი, ენთო ლამპრები.

მაგიდაზე, სელის სუფრა რომ ეფარა, სპილენძის სინზე გახეხილ-გაპრიალებული სამოვარი ჩუხჩუხებდა — ოთხი კოხტა სკამი თითქოს ირგვლივ შემორტყმოდა მაგიდას.

პეტრეს გარდა სხვა სტუმარი არავინ ჰყავდათ. იგი ხელმარჯვნივ ეჯდა სახლის პატრონს. ლიპოჩკა და დედამისი წინ უსხდნენ. ლიპოჩკა ისე იტყლარჭებოდა, პეტრეს ბრაზი ერეოდა. ეტყობოდა, გოგოს ძალიან სურდა, თავი მოეწონებინა ჭაბუკისათვის. იგი ჩუმად ხითხითებდა და პატარა პირზე ჭრელი კოფთის ფუშფუშა სახელოს იფარებდა. ჭყეტავდა ლამაზ, მომწვანო თვალებს და მერე საჩქაროდ ხრიდა ხშირ ისარა წამწამებს, ეტყობოდა, ამ ხელოვნებისათვის ლიპოჩკას ბევრი დღე შეეღია.

პეტრეს ხსოვნაში იმისმა სახემ გაიელვა: მოოქროსფროთაფლისფერმა, ოდნავ ელამმა თვალებმა, მარცხენა წარბის ტრაგიკულმა კლაკნილმა, არამიწიერად სრულყოფილმა პირისახის ოვალმა.

პეტრე შეძრწუნდა. როგორ გაბედა მან, ყმა გლეხმა, შინაყმა ბიჭმა, ამ ქალის გაღმერთება! არა, თუმცა რად არ უნდა გაეზღა? განა პეტრეს სურვილით ეწვია მას ეს გრძნობა? მისით მოვიდა, დაიპყრო ჭაბუკი, გული ტანჯვით აუესო და სამუდამოდ შიგ ჩარჩა. პოდა, ახლა რაღას წარმოადგენენ პეტრესათვის ლებოჩკა ან სხვა გოგოები? ყველანი სასაცილოები არიან ი მ ა ს თ ა ნ შედარებით.

— რაზე ჩაფიქრდით, პიოტრ იაკოვლევიჩ? — ჰკითხა განაზებუ-ლი ტკბილი ხმით მარფა დანილოვნამ. — შეყვარებული ხომ არა ხართ? — თან ბოშური თვალებით ლიპოჩკასაკენ გააპარა ნზერა.

საპასუხოდ ქალიშვილმაც ჩაიხითხითა და ფამფაშა სახელო აიფარა პირზე.

მაგრამ ფედორ ნიკიტინი საკმაოდ ეშმაკი და ჰკვიანი კაცი იყო და პეტრე ხელიდან ვერ დაუძვრებოდა.

ჭაბუკმა ამ კაცის სახით მალე არა მარტო მეგობარი იგრძნო, არამედ ხელმძღვანელიც, აღარც ლიპოჩკას ხითხითი და მისი ლამაზი დედის დათაფლული ხმა აღიზიანებდა.

პეტრე სიამოვნებით ატარებდა მათთან საღამოებს. და ერთხელ, როცა ლიპოჩკასთან მარტოდმარტო დარჩა, ღიმილით ჰკითხა გოგოს:

— რას მიპასუხებდით, ოლიმპიადა ფედოროვნა, მაჰანკლები რომ მომეგზავნა თქვენთვის?

პეტრე ელოდა, ახლა ლიპოჩკა ჩვეულებრივ ახითხითდებდა და სახელოს მიიფარებს პირზეო, მაგრამ გოგომ უცებ ფერი დაკარგა, თვალები დახარა და სერიოზულად უთხრა პეტრეს:

— ამას, ალბათ, დედაჩემი და მამაჩემი გადაწყვეტენ.

— თქვენ თუ გაგაჩნიათ ჩემდამი რაიმე გრძნობა, ოლიმპიადა ფედოროვნა? — კვლავ ღიმილით ეკითხებოდა პეტრე.

— გამაჩნია, — ისევ ისე სერიოზულად უთხრა ლიპოჩკამ და ცრემლით სავსე თვალებით ახედა.

პეტრეს შეეცოდა გოგო და ამ წუთს მოეჩვენა, რომ სწორედ ლიპოჩკაა მისი ბედი და მისი ხვედრი. მასთან თავისუფალი, უბრალო ცხოვრება ექნება.

პეტრემ ხელი მოუჭირა ხელზე ქალს, თავისკენ მიიზიდა, მოეხვია და ლოყაზე აკოცა.

გოგო ხელიდან დაუსხლტა, თავის ოთახში გავარდა და კარი მიიკეტა.

პეტრეს ხსოვნაში ისევ წამოიმართა ი მ ი ს მიუწვდომელი ხატება, მოოქროსფრო-თაფლისფერი თვალები, და დაჩრდილა ყველაფერი.

პეტრემ იმ ქალს უთხრა: „მშვიდობით!“

პეტრემ იმ ქალს უთხრა: „მაპატიე!“

„მაპატიე, რომ ცხოვრება ჩემი სურვილით არ მიემართება. ცხოვრება ცხოვრებაა. მაგრამ შენ მე სამუდამოდ მეხსომები. შენ ყველა ცხოვრებისეულ გარემოებაზე მალლა დგახარ. მალლიდან დაპყურებ მათ. შენ ჩემთვის წმინდანი ხარ, მე ვილოცებ შენზე. ცხოვრებისეულ სიმწარეს შენი სახელით გავიქარებ. მშვიდობით იყავ და მაპატიე!“ პეტრეს არ ახსოვდა, გაიფიქრა ეს სიტყვები თუ ხმაამდლა წარმოთქვა ლოცვასავით.

კოლცოვი შეეცადა პეტრესა და ოლიმპიადა ფედოროვნას ქორწილი, რაც შეიძლება, ჩქარა გადაეხადა, რადგან ციმბირში მიემგზავრებოდა, მაგრამ მაინც ვერ მოასწრო; საქმრო და საცოლე მშობლიურად დალოცა მხოლოდ, ეს იყო და ეს. ქორწილი კი უიმისოდ გადაიხადეს.

ბილიმბაის ქვის ეკლესია მთელი მრევლის სიამაყე იყო. იგი დიდი ხნის წინათ აეშენებინა ვილაც უცნობ ოსტატს, რომლის მსგავსიც არცთუ ცოტანი მოიძებნებოდნენ იმ დროის რუსეთში. ეკლესია ძალზე ამშვენებდა ქალაქს, ღირსებას მატებდა მას.

ეკლესიის გუმბათის შიდა მხარე ცისფრად იყო შეღებილი და აქა-იქ მიმობნეულ ქულა-ქულა თეთრი ღრუბლებით მოფენილ ცას გამოსახავდა. ერთგან მოოქროვილი სამეფო ტახტი ეხატა, ტახტზე ღმერთი — ქვეყნიერების შემოქმედი — იჯდა. ირგვლივ მიამიტი, უზაკველ ყრმათა სახით გამომეტყველი, პატარა ფრთიანი ანგელოზები დალივლივებდნენ. ეკლესია, ჩვეულებრივ, ბიბლიური სიუჟეტებით იყო მოხატული. აქ ეხატა გოლგოთა ქრისტეს ჯვარცმითურთ, ნოეს ეული კიდობანი, მსოფლიო წარღვნის დროს მრისხანე ტალღის ქოჩორზე ატყორცნილი; ეკიდა ილინსკოედან ჩამოტანილი სტროგანოვების ოსტატ-შინაყმათა ნახელავი ხატები, ხოლო საკურობეველის კარზე მარჯვედ ამოეჩუქურთმებინათ საშინელი სამსჯავროს სურათები.

პეტრემ ყოველივე ეს ქორწილამდე კარგა ხნით ადრე დაათვალიერა. ილინსკოელთა უმრავლესობისაგან განსხვავებით იგი მორწმუნე

იყო და ყოველ კვირა ეკლესიაში დადიოდა. იმ დროს კი, როცა ოლიმპიადაზე ჯვარს იწერდა, პეტრე ველარაფერს ამჩნევდა.

მამა გრიგორიმ ახალგაზრდები დალოცა მძიმე ვერცხლის ჯვრით, ძალაგამოცლილ, ბებრულ ხელებში რომ უთრთოდა.

დაიგუგუნა გუნდმა.

ოლიმპიადამ ფატა გადაიწია, ანთებულ სანთლიანი ხელი განზე გასწია და სახე საკოცნელად მიუშვირა პეტრეს. ჭაბუკმა იგრძნო, რომ გაფითრდა, თითქოს გულიც ეტკინა და განცვიფრებაც იგრძნო ამ უცხო სახის, უცხო ქალის დანახვაზე, ამიერიდან ყველგან და ყოველთვის, მთელი სიცოცხლე რომ მასთან იქნებოდა განუშორებლივ.

პეტრემ თვალი გაუსწორა მისი მომწვანო თვალების დაბნეულ მზერას. წამით თითქოს დაიბინდა ეს მზერა, ოქროსფერი ნაპერწკლებით აბრწყინდა და სხვაგვარ გამოხედვად იქცა, ოდნავ აღმაცერ, გამოუტნობ და იღუმალ გამოხედვად, რამაც უცებ ტკივილით დაუსერა გული.

პეტრემ უგერგილოდ აკოცა ცოლს და ცთუნებამაც მიატოვა, ახლაც ისევე, როგორც მაშინ, როცა მისი ბაგეები ლიპოჩკას ლოყას შეეხნენ, იგრძნო მტკიცე რწმენა იმისა, რომ ეს ქალი არის მისი ბედი, ხვედრი მისი; რომ მასთან ერთად თავისუფალ და უბრალო ცხოვრებას გაატარებს.

ეს ქალი, მართლაც, პეტრეს ბედი და იღბალი იყო, მაგრამ ოლიმპიადა ფედოროვნასთან ერთად ცხოვრება იოლი როდი აღმოჩნდა.

პეტრე კოლცოვებთან გადავიდა საცხოვრებლად. თავდაპირველად, მოუწყობელ, მარტოხელა ცხოვრებას შეჩვეულს, საკუთარ ოჯახში სიმყუდროვეს მოკლებულს ძალიან გაუკვირდა ის წესრიგი და მშვიდი, განზომილი ყოფა, როგორითაც ცხოვრობდნენ მისი სიდედრი მარტა დანილოვნა და ბალობიდანვე ამას შეჩვეული ოლიმპიადა. პეტრე ისვენებდა და ასე თუ ისე ბედნიერიც იყო.

ფედორ ნიკიტიჩი საბადოებიდან ყოველთვის დროზე გზავნიდა წერილებსა და ფულს. ოლიმპიადას მუდამ უხაროდა ფულიცა და მამის ამბავის გაგებაც. მარტა დანილოვნას კი, როგორც პეტრემ შეამჩნია, უფრო მეტად ფულის მოსვლა ახარებდა და მაშინვე ინახავდა ხოლმე თავის ყუთში, თუმცა წერილში, რომელიც ყველასადმი

იყო მოწერილი, მუდამ ეწერა ხოლმე, ფულს ოჯახის საჭიროებებისათვის ვგზავნიო.

ერთ საღამოს პეტრემ ყური მოჰკრა თავისი სიდედრისა და ცოლის საუბარს.

— დედილო, ნეტა მამაჩემის გამოგზავნილი ფულიდან თავის შესანახად ცოტას მაინც გვიწილადებდეთ ხოლმე. აკი იწერება, ფულს მთელ ოჯახს ვუგზავნიო, ხოლო ჩემი დღეობისთვის მე მწერს, ჩემგან საჩუქრად თავშალი იყიდეთ, — გაბრაზებული ეუბნებოდა ოლიმპიადა.

მარფა დანილოვნა დათაფლული ხმით უპასუხებდა:

— თავშლის ფულს მოგცემ, შვილო, სარჩოსთვის კი — არა. მაშ, რაღად თხოვდებოდი? იმად, რომ მამის კისერზე ყოფილიყავი? ახლა შენ ჰმარი გყავს. მე რა, ბევრი მჭირდება თუ რა? სიძემ სიდედრიც უნდა შეინახოს. ფული ხომ უნდა გადავინახოთ. ვინ იცის, რა გველის! როგორ იქნება უფულოდ ყოფნა. ისწავლე ცხოვრება, ლიპოჩკა, ისწავლე, შვილო, ჰმარს ფული გამოართვი ხოლმე. თავად გაუძეხი ოჯახურ ხარჯებს.

ოლიმპიადამ ძალზე ჩქარა შეითვისა დედისეული სიბრძნე და პეტრეს, რომელიც მიჩვეული იყო, დამოუკიდებლად ეხარჯა ხელფასი, მთლად ხელიდან გამოაცალა იგი. ეს ამბავი თავდაპირველად ართობდა პეტრეს, მერე კი სწყინდა, მაგრამ ოლიმპიადა მუყაითი და მომჭირნე დიასახლისი აღმოჩნდა და პეტრემაც ფარ-ხმალი დაჰყარა.

დრო კი სწრაფად გარბოდა. ერთი წელიწადი გავიდა უკვე. ფედორ ნიკიტჩის წერილებში თანდათან შეშფოთება იგრძნობოდა. იგი ხშირად ავადმყოფობდა. ცოლს თავისთან უხმობდა. მაგრამ მისი მეუღლე არ ჩქარობდა ჰმართან წასვლას. თავს იმით იმართლებდა, რომ შვილიშვილს ელოდა. მერე ვინ მოუვლისო ბაღდს? ან ოჯახს ვინ გაუძღვებაო?

თუმცა, პეტრე მალე დარწმუნდა, რომ შვილიშვილის მოლოდინი არ აჩერებდა მის სიდედრს ბილიმბაიში. ამ ბოლო დროს ქალი ძალზე შეიცვალა, ოჯახზე გული აიყარა, მთელი საზრუნავი ოლიმპიადასა და მოსამსახურეს, სტროგანოვთა შინაყმას, კოქლ აგაშას მიანდო.

ჯერ კიდევ შნოიანი, ლამაზი სიდედრი უქმრო ქალის თავისუფალმა ცხოვრებამ გაიტაცა. ახალგაზრდებისაგან თავი შორს ეჭირა,

მდგმურივით იყო მათთან. პირველი სართულის ოთახიდან მეზონინში გადაბარგდა.

წინათაც უყვარდა მორთვა-მოკაზმვა, მაგრამ მაშინ ერთთავად შინ იჯდა, ახლა კი თითქმის ყოველ საღამოს თავის მეგობარ ქვრივ ქალთან დაიარებოდა, სადაც ბანქოს მოთამაშეები იკრიბებოდნენ ხოლმე.

როდის ბრუნდებოდა შინ მარტა დანილოვნა, არც ქალიშვილმა იცოდა და არც სიძემ. ალბათ გვიან, რადგან ორივეს ეძინა ხოლმე ამ დროს.

ერთხელ პეტრე წინა ოთახიდან რაღაც უცნაურმა ხმაურმა გამოაღვიძა. მან ყური მიუგდო და თავისი სიდედრის მოგუდულა სიცილი იცნო. ფეხშიშველა პეტრემ ფრთხილად გაიარა ხეშეში, გაფხეკილი იატაკის ფიცრებზე, იქითა ოთახში გავიდა და წინა ოთახის კარი შეაღო. მეზონინის კიბეზე მარტა დანილოვნა ადიოდა, მოხდენილი, ფურჩალებიანი ქვედა კაბის ბოლო ცალი ხელით ეჭირა, ხოლო მეორეთი თავს ზემოთ აეწია ანთებული სანთელი, იგი წინ მიუძღოდა მედუქნე გავრილა სალნიკოვს, რომელმაც ცდილობდა ფეხის წვერებზე ევლო, რომ ახალთახალ, კუპრით გაპოხილ წაღებს ჭრაჭუნს არ გაეღოთ. მთვრალს ფეხი ერეოდა და გაფარჩხული წითელი თითებით კედელს ეპოტინებოდა.

პეტრეს ცოლისთვის არ გაუმხელია ღამის სტუმრის ამბავი. იფიქრა, დედის პატივისცემას დაკარგავს და მისთვისაც არცთუ კარგი მაგალითი იქნებაო. პეტრე მუდამ ანგარიშს უწევდა ხოლმე ოჯახის წევრთა ურთიერთდამოკიდებულებას და ადამიანის სულიერ მდგომარეობას.

იმ დღეს განთიადისას ვილაცამ ჯერ კარსა და მერე ფანჯარაზე კაკუნი ატეხა.

ყველაზე უწინ ოლიმპიადას გაეღვიძა და პეტრეც გააღვიძა. პეტრესაც გაეგონა კაკუნი, თოვლის ჭრაჭუნის ფანჯრის სიახლოვეს და ჩუმი ხმაური მეზონინში.

„მედუქნის ცოლი იქნება, — გაუელვა გონებაში. — ახლა ერთ ამბავს ატეხავს და მთელ უბანს შეყრის“. პეტრემ საჩქაროდ ჩაიცვა ტანთ, წინკარში გავიდა, რაზა გადასწია და მოემზადა, რომ როგორმე თავი აერიდებინა უსიამოვნებისათვის, მაგრამ კიბეზე ვილაც უცნობი ქალი იდგა, მთლად თოვლში ამოგანგლული, თეთრი ბუმბუ-

ლის თავშალშემობუდნულს პლუმის კარგი შავი პალტო და ახალ-
ახალი, წითლით გაწყობილი ბაცი ფერის თეკის ჩექმები ეცვა.

— აღრიანად მოგადექით, პიოტრ იაკოვლევიჩ, რომ შინ მომესწ-
რო თქვენთვის, — უთხრა ქალმა პეტრეს. — დამნაშავე ვარ, მგონი,
გაგადვრიძეთ. ავადმყოფი გახლავართ. მიმკურნალეთ, თუ ღმერთი
გწამთ. ექიმი ვერ მშველის. მეზობლებისაგან კი ყურები მაქვს გა-
მოკვედილი: თავი მიანებე ექიმს და პიოტრ იაკოვლევიჩთან იწამლეო.

პეტრემ კარი გააღო და უცნობი ქალი შინ შეუშვა. ოთახის ჰუჭ-
რუტანიდან საცვლებისამარა ოლიმპიადამ გამოიჭვრიტა.

— ჩემთან მოვიდა, ავადმყოფია, — უთხრა პეტრემ ცოლს და
მოსულს მიუბრუნდა: — აბა, ტანთ გაიხადეთ.

ქალმა თვალისწამში მოიხადა თავშალი, პალტო, თექურები გა-
იძრო და წინდებისამარა შევიდა ოთახში.

წინა ოთახიდან მოისმა ქურდული ნაბიჯების ხმა და იატაკის
კრაკუნნი. გაიჯახუნა შემოსასვლელის კარმაც, რაზა ანჯამას მიეჭა-
ხუნა და მართა დანილოვნა ფლოსტებით საჩქაროდ ჩაფლატუნდა
კიბეებზე.

ოლიმპიადა საწოლში ელოდებოდა ქმარს.

— რაო, ახლა დამითაც აღარ მოგვასვენებენ? — ქალს არც და-
უცვლია ქმრის პასუხისათვის, ისე ჰკითხა: — რა მოგცა? თუ ისევ არ
აიღე ფული?

— არ ამიღია.

ოლიმპიადა საწოლის კიდეზე ჩამოჯდა. სახე ავი ულაპაზო
გაუხდა. სხაპასხუპით, თითქოს ჩიფჩიფით ალაპარაკდა:

— არა, კმარა, მეტი აღარ შეიძლება! შენც დაგცინებს ხალხი და
ჩვენც! გამომივიდა ესეც ექიმი! ექიმები, რომ იცოდე, ფულს იღე-
ბენ და მერე რა ფულს! ჩვენთან კი მხოლოდ იატაკს თითხნიან და
ძილს არ გვაცლიან.

— ავადმყოფმა ზღურბლზე გაიხადა თექურები, — წყნარად
უთხრა პეტრემ, თან გაიფიქრა: „იმ ქალმა, მედიცინით ჩემი გატაცე-
ბა რომ გაიგო, წიგნი გამომიგზავნა. ყველაფერს მიმიხვდა, თანაც რა
ღღეში იყო მაშინ... ამას კი არ სურს ან არ შესწევს უნარი, რომ გა-
მიგოს“...

უცებ პეტრე გაცხარდა:

— არა, ლიპა, ავადმყოფის მკურნალობას მე არ შევწყვეტ. კარ-

გად იცოდე ეს. არ დავანებებ ამ საქმეს თავს, რაც არ უნდა მელაპარაკო.

გატრიალდა და გაიხურა კარი.

ცოლთან ჩხუბი უფრო და უფრო ხშირად მოსდიოდა.

ჯერ გუშინდელი უსიამოვნება არ დავიწყნოდათ, ოლიმპიადას მიერ აგაშასადმი უდიერად მოპყრობის გამო რომ მოუხნდათ და დღეს ისევე წაიჩხუბნენ.

გუშინ მოსამსახურე გოგოს სინი ხელიდან გაუვარდა და ლამაზი, ახლადნაყიდი ლამბაქ-ფინჯნები დაემტვრა. გოგო იატაკზე ხოხვით კრეფდა ნატეხებს. პეტრემ დაინახა, როგორ შევარდა სამზარეულოში ჭურჭლის მსხვრევის ხმაზე ოლიმპიადა. ქალმა ჯერ თავში წაივლო ორივე ხელი, თითქოს დიდი უბედურება დასტყდომოდეს თავს, მერე კი ჩაჯდა და იატაკზე მხოხავ აგაშას ლოყებზე გააწნა და გააწნა სილა.

პეტრე სამზარეულოში გავარდა, ცოლს ხელები დაუჭირა და აგაშას მოაშორა, მაგრამ ოლიმპიადამ როგორღაც მოახერხა დასხლტომა და ახლა წინლები ჩასცხო ფოგოს. აგაშკამ მუცელზე იტაცა ხელები და ჩახრინწული ხმით აყვირა.

პეტრემ საწოლ ოთახში გაათრია ოლიმპიადა, ლოგინზე შეაგდო და კარი გადაუკეტა.

პეტრე მთლად კანკალებდა და ერთ ხანს ხმას ვერ იღებდა. ოლიმპიადამ კი თვალთმაქცური ქვითქვითი ატეხა.

— ჩემი ფინჯნები, ჩემი საყვარელი ფინჯნები! — მოთქვამდა იგი.

— ყური მიგდე, ლიპა, — უთხრა მრისხანედ პეტრემ და ცოლმაც წამსვე ენა მუცელში ჩაიგდო, უცრემლო სახიდან ხელები მოიშორა და ცნობისმოყვარეობით მიაჩერდა ქმარს. თავისი ქმარი ჯერ არ ენახა ასეთი გაცეცხლებული, — შენც ხომ ყმა დედაკაცი ხარ, რად გავიწყდება, რა საშინელებაა ძალმომრეობა... ხომ შეიძლება ისე მოხდეს, რომ თავად ჩავარდე აგაშკას დღეში.

— რას ამბობ, როგორ? — შეკრთა ოლიმპიადა.

— ისე. შეიგნე, ყმა ქალი ხარ-მეთქი. შეიძლება ხვალ თავის მოახლედ მოგიტხოვოს სოფია ვლადიმეროვნამ ან მისმა ქალმა ნატალია პავლოვნამ. მაგრამ, ვიცი, ისინი ნებავს არ მისცემენ თავს,

მუცელში წიხლი ჩავცხონ ან სახეში გირტყან, თუ მათთვის ძვირ-
ფასი ფინჯნები დაგემტვრევა!

ბოლოს, როგორც იქნა, ოლიმპიადა მიხვდა, რასაც ეუბნებოდა
ქმარი.

— ხომ დაპირდი მამაჩემს, თავს გამოვისყიდითო... მაგრამ შენ
ხომ... — ოლიმპიადას სხვა აღარაფერი უთქვამს, უცებ მიხვდა, რა
ცუდ დღეშია ც იყო და ახლა მართლა ატირდა.

პეტრე კი იმაზე ჩაფიქრდა, რა მალე ავიწყდება კაცს საკუთარი
ჭირი და სხვისი ჭირისა აღარა ესმის რაო. მას მოაგონდა ვასილი
ალექსანდროვიჩი ვოლგეგოვის მეუღლე, ანნა მაქსიმოვნა — მბრძანებ-
ლური, მხნე ქალი, ვიზედაც მთელს ილინსკოეში ცუდი ხმები და-
დიოდა.

თავადაც ხედავდა პეტრე, რომ ვოლგეგოვი მდიდრულად ცხოვ-
რობდა და არც არავისთან არ მალავდა ამას. სოფია ვლადიმეროვნას
განკარგულებით, მას უფლება ჰქონდა, ეხარჯნა განსაზღვრული
თანხა „სტუმართმოყვარეობისათვის“, მაგრამ იგი საკუთარსაც
ბევრს სდებდა სტუმრების მისაღებად და მეჭლისების გასამართავად.

16 ივლისს, მისი „სახელწოდების დღეს“, სვეტებიან თეთრ
სახლში მთელი გუბერნია იკრიბებოდა, უკრავდა შინაყმების ორ-
კესტრი, მღეროდა გუნდი. მანამდე კი, ერთი კვირით ადრე, ანნა
მაქსიმოვნა თავისი ჭკუით არჩევდა ხოლმე მარჯვე მონადირეებს,
რომ სლუდკის (კამის) სათიბებში სადღეობოდ ფრინველი დაეხო-
ცათ. როცა მონადირეებს კარგი ნანადირევი მოჰქონდათ, მათ ანნა
მაქსიმოვნა შეაქებდა ხოლმე და ბრძანებდა, თითო ფიალა არაყი
გადაახუხინეთო. მაგრამ ვაი მათი ბრალი, თუ ცუდი ნადირობა ექ-
ნებოდათ. მოურავის უფლებამოსილი, ყოვლისშემძლე ცოლი მო-
ნადირეებს სილის გაწვნით ასაჩუქრებდა ხოლმე. მონადირეები კი
ამ ქალს ვერავისთანაც ვერ უჩივლებდნენ.

ხალხში რაღას არ ამბობდნენ: ერთნი ლაპარაკობდნენ, ვოლგე-
გოვმა არ იცისო ცოლის სისასტიკის ამბავი, მეორენი ამტკიცებდ-
ნენ, მოურავმა ყველაფერი იცის, მაგრამ ვერაფერი მოუხერხა ამ
მბრძანებელ, უგუნურ ქალს და მხოლოდ იმას ცდილობს, რომ პე-
ტერბურგის მთავარმა კანტორამ არ გაიგოს, მისი „ცოლი რასაც
ჩაადის და სოფია ვლადიმეროვნა სტროგანოვას ყურამდე არ მი-
აღწიოსო.

პეტრეს მოაგონდა ეს ყველაფერი და გადაწყვიტა, მსგავსი კადნიერებანი ოლიმპიადას დაუყოვნებლივ უნდა ავაკეთინო.

პეტრე სამზარეულოში გავიდა.

დამტვრეული ფინჯნები სინზე ეყარა; იატაკზე იჯდა აგაშკა, თვალბეზვებზე ხელები აეფარებინა და ტიროდა.

პეტრე გვერდით დაუდგა, არ იცოდა, რა ეთქვა მისთვის სანუგეშოდ და ხელი დაადო თავზე. აგაშკას თეთრი, ქუჭყიანი თავსაფარი ჰქონდა წაკრული და იქიდან ბლუჯა-ბლუჯად ამოსჩროდა წითლური თმა.

— ნუ გეშინია, აგაშკა, არავის დავაჩაგვრინებ შენს თავს, — უთხრა პეტრემ.

გოგომ სველი, კაჟკაჟის კვერცხივით ჭორფლმოდებული, ცხვირ-აპრეხილი სახე ასწია და მწარედ ატირდა მთელი ხმით.

— წავიდოდი თქვენგან... აქამდეც მოგშორდებოდით, — ძლივს გამოასახელა ტირილში, — მაგრამ წასასვლელი რომ არსადა მაქვს... ვის რად ვუნდივარ კოჭლი?!

პეტრემ კარადიდან ბოთლით ვალერიანის ნაბარში გამოიღო, ტოლჩაში ჩაასხა და ძალით დააღვინა აგაშკას.

გოგომ დალია თუ არა მაშინვე დაწყნარდა.

მეზონინში ამავალ კიბეზე მარჯა დანილოვნა იდგა და ღუმილით ადევნებდა თვალს ამ ამბავს. ქალს კონტა ქვედაკაბა ეცვა და ჭრელი თავშალი ეხურა. შავი, მბზინვარე თმა ლამაზად აევარცხნა, მრგვალი, ბოშური საყურეები უბრწყინავდა ყურებზე.

მარჯა დანილოვნამ მზერა ესროლა პეტრეს, გვერდით ჩაუარა, გაუღიმა და თავის ქალიშვილივით ჩასხმული, თეთრი კბილები გამოაჩინა. პეტრემ ვერ გაიგო, რად გაუღიმა ასე: ან მოსწონდა მისი საქციელი, ან დასცინოდა. სიდედრს კი თქმით არაფერი უთქვამს, ქვედაკაბის შრიალ-შრიალით წავიდა და, ალბათ, გვიანობამდე აღარც დაბრუნდებოდა.

„სიცოცხლის ყოველ წამს დაჰკანკალებს... ოჰ, გრძნობს ალბათ, რომ მალე დადგება დრო, როცა... — გაიფიქრა პეტრემ და თავის თავს ჰკითხა: — ნეტა თუ იცისო ფედორ ნიკიტიჩმა, როგორ ატარებს დროს უმისოდ მისი ცოლი? — და გადაწყვიტა: — არა, არ ეცოდინება, თორემ აიძულებდა, მასთან წასულიყო“. იქნება თვითონ უნდა მისწეროს ყველაფერი? მაგრამ ცუდი ამბის მიწერა და

სიმამრის აღელვება არ უნდოდა პეტრეს, არც პქონდა უფლება. ხოლო ოლიმპიადა თითქოს ვერაფერს ამჩნევდა. ან იქნება მიეჩვია ან ამბავს? ვინ იცის, იქნებ ქმრის დროსაც ეწეოდა დედამისი ასეთ მხიარულ ცხოვრებას?

სამზარეულოდან დაბრუნებული პეტრე მთელი საღამო ბალახებს თუთქავდა და წალავდა, იგი დარწმუნდა, რომ სწორედ ასე მოხარული წამალი რგებდა კარგად კაცს. რა თქმა უნდა, მის დამზადებას წვალება სჭირდებოდა, ბევრად უფრო იოლი იყო სპირტის ხსნარის გაკეთება, მაგრამ პეტრემ გადაჭრით უარი თქვა მასზე — ის კი არა და, საშინაოდაც ისეთი ბალახის ფესვებსაც ხარშავდა: როგორც ვალერიანი იყო.

სამზარეულოში პეტრეს კარადა და მზავიდა პქონდა გამოყოფილი საუშაოდ.

საღამოთი ორი ავადმყოფი კიდევ შოვიდა, რამაც ოლიმპიადა გაანაწყენა და, გვიან ღამითაც, როცა ცოლ-ქმარი უკვე დასაძინებულად იწვა, კარზე მარფა დანილოვნამ მოუკაკუნათ:

— შენთან არიან, პიოტრ იაკოვლევიჩ!

ცოლის გაცხარებულ ბუზღუნში პეტრემ ტანთ ჩაიცვა და წინა ოთახში გავიდა.

— პიოტრ იაკოვლევიჩ, მიშველე, შვილო, მთელი სიცოცხლე შენი მლოცველი ვიქნები, — მთელი სახლის გასაგონად მოთქვამდა მეზობლის ქალი. — ჩემი გოგო მშობიარობს. გუშინდელს აქეთია წვალობს! მთლად გაუწყდა არაქათი.

პეტრემ ხმისამოუღებლად ჩაიცვა ქურჭი, თეჭურები, დაიხურა ქული, აიღო სამგზავრო საკვოიაჟი და ინსტრუმენტები.

მარფა დანილოვნა გუშინდელივით კიბეზე იდგა და იღიმებოდა. მხოლოდ ახლა კაპოტი ეცვა და ორი გრძელი, შავი ნაწნავი მკერდზე ეყარა, რაც საოცრად ახალგაზრდას აჩენდა.

პეტრე რომ დაბრუნდა, შინ ყველას ეძინა, ფრთხილად გაიხადა და დაწვა, რომ ცოლი არ გაეღვიძებინა. დაწვა და დიდხანს არ დაეძინა. დედებერმა მაინც მოახერხა და ქურქის ჯიბეში ფული ჩაუდო. თავად პეტრე ძალზე დაღლილი იყო იმ დღის სამსახურისგანაც, წამლების დამზადებისგანაც, ცოლის ბუზღუნისგანაც და მეზობლის გოგოს მძიმე მშობიარობისგანაც. იმ დღეს გოგონა დააბადებინა მეზობლის ქალს. და ჯერ კიდევ იქ, ავადმყოფის საწოლთან მდგარმა

გაიფიქრა, რომ ოლიმპიადა მართალს ეუბნებოდა. ასეთი მძიმე შრომა ყოველდღიურად და ისიც უფასოდ — სწორედ რომ სისულელე იყო.

თუმცა ეს გადაწყვეტილება ძალზე ანაღვლებდა, მაგრამ მტკიცედ კი მიიღო. და მას მერე დაიწყო პაციენტებისაგან ფულის აღება. ეტყობოდა, მოწიფულობა ეწვია და მან დასჯაბნა სიყმაწვილის მშვენიერი რომანტიკა. მას მერე პეტრეს აღარ მოშორებია ფიქრი იმაზე, რომ თავადს მისი გასაპრჯელო ემართა.

უწინარეს ყოვლისა უნდა შეეტყო, ჯანმრთელად იყო თუ არა ყმაწვილი თავადი. ამას მაშინ გაიგებდა, თუ ილინსკოეში წავიდოდა. ყველაფრისა და ყველას ამბავი სტროგანოვთა პერმის განუყოფელი მამულის მოურავთან იყრიდა თავს. უნდა მოლაპარაკებოდა მოურავს.

მაგრამ პეტრემ ვერ მოასწრო ვინმე იქითკენ მიმავლის პირით ეთხოვნა ვოლეგოვისათვის, რამდენიმე დღით ილინსკოეში გამიხმეო, რომ უცებ თავად მოურავმა უხმო პეტრეს. ნუთუ მიხვდა პეტრეს სურვილს, ან გულმა უგრძნო?

გზაზე დამდგარი პეტრე დეღავდა. ოლიმპიადას მალე უნდა ემშობიარა, მაგრამ წაუსვლელობაც არ შეიძლებოდა.

ილინსკოეში პეტრე ყინვიან დღეს ჩავიდა, ხუთი საათი იქნებოდა. მაგრამ ზამთრის დღე მოკლეა და დედამიწას უკვე ბინდი ეკრა, ცაზედაც, როგორც ბალღობაში უნახავს პეტრეს, მთვარე ისახებოდა მრგვალად.

პეტრე დაფიქრდა, საით წავიდეო — სამმართველოს შენობისაკენ თუ ჩემიანებთანო.

მაგრამ გზად სამმართველოსთან უნდა ჩაეგლო და ამიტომ პირველად იქ შეიარა. პეტრე, ჩვეულებისამებრ, კარიდანვე მდებალი თავისდაკვრით მიესალმა მოურავს, ხელში მოკრძალებით კმუქნიდა ბეწვის ყურებიან ქუდს.

ვოლეგოვი რატომღაც საჩქაროდ გამოეგება პეტრეს.

„ეტყობა, ახსოვს ჩემი გულახდილად ნათქვამი, როგორ მიჭირს მჯდომარე ბატონების წინაშე დგომა“, — გაიფიქრა პეტრემ.

მაგრამ ამიტომ არ წამომდგარა და მიგებებია მას მოურავი, სხვა გრძნობამ აიძულა.

მან სალამზე სალმით უპასუხა პეტრეს და მაშინვე ეს ჰკითხა:

— შინ თუ იყავი?

— ჯერ არა...

მოურავმა მხარზე ხელი დაადო პეტრეს.

— წადი შინ. ხვალ მოვილაპარაკოთ. სახლში დიდი უბედურება გელოდება...

ვოლგოვს არ უთქვამს, თუ რა უბედურება ელოდა. პეტრემ იგრძნო, როგორ გაეწურა გული, სათქმელს თავი ველარ მოაბა, გატრიალდა და წავიდა. გზად შენიშნა, ერთ-ერთ კარში როგორ გაიღვეს ნაცნობების სახეებმა, მაგრამ მას თავი აარიდეს და ოთახის სიღრმისკენ დაიწიეს.

„ალბათ პაპა გარდაიცვალა“, — გაიფიქრა პეტრემ გულისტკივილით და სინანული იგრძნო, რომ იგი, მისი შვილიშვილი, ასე ცოტა ყურადღებას აქცევდა ავადმყოფ ბერიკაცს.

მაგრამ უფრო უარესი მომხდარიყო: ავადმყოფ პაპას სიკვდილი კარს მოსდგომოდა, მაგრამ ჯერ ცოცხალი იყო... გარდაცვლილიყო პეტრეს დედა, აგრაფინა სპირიდონოვნა. უეცრად მომკვდარიყო, გული სცენაზე გახეთქოდა. პერმში, სადაც ილინსკოეს თეატრი წარმოდგენებს მართავდა. დედა ბრმა მათხოვრის როლს თამაშობდა თურმე, რომელიც ძალაგამოცლილი ეცემა ღობის ძირას და კვდება. ამით მთავრდებოდა სპექტაკლი.

როცა ხალხის მხურვალე ტაშზე ფარდა ასწიეს, მსახიობი ქალი არ ამდგარა. ფარდა ისევ დაუშვეს, იფიქრეს, ჯერ კიდევ ვერ დგება, როლიდან ვერ გამოდისო. მერე ისევ ასწიეს ფარდა და ისევ არ ადგა მსახიობი... მოუხმეს ექიმს და მაშინ უკვე ყველაფერი გამოირკვა...

პეტრეს ჩამოსვლამდე სამი დღით ადრე, სანამ ის გზაში იყო, აგრაფინა სპირიდონოვნა დაეკრძალათ ილინსკოეს სასაფლაოზე, თავის ქალიშვილის ევლამპიას გვერდით.

ახლა კვლავ მოურავის კაბინეტში იჯდა პეტრე და, ამ წელში ღამტეხი მწუხარების მიუხედავად, ასე მოულოდნელად რომ დაატყდა მთელს ოჯახს, თავის საქმეებზე ლაპარაკობდა.

მწარე ფიქრებში გატარებული იმ უძილო ღამის მერე, პეტრე უფრო მეტად იყო გაბოროტებული თავისი ყმური ცხოვრების გამო.

— მერე ვინ დაადგინა, ვინ-მეთქი? ნუთუ ღმერთმა განსაზღვრა

ასე: ერთნი თავისუფლებას მოკლებული, უტყვი მონები იყვნენ, მეორენი — მათი ბატონები, რომელთაც უფლება ექნებათ, იყიდონ, გაყიდონ, გაასახუქრონ, სცემონ და დახოცონ კიდევ თავიანთი მონა-ყმებიო? თან არც ღმერთის, არც ხალხის წინაშე პასუხი არ აგონო? რად არის ასე, რად?

ეს სულის ყივილი იყო.

ზოდა, მოურავმა, მაშინდელივით, ახლაც შეაჩერა პეტრე:

— იცოდე, რომ კვლავსაც ყურები ასხია, — მერე ხმას დაუწია და დაუმატა: — ნუ აჭიანურებ, ყმაწვილო, თავადის წამლობის საფასურის მიღებას. ბიჭი ჯანზეა, მაგრამ ახლა თავადია ავად. დაჯექი აქ, — მოურავმა კუთხეში მდგარ პატარა მაგიდაზე მიუთითა, — და წერილი მისწერე მის ბრწყინვალეებას. მე გპირდები, რომ საკუთარ ხელში გადასცემენ თავადს შენს წერილს. ჩემი გაცხადნილი კაცი სანდო პირია.

პეტრე ყოყმანობდა.

— იცოდე, ნულა გადადებ ამ საქმეს. მეც ხომ მულამ ამ მაგიდასთან არ ვიჯდები...

მაშინ რა იცოდა ვოლევოვმა, რომ სიკვდილამდე იმ მაგიდასთან იჯდებოდა, არ იცოდა, რომ გრაფინია სოფია ვლადიმროვნა სტროგანოვაზე მეტ ხანს იცოცხლებდა. და როცა სტროგანოვთა მამული სოფია ვლადიმროვნას უფროსი ქალიშვილის, ნატალია პავლოვნას ხელში გადავიდოდა, ეს ქალი თავის ქმარს, სერგეი ფრიგორევიჩ სტროგანოვს მისცემდა რწმუნებას, ის კი 1864 წელს მამულში რომ ჩავიდოდა, ისევ ვოლევოვს დანიშნავდა მოურავად. მან არ იცოდა, რომ წილად ხვდებოდა უდიდესი აქტის — სტროგანოვთა პერმის ადგილ-მამულში გლეხების გააზატების — გატარება. ილინსკოეს მიწების გამოყოფას მაშინ ექვემდებარებოდა 30389 სული გლეხი. შინაყმები კი ნადელებით მოისტუმრეს...

პეტრემ აიღო ქალაღდი, კალამი მელანში ჩააწო და მხეუდგა წერას:

თქვენო ბრწყინვალეებო! თქვენ შეწუხებას ბედავს თქვენი ნაცნობი მკურნალი, სოფია ვლადიმროვნა სტროგანოვას შინაყმა პიოტრ იაკოვლევიჩ კუზნეცოვი. პირველსავე დღეს, როცა გეახელით და ყმაწვილი თავადის წამლობაზე დაგთანხმდით, ფული შემომთავაზეთ, რაზედაც

უაჩი ვიზაჩით, რადგან ხალხურ რწმენას ვეცოდნობოდი: ავადმყოფს
რე მკურნალის წამლობა მოარჩენს ვინც საფასურს არ აიღებს.

მე ვიცი, რომ თქვენი ვაჟი ახლა ჯანმრთელად არის და მცხ, თქვე-
ნო ბრწყინვალეობავ, თანახმა ვარ ჩემი მოკრძალებული შრომის გასა-
მწიჯელოდ მივიღო ის ჯილდო, რის მოცემასაც თქვენ საჭიროდ ჩათვლით.

ამ წუთილის მომტანი გადმომცემს ფულს, რისთვისაც, თქვენთ
ბრწყინვალეობავ, მთელი სიცოცხლე თქვენი მადლობელი ვიქნები.

— აბა, პეტრუშა, დაასრულე? — ჰკითხა ვოლგოვმა.

— დავასრულე. მაგრამ სული ისე მაქვს აპღვრეული, ლამის
ნათლეთებად ვაქციო ეს წერილი...

— ნუ სულელობ, — უთხრა მკაცრად ვოლგოვმა. — გახსოვ-
დეს, რომ ლაპარაკია მთელს შენს ცხოვრებაზე. და არამართო შენს
ცხოვრებაზე. იგინდა, რომ შენი ვაჟიშვილიც ყმად დარჩეს?

პეტრეს არაფერი უპასუხნია.

იგი დედაზე ფიქრობდა. მოაგონდა სცენაზე ნანახი დედა...
ღმერთმა ეს ქალი დიდი ნიჭით დააჯილდოვა, მაგრამ ყველასათვის
უცნობი დარჩა. ყმა მსახიობი ქალი! რალა უნდა ყოფილიყო ამაზე
საშინელება?

პეტრე ძალზე განიცდიდა, რომ ბებერი პაპა, ჰკვიანი, კეთილი.
მაგრამ ავადმყოფი და საწოლს მიჯაჭვული, გუშინ დავრდომილთა
თავშესაფარში წაიყვანეს. პეტრე დაჰპირდა, ჩამოვალ და ჩემთან
წაგიყვანო... თუმცა იცოდა, რომ ოლიმპიადა არ დათანხმდებოდა
ბერიკაცის შენახვაზე. რაზე გაიხდიდა ხათაბალად!

ვოლგოვმა ფიქრი არ შეაწყვეტინა პეტრეს, აიღო მისი წერი-
ლი, გადაიკითხა, კმაყოფილი დარჩა და, ყოველი შემთხვევისათვის,
პეტრემ უცებ არ გადაიფიქროსო, მაგიდის უკრაში შეინახა.

— ახლა ყველაფერს მისი ბრწყინვალეობის კეთილშობილება გა-
დაწყვეტს, — თქვა მან და გაიფიქრა: „არა, კეთილშობილება კი არა,
უფრო მეტად მისი ხუმტურიანობა გადაწყვეტს“. ვოლგოვი კარ-
გად იცნობდა თავადს.

ამ დროს ერთმა მოსამსახურემ მოუტრავს შემოუტანა გაბერილი
საქალაღდე, რომელშიც წერილები იყო ჩაკერებული. ვოლგოვი
მაგიდას მიუჯდა და ქაღალდები გადაფურცლა. მერე მოსწყდა მათ
და პეტრეს უთხრა:

— საჩივრებია ჩემზე გრაფინია სოფია ვლადიმეროვნასთან მი-

წერილი, თითქოს მე მომეგონებინოს ბრძოლა სტაროვერებთან. მე ნაბრძანები მაქვს, თვალყური მეჭვიროს, რათა ბაღლები მონათლონ, თორემ მათ მშობლებს ასი როზგი არ ასცდებათ, ჰოდა, მეც მიჭირავს თვალი.

— მაშ, თქვენც გიჩივიან? — ჰკითხა პეტრემ. — კარგია, რომ თქვენთან ხვდება ეგ საჩივრები.

— ჰო, კარგია მაგრამ ყველა არ ხვდება ჩემთან. რა თქმა უნდა...

„ჰო, არც ვოლეგოვი ყოფილა ყოვლისშემძლე“, — გაიფიქრა პეტრემ. და უცებ ბოღმით გაახსენდა, რომ ხალხი ავს ამბობდა მოუზრავზე, თითქოსდა სტაროვერების ლიკვიდაციასა და გაროზგვაში მხურვალე მონაწილეობისათვის მას არქიმანდრიტის მადლობა დაემსახურებინოს.

იმ დროს, პეტრე რომ ილინსკოეში იმყოფებოდა და დედის სიკვდილსა და პაპის უიღბლო ბედს დასტიროდა. ოლიმპიადას ვაჟი მშეძინა.

ბიქს ნიკოლაი დაარქვეს.

(ეს გახლდათ ჩემი პაპა, ნიკოლაი პეტროვიჩ კუზნეცოვი, ვისი ხელითაც არის გადაჭრელებული მესამე რვეული ჩვენი საგვარეულო დღიურისა).

ყრმა ჭრელი ფურჩალებით მორთულ აკვანში იწვა, ჭერზე რომ იყო ჩამოკიდებული, ოლიმპიადა კი იატაკზე დაშვებულ მარყუქში უყრიდა ფეხს და არწევდა აკვანს. მოუსვენარი, მტირალა ბავშვი გამოდგა, მაგრამ პეტრე უსაზღვროდ ამაყი და ბედნიერი იყო: სიყრმის შვილი ვაჟი ჰყავდა!

ოჯახში ყველაფერი შეცვალა ბავშვის გაჩენამ, თითქოს უფრო განათდა და გათბა იქაურობა — ცოლიც უფრო ძვირფასი და მახლობელი გახდა პეტრესთვის. ოთახში თოთო ბავშვის მოტკბო-ნაზი სურნელი იდგა, სიცოცხლის, სიმყუდროვისა და ბედნიერების სურნელი. პეტრეს შინიდან წასვლა აღარ უნდოდა, მან მხოლოდ ახლა გაიგო, რა არის საკუთარი ოჯახის, საკუთარი სახლის სიტკბოება...

ის კი არადა, სიღედრიც მოშინაურდა თითქოს. ოლიმპიადას ბავშვის დაბანაში და გახვევაში ეშველებოდა.

ოჯახის სიმყუდროვე ფედორ ნიკიტჩის ნაღვლიანმა წვერილმა დაარღვია. იგი იწერებოდა, რომ სერიოზულად ვარ ავაღო, ვგრძნობ, რომ მალე მოვკვდები და, ალბათ, ვეღარ მოვესწრები ნანატრ თავი-

სუფლებასო. ფული, ამ მიზნით რომ მოვაგროვე, ჯერ ცოტა მაქვს. მაგრამ რაც მაქვს, იმასაც და ბილიმბაის სახლსაც პეტრესა და ოლიმპიადას ვუტოვებ ანდერძად და ვევედრები პეტრეს. რაიმე გზით იშოვოს თავისი, ოჯახისა და შვილიშვილის გამოსასყიდი თანხაო. წერილის ბოლოს იგი თხოულობდა, ჩამომაკითხეთ და ბილიმბაიში წამიყვანეთ, მარტო ცხოვრება აღარ შემიძლიაო.

პეტრემ ცოლს წაუკითხა წერილი და უნდოდა სიღედრი მოესმო, რომ რჩევა ეკითხა, მაგრამ ოლიმპიადა ცივი უარით შეხვდა ამას.

— არ არის საჭირო, — თქვა მან. — დედაჩემი მაშინვე ბარჯს აიკრავს და მამაჩემის ფულებს გამოუღდება. ასე ვუთხრაო, თითქოს ქარხანა რალაც დავალებით შენ გგზავნის საბადოებზე.

„საიდან გამოჰყვა ეს ანგარიშობა, გონებაფხიზლობა?“ — გაიფიქრა პეტრემ და ცოლს მიაშტერდა.

ოლიმპიადა ძალზე შეიცვალა. კობტაპრუწა გოგო. ძალით ხითხითს რომ აიტეხდა ხოლმე, დარბაისელ ქალად იქცა. გასუქდა და თითქოს გამაღლდა კიდევ. მბრძანებლური მიხრა-მოხრა და უფლებამოსილად ლაპარაკი ისწავლა. ახლა ხშირი თმა კეფაზე ჰქონდა ახვეული. კულულებს აღარ იკეთებდა და ასეთი ვარცხნილობა მის მოგრძო, თეთრ პირისანეს სერიოზულ იერს აძლევდა. ოლიმპიადა ხშირად აღარ ზითხითებდა, ის კი არადა, იშვიათად თუ გაიღიმებდა. პეტრემ შენიშნა, რომ მის ცოლს სახეზე ზრუნვა აღებეჭდა. ძლივს შესამჩნევ წარბებს ისე ხშირად შეჰყრიდა ხოლმე ერთად, რომ მათ შუა ხაზი გაჩნდა. მომავალში იგი ალბათ ნაოჭად იქცეოდა. ციკ. მომწევანო თვალებსა და წვრილ, ავად მოკუმულ ტუჩებში ეჭვი ჩაუღდგა.

მარფა დანილოვნამ ქალიშვილისა და სიძის ყველა საიდუმლო იცოდა. როგორც კი ოლიმპიადა კარს გაიხურავდა, იგი მიიპარებოდა კართან და კლიტის ჭუჭრუტანას ყურს ადებდა. ახლაც მოისმინა ქმრის წერილი. საღამოთი ფეხიც არსად გადგა, ვახშმად სამოვართან იჯდა და ჩაის ასხამდა. მერე, ვითომც აქ არაფერო, ისე თქვა თავისი ახალგაზრდული, დათაფლული ხმით:

— ფედისთან ვაპირებ წასვლას. გული მტკივა. ცუდი სიზმარი ვნახე ქმარზე. მარტო ცხოვრება საძაგლობაა. ახლა თქვენ უჩემოდაც გაართმევთ ოჯახს თავს.

ოლიმპიადას ბაცი წარბები მრისხანედ შეიკრნენ, მწვანე თვალებმა ჭერ ცეცხლი გაკვესა, მერე დაებინდა.

მარტა დანილოვნა ქირდვით შესცქეროდა თავის ქალიშვილს და მხიარულად განაგრძობდა:

— ვინ უნდა იყოს ქმრის გვერდით, თუ არა მისი ცოლი, როცა ღმერთი ჭანს აცლის კაცს? ხვალვე შევუკვეთავ ფორანს. ჩემი პარგის აკვრას რა უნდა? დილაადრიან გავუღებები გზას.

პეტრე მღუმარედ იჯდა. აბა, რას უნდა შედავებოდა სიღედრს? სამაგიეროდ, მუდამ თავშეუკავებელი ოლიმპიადა აყვირდა, მაგრამ რას აყვირდა:

— თუ მასეა, რატომ აქამდე არ წახვედით? არ იცოდით, განა, რომ მამა ავად იყო? ერთხელ არ მოუწერია და ორჯერ, ავაღა ვარო. არ გეცალათ, ხომ? კარტს თამაშობდით, არა? დილამდე დროს ატარებდით, ხომ, სხვის სახლში? ღამღამობით კი კაცები მოგყავდათ, ხომ, შინ?

— ლიპა! გაჩუმდი! — შეძრწუნდა პეტრე, ბალობიდანვე მშობლების პატივისცემით მოპყრობას რომ იყო ჩვეული.

მაგრამ ოლიმპიადას უკვე ველარავინ დააკავებდა. ყვირილით ისროდა რაღაც გაუგებარ სიტყვებს და ვერ ამჩნევდა, რომ კარში პირღაღებული იდგა აგაშკა, საწოლ ოთახში კი ბიჭი იჭაჭებოდა ტირილით.

მაგრამ მარტა დანილოვნა ისე არხეინად შეხვდა თავისი ასულის ნათქვამს, პეტრე კიდეე უფრო მეტად გაოცდა.

სიღედრი უცებ წამოდგა, კაბა ჩამოისწორა, მხარზე მოგდებული აბრეშუმის თავსაფარიც მოიკოხტავა და ღიმილით თქვა:

— შენ მუხლებზე ჩოქვით შეეხვეწები კაცებს, ჩემთან მოდიოთ, მაგრამ ვერ მოგართვეს, ღმერთმანი, არავინ მოგეკარება. აი, ეს ერთი — მარტა დანილოვნამ პეტრეზე ანიშნა. — სულელი გამოგიჩნდა მხოლოდ. თანაც შენ ცი არა, მამაშენმა გამოიჭირა იგი. მეტი ბრიყვი, იცოდე, აღარ გამოჩნდება! კარგად დაიხსომე ჩემი სიტყვა — აღარ გამოგინჩნდება-მეთქი! ვის რად უნდა შენისთანა ავი და გაქუცული ვირთხა?!

მერე მარტა დანილოვნამ თეძოები შეათამაშა, გავიდა გვერდითა ოთახში, იქიდან შინა ოთახში და მეზონინის კიბეს აუყვა.

საბადოზე მარტა დანილოვნა გაემგზავრა და მალე მისგან მოვიდა ამბავი, ფედორ ნიკიტინი გარდაიცვალაო...

მართა დანილოვნამ ქმარი საბადოს სასაფლაოზე დაკრძალა, თავად კი ჭერჭერობით საცხოვრებლად დარჩა დაბაში, ოქროს მაძიებლებსა და გაქცეულ კატორღელებთან.

რამდენიმე თვის შემდეგ პეტრესა და ოლიმპიადამდე მოაღწიეს ხმებმა, მართა დანილოვნა ცოლად გაჰყვა საბადოს ახალ მმართველს და დიდ სიმდიდრესა და პატივში ცხოვრობსო...

სოფელ ილნისკოეს არქივში ინახება გრაფ სერგეი გრიგორევიჩ სტროგანოვის ბრძანება, 1848 წლის 22 ოქტომბრით დათარიღებული.

...ნიკიტა კოლცოვზე უწყისით 99 მან. 293/4 კაპ. დავალიანება ირიცხება, რაც უნდა გადაიხადოს პიოტრ კუზნეცოვმა, რომელიც კოლცოვის ნამულის მემკვიდრეა. მაგრამ 1849 წლის კრებულში¹ ამ ვალის ანგარიშზე არაფერია გადახდევინებული, თანაც კუზნეცოვი კარგი ქონების პატრონია და მე ბილიმბაის სამმართველოს მეშვეობით ათასი მანეთი შემომთავაზა ყმობიდან თავის გამოსასყიდლად! მაშასადამე, ნათელია, რომ მევალეს ბილიმბაიში სახლიც აქვს და კაპიტალიც; ჩემი ვალის გადახდა კი ფიქრადაც არ მოსდის, ხოლო ადგილობრივი ხელისუფლება ამაზე არაფერს ეუბნება და მხოლოდ იმით კმაყოფილდება, რომ აღნიშვნებს აკეთებს უწყისში, რასაც არავინ აქცევს ყურადღებას. შენიშვნას ვიძლევი რა მდიდარი მევალისადმი ასეთი ღმობიერებისათვის, მინაწერს ვაკეთებ, რომ დაუყოვნებლივ გადახდევინოთ მას აღნიშნული თანხა ნაღდ ფულად, ხოლო თუ კვლავ თავს აარიდებს გადახდას, კოლცოვის სახლი ჩამოერთვას და ბინად მიეცეს მოსამსახურეებს.

გრაფი ს. გ. სტროგანოვი.

ეტყობა, გრაფი, ვინც ამდროისათვის უკვე თავისი ცოლის, ნატალია პავლოვნას მხრიდან სტროგანოვთა პერმის სამფლობელოების მემკვიდრე იგახდა, გაცეხებული იყო, თუ მის შინაყმას პეტრე კუზნეცოვს საიდან ჰქონდა ამდენი ფული.

მართლაც, ამაზე ბევრს ლაპარაკობდნენ ბილიმბაის გამგეობაშიაც და მთელ ბილიმბაიშიც. პეტრეს ხომ ხელფასისა და წამლობაში აღებული რაღაც გროშების ფარდა სხვა შემოსავალი არ გააჩნდა.

¹ ამ შემთხვევაში იფულისხმება მამულიდან წლიური შემოსავლის კრებული (ავტორის შენიშვნა).

აბა, ვის ეცოდინებოდა შორეული, პეტერბურგში მომხდარი ამბავი. როცა პეტრე კუზნეცოვმა თავადის ვაჟი განკურნა? ვის ეცოდინებოდა, რომ პეტრემ, რომელმაც თავის დროზე უარი თქვა გასამრჩელოს აღებაზე, მოგვიანებით მაინც სთხოვა ფული თავადს და მისი თხოვნა უპასუხოდ დარჩა? თუმცა თავადის სიკვდილის შემდეგ რამდენიმე წელიწადი რომ გავიდა, პეტრემ მაინც მიიღო ის ფული. მერე ვის მოაგონდა მკურნალი შინაყმა? ვინ ანაზღაურა ასე კვლახვად მისი დიდი სამსახური?

დღიურში მხოლოდ მოკლედ, მშრალად წერია:

ყრმობიდან გამოსასყიდი ფული უკვე მაქვს. ჩემი შრომა ანაზღაურებულია.

ამ ფურცლამდე დღიურში არანაკლებ ათი ფურცელი მაინც არის ამოხეული. მაგრამ საიდუმლო, რაც ცხრაკლიტულშია ჩაკეტილი, ზოგჯერ გამოაშქარავდება ხოლმე. ერთ-ერთ არქივში მასალებს რომ ვარჩევდი, ჩემი ყურადღება მიიქცია ერთმა შენიშვნამ გახეთში „სამანუფაქტურო და სამთამადნო-საქარხნო ამბები“, რომელშიც მოხსენიებულია, რომ 1848 წელს თავად №-ის ვაჟმა მონახულა ბილიმბაის ქარხანა და მეც ფონებაში აღვადგინე რამდენიმე ფურცელი, ამოხეული რომ არის იმ ჩემი წინაპრის დღიურიდან...

პეტრეს აღარც სურდა მოეგონებინა ის იმედები, ოდესღაც, ახალგაზრდობაში, თავადის დაპირებული უგასამრჩელო რომ აღუძრავდა.

თავადის სიკვდილის ამბავი რომ გაიგო, იმედი მთლად გადაუწყდა.

დრო კი მიდიოდა.

ერთხელ პეტრე ქარხნის კანცელარიაში მაგიდასთან იჯდა, რომ უცებ მოესმა ოთახში ნათქვამი: „მისი ბრწყინვალეობა მოვიდა“. ჯერ იყო და, პეტრემ იფიქრა, ალბათ, მომეყურაო. მაგრამ თავადის გვარი გარკვევით წარმოთქვა ბულალტრის მეორე თანაშემწემ, ანტონ პეტროვიჩმა.

— შენ არ კი იცი, რა სახელოვანი სტუმარი ეწვია ჩვენს გამგე-

ობას, — უთხრა მან პეტრეს და გაიმეორა ახალგაზრდა თავადის გვარი.

პეტრეს ხელები აუკანკალდა. პირველად იმ აზრმა გაუყვლა თავში, რომ ეს შემთხვევა ხელიდან არ უნდა გაუშვას. ახლაც უნდა მივიდეს თავადთან და ფულზე მოელაპარაკოს. მაგრამ წამსვე მიიღო სხვა გადაწყვეტილება: იქნებ თავადმა არ იცის, რა ვილაპარაკეთ მე და მამამისმა და რას დამპირდა მოხუცი თავადი? ისე გამოდის. ფული უნდა გამოვძალოო... არა, არასოდეს არ დაიმცირებს თავს! მას, ისევე, როგორც ყველა ადამიანს, გააჩნია ადამიანური ღირსების გრძნობა. ბუნება ამ ნიჭით ყოველ კაცს აჯილდოებს — მისი ბრწყინვალეობა იქნება იგი თუ ყმა გლეხი, სწავლული თუ უცოდინარი. ცხოვრების ორომტრიალში ზოგჯერ ხდება, რომ ადამიანი კარგავს ამ გრძნობას, მაგრამ პეტრე მას ისევე უფრთხილდება. როგორც სალოცავს და ამაყობს კიდევ საკუთარი ღირსების გრძნობით.

და მაინც, სამუშაო დღე რომ ჩათავდა, პეტრეს არ უჩქარია შინ წასვლა. იგი ელოდა სასწაულს, მაგრამ სასწაული არ მომხდარა.

შინ დაბრუნებულ პეტრეს არაფერი უამბნია ოლიმპიადასათვის. მაგრამ ისეთ დღეში იყო, ცოლმა რამდენჯერმე შემფოთებით თვითონ ჰკითხა:

— ავად ხომ არ გახდი? ვინმეს ხომ არ ელოდები? სამსახურში რაიმე ცუდი ხომ არ შეგემთხვა?

— არა, არავის არ ველოდები. ჯანმრთელადა ვარ. ცუდი არაფერი შემმთხვევია, — მერე, ცოტა ხანში, მაინც წამოსცდა ნაღვლიანი ხმით: — იცი, ოლიმპიადა, სასწაულის მოლოდინში ვარ!

ოლიმპიადა ფედოროვნამ საჩქაროდ გადაიწერა პირჯვარი: ღმერთო ჩემო, ხომ არ გადამერია ცაციო!

და სწორედ ამ დროს ვიღაცამ ფრთხილად მოაკაკუნა კარზე.

პეტრემ უცნაურად შეხედა ცოლს, პერანგი ჩაისწორა, თმაზე ხელი გადაისვა და კარის გასაღებად გაემართა.

სიბნელეში მან დაინახა მალალი, ქალაქურად ჩაცმული ახალგაზრდა კაცი. ზოლო როცა სტუმარი წინა ოთახში შემოვიდა, იცნო იგი: იცნო ის სანდომიანი, კეთილი სახე, შავი თვალების სერიოზული, ტანჯული გამოხედვა. გულის ატკივებამდე რომ აგონებდა იმის გამოხედვას...

— რაო, პეტრე, მიცანი?

— იციანით, თქვენო ბრწყინვალეზავ, — მდაბალი თავის დაკვრით მიესალმა პეტრე.

ოლიმპიადა განცვიფრებით მიშტერებოდა მოსულს.

— გიკვირს, განა?

— მიკვირს, — გულახდილად უთხრა პეტრემ, მერე თავს მოერია და ხელი გაიწოდა, რათა თავადისათვის პალტო ჩამოერთმია. — მობრძანდით. ძალზე მიხარია თქვენი ნახვა, თქვენო ბრწყინვალეზავ...

ოლიმპიადა მაშინვე ოთახის მოწესრიგებას შეუდგა.

— ეს ჩემი მეუღლე ოლიმპიადა ფედოროვნა გახლავთ. — წარუდგინა ცოლი პეტრემ.

ოლიმპიადამ მდაბლად დაუკრა თავი. მერე ხელად აკრიფა ზავშვის აქეთ-იქით მიმოყრილი სამოსი, სათამაშოები და საწოლ ოთახში შეყარა, მერე კი, როგორც ეს ქალებმა იციან ხოლმე, რამდენიმე წუთში მთლად შეცვლილი გამოვიდა სტუმართან: ახალი კაბა და ფეხსაცმელი ეცვა, თმა იგულმოდგინედ დავარცხნა.

— იქნებ იკვიდროთ და ჩაი დალიოთ ჩვენს ოჯახში? — გაუბედავად ჰკითხა ოლიმპიადამ, მაგრამ პასუხი არავის გაუცია და ქალიც გაემართა სამზარეულოსკენ, რათა სამოვარი გაეჩაღებინა.

სტუმარი კი უკვე მაგიდასთან მიდგმულ მერხს მიჭდომოდა — ლამაზი ყმაწვილი კაცი იყო, მშვიდი, მტკიცე, თავის თავში დარწმუნებული... სწორედ ამ თავდარწმუნებით გამოარჩევდით აქაურებისაგან, თანაც როგორ აღამაზებს თურმე ადამიანს ეს თავდაჯერება!

თავადი თითქოს მიუხვდა პეტრეს, რასაც ფიქრობდა და გულში ჩამწვდომად უთხრა:

— ყველაფერს შენ უნდა გიმადლოდე, პეტრე! არ გეგონოს, უმადური ვიყო. უბრალოდ, აქამდე მატარა ვიყავი. დიდი ხანი არ არის, რაც გავიგე, რომ მამაჩემს თურმე არ გადაუხდია შენი ვალი... საგანგებოდ ამისთვის არ წამოვსულვარ, შემეძლო კაციც გამომეგზავნა, მაგრამ გზა აქეთ მედო და ვიფიქრე, ვნახავ-მეთქი. იცი, ამ ბოლო წლებში ერთთავად დეკაბრისტების ცოლებზე ვფიქრობ. უბრალოდ, წარმოუდგენლად მეჩვენება მიატოვო პეტერბურგი, ფუფუნება, პატივი და ქმარს გაჰყვე გადასახლებაში — ციმბირში. მინ-

...ღოდა, ჩემი თვალით მენახა ეს ქალები. დავრწმუნებულიყავი, რომ ქვეყნად მართლაც არსებობენ ისინი. მენახა მათი ქმრები, მეთქვა მათთვის, რომ ბედნიერი ხალხია, რადგან ასეთი ქალები უდგანან მხარში. ბილიმბაიში შემოვლით სულაც არ ვიშორებდი გზას, ჰოდა, მეც ქარხნის დათვალიერება მოვიმიზნე.

მერხზე, თავადის გვერდით, იღო მაგრად გატენილი ტყავის ჩანთა. თავადს არ აუღია იგი ხელში, მხოლოდ პეტრესკენ მისწია.

— აი ეს შენია. მე კარგად აეწონ-დაეწონე, რისთვის უნდა დაგჭირებოდა ყველაზე მეტად ფული, და გადავწყვიტე, ალბათ, თავი-სუფლების მოსაპოვებლად-მეთქი, მერე ვითხოვე ზუსტად ეანგარიშათ ჩემთვის, რა დაჯდებოდა ოჯახის სამი წევრის გათავისუფლება. მითხრეს, სამიათასი ვერცხლის ფულიო. ამ ჩანთაში სწორედ სამი ათასია. შენი კუთვნილი სამი ათასი, პეტრე!

ოლმპიადას იქითა ოთახში ესმოდა მათი საუბარი და გულზე იტაცა ხელი. მერე შემოვარდა მათთან, ფეხებში ჩაუვარდა თავადს და ქმარსაც აიძულებდა დაეჩოქა მის წინ.

მაგრამ თავადმა წამოაყენა მტირალი ოლიმპიადა, პეტრეს გვერდით მიუსვა და თავადაც მათზე არანაკლებ აღელვებულმა უთხრა:

— ვითომ, ეს რა საჭიროა? ჩვენ, კაცმა რომ თქვას, ბარიბარში ვართ. არაფერიც არ მომხდარა განსაკუთრებული. ეს არის მხოლოდ, თქვენს თვალში მე და მამაჩემი წესიერ ხალხად დავრჩით. ეს ზომ ასეც უნდა იყოს. აღამიანი ვალდებულება, წესიერად მოიქცეს — აი ის კი, რომ ყველაფერი მიატოვო და ქმარს ციმბირში წაპყვე — გმირობაა. ასეთი საქციელისათვის შეიძლება მართლაც დაუჩოქო კაცს. მეც სწორედ მუხლზე ჩოქვით ვუხდი მადლობას მათ.

რამდენი სიხარული, სინათლე და იმედი შემოიტანა ამ კაბუკმა იმ საღამოს პეტრეს ოჯახში!

— იცით, თქვენო ბრწყინვალეებავ, პატარაობაში ბიჭები ზოგჯერ უფროსებს შავ ფულს გამოვართმევდით ხოლმე და ვთამაშობდით, შევისროდით მალლა და ვუყუარებდით, როგორ დაეცემოდა, რა მოხვდებოდა მალლა: „ორიოლი“ თუ „რეშკა“, გამარჯვება თუ მარცხი? მე მეგონა, მუდამ „რეშკა“ შემხვდებოდა. და, აი, ახლა, ხომ ხედავთ, „ორიოლზე“ დამიჭდა.

ილინსკოეს არქივში ინახება გრაფ ს. გ. სტროგანოვის ბრძანების დედანი.

1850 წლის ნოემბრის თვის წერილი № 179 პერმის განუყოფელი ადვილ-მამულის მთავარ მმართველს.

თქვენი წარდგინების პასუხად... (ამა წლის 19 აგვისტო, № 470) ბილიმბაის მოსამსახურის, პიოტრ იაკოვლევჩი კუზნეცოვის ყმობიდან განთავისუფლების თაობაზე გაცნობებთ, რომ თანახმა ვარ მისი განთავისუფლებისა, მხოლოდ იმ პირობით, თუ იგი ჩვენს ეკონომიაში შეიტანს: განთავისუფლებისათვის 900 ვერცხლის მანეთს, მისი ზაპის (ცოლის მხრით) ნიკიტა კოლცოვის ვალს 99 მანეთს და 29 კაპ. ვერცხლით და ზაზინის გადასახადს 18 წლისას 1 მან. 463/4 კაპ. ვერცხლით წლიურად; რადგან კუზნეცოვი ჩაწერილია ახალ რევიზიაში, გარდა ამისა, უნდა გადაიხადოს, რაც მას წილად ზედება, ბანკის გადასახადიც. თანაც მთავარი სამმართველო ვალდებულია, თვალყური ადევნოს, რა თანხას გადაიხდის კუზნეცოვი თავისუფლების ქაღალდის დამოწმების დროს და შეატყობინოს მთავარ კანტორას ეს ამბავი; თან გირთავთ რა ამასთან კუზნეცოვის თავისუფლების ქაღალდს, გავალებთ, განკარგულება გასცეთ, ამ ქაღალდის გაცემის დროს გადაახდევინონ მას ყველა ზემოთხსენებული თანხა, რაც ბატონთა ეკონომიას შეემატება.

ამ დოკუმენტის მეორე მხარეს წერია:

ეს ბრძანება და მისი თანმხლები კუზნეცოვის განთავისუფლების ქაღალდი გადაეცემა მთავარ სამმართველოს, რათა მან გვაცნობოს, ვისი პირობით შეატყობინონ კუზნეცოვს, რომ აქ გადმოგზავნილია განთავისუფლების ქაღალდი და მისი ბრწყინვალეების ახალი პირობები და მოეთხოვოს მას ფული, რაც გადასახადად ერგება ბრძანების თანახმად უკვე მისგან მიღებულ 1 ათას ვერცხლის მანეთს გარდა. ასევე გამოეცხადოს კუზნეცოვს, რომ განთავისუფლების ქაღალდის სისხლის სამართლის სამოქალაქო სასამართლოს პერმის პალატაში დამოწმება უნდა მოხდეს მისი მხრით და არა სასამართლოს მხრით, ან პირადად უნდა იზრუნოს ამაზე, ან დაავალოს მასზე ზრუნვა ვისაც სურს.

მთავარი მმართველი ვ. ვოლევოვი,
1850 წ., 22 ნოემბერი, ილინსკოე.

მერე ამას მოსდევს:

გრ. ს. გ. სტროგანოვის მმართველობა 1848 წ-დან 1851 წ-დე.
1850 წლის 25 ნოემბრის წერილი, ქ. მოსკოვი.

პერმის განუყოფელი ადგილ-მამულის მთავარ მმართველს.

წინადადებას გაძლევთ, მსახურ პეტრე კუზნეცოვის მიერ მისი ყმო-ბიდან განთავისუფლების საფასურად გადმოცემული 1000 ვერცხლის მან. შეიტანოთ ბილიმბაის სამმართველოში იმ თანხის ანგარიშში, რაც დანიშნულია ბილიმბაიელ გადმოსახლებულთა საბოლოოდ დაბინავები-სათვის.

გრაფი ს. გ. სტროგანოვი.

ჩემი დიდი პაპის დღიურში კი ჩაწერილია:

აღვსილმა ენით უთქმელი სიზარულით, აღსავესემ მადლობით ზენა-არისადმი და ჩემი კეთილი მღვდელმთავრისა და სასწაულთმოქმედ პეტრესადმი, დიდი ხნის ნანატრი თავისუფლების ქალადი, როგორც იქნა, მივიღე 1851 წლის 22 იანვარს საღამოს 7 საათზე. აუწერელი იყო ჩემი სიზარული.

წარმოდგენილი მაქვს ზამთრის ეს საღამო. ეს საათი, რომელზე-დაც გაუბედავად და მალულად ოცნებობდა პიოტრ იაკოვლევიჩი ჭერ კიდევ პატარა ბიჭობაში, ოცნებობდა ჭაბუკობაში და ოცნებობ-და, როცა უკვე ოჯახის პატრონი იყო. რა მშვენიერი, მრავლისაღმ-თქმელი ეჩვენებოდა ცხოვრება ამ წამს. იგი აზატი გახდა, შეეძლო გაეკეთებინა, რაც სურდა! სწამდა თავისი ძალისა! იგი ბედნიერი იყო!

Кузнецова Агния Александровна

ДВА РАССКАЗА

(На грузинском языке)

Детюниздат Грузинской ССР

«Накадули», Тбилиси, 1988

რედაქტორი მ. ზუბადალაშვილი
მხატვარი ი. დუნდუა
მხატვრული რედაქტორი ჯ. ყავლაშვილი
ტექნიკური რედაქტორი ნ. შველიძე
კონტრ.-კორექტორი ლ. სულთანაშვილი
კორექტორი ქ. გუნცაძე
გამომშვები ნ. კაკაშვილი

გადაეცა ასაწყობად 2.09.87. ხელმოწერილია დასაბეჭდად 20.01.88.
ქალაქის ზომა 60×84¹/₁₆. გარნიტური ეენა. ბეჭდვა მაღალი. პირობითი ნაბეჭდი თაბახი 16,74. საბ. ქალაქი № 1. საღებავგატარება 17,2. სააღრ.-საგამომცემლო თაბახი 14,1.

ტირაჟი 20.000 შუკვ. № 595.

ფასი 1 მან. 10 კაბ.

გამომცემლობა „ნაკადული“. თბილს., მშვიდობის გამზირი № 28.
Издательство «Накадули», Тбилиси, пр. Мира 28.

საქართველოს სსრ გამომცემლობათა, პოლიგრაფიისა და წიგნის ეპკრობის საქმეთა სახელმწიფო კომიტეტის ბეჭდვითი სიტყვის კომბინატი, თბილსი, მარჯანიშვილის ქ. № 5.

Комбинат печати Государственного Комитета Грузинской ССР по делам издательств, полиграфии и книжной торговли, Тбилиси, ул. Марджанишвили, 5.